

LL

LLLL

W. G. G.

Probatio  
Lucas. Calama

Lucas. L

~~From the ...~~  
~~...~~  
1830.

Pro M. R. ...  
Groschowski ...  
L. S. ...

Levik. Lucas  
7. 7. 30.

W. G. G.  
30



# THEOLOGIA ASCETICA.

Ad Mentem S. BONAVENTURÆ  
SERAPHICI & Extatici DOCTORIS  
*Continens varia exercitia & modos acqui-  
rendi perfectionem Religiosam.*

## CONCINNATA.

PER

P. F. CHRYSOSTOMUM DOBROSIEL-  
SCIUM, Ordinis Minorum Reformatorem, in  
Provincia S. Mariæ Angelorum Minoris  
Poloniæ olim Magistrum Novitiorum  
& Provinciæ Patrem.

*Post priorem editionem ab eodem ali-  
quatenus in compendium.*

## REDACTA & IMPRESSA.

Cum facultate Reverendissimi Patris

CHERUBINI à MARDO

SUPERIORIS GENERALIS,  
& approbatione Censoris Diocesani, ac Theolo-  
gorum Ordinis, quæ videri possunt in Libris præ-  
terita editionis 1703.

*Nunc autem Reimpressa 1731.*

C R A C O V I A,

Typis JACOBI MATYASZKIEWIC S. R. M. Censu-  
mi & Reverendissimi D. Episcopi Cracoviensis,  
Ducis Severiæ Ordinarij Typographi.



*Leonardus Julianus*  
**REIMPRIMATUR.**

*Reserabz Jacobus*  
**M.** MARTINVS WALESZYN  
SKI Sacrae Theologiae Doctor  
& Professor Collega Major,  
CANONICVS Cathedralis Cracovi-  
ensis, Premycoviensis & montis S. GE-  
ORGII in Scepusio PRÆPOSITVS,  
Studij Generalis Vniversitatis Craco-  
viensis PROCANCELLARIVS, Li-  
brorum per Diæcesim Ordinarius  
CENSOR.

*Datum* Collegio Majori 10. Calen-  
*Datum* das Junij 1731.





# PROLOQVIVM

## De Theologia Mystica & Ascetica.

**T**heologia quæ ex vi nominis est noticia DEI; multiplex habetur, ut potè Scholastica Moralis, Scripturalis, ac Mystica seu Ascetica: quarum tres priores, tum ad defensionem fidei Orthodoxæ, tum ad directionem conscientiarum, tum ad profundius cognoscendos varios sensus Sacræ Scripturæ, non diffiteor esse Ecclesiæ CRISTI summè perutiles. Caterùm Theologiam Asceticam seu Mysticam his tribus esse fructuosiore[m] dicere aulam, per quam homo ad noticiam DEI Divinorumq; proprius (quia curiosis intermissis speculationibus) accedit; intimius (quia totis viribus animæ intellectus & voluntatis) sacris illis abditis se inlinuat, cognitis veritatibus firmitus (quia ipsis anagogiis & sollicita virtutum praxi) inhæret. Porro etsi pro synonymis plerumq; habeantur Ascetica & Mystica Theologia, tamen congruè Author in sua priori editione eas inter se differre notavit. imo. Quia Ascetica habet cognitionem divinorum affectivam, ordinario modo acquisitam, media nimirum cognitione discursivâ ac intellectivâ: imò etiam habet extraordinariè menti humanæ venientem; qualem putâ esse non solum secundum quid, verum etiam absolutè seu simpliciter infusam; sed nō nisi per accidens, quæ scilicet in modo operandi non excedit ordinariam: & huiusmodi cognitio affectiva, alias vocari solet sobrie experimentativa, seu exper-

perimentalis. *Myſtica*, vero habet notitiam affectivam extraordinariam; ut potè per ſe ſimpliciter infuſam; quam alias vocant ecſtaticè experimentalem, nullius puta oratione ſeu ſermone explicabilem. *2dò*. differunt inter ſe, quia *Alcetica* Theologiæ natura eſt, contemplari divina ordinariè tantùm, & activè ſeu operativè ſe habere in DEUM, dùm inter illum & animam rationalem ſobriam vult efficere unionem. *Myſtica* verò extraordinariè DEUM contemplatur, necnon paſſivè & còoperativè ſolum habet ſe in DEUM dùm inter illum & humanum ſpiritum ecſtaticam unionem celebrare intendit. *3iò*. Quia per *Alceticam* Theologiam (quæ eſt propria ac ſpecialis diſciplina cujuſcunq; inſtituti Religioſorum; nam tractat de omnibus ijs, quæ peculiariter ſunt tam de neceſſitate, quam de perfectione illorum ſtatûs & vocationis) rectè itur ad *Myſticam*. Unde *Alcetica* Theologia largè nimirùm ſumpta nihil aliud eſt, quam clauſtralis diſciplina, Regularis Obſervantia, ſtudium virtutum, notitia mortificationis internæ, & uſus bonarum operationum, DEI què ac divinatorum ſobriè ſapida ſcientia. *ſtrictè* verò accepta, ſolam ſignificat ſobriam ſapientiam, ſeu ſobriè ſapidam divinatorum ſcientiam, ſecundum quam deſinit in *Myſticam* Theologiam, ut potè largè ſumptam, ita ut etiam primus gradus ejus eſſe dicatur. *Myſtica* autem Theologia, vel ſalias *arcana* Theoſophia ſtrictè nimirùm ac propriè ſumpta, idem eſt quod ſecretiſſima ac ſacraſſima (juxta nominis ſui ſignificationem.)



## P R O L O Q U I U M. 3

DEI Sapientia, seu sapida & ecstasica divinorum  
notitia, scholasticis scriptoribus & Asceticis The-  
ologis minimè perspecta ipsis paucissimis danta-  
xat, solisq; selectissimis spiritualibus viris divinitus  
revelata, cæteris, quamvis studium perfectionis  
diligentibus, ab ejus participatione exclusis. Cum  
ergo per imperfecta ad perfectiora, per viam &  
media ad terminum finemq; tendendum sit, pro  
feliciiori ac faciliiori progressu in via religiosæ per-  
fectionis hic Ascetica Theologia nonnihil com-  
plananda assumitur. DEI autem erit, Spiritûsq;  
ejus, qui facienti quod in se est, non denegat gra-  
tiam, spiratq; ubi vult, hæc ordinaria exercitio-  
rum decurrenti studia, illius extraordinariæ no-  
titiæ aperire ianuas, & in intimiora Theologiæ,  
quæ strictè Mystica dicitur, introducere.

Hoc totum Opus dividitur in septem Tracta-  
tus. *1m*us est de modo mentaliter orandi in com-  
muni & in particulari. *2dus* de testamento animæ  
& pactis anagogicis. *3ius* de Præsentia DEI. *4tus*  
de Recollectione quotidiana & octidiana. *5tus*,  
de Virtutibus. *6tus* de Vitijs. *7mus*. de tentatio-  
nibus & remediis contra eas.

## T R A C T A T V S I.

*De modo Institutiendi Mentalem Orationem.*

### I N T R O D V C T I O.

**I**ntroductionis partes sunt quatuor. *1ma*. Defini-  
tionem. *2da*. Materiam, *3tia*. Modum meditandi.  
*4ta*. Ordinem demonstrat.

#### 4      T R A C T A T U S. I.

*Quo ad unum.* Oratio mentalis (praxim fidei My-  
sterium ascericè meditandi complectens) defini-  
tur. Quod sit Instrumentum præstantissimum, ne-  
cessarium, utilissimum, ac DEO acceptissimum,  
acquirendæ Christianæ perfectionis, ipsiusq; DEI  
ac divinorum experimentativæ notitiæ: in qua con-  
sistit ratio Asceticæ & Mysticæ Theologiæ. Sed  
hæc definitio est solum commendatoria & ab effe-  
ctu desumpta. Unde in veteri summario Asceticæ  
& Mysticæ Theologiæ parte 1. fol. 629. aliter  
definitur sic: Oratio mentalis est elevatio mentis  
in DEUM per quam sine strepitu verborum, vel  
mala deprecamur, vel bona nobis alijsq; poscimus,  
vel DEUM laudamus, honoramus benedimus, vel  
DEO gratias agimus, dilectionem nostram pandi-  
mus.

*Quoad 2dum.* Materia Orationis duplex *Commu-  
nis seu Remota*, quæ omni Theologiæ comperit,  
& remotè disponit voluntatem ad amandum DEUM  
Et hæc est S. Scriptura, imò omnis creatura. Asce-  
ta enim potest elicere bonum, etiamsi ex malo,  
sicut apis ex luto ceram. Ex peccatore elicit mise-  
ricordiam DEI, ex dæmone justitiam, ex inferno  
aversionem à malo, & *Specialis seu Proxima*, quæ ef-  
ficaciter nos inflammat ad amandum, timendum  
& imitandum DEUM. Talis est Passio CHRISTI,  
& quatuor novissima. Quia hæc plus & propin-  
quius quam cætera nos tangunt & concernunt.

*Quo ad 3rū.* Oratio mentalis duobus modis in-  
struitur. imò. Sigillatim ac membratim, puncta  
Mysterii considerando; sed in hoc intellectus ma-  
gis



## INTRODUCTIO. 5

gis operatur consideratione, quā voluntas affectu, 2do. Simul totum Myſterium intellectu apprehendendo, & voluntate excitando, affectus, actusq; elicendo.

*Quo ad 4tum.* Ordo & modus optimus dividendo in dies ſeptimanz materiam meditandam. Die Dominico mane, aſſumatur ad meditandum Myſterium CHRISTI Paſſionum & actionum in horto. Veſperi verò, Myſterium beneficiorum DEI.

*Feria 2da manè.* Myſterium proditiōis & comprehensionis CHRISTI, & paſſionum in domo Caiaphæ uſque ad lucem. Veſperi, de peccatis.

*Feria 3tia manè.* Myſterium calumnioſæ accuſationis CHRISTI coram Pilato, & irriſionis ab Herode. Veſperi, de Miſeriis.

*Feria 4ta manè.* Myſterium flagellationis CHRISTI, Veſperi, de noviffimo mortis humanæ.

*Feria 5ta manè.* Myſterium Coronationis CHRISTI ſpinea corona. Veſperi, de Noviffimo Judiciij.

*Feria 6ta manè.* Myſterium Crucis bajulationis. Veſperi, de Noviffimo Inferni.

*Sabbato manè.* Myſterium Crucifixionis CHRISTI, inter duos latrones, Veſperi Myſterium gloriæ cæleſtis. Quolibet die Communionis, Myſterium Sacroſanctæ Euchariſtiæ.

## P R A X I S.

### *Mentaliter Orandi.*

**O** Ratio Mentalis tres habet partes: Preparati-  
onem, Meditationem & Concluſionem. Præ-  
paratio tribus conſtat particulis *nam* conſtituitur

apprehensio præsentia Omnipotentis DEI, illiusq; submissa mente adoratio & confessio. Quod per tales potest fieri actus. Te unum in TRINITATE Personarum, & Trium in Unitate substantia pronus adoro. Te Dominum meum, & DEUM meum fideliter confiteor. *2dam* particulam constituit, Imploratio Cælestis auxiliij ad repellendas tentationes mentem distrahentes, ac studium orationis perturbantes; gratiaquæ divinæ intellectum illuminantis & voluntatem commoventis ad devotè orandum ac incitantis ad fugienda mundana & insequenda cælestia. Cujus rei tales esse possunt actus. Adjuva me & salvus ero, & meditabor in justificationibus tuis. Faciem tuam illumina super servum tuum, & doce me. justificationes tuas. Mentem meam imple superna gratia ad contemendum mundum, meq; ipsum abnegandum, & ad cælestia magis ac magis cognoscenda & appetenda. *3tiam* particulam constituit applicatio mentis & imaginationis ad Mysterium seu Objectum de quo instituenda est Meditatio.

*Meditatio* tribus item particulis constat, quarum primam constituunt Considerationes intellectus: alteram veto atq; tertiam Affectus & Actus Voluntatis.

Considerationes quidem cujuscunque Mysterij seu materia ad meditandum venientis sex assignantur. Uti sunt: Quis, Quæ, A quo, Pro quo, Quomodo, Quam ob causam. Affectus autem & Actus multiplicentur magis vel minus, pro opportunitate ac devotione Orantis.

Idem



# INTRODUCTIO. 7

Idem quippe sunt Considerationes juxta sui nominis Ethymologicam significationem, quod considerantis rationis studiosæ recogitationes veritatum alicujus Mysterij ad meditandum assumpti, jam scilicet ante hæc per quæcunq; studia intellectiva inventarum.

Affectus vero idem sunt, quod motus voluntatis necdum efficacis, ut pote passivè se habentis, excitati ab objecto spirituali cum gratia DEI prave-niente, ad aliquid fugiendum, quod est DEO exosum; & insequendum, quod est DEO gratum.

Actus denique idem sunt, quod motus voluntatis efficacis, ut pote activè se habentis, gratiæ auxilij comitantis cælitus adjuti, atq; in DEUM, ut summè honorabilem, amabilem, imitabilem, laudabilem directè elevati. Ac inde dicuntur actus Anagogici, id est affectus sursum acti, vel sursum ducti. Anagogia enim juxta D. Boni dicit sursum actionem, seu sursum ductionem. Ubi autem hujusmodi actus evaserint ferventes, ac sapore virtutum Asceticarum satis fuerint conditi, jam ab Ascetis alternatim dicuntur actus affectuosi, id est ter-vidi ac inflammati, & affectus actuosi, id est activitate sua mentis humanæ Asceticè purgatæ menti Divinæ Unitivi.

Nota inde, quod meditatio ingrediens Orationem non est intellectiva sed affectiva. Meditatio namq; intellectiva dicit inquisitionem veritatum alicujus Mysterij, prius propter ipsum scire ab Ascetis extra Orationem exercendam per studia videlicet scripturarum lectionum, per instructiones Magistri Spiritu-  
alis,

alis, per conferentias cum spiritualibus personis, per operationes seu discursus proprii intellectus; ac demum per documenta S. Scripturæ & SS. Patrum. De hac Meditatione est illud *Ps 118.* super omnes docentes me, intellexi, quia mandata tua quasi.

Meditatio autem affectiva, dicit inquisitionem piarum affectionum per studiolas recogitationes alicujus Mysterij veritatum, earumq; ad meditantis conscientiam reflexionem; à qua stimulata voluntas, pium concipit affectum, qui citò excrescit in ipsum actum Divini *scilicet* amoris, peccatorum detestationis, aliosque similes. De hac Meditatione illud est *Ps 118.* Meditatio cordis (id est affectus) mei, in conspectu meo semper. Et *Ps 38.* Concaluit (pia affectione) cor meum intra me, & in meditatione mea exardescet ignis (actuum anagogicorum.)

*Nota item,* quod affectiva Meditatio (juxta D. Bon:) est quasi medijs animi actio, id est omnium virium animæ rationalis exercitatio. Nam ad formandas considerationes & concipiendos affectus, & producendos actus tota anima nostra debet esse intenta secundum omnes suas vires. Uti sunt Ratio, Synteresis, Conscientia & Voluntas. Ubi enim v.g. de Inferno, vel Gloria cælesti meditatio instituitur. Ratio proponit: Quis condemnabitur? vel Quis salvabitur? Synteresis vel alias Intelligentia simplex per Meditationes intellectivas instituta responder. Damnabitur, habens hæc signa N.N. reprobationis. Vel salvabitur, habens  
signa



## I N T R O D U C T I O. 9

signa hujusmodi N.N. prædestinationis. Ratio-  
li responsione accepta atq; recogitata convincitur  
ejus veritate: quam protinus reflectit ad consci-  
entiam suam, cum qua examen constituit de homi-  
ne suo, habeatne hujusmodi recensita signa nec ne?  
*Conscientia* uti suorum malorum & bonorum con-  
scia, quod verum est faretur, eoquè ipso stimulat  
voluntatem, quatenus altera signa fugiat, altera  
insequatur. *Voluntas* inde pio commota affectu  
mox actu ipso sursum elevata, detestatur coram  
DEO causas reprobationis, & orat sibi dari cælis  
causas prædestinationis.

*Nota deniquè* Quod Oratio Mentalis dum est  
in acquirendo (qualem puta esse Incipientium) )  
habet Meditationem affectivam, opus spiritus pu-  
gnantis: dum verò est in esse acquisito ( qualem  
puta esse proficientium & perfectorum) habet con-  
templationem ordinariam, opus spiritus quiescen-  
tis. Meditatio quidem considerans ac recogitans  
veritates Mysteriorum fidei aspicit illas per aliud,  
vel alias assentitur ipsis propter aliud; quod puta  
esse propositiones ex natura sua magis notas, si-  
militudines, probationes, testimonia S. Scriptura  
atq; documenta SS. PP. quibus ratio convincitur,  
& voluntas in obsequium CHRISTI captivatur, ac  
sensim ipsius amore inflammatur. Contemplatio  
verò easdem veritates recogitans simpliciter (id  
est absquè hujusmodi alio) eas intuetur; & vo-  
luntas amore cælesti satis inflammata, protinus  
celeri volatu actuum suorum transfertur in DEUM.

Conclusio etiam tribus constat particulis. 1ma.

con.

10      *TRACTATUS I.*

continet septem petitiones Orationis Dominicæ, mente sursum ducendas, quarum Ordo licet juxta S. Bonaventuram posset inverti, potius tamen sic ponatur, sicut ipse CHRISTUS Dominus disposuit, cum exordio quod mentem attentam, DEO facit, si fiat humiliter, serventer, & reflexè. *Pater noster* &c. id est: *Pater* cujus filij sumus, non per naturalem generationem, sed per Spiritualem regenerationem, ac supernaturalem gratiam & adoptionem. *Noster*, qui sumus unius Voluntatis, ac unius moris in domo Ecclesiæ tuæ. *Qui es in Calis*, per gloriam, in Inferno per justitiam, ubique locorum per potentiam, præsentiam & essentiam, in animabus justis per gratiam, quæ scilicet secundum suas conscientias adinstar corporum Cælestium sunt munda, claræ & perspicibiles; secundum Voluntatem firmæ ac stabiles in optimis propositis, secundum habitus ornatae Stellis Virtutum; secundum charitatem semper fervida ac mobiles.

Petitio prima. *Sanctificetur Nomen Tuum*. id est: rogamus Te Pater Sanctissime, ut clarificetur quanto citius apud nos mortales in toto Orbe terrarum Sanctitas Nominis tui Divini (quæ est una in Substantia, & TRINA in Personis) per tuæ Fidei, Spei & Charitatis practicam cognitionem, ut ab omnibus nobis ubique locorum unanimiter perpetuò adoretur, glorificetur, magnificetur & super exalteretur. Clarificetur item apud te metipsum in nobis famulis tuis, Sanctitas Nominis tui per donum claræ visionis, securæ censionis,



## I N T R O D U C T I O. II

& jucundæ fruitionis, ut tandem æternè beati, invicem nobis gratulantes exultemus.

Petitio 2da. *Adveniat Regnum tuum* id est: præsta ut Regnum tuum Ecclesiæ militantis omnibus infidelium Regnis quam primùm dominetur suo spirituali regimine. Præsta item, ut in Regno tuo nostræ Congregationis Minoritiæ non regnet aliqua Regula Seraphicæ prævaricatio, sed vera formalis ac spiritualis observantia: & Ascetica proprii amoris atque propriæ voluntatis, propriique Judicii abnegatio, ac perfecta Domini nostri JESU CHRISTI imitatio. Præsta item, ut Regnum tuum Ecclesiæ triumphantis quam citissimè compleatur, in quo gloriosè & absolutè, tu solus regnaturus es absque ullo adversario, in nobis quidem famulis tuis per gratiam & gloriam, in inimicis verò, ac legis tuæ transgressoribus per justam punitionem sempiternam.

Petitio 3ta. *Fiat Voluntas tua, sicut in Cælo & in terra*, id est: fac tua gratia efficaci, ut sicut cælites completè Voluntati tuæ Divinæ conformes in æternum existunt, ita & nos terrigenæ eidem plenè conformemur, tam secundum legem præcepti, quam secundum legem consilij, in fugiendis videlicet malis, prosequendis bonis, & sufferendis adversis.

Petitio 4ta. *Panem nostrum quotidianum da nobis hodie*, id est: concede ut cunctis diebus nostris cum debita præparatione recipiamus panem nostrum supersubstantialem cælitis nobis donatum. Corporis Christi Domini ac Salvatoris nostri:

concede item, ut Anima nostra percipiat semper Panem spiritualem Cælestis illuminationis & inflammationis, gratiaq; Sanctitatis abundantioris, ex apprehensione Verbi tui Divini auditi nimirum, lecti & inspirati. Concede item panem corporalem in congrua sufficientia hac die, præsentis vitæ (per quam intelligimus omne illud instans, quo nostra mortalitas conservatur, uti est victus, amictus & domicilium) ad serviendum tibi commodè, absque mundana sollicitudine.

Petitio 5ta. *Et dimitte nobis debita nostra, sicut & nos dimittimus debitoribus nostris.* id est: ita ignosce nobis delicta nostra, quibus te quandocunque offendimus, tum ratione culpæ mortalis & venialis tum ratione pænæ æternæ ac temporalis, hujus futurique sæculi, sicut & nos tuâ adjuti gratia ignoscimus nostras offensas ac injurias adversarijs, inimicisque nostris, nullam ex eis coram te, & coram hominibus satisfactionem requirentes, tam in præsentī, quam in futuro sæculo.

Petitio 6ta. *Et ne nos inducas in tentationem.* id est: non permittas nos eatenus tentari, tum per Satanam transfigurantem se in Angelum lucis, tum per dæmonium meridianum, ut prorsus decepti ementita specie spiritualis boni aut melioris aberremus infelicitèr à via tuæ veritatis ac justitiæ. Non permittas item contra nos prævalere nostrasmet passiones, atque concuscentias, ne illis debilitati deficiamus à studio vitæ spiritualis, tandemque pereamus.

Petitio 7ma. *Sed libera nos à malo.* id est: salva nos  
nos



nos tum ab omni potestate diabolica, in qua detinentur hic omnes impiè agentes, & illic omnes æterna supplicia perferentes. Tum ab omni peccato recidivationis & lapsûs, quod de dono tuæ gratiæ detestamur, & pro cunctis dolemus. Ut ab omni malo liberati, ad cæstem beatitudinem perducamur, ac suaviter canamus;

Ecce quod ante credidimus,

Quod diutinè speravimus,

Quod continuè dileximus,

Jam nunc ipsum clarè videmus;

Jam seccurè modo tenemus

Jam gloriâ fruimur ejus.

2da. Conclusionis particula. Obsecrationem DEI humillimam ac ferventissimam continet, pro obtinenda cælesti cōfirmatione omnium actuum voluntatis nostræ in præsentī oratione elicitorum. Cujus quidem obsecrationis sit hujusmodi actus ex Ps 67. Confirma hoc DEUS, quod operatus es in nobis, id est: Obsecro Domine DEUS, quatenus confirmare digneris hos omnes actus nostros, per gratiam tuam subsequenter, quos operatus es in nobis servis tuis per gratiam prævenientem, atq; nobiscum per gratiam concomitantem. Confirma obsecro, obsecro, obsecro per tua omnia sacra. Amen, Amen, fiat, fiat.

3tia. Particula Conclusionis habet perpetuam. præsentis Orationis continuationem; nam oportet semper orare (ut habetur Luc: 18.) & non desicere, ac item monemur 1. Thes: 5. sine intermissione orate. Quod non sic debet intelligi, quasi  
jam

jam nil aliud facere debeamus, nisi solum preces dicere. Sed ita ut in omni cogitatione, verbo & opere, dirigatur cor nostrum ad presentem nobis Dominum DEUM, offerendo ad ejus gloriam & amorem omnia per internos affectus: ut ait Sanctus Paulus ad Colossenses: Cap: 3. Omne quodcunque facitis in verbo, vel in opere, omnia in Nomine Domini JESU Christi facite, gratias agentes DEO & Patri per ipsum. Unde juxta SS. PP. illi semper & sine intermissione orant, qui semper bene agunt, id est, qui continuo præceptis DEI obediunt, operibus pietatis seu misericordiae diligenter insistant, vota cæteraq; obligatoria suæ professionis studiosè implent, in mortificatione passionum ac vitiorum suorum, & exercitio virtutum jugiter proficiunt, occurrentibus quibuscunque tentationibus strenuè resistunt, jaculatorijs orationunculis Cælo sæpissimè vim faciunt, ac tandem horis destinatis eandem orationem quotidie restaurant.

*Nota* Quatuor esse impedimenta Orationis mentalis. *1um est.* Culpa mordens, tam scilicet realis, non delata per penitentiam, quam ficta, per scrupulosam conscientiam *2dum.* Cura pungens. id est: nimia sollicitudo animi de acquirendis quæ inaniter amantur; ac de cavendis, quæ vanè timeantur. *3tium.* Sensus egens, puta, dormitione, calefactione, refrigeratione, potu, cibo, sanatione. *4tum.* Phantasmata irruentia, id est: Species seu imagines eorum sese repræsentantes animo, quæ vidimus, audivimus, egimus, sustinimus. Vel quæ speramus, desideramus &c.

*Nota*



# I N S T R U C T I O.

15

*Nota item.* Quatuor esse quæ promovent studium Orationis mentalis *1um est:* iuge desiderium proficiendi in vita spirituali, in gratia DEI, in imitatione Christi, *2dum.* Frequens renovatio præsentiæ Divinæ per mentis crebro in Cælum elevatas directiones. *3tium.* Omnium nostrorum studiorum, negotiorum, intentionum ad maiorem gloriam DEI, ordinatio. *4um* Lectio piorum ac spiritualium librorum conferentiarum, spiritualium usus, exercitatio mentis in meditationibus Divinorum intellectivis.

*Nota* tandem esse alium modum mentaliter orandi, qui juxta communem usum Ascetarum sex partibus constat: quarum est *1ma.* Preparatio nimirum faciens mentem divinis, ipsique attentam. *2da.* Lectio devota meditationis materiam præbens *3tia.* Est ipsa Meditatio, cujus est recogitare piam lectionem, illiusq; sensum reflectere ad mores, affectiones, ac studia meditantis, & scrutari diligenter utrum nam hæc recensita, conformentur sensui lectionis recogitatæ; ac tandem corripere quæ sunt correptione digna, detestari quæ sunt detestanda, insequi quæ sunt insequenda credere quæ sunt credenda sperare quæ sunt speranda, amare quæ sunt amanda, eligere quæ sunt eligenda; *4ta* pars est, Gratiarum actio. *5ta.* Oblatio. *6ta.* Peritio.

## M O D U S.

*Mysteria Passionis Christi asceticè meditandi.*

**Q**uoniam dictum est supra, tertiam particulam præparationis ad Orationem mentalem, esse

B

appli.

applicationem mentis, & imaginationis ad Mysterium seu Objectum de quo instituenda est Meditatio. Passionis autem Christi Mysteria sunt per dies distributa, de quo supra, ideo pro iuvanda, aliquo modo imaginatione, & elariori apprehensione Mysteriorum, ejus placuit, (propter imperfectiores & incipientes) nonnulla subsidia & adminicula ex circumstantijs Historiæ apponere, priusquam descendamus cum Authore ad Considerationes.

Die Dominico, Christus in horto. Apprehende illa verba: caput pavere & mæstus esse; deinde procidentem Christum in terram resignatissimè orantem, extremè agonizantem, & violentissimè ob tremorem cordis, ossium & juncturarum (ut notat S. Justinianus) apertis poris totius corporis, sudore ordinario deficiente sanguinem sudantem copiosè; tanquam fontem decurrentem, super terram; cujus guttas S. Brigitta in revel. númeravit 118225. & sic sine omni adjutorio humano, exanimem penè in pulvere mixto sanguine sese, volutantem, donec Angelus confortans eum, comparuisset.

Feria 2da. Captivatio. Apprehende quam inverecundè rubentibus adhuc sudore sanguineo genis Christi, fatida Judæ labia proditorium insigunt osculum; ad quod recipiendum benignissimus Agnus Judæ, qui pusillioris staturæ erat, se inclinat, amicabiliter salutat. Apprehende adhuc quomodo cum nocturno tumultu commota tota Civitate & ferocissimis, & bina allisione sui ad terram exacerbat.



cerbatis militibus, tantoq; numero, id est 730. nam tota legio erat, ( ut revelatum S. Brigittæ ) immaniter projectus ad terram, pedibus tunditur, conculcatur, præter funes, ferreis oneratur catenis, collum manusque ejus ligantur, trahitur porius quam ducitur ad Principes Sacerdotum, per vicos plateas, fetulentumque fluvium Cedron, qui penè latrina Civitatis erat, viginti tribus vicibus ( ut refert Sancta Brigitta ) per viam allisus terræ, ab eaq; toties funibus & capillis elevatus, in aulis Principum confusus, alapizatus, conspuratus, & quæquæ indignissima tota nocte à vilissimis hominum passus.

*Feria 3<sup>ta</sup>.* Accusatio. Recogita adinventiones calumniarum contra Christum, testium, falsorum, quos nec tres etiam pro pretio cōquirere poterant contra innocentiam ejus. Cogita quomodo clarâ die, longo viarum tractu, ut latro nocturnus proclamatus ad curiam spectante populo cum iisdem ut supra illusionibus deducitur, presentatur, accusatur coram Erhnico Judicē, missus Herodi, ut scurra & fatuus ab ipso cum suo exercitu lpernitur, exhibilatur; remissus iterum, à Præsede examinatus, stupende in sua causa silet.

*Feria 4<sup>ta</sup>.* Flagellatio. Imaginare Christum tot jam ictibus conquassatum columnæ uno & medio cubito à terra elevatæ, ut circum circa corpus totum plagis pateret, in foro turpiter denudatum, alligatum, flagellari acerbissimè. *1<sup>mo</sup>.* quia secundum plures, per unam & mediam circiter horam, *2<sup>da</sup>.* quia ab alternatim succedentibus sibi condu-

Etis pretio militibus; qui juxta revel. B. Mariæ Agredi erant 6. crudelissimi. 3<sup>to</sup>. quia plagis numeroſſimis 6666. (ut refert S. Brigitta) Tandem confidera reſciſſo fune cadentem in terram, & inter profluvia ſanguinis, calcataſq; ſacræ carnis ſuæ particulas reptando quærentem ſuam tunicam ablutam per malitiam Judæorum.

*Feria ſtâ.* Coronatio. Statue tibi Chriſtum caput ſuum venerandum jam lividum, cruentum, contuſum, novo ſæculis inaudito ſubijcientem tormento, ſcilicet ſpineæ aculeatæ firmiſſimis vepribus marinis coronæ, quæ manibus etiam carniſcum intangibilis, partim vectibus, partim armatis manicis, ſacro ejus capiti hinc & inde, ſic vel aliter apebatur, imprimebatur novis ſemper cum vulneribus. S. Brigitta notavit guttas cum ſanguinis, 3345. Vectium iſtus ad coronam 40. Vulnera 1000. aculeos cranium terebrantes ad cerebrum 5. qui autem hæſerunt in cerebro 3. hinc laceratis venarum omnium fontibus in cerebro ingentem copiam ſanguinis, ore, naſo, auribus effluxiſſe, obſervat S. Bonaventura.

*Feria ſtâ.* Decretum. & bajulatio Crucis. Siste te mente in illo ampliſſimo foro, inter tot millia, Chriſtum blaſphemantium, illorum etiam, quorum, muras reſeraverat linguas. Audi improbas voces, Principum, Sacerdotum, Seductorem proclamantium. Cerne jam illuſum velut Regem à militibus, jam à Pilato cum nequiſſimo Barabba comparatum, totiſq; populo expoſitum; tandem voce populi & decreto injuſti Præſidis decretum acce-



accepisse ignominiosissimæ mortis. Vide Christum oneratum gravissimâ cruce, quæ erat longitudinis pedum 15. latitudinis 8. ex ligno ponderoso, nam quercus, ut sentit S. Gregorius Nissen: & Christi dorsum jam erat flagellis desulcatum ac debilitatum, attendè JESUM libenter Crucem suscipientem, tremulis genibus gradientem, nimio pondere pressum, quinqvies cadentem ubiq; sangvineâ vestigia relinquentem & obviam sibi dolorosissimæ V. Matri suæ compatiens: per longa Civitatis & suburbiorum itinera compellentibus Judæis conscendentem in montem Calvariæ.

*Sabbato Crucifixio.* Jam te hic junge beatæ illi Sodalitati cruci adstantium: nudandus, erat in facie tanti populi iterum JESUS, inconsutis tunica stricta à capite erat, unde deponenda vel evellenda ex cerebro & cranio iterum spineâ coronâ; nudatur ergo cum novis ob accretam sanguine vestem vulneribus: coronâ iterum eidem restituitur loco, & quantò magis aberrat manus tortoris à prioribus aculeorum locis, tanto magis lauciatur caput mei Salvatoris. En jam crucifigitur; Considera locum, in monte latronum, & in medio latronum, tempus ipsam meridiem, & Antipaschales ferias, adeoq; confluxum populorum undique. *Modum S. Bonav. in medit. scribit:* Præacutâ sude prius Christi pedes & manus perforatas, ut facilior clavo configenti pateret transitus, *Lansber. apud Sylveir. dicit:* cuidam revelatum ictus mallei 36. in crucifixione fuisse, cum grandi motu

omnium arteriarum corporis. Acclavatus Cruci Christus, tunditur pedibus, & conspurcatur 71. sputis hostium (ut revel: B. Birgit.) trahitur cum cruce per saxa subsiliente, elevatur & casu an nequitia tortorum jam elevatus cum cruce interram labitur, concutitur (ut revel: B. Veron;) terra tremat, mortui resurgunt, luminaria cæli obscurantur, Mater Sanctissima dolet, ultimas JESUS supplicationes cum clamore valido, & testamenta facit; post exspirium latentem adhuc in corde guttam sanguinis, ex aperto laccæ latere ingrato profudit mundo. Jam ergo descendim<sup>us</sup> ad Considerationes.

### CONSIDERATIO I.

**R**atio proponit. Quis est qui patitur? Synteresis, vel alias intelligentia simplex responder. Patitur JESUS, filius Joseph à Nazareth (Joan. 1. v. 41. & 45. in lege à DEO promissus Messias, id est Christus, Unctus, Sanctus Sanctorum, juxta Prophetiam Danielis. c. 9. Ut consumetur prævaricatio, & finem accipiat peccatum, & deleatur iniquitas, & adducatur justitia sempiterna, & impleatur visio & Prophetia, & ungatur Sanctus Sanctorum. Et paulò inferius. Post hebdomades 61. occidetur Christus, & non erit ejus populus, qui eum negaturus est. Dicitur autem Christus tripliciter Sanctus Sanctorum. 1<sup>mo</sup>. Quia ipse est Sanctus substantialiter ac naturaliter; ceteri verò accidentaliter: nam ut est Filius DEI Unigenitus, ab æterno à Patre suo Sanctificatus est per generationem sui; de qua Sanctificatione est Joan. 10. Quem

Pater



CONSIDERATIO I. 21

Pater sanctificavit (communicando illi suam substantialem, naturalem, ac Divinalem Sanctitatem) & misit in mundum. Ut autem est Filius hominis, sanctificatus est per communicationem sibi Personæ Divinæ. Ubi humanitas ejus in instanti suæ conceptionis de Spiritu S. unita est Divinitati in una Persona Verbi, juxta illud *Ioan: 1.* Verbum (quod erat DEUS) Caro factum est. Vel alias, incarnatum est, seu carnem animatam assumpsit; ac ita Christus, est DEUS humanatus & Homo Deificatus. Eapropter ipse Christus dicit se & Filium DEI, & Filium hominis, ut patet *Ioan. 3.* Sic DEUS dilexit mundum, ut Filium suum Unigenitum daret, ut omnis qui credit in eum non pereat, sed habeat vitam æternam. Et *Matthæi 16.* Quem dicunt homines esse Filium hominis. Est enim verus DEUS, quem facit sola Veritas Divinæ naturæ, & est Verus homo, quem facit sola Veritas humanæ naturæ; Unde S. Paulus dicit *Phil: 9.* Christum duas habere formas *id est* naturas, formam DEI, & formam servi. Quod etiam S. Mater Ecclesia confitetur in Symbolo S. Athanasij dicens: Est ergo fides recta, ut credamus & confiteamur, quia Dominus noster JESUS Christus DEI Filius, DEUS, & Homo est. Et paulo post: sicut anima rationalis & caro unus est homo, ita DEUS & homo unus est Christus, qui passus est pro salute nostra.

2dò. Christus Dominus noster dicitur Sanctus Sanctorum quia ut homo, Sanctus est primitivè, ceteri vero participativè. Ita enim à Spiritu S.

in instanti suæ conceptionis sanctificatus est, personaliter super se requiescente, per infusionem sibi septiformis summæ gratiæ, (juxta Isai. 11. Et requiescet super eum Spiritus Domini &c;) ut nullus unquam inveniatur in terra atq; in cœlo Sanctus ac DEO gratus, qui non participet de ipsius sanctitate, gratia ac meritis, per ulum Sacramentorum, suiq; imitationem; juxta Ioan. 1. De plenitudine ejus (sanctitatis videlicet gratiæ ac meritorum) nos omnes accepimus; quia lex per Moysen data est, gratia & Veritas per JESUM Christum facta est. Et Luc. 2. Plenus Sapientia, & gratia DEI (summè summa) erat in illo.

3tio. Christus Salvator noster dicitur Sanctus Sanctorum; quia in eodem instanti suæ conceptionis à Spiritu S. sanctificatus est principaliter. Ut potè in Principem Prophetarum, Sacerdotum & Regum; cæteri verò ætate progrediente sanctificantur dependenter in Prophetas, nimirum Sacerdotes & Reges, velut in ejus Vicarios. Quidam enim istorum præcesserunt Christum nonnisi in figura actionum & passionum suarum representativa; quidam verò subsequuntur in ministerio, ut potè prædicationis, Sacramentorum administrationis, jurisdictionis, & Imitationis De hac sui sanctificatione affirmat ipse Dominus JESUS in Synagoga sedens (Luc. 4. prophetasse suum Prophetam his verbis *Isai.* 61. Spiritus Domini super me, propter quod unxit me, evangelizare pauperibus. Et Actor. 10. De eadem sanctificatione sic dicitur: JESUM a Nazareth, quomodo unxit (id est



## CONSIDERATIO I. 23

est sanctificavit) eum DEUS Spiritu S. Idem enim est unctus, quod sanctificatus; nam qui consecrantur seu sanctificantur, illi unguntur; dumq; unguntur, eò ipso sanctificantur.

In Principem quidem *Prophetarum* unctus ac sanctificatus est Dominus JESUS. *Tum* ut denuntiaret principalia seu summè summa, ac summè occulta Mysteria Sanctissima TRINITATIS & suæ Incarnationis: *Tum* ut interpretaretur verbo & exemplo summa & arcana DEI præcepta & consilia. *Tum* ut prænuntiaret futuros eventus omninò infallibiles. Unde est Luc. 7. *Propheta magnus surrexit in nobis, & quia DEUS visitavit plebem suam, juxta promissionem factam Moyfi. Deut. 18.* *Prophetam suscitabo eis de medio fratrum suorum similem tui (in traditione legis ac testamenti novi) & ponam verba mea in ore ejus. In Principem verò Sacerdotum seu Pontificum sanctificatus est. Ut noster esset Mediator & Advocatus apud DEUM pro nobis satisfaciendo, sacrificando, & intercedendo, juxta P/al. 109. Tu es Sacerdos in æternum secundum ordinem Merlchisedech. Et Hæbreos. 5. Christus factus est omnibus obtemperantibus sibi causa salutis æternæ, appellatus à Deo Pontifex.*

In Principem deniq; *Regum* unctus ac sanctificatus est, ut toti mundo præesset suo imperiò, & judiciaria potestate, juxta *Apoc. 1. Princeps Regum terræ. Ibid: 19 Rex Regum, & Dominus Dominantium. Et Actov. 10. Ipse est constitutus à DEO Judex vivorum & mortuorum. Et Math. 28. Data est mihi omnis potestas in cælo & in terra.*

*Ratio*

*Ratio* huiusmodi responsionem recogitans assentiatur ejus veritati, ac inde venit in magnam admirationem, quod Judæi per suam malitiam excæcati, Messiam suum in lege promissum, & apertissimè demonstratum, non solum non receperunt, verùm etiam pro latrone reputaverunt, juxta *Joan: 1.* In propria venit, & sui eum non receperunt. Et *Isai 53.* Cum sceleratis reputatus est. Eandemq; veritatem ad conscientiam suæ animæ reflectit, examen cum ea instituens de homine suo: veraciterne ac fideliter Christum receperit in DEUM ac Dominum suum, firmiternè et adhæserit fide, spe, & charitate? an verò instabiliter facilè recedendo ab ejus amicitia, passim mandata ejus transgrediendo, vocationem ac inspirationes ejus velipendendo &c.

*Conscientia.* bonorum & malorum sui hominis conscia, arguit eum quod simulatè potiùs quam sincere Christum receperit, eiq; per suam professionem instabiliter adhæserit; cum ad gratiam ipsius vocationis non attendat ut oportet, ad exercitium internæ mortificationis, ad studium virtutum Asceticarum &c: quo ipso stimulat ejus voluntatem, quatenus deinceps Christo diligentius adhæreat.

*Voluntas.* inde pio affectu permota, recipit Christum sincera mente cum tota ejus Ecclesia in DEUM, Dominum ac Salvatorem suum, eumq; ut talem adorat, & confitetur actibus fidei; atq; invicem desiderat ab eo recipi in servum perpetuum. B. V. MARIAE, totiusq; celestis Curia, ad quem effectum consequendum huiusmodi actibus utitur.

*Actus,*



# CONSIDERATIO I. 25

*Añu.* Verè tu es DEUS absconditus ( sub regumēto humanitatis ) DEUS Israël Salvator. Tu es Christus Filius DEI vivi. Dominus meus & DEUS meus. Credo te DEUM meum, scilicet agnosco, annuntio toti creaturæ desideratissimum à sæculis Messiam, adoro te Authorem naturæ meæ per creationem, meæ gratiæ per Redemptionem, meæ gloriæ, per infinitum meritorum tuorum valorem. \* Credo tibi DEO meo sicut Principi Prophetarum, adhærendo firmiter eis quæ docuisti, instituísti, præcepisti, consulúisti. Credo in te, ut summum Sacerdotem, Satisfacientem, intercedentem, offerentem se pro nobis; mea omnia, Tuis uniendo in Te meritis, æterno Patri & Tibi in holocaustum medullatum offerendo. Credo in Te ut Regem Regum & Principem; in tuo servitio ad quod me specialiter vocare dignatus es, super omnia mundi honorabilia, delectabilia, complacendo. Suscipe me in servum tuum & vivam, & non confundas me ab expectatione mea. Ne proijcas me à facie tua, & Spiritum Sanctum tuum. nè auferas à me. In toto corde meo adhæsi tibi Domine, ne repellas me à mandatis tuis. Tuus sum ego saluum me fac, quoniam justificationes tuas exquisivi, semperq; exquiram. Justificationes tuas custodiam, non me derelinquas usquequaq; Confitearis me coram Patre tuo, Angelis ejus, Sanctis tuis sicut promisisti. Virgo Mater píssinia, oro ut per te me recipiat in servum suum perpetuum, per quam datus est nobis in Salvatorem. Omnes SS. Beatorum Spiritum Ordines omnesq;

San-

Sancti & Sanctæ DEI, oro per vestram intercessionem recipiat me Dominus meus in perpetuum, sui sectatorem, & faciat me participem vestræ Sanctitatis ac æternæ salutis Amen.

Vivat Rex noster JESUS. *R.* Vivat. Vivat. Hosanna Filio David. *R.* Hosanna in excelsis.

## CONSIDERATIO II.

**R**atio proponit. Quæ Christus patitur? *Synteresis respondet.* Patitur nimum in anima marorem, & summum in corpore dolorem, prout historia ad medicandum occurrentis mysterij testatur, juxta illud Jer: Thren: 1. Attendite & videte si est dolor sicut dolor meus. Intensio autem dolorum Christi quod fuerit summa, inde colligere potes \* *imò.* in anima ex eo, quod ipsa fuerit perfectissima, ideò habebat vires & potentias internas sagaciores, vitaliores, adeoq; sensibiliores. Intellectus perfectissimè dignitatem suæ personæ, adeoq; gravitatem scelerum, quæ tunc mittebantur contra ipsam, perpendebat; imò cognita habuit omnium hominum peccata præterita, futura, & præsentia. Item numerum tot millionum hominum pro quibus sufficienter patiebatur, tamen damnandorum: tandem voluntas ejus radicaliter Sancta, omnem etiam in aliis peccati speciem aversabatur; inde erat, quod malitiâ, ingratitude, damnatione, dilecti sibi generis humani, anima illa Sanctissima intensius affligeretur. In corpore autem ex eo præcipue, quia delicatissima, subtilissima, adeoq; sensibilibior alijs sacra ejus caro erat; & hoc partim



## CONSIDERATIO II. 27

tim ex naturali temperamento complexionis, partim quia ex intaminato sanguine Virgineo concepta, benedictōq; ejus lacte enutrita erat. *Ratio* Veritatem responſionis comprobat; indeq; argumentatur cum conscientia animæ suæ: si Christum caput nostrum mysticum oportuit tanta pro nobis pati, & ita intrare in gloriam suam? quomodo nos membra ejus non oporteat pati, pro ipsius honore quæque adversa, ut in gloriam ejus cum ipso intrare valeamus? cum dictum sit 1. *Tim.* 2. Si compatimur, conregnabimus. Et 2. *Cor.* 5. Si fuerimus socij passionum, erimus & consolationum.

*Conscientia* impatientæ animæ suæ conscia arguit eam quod Christo adhærens, nolit ad ipsius imitationem pati adversa; magisq; sibi ipsi compatiatur iniqua compassione in parvis aut fictis injurijs, quàm Christo in maximis: eò quod seipsam plus priusquè dilexerit, quam Christum Dominum Salvatorem suum. *Voluntas* inde permota mox in Actus prorumpit compassionis cum S. Petro de Alcantara. ☼ Heu mihi! omnes creaturæ etiam sensu carentes compatiuntur Redemptori meo, ego solus cujus causa Christus passus est, misericordia non moveor. O quam dilectus meus candidus, *innocentia*, rubicundus *plagis*, comæ capitis *mille vulneribus sanguinolenti*, sicut purpura. Aufer à me Domine cor lapideum, da carneum suavi mærore vulneratum fiatq; tanquam cera liquecens in medio mei. Transfige animam meam gladio doloris super doloribus tuis pone eam in amaritudinibus sacræ compassionis. Nolo Domine vivere si-

re sine vulnere, quia te video vulneratum, nolo honorum coronas, delicias, commoda etiam licita statui meo, quia te video despectibus circumdatum, & extremè miserum, non habentem ubi reclinares caput tuum. Jam amplius omnis tribulatio sit mihi rosea, omnis delectatio, sit mihi spinosa. Paratum cor meum DEUS, paratum cor meum. Omnia volo mala pati, nihil deliciarum & commodi volo. Utinam sim tecum ipse confixus Cruci. Quis mihi det, ut vere tibi compariar compassione affectus & effectus. Accepto gratantissimè, quodcunq; genus injuriarum, calumniarum, infirmitatis, mortis deniq; juxta placitum tuum mihi destinatorum.

*Nota.* Quòd compatimur Christo compassione internâ seu affectus; ubi consideramus nimios ejus cruciatus ex impietate suorum inimicorum provenisse: sed grates illi reddimus, ubi consideramus eum hujusmodi cruciatus voluntariè causâ nostræ salutis suscepisse, juxta *Isaia 53*. Oblatus est quia ipse voluit *Joan: 10*. Nemo tollit animam meam à me, sed ego pono eam à me ipso pro ovibus meis.

*Nota item.* Quòd compassio interior, seu affectus mærore afficiens animam, propria est B. V. *MARIÆ* Matris Christi, & piarum mulierum cum S. Joanne Cruci adstantium, atq; omnium contemplativorum meditationem passionum Christi studiose exercentium; præsertim verò Sanctissimi Patriarchæ nostri, qui affectu compatiens Christo, promeruit pati effective vulnera Christi. *Compassio*



## CONSIDERATIO II. 29

sio autem exterior seu effectus propria est SS. Martyrum pro Christo nimios cruciatus, usq; ad violentam mortem grataxter sufferentium; atq; omnium persecutionem æquo animo ad imitationem Christi sustinentium.

## CONSIDERATIO III.

**R**atio proponit. A quo Christus patitur, Syn-  
*teresis responderet, imò.* Patitur Christus à DEO  
 Patre ex charitate, tanquam à prima causa nostræ  
 salutis reparativa, juxta *Isaia 53.* Propter scelus  
 populi mei percussit eum. *Et Rom. 8.* Si DEUS  
 pro nobis, quis contra nos qui etiam Filio suo  
 non peperit, sed pro omnibus nobis tradidit il-  
 lum. *Conscientia stupet;* Quid est homo, quod me-  
 mor es ejus? quid est, quod ut servum redime-  
 res, Filium tradidisti? quid est, quod non appre-  
 hendisti Si non *assumpsisti reparandos.* Angelos, sed  
 semen Abraham? causa est, solum benaplaceum  
 & infinita bonitas DEI. Hinc. *Voluntas* excitata  
 elicit *Actus* ex Pactis Amoris. *Vide infra scalam,*  
*2. in Testam.*

2dò. Patitur à satana ex odio & invidia, tan-  
 quam à causa incentiva suorum membrorum instru-  
 mentorum, ac filiorum ad opus hujusmodi tyran-  
 nicum, realiter implendum, juxta *Joan: 8.* Vos ex  
 patre diabolo estis, & desideria Patris vestri vultis  
 facere. Sunt autem diabolica membra, instrume-  
 ta & filij sathanæ, Judas nimirum, Caiphas, Sa-  
 cerdotes, Pharisei, Hærodes, Pilatus, promiscua  
 plebs, ac tandem satellites atq; carnifices Christum  
 crude-

crudelissimè occidentes. *Conscientia* advertit, quam perniciosum sit fieri membrum Satanæ, obediendo suggestionibus ejus; quia quod ipse dæmon Christum crucifigere, occidere non poterat, poterat hoc & effecit per membra sua; inde reflectit, se quandoq; fuisse vel fieri membrum Sathanæ. Hinc mota *Voluntas* maledicit, abrenuntiat satanæ: Maledicte serpens abiuro renuntio tibi iterum atq; iterum; pono inimicitias æternas inter te & animam meam. Propono amplius caput tuum scilicet suggestionum malorum conterere, animosè, constanter, ferve re resistendo. Libera me de inimicis meis DEUS meus. Obsecro nè quando prævaleat mihi inimicus meus.

*2<sup>id</sup>*. Patitur à peccatoribus, ex contemptu saltem impurativo, si non formali, tanquam à causa morali, ex triplici autem ratione sunt causa moralis Christi passionum peccatores tam præsentis, quam præteriti & futuri, peccata perpetrando *Tam* scilicet, quia DEUS præscivit omnia peccata nostra ab æterno, eaq; tempore destinato imposuit Filio suo, quatenus pro illis satisfaceret, vel potius satis pateretur, juxta Isai 53. Verè lagnores nostros ipse tulit, & dolores nostros ipse portavit. Et paulò post: Posuit Dominus in eo iniquitatem omnium nostrum. Ubi enim genus humanum non peccasset, Christus non fuisset mortuus: sed quia peccavit, & mortem æternam promeruit, ideò Christus mortem temporalem passus est, ut genus humanum à morte æterna liberaret. Unde est *Rom*: 5. Commendat autem charitatem suam DEUS in nobis,



## CONSIDERATIO II. 31

nobis, quoniam cū adhuc peccatores essemus, Christus pro nobis mortuus est. *Tum* quia, ubi peccata committimus, pro quibus Christum scimus esse vulneratum ac mortuum, imputatur nobis apud DEUM, ac si denuo Filij ejus vulnera renovaremus, juxta *Hebr: 6.* Rursum crucifigentes (consequenter flagellantes, spinis coronantes &c.) sibi metipsis Filium DEI: & *D. Bonav.* Vulnera Christi quotidie innovantur, cū peccati mortalis vulnere lauciantur. Inde est, quod peccantes communiter dicuntur offendere DEUM; & ipsum peccatum vulgo dici solet offensa DEI. *Tum* quia peccatum comittendo, nos metipsos vulneramus, juxta *Prov: 10.* Qui in me (Christum peccaverit) lædet animam suam. Qui enim peccat, simul Christum & animam suam lædit; quia eò ipso resecat se à capite suo ejusq; corpore mistico, sumus enim corpus & membra Christi capitis nostri, ut est *Cor 14.* quousq; in gratia ejus permanemus. Unde *S. Bernardi* in persona Christi arguit peccantem, dicens: Nonne satis pro te vulneratus sum? cur addis afflictionem afflicto? magis aggravant me vulnera peccati tui, quàm Vulnera corporis mei. *Conscientia* tot suorum peccatorum conscia confunditur. *Voluntas* erumpit in.

Actus. Maledicta peccata mea, quibus Domine JESU Vulnera tua sæpissimè infelicissimus homuncio innovavi. Maledicta mea superbia, propter quam tot passus es ignominias. Maledicta avaritia, propter quam omni decore spoliatus es. Maledicta mea luxuria, propter quam tot acerbis &

crudelibus supplicijs ac doloribus affectus es. Maledicta ira, propter quam inenarrabiles sustinisti injurias. Maledicta gula, propter quam felle & acetato potatus es. Maledicta mea invidia, propter quam nimis tristiari, ac totum tuum sanguinem, effundere voluisti. Maledicta acedia, propter quam ad tantas pœnas festinare dignatus es. Misere mei DEUS, secundum magnam misericordiam tuam. Quoniam iniquitatem &c. Delicta juventutis meæ, & ignorantias meas nē memineris Domine. Averte faciem tuam à peccatis meis, & omnes iniquitates meas dele. Amplius lava me ab iniquitate mea, & à peccato meo munda me. Viam iniquitatis amove à me, & de lege tua misere mei. Domine DEUS detestor, abominor & fugio in æternum omnia peccata mea, quibus Majestatem tuam gravissime offendi, propter te summè honorandum, amandum, & imitandum, uti infinitè potentem, bonum, & sapientem, & supra omnia detestabilia, abominabilia, & fugibilia. Domine DEUS execror omnem perfidiam, pravitatēq; hæreticam; & fastum, pompam, ac ostentationem mundanam, nec non quācunquē superstitionem diabolicam, super omnia execrabilia. Domine DEUS confiteor jure jurando Romanam fidem Catholicam, & Dominum Papam N. Supremū atq; Oecumenicū esse tuum Vicarium.

480. Paritur à suis discipulis etiam tanquam à sua causa morali, uti ipse conqueritur per suum Prophetam respondens ad illam interrogationem Zach: 13. Quid sunt plagæ istæ in medio manuum tuarum?



### CONSIDERATIO III. 33

rum? His plagatus sum (realiter quidem) in domo eorum (Abram scilicet Isâac & Jacob) qui diligebant me: sed moraliter in domo Religiosorum fidelium &c. ab illis meis discipulis, qui obstrinxerunt se per suam professionem continuo proficere in dilectione ac imitatione mei, quod tamen negligunt: cum non attendant uti oportet ad studia vitæ spiritualis, orationis mentalis, internæ mortificationis, ac Asceticæ virtutis.

*Conscientia* negligentiarum conscia arguit se: O sepulchrum dealbatum, ô latrina sordium deaurata foris veste hispida, pallida facie, verbis, gestibus ad devotionem compositis nitens, intus autem tot negligentijs, imperfectionibus latens: quid erit quando revelabit Dominus abscondita, tenebrarum tuarum. O Frater N. & Senatorem scilicet pompas, delicias mundi amisisti, & Monachum non acquisivisti. S. Ambrosius de Syncret. *Voluntas* accensa desiderio ferventius serviendi DEO, cum firmis propositis elicit *Actus*. Ego Frater N. Voveo & promitto Tibi DEO Omnipotenti, B. VIRGINI MARIE, SS. Apostolis Petro & Paulo B. P. FRANCISCO, omnibus & singulis Sanctis, ac item Summo Pontifici, Sanctæ Romanæ Ecclesiæ, Patri Generali, cæterisq; pro tempore superioribus, omnibus & singulis Fratribus, toto tempore vitæ meæ servare Regulam FF. Minorum per Dominum Papam Honorium confirmatam, vivendo in Obedientia, sine proprio & in castitate. Domine DEUS renovo intentionem meam, omnes cogitationes ac omnia verba, opera mea ad Majorem gloriam

riam Nominis tui semper dirigendi; renovo proposita mea, in motificatione interna & virtute Ascetica, studio orationis mentalis, dilectione inimicorum meorum ad imitationem tui jugiter proficendi.

*3<sup>to</sup>.* Patitur à suis amicis; Porro amici Christi sunt duplices. *1<sup>mo</sup>.* Consolantes, qui pro zelo fidei, virtutis iustitiæ omnia adversa propter Christum patiuntur ex motivo quadruplici, scilicet, Iustitiæ Divinæ, cui ob peccata sua multum se debere sciunt; ratione conformitatis ad voluntatem Divinam; ratione æterni præmii, & amore imitationis Christi. *2<sup>do</sup>.* Aliqui sunt affligentes Christum; vel quia *delicati*, sic zelantes pro bono quam diu honorantur, promoventur; vel quia *politici*, ob supervenientes difficultates, timorem hominum, in zelo tepescentes; vel quia *zelotrypi*, s; nemini quidem zelo cedentes, injurias tamen suas, defectusq; aliorum nimium taxantes. Ab his ergo amicis posterioribus patitur Christus, tanquam à causa morali, dum exemplo sui, pro veritate, pro zelo secundum prudentiam, pro iustitia fugiunt pati contumeliam, & quæcunq; adversas dum quoq; inimicos suos diligunt non adeo perfecto amore quali ipse Christus dilexit nos suos adhuc inimicos; mortem pro nobis durissimam subeundo; Unde *1. Ioan. 3.* In hoc cognovimus charitatem DEI, quoniam ille animam suam pro nobis posuit, & nos debemus animas pro fratribus ponere. *Conscientia* imperfecti zeli sui conscia confunditur. *Voluntas* exit in Actus; Utinam Domine



# CONSIDERATIO IV. 35

mine zelus Domus Tuæ *s. fidei*; justitiæ, Regularis observantiæ comedat & depalcatur anima mea. Domine si non sum dignus vel unam fundere sanguinis guttam pro Te, totas vires corporis, & animæ sacrificio, superexaltandæ dignitati Tuæ, & promovendæ usq; ad ultimum halitum, saltem exemplo bono, Regulari Observantiæ; etiam si oportuerit me, mori tecum (confidens in gratia Tua) non Te negabo. Amo Tuam justitiam, quæ veros amicos ex prædictis quatuor causis plerumq; asperius tractat. Paratum cor meum DEUS DEUS meus, & omnia *s. Omnia corporis & animæ meæ*, honori Tuo, virtuti & perfectioni, impendere statuo.

## CONSIDERATIO IV.

**R**atio proponit. Pro quo Christus patitur? *Synteresis respondet.* Patitur pro iisdem peccatoribus, discipulis, & amicis suis: à quibus ipsemet patitur, sive realiter, sive moraliter, ut illis jam sibi fideliter adherentibus, promeretur apud Patrem suum æternum, veniam, gratiam, & gloriam. Quod autem pronobis passus fuerit, patet *Isaie 53.* Vulneratus est propter iniquitates, nostras, & attritus est propter scelera nostra, disciplina pacis nostræ super eum, & livore ejus sanati sumus. Quod etiam promeruit nobis veniam, *s. peccatorum remissionem*, patet *Rom: 5.* Cum inimici essemus reconciliati sumus DEO per mortem Filij ejus. *Actor: 5.* Hunc Principem & Salvatorem, DEUS exaltavit dexterâ suâ ad dandam penitenti-

am *Israeli*, & remissionem peccatorum. Quod item promeruit gratiam, patet *Ioan: 1.* Lex per Moysen data est. gratia & veritas per *JESUM* Christum facta est. Et *Rom: 7.* Gratia *DEI* (datur nobis) per *JESUM* Christum Dominum nostrum. Quod tandem promeruit nobis gloriam, seu cælestem hereditatem, ac vitam æternam, patet *Ioan: 10.* Ego veni ut vitam habeant, & abundantius habeant. Et *Rom: 8.* Ipse enim Spiritus (*DEI* nimirum manens in nobis) testimonium reddit spiritui nostro, quod sumus Filij *DEI*; si autem Filij (ergo) & heredes; heredes quidem *DEI*, coheredes autem Christi. Ratio convincitur huiusmodi responsione, ejusque veritatem reflectit ad conscientiam animæ suæ. Conscientia de talibus Christi nobis applicatis atque collatis multum contenta, protinus voluntatem stimulat ad reddendas ei grates, eum omnibus cælitibus ac terrigenis. *Voluntas* affectu gratitudinis mota, in tales prorumpit Actus: Benedictio & claritas & sapientia, & gratiarum actio, honor, virtus & fortitudo, *DEO* nostro in sæcula sæculorum Amen. Dignus est Agnus qui occisus est, accipere virtutem ac divinitatem & sapientiam & fortitudinem, & gloriam, & benedictionem. Redemisti nos Domine *DEUS* in sanguine tuo, ex omni tribu, & lingua, & populo, & natione, & fecisti nos *DEO* nostro regnum. Salus *DEO* nostro. R. Salus salus in sæcula sæculorum Amen. Confitemini Domine (cuncti cælitibus & terrigenæ) quoniam bonus, quoniam in æternum misericordia ejus. Quia in humilitate nostra



## CONSIDERATIO IV. 37

nostra memor fuit nostri; quoniam in æternum misericordia ejus. Quia redemit nos ab inimicis nostris; quoniam in æternum misericordia ejus.

✱ Spero in te, *s. in infinita Christi satisfactione* expectans à te veniam ut peccator; veniam primam, *s. remissionem culpæ mortalis*; ut discipulus & amicus; veniam 2dam, *s. remissionem venialium pænæ temporalis, etiam purgatorii*. Spero in te, *s. infinitate meritorum Christi*, expectans ut peccator gratiam 1mam. *s. justificantem*; ut discipulus gratiam 2dam, *s. continuum augmentum justificationis, uberioreſq; gratias actuales*; ut amicus, gratias gratis datas & extraordinarias, quas noverit sapientia tua mihi opportunas. Spero in te, *s. in infinito pretio sanguinis tui* expectans à te ut peccator pœnitens gloriam 1mam. *s. quantumcunq; gradum æternæ essentialis beatitudinis*; ut discipulus & amicus gloriam 2dam, *s. præmia accidentalia, coronas, aureolas, palmas & fructus*. *De quibus infra vide Medis. de gloriæ celeſti. Conſid. 2.* Domine DEUS tibi gratias ago, *s. quia pro me paſſus es*. Te laudo, quia tam liberalis, & superabundans beneficentia tua est. Tibi offerro me omniaque mea meritis sanguinis tui uniendo. Peto à te, ut non pereat fructus sanguinis tui in anima mea, imò omnium fratrum, benefactorum. &c.

## CONSIDERATIO V.

**R**atio proponit. Quomodo Christus patitur? Syn-  
teſis reſpondet. Patitur amanter, humiliter, o-  
bedi.

bedienter, & patienter, juxta D. Bernard. dicentem: Christus in passione patientiam exhibet. humilitatem commendat, obedientiam implet, charitatem perficit. Et D. Bonav. Quatuor brachia crucis, significant quatuor virtutes, quibus extendi debet homo noster interior; signat enim pars superior charitatem, inferior humilitatem; à dextris obedientiam, à sinistris patientiam. Quod autem patitur *amanter*, inde patet: quia non ex cōactiōe aut necessitate, sed ex amore nostri pro nobis mortuus & oblatus est, quia ipse voluit. Juxta Rom: 5. Commendat autem charitatem suam DEUS in nobis, quoniam cum adhuc peccatores essemus, Christus pro nobis mortuus est. Ex eadem charitate orat pro suis crucifixoribus. Luca 18. Dimitte illis &c.

*Conscientia* suæ repiditatis conscia confunditur, *Voluntas* miritur ad Actus Amoris vulnerantis ligantis, langvescentis, morientis, quos *vide in scal.* 7. O dulcis JESU, omnis figura tua amorem, inspirat, & ad redamandum provocat, caput inclinatum, manus expansæ pectus apertum; ergo te totum amabilem, amatorem mei, ut toto me reamem, ah quam cupio! Quod etiam patitur *humiliter* patet inde, quia cum esset excelsus, gloriosus, Sanctissimus, quasi peccator vilis pro peccatis nostris, tanquam pro suis passus est. *Isai: 53.* Posuit Dominus in eo iniquitatem omnium nostrum. *Et infra.* Cum sceleratis reputatus est. *Conscientia* superbiam suam, honores, respectus ambientem, humilia verò despectusq; abhorrentem redarguit.

*Volunt*



# CONSIDERATIO V. 39

*Voluntas* exit in *Actus*. \* O quam intoleranda superbia mea, ubi suprema humiliatur Majestas, vilis ego vermiculus mille mortibus, æternisq; despectibus dignus, inflor & intumesco. Eligo abhinc abjectus esse in domo DEI mei, eligo pro honoribus contemptum, irrisiōem pro favoribus, humilior sub potenti manu tua, & sub manu omnis creaturæ propter te. Agnosco me creaturarum omnium miserrimum, vilissimum, inutilissimum, stultissimum, gravissimum peccatorem. *Vide explicationem horum infra Insit: 10. de Humil.* Quod etiam patitur *obedienter & patienter*, patet ex illo: Tanquam ovis ad occisionem ductus est, & tanquam agnus coram tondente se obmutuit. *Isai: 53. Et 1. Petri 1.* Christus cūm malediceretur non maledicebat; cūm pateretur non comminabatur. *Ad Philip: 2.* Humiliavit semetipsum factus obediens usq; ad mortem. *Ratio* reflectit se ad suam conscientiam, examen cum ea instituens, utrumnam in hisce virtutibus imitetur Christum. *Conscientia* quod scit verūm fatetur. *Voluntas* pio imitationis affectu inardescit, & actibus se elevat. Bonus es tu, & in bonitate tua doce me justificationes tuas. Benedictus es Domine, doce me justificationes tuas. Vias tuas Domine demonstra mihi, & semitas tuas edoce me. Trahe me post te, curremus in odorem unguentorum tuorum.

O JESU mi, uni me tecum inseparabiliter.

O JESU transforma me totum in te.

*Explic: infra vide Scal: 4.*

CON-

## CONSIDERATIO VI.

**R**atio proponit. Quam ob causam Christus tam indigna patitur, causâ nostræ reparationis, cum aliquo alio faciliore modo potuisset nos reparare, ut Theologi asserunt? Synteresis respondet: verum quidem est, quod nos DEUS reparare ac salvare aliter potuisset, si voluisset; atqui noluit, nisi interveniente dirissima Filij sui Unigeniti passione ob gravissimas rationes.

*ima est.* Ut reparatio salutis nostræ aliter non fieret, nisi per condignam DEO rigorosamq; satisfactionem: pro offensa suæ Majestatis peccato primorum parentum, nostrisq; infinitis sceleribus. Reparari enim homo secundum aequitatem non poterat, nisi per satisfactorem dignissimum & sufficientissimum, qui & homo & aqualis DEO esset; nam si non esset homo de genere Adæ, & non esset aqualis DEO; satisfacere ut æquum est non potuisset, pro crimine læsæ Majestatis Divinæ. Ille enim ut fas est, justitiâq; rigorosa postulat satisfacit qui debet ac potest; sed non debet nisi homo, & non potest nisi aqualis DEO. Unde tanta debuit esse humilitas & obedientia in Reparatore ac Salvatore Christo: quanta fuit superbia & inobedientia in prævaricatore, sed quia in prævaricatore tanta fuit superbia, ut cum esset homo, voluerit fieri DEUS, & tanta fuit inobedientia, ut cum esset creatura DEI, noluerit subditus esse DEO, sed suæ potestatis; ideo in Reparatore tanta debuit esse humilitas, ut cum esset DEUS excelsus



sus fieret homo profundissimæ humilitatis, & tantæ obedientiæ, ut cum esset Dominus omnium potestati humanæ fieret subjectus, & usque ad mortem obediens. *Ratio* convicta responsione laudat iustitiam DEI. Agnosco quoniam iustus Dominus, & iustitias dilexit. Iustus Dominus in omnibus vijs suis. Iustus es Domine, & rectum iudicium tuum. *Conscientia* discurret, si iustitia DEI tam rigorosa est cum Christo pro peccatis alienis, quanto magis mecum erit pro proprijs. *Voluntas* proponit. Justificationem quam tenere capisse. penitentiam, rigorem religiosæ vitæ in fame & siti, in frigore & nuditate non deseram; non remittam, ut tantum quantum pro multiplicibus gravissimis peccatis meis iustitiæ Divinæ satisfaciam. Amo tuam iustitiam, *hac exigentem à me & à Christo.* Amo tuam potentiam, *me in penitentia adjuvantem.* Amo tuam misericordiam, *ea quibus iustitia tua sufficere non valeo, clementissimè condonantem.*

*2da Ratio.* Ut ex opere reparationis ac Salvationis nostræ solus DEUS glorificetur. Alioquin ubi genus humanum per aliquam creaturam DEO gratissimam reparatum fuisset ex ordinatione ejus Divina, gloria DEO debita diminueretur; quia sicut majus est beneficium reparationis ac salvationis nostræ, quam creationis, ita major gloria honor & gratitudo Reparatori ac Salvatori debetur, quam Creatori. Quapropter concedens fasque erat, ut idem DEUS Reparator & Salvator esset nostri, qui & Creator; quoniam non erat dignum DEO concedere gloriam sibi debitam suæ creatu-

ra, juxta *Isai: 48.* Ego Dominus, hoc est nomen meum, gloriam meam alteri non dabo. Et *1. Tim: 1.* Regi saeculorum &c: *Ratio* convicta cum conscientia, stimulat voluntatem, ut tota seipsa soli serviat DEO, in eumq; feratur *Actum*. Tu solus Dominus Tu solus Altissimus. Tibi soli DEO honor & gloria. Tu totus meus, ego totus tuus Unicam meam s. animam uni DEO Creatori, Reparatori, do, dono, consecro in aeternum.

3ta. Ut reparatio nostri fieret ordine competent, & artificio singulari, contra astum diaboli-juxta illud S. Matris Ecclesiae: Hoc opus nostrae salutis ordo depoposcerat multiformis proditoris ars ut artem falleret, & medelam ferret inde hostis, unde laeserat. Sicut enim primus homo fraudulentia diaboli per mulierem provocatus, praesumpsit in fructu ligni vetiti delectari; unde incurrit rebellionem carnis, ac penam subiit mortis cum sua posteritate; ita Christus Reparator ac Salvator noster, damna ligni ut solveret, voluit in ligno pati passionem ignominiosissimam, contra praesumptionem; acerbissimam, contra libidinem; generalissimam, in toto s. corpore, contra infectionem universalem; ac tandem voluit pati mortem voluntariam, contra mortem inviram. Assentitur *Ratio*, cui adhæret *Voluntas*, complacendo in ineffabili providentia & sapientia Divina. *Actum*. O altitudo sapientiae & scientiae DEI! O sapientia, attingens à fine usque in finem fortiter (saviterq; disponens omnia reparationis nostrae media. Magnus Dominus, & sapientiae ejus non est numerus & fi.



& finis. O quàm iucundum, quàm suave, servire Domino, tam sapienti, tam de suis provido.

414. Ut per reparationem nostri innotesceret nobis, quanta fuerit nostri generis humani infirmitas; ex peccato contracta; siquidem ad sui sanationem tam pretiosum atq; inopinatum sanguinis Christi requireret medicamentum. Ut item innotesceret nobis, in quanto sit apud DEUM odio peccatum; siquidem nulla alia ratione placari, peccatoribusq; propitius esse voluerit, nisi intercedente tantâ unigeniti sui passione. Item in quanto odio DEUS vult apud nos haberi peccatum; siquidem nē ad æterna supplicia propter illud condemnaremur, Christus debuerit tantos pati cruciatus. Deniq; quanta damnati ob sua crimina in inferno sustinebunt tormenta; si Reparator noster intuitu eorum modicam suam putaret passionem: ut patet ex ejus verbis *Luc. 23.* Filie Hierusalem, nolite flere super me, sed super vos ipsas flete, & super filios vestros (propter peccata sua condemnandos) quia si in viridi hoc faciunt, in arido quid fiet. Voluntas his auditis movetur ad odium, & fugam peccati. Actus detestationis, propositorum, vide *supr. Consid. 3.*

415. deniq; Ratio est. Ut per hoc opus reparationis declararetur nobis summus in DEO amor nostri, ac in nobis per hoc ipsum erga DEUM reciprocus intimæ reamationis exciteretur affectus: sicut enim summum amorem quō nos DEUS amat, nihil magis declarare potest, quàm quod Christus in reparatione nostri, non solum abolevit ma-

la, &

la, & sua nobis contulit bona; verum etiam quod sustinere ac pati voluit probrosa nostra, & adversa juxta *Rom: 8*. Qui proprio filio suo non pepercit, sed pro nobis omnibus tradidit illum (ad sufferendas miseras nostras) quomodo non etiam cum illo omnia (bona corporalia, spiritualia, atq; æterna) nobis donavit. Et *Ioan: 4*. In hoc apparuit charitas DEI in nobis, quod Filiū suum, Unigenitum milit DEUS in mundum (pati nostra adversa, ipsamq; sustinere mortem) ut vivamus per eum. Ita nihil magis excitare potest in nobis erga DEUM intimæ reamationis affectum; quam pia & jugis recogitatio tanti amoris quō sic à DEO prævenimur. Unde *S. August.* Maxime propterea Christus advenit, ut cognosceret homo quantum DEUS diligat eum; & ideò agnoscere, ut ejus dilectione à quo prior dilectus est inardesceret. *Item.* Si amare pigebat, saltem redamare non pigeat: nulla enim est major ad amorem invitatio, quam præveniri amando. Idcirco exclamat *S. Joannes 1. c. 4*. Nos ergo diligamus DEUM, quoniam prior dilexit nos. Est autem genuina & ultima ratio, cur DEUS amore nostri excitet nos ad redamandum se, velitq; omninò per nos reamari? ut nimirum amore ejus provocati ac inflammati, renascamur, reformemur in suos filios, eoq; ipso efficiamur heredes ipsius gloriæ cælestis, nec non Christi Filij sui coheredes, juxta *D. Paulum Rom: 8*. Ipse enim Spiritus (Sanctus) testimonium reddit spiritui nostro (intimè DEUM amanti) quod sumus Filij DEI (ergo) & here-

des;



## CONSIDERATIO I. 45

des; heredes quidem DEI, coheredes autem Christi. Ratio veritate responsionis convicta, eam protinus reflectit ad conscientiam animæ suæ, examinans an correspondeat Divinæ amationi suæ reamacione propter consequendam hereditatem gloriæ vitæque cælestis.

*Conscientia* prout res est, fatetur. *Voluntas* concitata prorumpit in *Actus*. Agnosco mi DEUS, quod deliciæ tuæ sint esse cum filiis hominem in tempore & æternitate. Cur tantis expensis vitæ & sanguinis unigeniti tui infinitus amor tuus, fidei cordis mei scintillam amoris, mare guttam, immensus vilem atomum quærit. O anima mea, mundum, diabolum, carnem odientem te amas amore qui interimit te; DEUM autem toto se diligentem te, & a te diligi cupientem amore vivificante, non redamabis? Proh amor non a natura! Serò Te jam cognosco amandam bonitas æterna. Quis mihi tribuat, ut reamem te amore incomparabili. *Vide Scal: 2dam Pass.*

## M O D U S

*Mysterium Eucharisticum asceticè  
meditandi.*

## CONSIDERATIO I.

*Introductio imaginativa.* Imaginare Christum Dominum in maiestate sua, quamvis latente sub tegumento specierum panis & vini venientem, & quasi de abscondito vocantem homines dulci & medullato illo verbo; venite ad me omnes, qui

qui laboratis & onerati estis, & ego reficiam vos. Item Prov: 9. Si quis est parvulus, veniat ad me. Venite comedite panem meum, & bibite vinum quod miscui vobis. Imaginare assistentiam mille millia millium SS. Angelorum, quasi invitantium homines illis verbis: venite ad nuptias, ecce parata sunt omnia.

*Ratio proponit* Quis es tu Domine in Venerabili Sacramento sub speciebus panis & vini; & quis ego sum, qui ad te accedere volo & debeo? *synteresis responder* ad *inam* partem. Tu es Domine sublimis, profundus, latus, longus, prout ait Apostolus ad Eph: 3. Flecto genua ad Patrem Domini JESU Christi, ut possis comprehendere cum omnibus Sanctis, quæ sit Christi latitudo, longitudo, sublimitas, & profundum. *Sublimis* es, secundum tuam Divinam naturam, id est sublimiter, seu infinite potens, sapiens &c.

*Profundus* secundum humanam naturam, id est in eximjis virtutibus humilitatis obedientiæ &c.

*Latus* in charitate, quàm dilatasti usq; ad ingratos & inimicos diligendos. *Longus* item es, longo nimirum tempore; nostram expectans pœnitentiam & emendationem.

*Iterum responder* in eadem persona sui hominis ad 2dam propositionis partem. Ego verò qui ad te accedere volo ac debeo, respectu quidem sublimitatis tuæ, sum infimus hominum, vilissimus, inuicillissimus, stultissimus, miserrimus, ac maximus peccator. *Respectu* verò tuæ profunditatis, sum elatus, præsumptuosus, inobediens &c. *Respectu* tuæ



# CONSIDERATIO I.

47

tuæ latitudinis, sum strictus proprio amore, ut non diligam nisi meipsum, vel propter meipsum. Respectu tandem tuæ longitudinis, omnino sum cunctus, in votis reddendis, seu citò mutabilis in propositis adimplendis. Ratio hujusmodi responsiones, probat ex conscientia sui hominis. *Voluntas* pio affectu inde mota in tales prorumpit *Actus*. Quis ad te accederet infinita dignitas, quam reverentur Angeli, metuunt iusti, nisi tu juberēs, invitares dulcibus illis verbis; venite ad me omnes &c. Operitur quidem confusione facies peccatoris, sed adsunt superabundantia merita Redemptoris, affectus ecstatici SS. Matris, mei Patriarchæ Francisci, aliarumq; Mystério Eucharistico devotissimarum animarum; his interim superinduo nuditatem animæ meæ, ut docuit Christus S. Gertrudam. O DEUS meus amo tuam sublimitatem s. complaceo mihi in tuis Divinis perfectionibus, displiceo vero in mea vilitate, stultitia, inutilitate, peccabilitate, fragilitate &c. O DEUS meus, amo tuam profunditatem, s. complaceo in humanis tuis perfectionibus virtutum, quas omnino imitari volo; displiceo autem mihi in cunctis vitijs meis, quæ omnino averfor. O DEUS meus, amo tuam latitudinem, s. gaudeo plurimum quod Christus diligit suos inimicos, quem efficaciter hac in parte cupio imitari. O DEUS meus, amo tuam longitudinem, s. ago infinitas gratias Tibi Christe, pro diutina meæ penitentiae commendationis expectatione, consequenter pro impunitiōe mei æternis inferni cruciatibus; quos

D

agno.

agnosco me pridem peccatis promeruisse, ac proinde suffultus celesti auxilio in eadem quam cæpi pænitentia, studio internæ mortificationis ac exercitio asceticæ virtutis ad tui imitationem persequi severare volo.

## CONSIDERATIO II.

**R**atio proponit. Quæ nobis communicatibus dantur in hoc Sacramento Eucharistiæ? Synteresis respondet. Omnia illa nobis dantur, quæ ad integritatem Christi spectant, scilicet Corpus Christi reale Sanguis illius verus, Anima Sanctissima, Divinitas Verbi incarnati. Vel alias datur nobis totus Christus humanitate & Divinitate constans: quod enim semel assumpsit, post inde nunquam dimisit, cum jam sit impassibilis, quia & indivisibilis. Unde est, quod totus Christus contineatur sub speciebus panis, & totus sub speciebus vini, quamvis non eodem ordine; nam ex vi verborum consecrationis, sub speciebus panis continetur ratio sui corporis realiter ibi existentis, quod comitantur cætera, quæ sunt de ipsius integritate: sub accidentibus autem vini, continetur ratio sui sanguinis, quem comitantur cætera integritati ejus deservientia. Ac proinde tantum quisque accipit communicando sub una specie, quantum sub utraque & tantum ante divisionem specierum, quantum post, in minima quaque perticula. Horum autem ratio est, quia Christus Dominus sub speciebus existit non quantitativo modo, sed ad modum substantiæ spiritualis, totus videlicet in tota specie con-



## CONSIDERATIO II. 49

consecrata, & totus in qualibet parte. Unde canit Ecclesia: sub diversis speciebus, signis tantum & non rebus latent res eximie. Caro cibus, Sanguis potus, manet tamen Christus totus sub utraq; specie; A sumente non concisus, non contractus, non divisus, integer accipitur. Sumit unus, sumunt mille, quantum isti, tantum ille nec sumptus consumitur. Et paulò post Fracto demùm Sacramento, nè vacilles sed memento, tantum esse sub fragmento quantum toto tegitur. Nulla rei fit scissura, signi tantum fit fractura, quæ nec status, nec statura signati minuitur. *Ratio* veritatem convincitur. *Conscientia* reflectens ad se veritatem. 1<sup>mo</sup>. miratur arcana DEI. O res mirabilis, manducat Dominum pauper, servus, & humilis; verè non est natio tam grandis, quæ habeat Deos appropinquantes sibi, sicut DEUS noster adest nobis. 2<sup>do</sup>. Stimulat voluntatem ad adorandum latentem Christum in Eucharistia. *Voluntas* it in Actus. Verè tu es DEUS absconditus, DEUS Israël Salvator. Adoro te devotè latens Deitas, quæ sub his figuris verè latitas. Credo quidquid dixit DEI Filius, nihil hoc verbo veritatis verius. In Cruce latebat sola Deitas, ast hic later & humanitas. Plagas sicut Thomas non intueor. DEUM tamen meum esse hic Te confiteor. Quid mihi amplius potest esse in cælo & in terra. *Reliqua ex Scal. 1. Assume.*

## CONSIDERATIO III.

**R**atio proponit. Pro quo Christus se tradidit in hoc Sacramento ad manducandum; *Syncretismi respon-*

*respondet.* Quod pro multiplici nostra necessitate & utilitate spirituali uti est: *imo* Pro nostra spirituali purgatione; nam quoties hoc Sacramentum dignè sumimus, toties ab inquinamentis peccatorum ac vitiorum nostrorum magis ac magis purgamur. Juxta *Apoc. 7.* Hi sunt qui venerunt de tribulatione magna, & laverunt stolas suas, & dealbaverunt eas in sanguine Agni. *pio s. usu Sanguinis & Corporis Christi.* Actus Amplius, lava me ab iniquitate mea &c: Pie Pelicane JESU Domine, me immundum munda tuo sanguine, & alii Actus detest: Et ex *Pact. 1. 2dò.* Pro nostra spirituali illuminatione, quo enim sæpius ad hoc Sacramentum dignè accedimus, eo clariùs internè illuminamur, ad cognoscenda spiritualia ac æterna juxta *Ps. 33.* Accedite ad eum, & illuminamini, & facies vestræ non confundentur. Actus Revela oculos meos, lumen oculorum meorum Eucharistice JESU, & considerabo mirabilia, de lege tua. Da mihi intellectum, & scrutabor legem tuam. *3idò* Pro consequenda unione cum Christo animæ nostræ, quo enim diligentius ad hoc Sacramentum præparati accedimus, eo strictius ac inseparabilius Christo membrisq; ejus mysticis per charitatem conjungimur, juxta *Ioann. 6.* Qui manducat meam carnem, & bibit meum sanguinem, in me manet, ego in eo. Actus unionis, transformationis ex *Stah. 4. 4idò.* Pro consolatione nostra in varijs tribulationibus & adversitatibus, difficultatibus in vita spirituali. Qui enim dignè recipiunt hoc Sacramentum, potius hilarescunt quàm turbantur

in.



### CONSIDERATIO III 51

in adversis sibi venientibus, juxta *Ps. 22.* Parasti in conspectu meo mensam, adversus eos qui tribulant me. *Actu.* O Panis, ô Vinum lætificans cor hominis. *Ps. 103.* Consolator optime, dulcis hospes animæ, dulcè refrigerium. In labore requies, in æstu temperies, in fletu solatium. Jam de cætero sperno humana solaria, & potatæ animæ meæ suavi poculo Sanguinis Tui, dulcia fiant omnia amara & adversa. *sid.* Pro nostræ mentis corroboratione & confirmatione, contra tentationes carnis, mundi, diaboli atquè hominis improbi profectum vitæ spiritualis malo exemplo inpedientis. Sicut enim corpus pane terreno roboratur ad laborandum manualiter; ita hoc pane cælesti dignè sumpto mens nostra firmatur ad legitimè certandû, & in virtutibus asceticis ac interna mortificatione, proficiendum juxta *Ps. 103.* Ut exhilaret faciem in oleo, & panis cor hominis confirmet. *Actu.* Panis de calo descendens, verè te dicit *S. Aug.* cibum grandium. Cùm defecerit virtus mea DEUS adjuva me. Adjuva nos DEUS salutaris noster. *sid.* Datur nobis pro signo amoris Christi, pro pignore vitæ æternæ nobis promissæ. *Joann. 6.* Qui manducat hunc Panem, vivet in æternum. Ecclesia quoque canit: O Sacrum convivium, in quo Christus sumitur, recollitur memoria Passionis ejus, mens impletur gratiâ & futuræ gloriæ nobis pignus datur, *Actu.* O JESU fac mecum signum in bonum. *s.* in felicem æternitatem. Pono te super cor meum, ut signaculum æternitatis. Tu hereditas mea præclara es mihi.

mihi. Tu sicut in exilio es portio mea, ita sis in terra viventium. *Imo.* Datur nobis pro Viatico peregrinationis nostræ quia anima fidelis dignè accipiens hoc Sacramentum in articulo mortis, erigitur in spem consequendi indubitatè vitam æternam. Unde Ecclesia canit: Ecce Panis Angelorum, factus cibus viatorum. *Adm.* O Rex gloriæ descende ad me, priusquam moriatur filius meus, ego s. peccator. Mane nobiscum Domine quando (vita nostra) advesperascet; dum circumdabor doloribus mortis & periculis inferni, ne derelinquas me sine salutaris tuo (Sanctissima Communionem) opto, cupio, volo, ut ad Sanctificandas cogitationes, verba, opera, totius vitæ meæ, sit ultima mea cogitatio DEUS; ultima verba JESUS MARIA; ultimum negotium & cibus, manducatio SS. Eucharistiæ; ut sic fugiant à facie Domini omnes inimici mei. O quàm securè tupe dicam: Nunc dimittis servum tuum Domine. Deinde *Voluntas* generaliter primò fertur desideriorum *Actibus* cum S. Ignatio. Anima Christi sanctifica me, Corpus Christi salva me Sanguis Christi inebria me, Aqua lateris Christi lava me, Passio Christi conforta me, Bone JESU exaudi me, intra vulnera tua absconde me, ne permittas me separari à te, ab hoste maligno defende me, in hora mortis meæ voca me, & jube me venire ad te, ut cum Sanctis tuis laudem Te in sæcula. Tandem reflectens se anima, quòd protantis Eucharisticis beneficijs & fructibus, quid rependat DEO non habeat; perfectissimis quales sunt



## CONSIDERATIO IV. 53

sunt Beatorum in cælo, cupit redamare Christum actibus, dicens: Quando veniam, & apparebo ante faciem tuam extensus in te amore semper mobili, &c. Reliqua vide Scal: 8.

## CONSIDERATIO IV.

**R**atio proponit A quo sumendum est hoc Sacramentum? *synt: resp:* Sumendum esse à quolibet homine filio DEI, non verò ab hominibus filijs Diaboli, ut canit Ecclesia: verè panis filiorum, non mittendus canibus. *Marc: 7.* Non est bonum sumere panem filiorum, & mittere canibus. Illi autem homines dicuntur filij DEI, per adoptionem, qui toto corde fugiunt peccatum in æternum juxta 1. *Joan: 3.* Omnis qui natus est ex DEO, (per gratiam sanctificantem) peccatum non facit. Illi verò dicuntur è converso filij diaboli, qui peccatum faciunt, ut ibidem *S. Joann.* Qui facit peccatum ex diabolo est. Et paulò post subjungit: In hoc manifesti sunt filij DEI, & filij diaboli. Quà etiam ratione, isti filij diaboli assimilantur canibus & porcis; canibus quidem, dùm post suam ad LEUM conversionem supererogatoriam, recidunt contra sua vota, graviter peccando. Porcis verò, quando alicujus peccati gravis contrahunt consuetudinem. Contingit enim ipsis illud veri Proverbij: Canis conversus ad suum vomitum, & sus lota in volutabro luti, ut dicit *S. Petrus, 1p: 2. t. 2.* Ratio responsionis veritate convincitur, examinatq; conscientiam suam, cujus nam Patris filium testetur esse suum hominem.

Conscientia quæ scit vera fatetur. *Voluntas* inde odium contra omne peccatum concipit, in *Actu* prorumpit. Quos vide in *Medit. Pass. Christi Confid.* 3.

## CONSIDERATIO V.

**R**atio proponit. Quomodo ad hoc Sacramentum accedendum est? *Syntes resp.* Accedendum cum debita præparatione. Hinc est 1. Cor. 11. Probet autem seipsum homo, & sic de pane illo edat, & de calice bibat; qui enim manducat & bibit indigne, iudicium sibi manducat & bibit, non dijudicans Corpus Domini. Ille autem ad hoc Sacramentum digne ac debite præparatus accedit, qui illud sumit loto capite, lotis manibus, lotis pedibus. Unde dixit Petrus Christo; in lotione pedum ante institutionem & sumptionem hujus Sacramenti *Joan. 13.* Domine lava non tantum pedes meos, sed & manus & caput. Ubi per *caput* intelligitur fides & conscientia. Fides, quia est principium virtutum, & absque illa non possunt placere DEO ad meritum vitæ æternæ quæcunq; opera virtuosa.

Conscientia verò, quia est iudex potentiarum animæ dijudicans actus illarum. Per *manus* item intelligitur duplex spiritualium vita s. Activa & Contemplativa; quarum alterâ agunt propter DEUM exercendo se in mandatis ejus; alterâ agunt in DEUM actibus s. anagogicis, juxta *Psal. 66.* DEUM exquisivi manibus meis. Per *pedes* tandem intelliguntur affectus timoris & amoris DEI, quorum alterò ab ejus offensa recedunt, alterò in ami-



## CONSIDERATIO V.

55

amicitia proficiunt. Jam ergo ad hoc Sacramentum ille accedit *loto capite*, qui depurata fide ab omni halitatione credit credenda de hoc Sacramento. Et qui conscientiam habet liberam ab omni peccato tam reali quam ficto, *s. à scrupulo*. Ille etiam accedit *lotis manibus*, qui in vita activa omnem fugit intentionis obliquitatem, faciens facienda propter solum DEUM, non propter homines. Et qui in vita contemplativa, omnem fugit internam proprietatem; ut est proprius amor, propria voluntas proprium judicium, quibus tanquam visco volatus contemplationis illaqueatur. Ille tandem accedit *lotis pedibus*, qui ita affectus timoris & amoris sentit in se puros, ut nihil timeat aut amet supra DEUM, vel æquè ac DEUM; imò ut nihil timeat, vel amet præter DEUM; quamvis infra DEUM, propter DEUM, in DEO, & secundum DEUM omnia timenda & amanda timere & amare debeat. Ratio veritatè convicta examinat conscientiam, ita nè suus homo præparatus accedere soleat ad hanc Mensam Altaris Domini Conscientia quod scit facetur. Voluntas inde pio affectu mota, cupit affectuosissimè Christum suscipere in Venerabili SACRAMENTO semper magis ac magis *loto capite*, *lotis manibus*, *lotis pedibus*, Cujus *Actus*. Quis mihi tribuat, ut suscipiam te *loto capite*, *lotis manibus*, *lotis pedibus*. *Idg. juxta super: horum explic.* Tandem terminat *suavis Amoris actibus. ex Scal. 6.*



CON-

## C O N S I D E R A T I O VI.

**R**atio proponit. Quam ob causam Eucharistia ex institutione Christi, usq; ad mundi consumptionem habetur, & habenda sit? *Synt: respondet imo.* Ut nobis sit speciale novæ legis Sacramentum vel alias Sacramentum Sacramentorum; in usu enim omnium Sacramentorum sola gratia sanctificans nobis confertur, hic autem & gratia & ejusdem gratiæ Author, omniumq; Sacramentorum institutor, donatur. *add.* Ut sit nobis juxta novæ legis sacrificium, idem numero cum illo sacrificio in ara Crucis oblato, quamvis non ejusdem modi: quia Christus D. Unus ac idem est, tam cruentè in ara crucis immolatus, quàm sub speciebus panis & vini, in Altari absq; sanguinis effusione oblatus. Quod quidem sacrificium incruentum (juxta mandatum Christi *Luc: 22.* Hoc facite in meam commemorationem) jugiter in Ecclesia DEI instauratur, ad hos præcipue fines. *imò.* ad placandum DEUM Patrem pro peccatis nostris continuis, multipliciter offensum. *add.* Propter reddendas eidem Patri laudes & gratiarum actiones pro reparatione nostri per passionem ac mortem Filij sui. De hoc Sacrificio illud est *Malach.* Ab ortu solis usq; ad occasum Magnum est Nomen meum in gentibus, & in omni loco sacrificatur & offertur mihi oblatio munda. Et de ipso sacrificante Christo *Ps. 109.* Tu es Sacerdos in æternum, secundum ordinem Melchisedech. Cujus Ordinis, Sacerdotem se esse ipse Christus declarata.



# CONSIDERATIO VI 57

claravit, ubi Corpus & Sanguinem suum sub speciebus panis & vini Patri suo caelesti obtulit, & hucusq; singulis diebus offert, continò per suos substitutos, sacerdotes, qui dùm hujusmodi sacrificium offerunt, non suam sed ipsiusmet Christi suscipiunt Personam, quod ex verbis consecratis appareret; non enim in persona sua verba illa proferunt: Hoc est Corpus meum, sed in persona Christi. *3<sup>id.</sup>* Ut nobis sit præsentissimum memoriale Passionis ac Mortis Christi Domini, juxta *1. Cor. 11.* Quotiescunq; manducabitis panem hunc & calicem bibetis, mortem Domini annuntiabitis donec veniat. *Actus.* O memoriale mortis Domini panis vivus, vitam præstans homini, Memoria memor ero (/i. Passionis tuæ) & tabescet in me anima mea. Quatuor autem hoc loco recogitanda sunt in Passione Christi; juxta *D. Thomam.* Amor ad redamandum. Dolor ad condolendum. Fortitudo ad imitandum. Utilitas ad gratias agendum. *Amor* quidem Christi talis ac tantus fuit, ut faceret eum non solum liberare nos à nostris malis, & bona sua atq; seipsum nobis donare; verùm etiam adversa nostra pro nobis sufferre. *Dolor* item Christi talis ac tantus fuit, in corpore & anima, ut superaret dolores cujuscunq; hominis quoscunq; cruciatus sufferentis, juxta *Ier. 1.* O vos omnes, qui transitis per viam, attendite & videre si est dolor sicut dolor meus. *Fortitudo* talis ac tanta fuit, ut superaret prospera hujus mundi per contemptum, & adversa, Utilitas deniq; talis ac tanta fuit, ut per eam satisfaceret pro pecca-

peccatis nostris, & gratiam in presenti; & vitam æternam in futuro nobis promereretur. Unde S. Paul: *Rom: 8.* Qui proprio Filio suo non pepercit, sed pro nobis tradidit illum; quomodo non etiam cum illo omnia nobis donavit. Ratio Veritati assentitur, reflectit eam ad conscientiam suam. *Conscientia* autem imò miratur amorem Christi. *Actus.* Quanta fecit animæ meæ. *Psal. 62.* Te Christe mundus pavit pane doloris & lachrynarum; Tibi myrrhatum propinavit vinum; Tu ingratum mundum pascis lætitiæ pane, & vino salvitatis potas. 2do. Stimulat voluntatem ad redamandum Christum per tolerantiam ad imitationem ejus grato animo adversorum seu malorum, tam propriorum, uti sunt innata miseria; quam alienorum, uti sunt defectus morales proximorum, *Gal. 6.* Alter alterius onera portate, & sic adimplebitis legem Christi. Stimulat item ad compatendum Christo compassione Affectus & effectus. Item ad contemtionem prosperitatum hujus mundi, exemplo Christi, & ad sufferendas injurias ac persecutiones. Stimulat deniq; ad gratias reddendas Christo, idq; affectu & efficacia omnium justorum ac Sanctorum tam militantis quam triumphantis Ecclesiæ, pro tanto beneficio, satisfactionis, meriti, & futuri præmij. Hic *Voluntas* erumpit in *actum.* Quis mihi tribuat, ut reamem Te amore conformi tuo amor. Quis mihi tribuat, ut verè Tibi compatiar in doloribus; ut verè te sequar *s. in similitudine.* Ut dignas Tibi referam gratiarum actiones pro passione. Vivat

Rex



# CONSIDERATIO VI. 59

Rex noster JESUS, vivat in æternum. Laudeatur  
Sanctissimum SACRAMENTUM. ex Scal. 9.

## A P P E N D I X

### Pro Accessu & Receptu ad Sanctissimum SACRAMENTUM.

Quamvis tota meditatio hæc satis disponat accedentem ad Sanctissimum SACRAMENTUM, opportunum tamen videtur adijcere nonnulla, quæ jam proximè accedentem serius & compendiosius disponant.

\* In accessu. Junctis manibus versus pectus in modum crucis, tanquàm ligatum per crucem se sistendo DEO, cum profunda humilitate & admiratione. *Conscientia* alloquitur Christum his patetis. Domine unde mihi hoc, ut tu Dominus meus, & DEUS meus venias ad me, & uniaris mihi. Quis tu es, & quis ego? Tu Creator, ego creatura. Tu Dominus, ego servus, isq; ingratus & inutilis; imò toties rebellis. Tu DEUS, ego limas. Tu omne bonum, ego peccatum. Tu gratuitus Benefactor, & liberalis Pater, ego ingratus peccator, & prodigus filius. Unde mihi vilissimo vermiculo tanta dignatio? Domine non sum dignus, ut intres &c. propter peccatorum meorum gravitatem Domine non sum dignus &c. ob tantam beneficiorum ingratiudinem. Domine non sum dignus &c. ob tuam sublimitatem meamq; vilitatem. Ecce compareo mendicus ante divitem; pro divitijs gratiæ, servus ante Dominum, famelicus, petens cibum & potum

tum Corporis & Sanguinis Tui; nudus vestem Charitatis, operientem multitudinem peccatorum, reus ante Judicem, ut propitius mihi esse velis tam in vita, quam in morte, Amicus ante amicum, desiderans ut charitas tua me trahat, tecum liget inseparabiliter; Discipulus ante Magistrum, expectans salutaris doctrinas & illuminationes; Filius ante Patrem, petens necessaria mihi provideri, & finaliter hereditatem paternam.

*In recessu.* Manibus positis ad pectus, firma fide credé SS. SACRAMENTUM in corde tuo tanquam in Ciborio vel Monstratorio haberi. Post eliciantur Pacta Adorationis; Laudetur Sanctissimum SACRAMENTUM, tot laudibus, quot in cælo stellæ, in igne scintillæ, in aere atomi, in mari guttæ, in terra pulveres, in vere flores, in æstate grana, autumno folia, hyeme nives, quot in universo creaturæ, quot in æternitate momenta. Laudetur tot laudib<sup>9</sup>, quot ullo opere exhiberi, quot ore proferri, corde omnium hominum excogitari potuerunt, possunt & poterunt. Laudetur tot laudibus, tamq; perfectis & intensis, quot & quales, omnes justi & Sancti unquam, maximè cum hoc Sacramentum susceperunt, toto cordis ac mentis affectu persolverunt, quot omnes Angeli, Beatissima VIRGO, ipsa Humanitas D. N. J. C. toto tempore vitæ suæ, maximè hoc Sacramentum instituendo persolvit; imò quod Sanctissima T R I N I T A S sua potentia depromere, sapientiâ concipere, bonitate largiri potest; omni loco, omni modo, omni tempore, in æternum & ultra; quia dignum,



dignum, & iustum est. Pacta gratiarum actionis & oblationis habentur *In Scal.* 3. Petitionis hæc: O JESU purifica me, illumina me, præserva me, uni me tecum, transforma me, accende me, corrobora me, solare me, doce me, da veniam, gratiam, & gloriam. Tandem *Actus ex Scal.* 2da. 4ta. 6ta. 7ma. *Adverte.* Hos Actus posse practicari toties quoties visitamus & adoramus sanctissimū SACRAMENTUM, in gratiarum actionem pro reali præsentia Christi Domini in hoc SACRAMENTO. *Item.* Quoties quis sumit hoc SACRAMENTUM spiritualiter. *Spiritualis* autem sumptio Eucharistiæ seu Communio consistit in hoc. Quando devotus homo Catholicus aut Religiosus conscientia sanus, non habens facultatem sumendi hoc SACRAMENTUM corporaliter, fidem suam, quā credit Christum contineri in illo, & desiderium, quo cupit Christo uniri in sumptione Eucharistiæ, sursum ducendo consequitur rem, ac effectum SACRAMENTI; id est recipit gratiam. Unde *s. August.* Ut quid paras ventrem vel dentem, crede & manducasti; Qui enim credit in eum, manducat eum.

*Communio Spiritualis quam Christus  
docuit SS. Virgines Gertrudem &  
Mechtildem.*

O Dulcissime JESU, Panis Angelice, vivificans Animas nostras. O esca mirabilis saporis celestis. O fons indeficiens & abundans dulcedinis DEI, reple cor meum admirabili præsentia Essentia

tia tua. Ecce ego indignissima gutta creaturæ tuæ, mitto me in immensum bonitatis tuæ oceanum, cupiens dissolvi fervidissimo amore tuo, & fructum Sacramentalis sumptionis percipere. Et quod nunc ob nimiam indignitatem & ineptitudinem meam Sacramentaliter nequeo efficere, cupio adimplere cordis desiderio. Tu vero dulcissime JESU reparator substantiæ meæ, fac Omnipotentii Sapientia ac Bonitate tuâ, ut effectum præsentia tuæ recipiam, Amen.

**O** Sanctissima VIRGO & MATER DEI, quæ non solum novem mensibus DEUM Incarnatum in Utero Tuo portasti, sed etiam postquam Sacratissimū SACRAMENTUM instituit, digne ipsum recipere, atq; in corde tuo semper retinere studuisti, impetra mihi efficacem illius gratiam, Amen.

**L**Audio te, o amor fortissime: glorifico te, o amor dulcissime: magnifico te, o amor benignissime in omnibus & pro omnibus, quæ gloriosissima tua DEITAS, & beatissima humanitas in nobis operata est, & adhuc operabitur ab æterno in æternum, per nobilissimum instrumentum Divini Cordis Tui Amen.

*Pro opportunitate spiritûs & temporis.*

**N**onnulla loca Sacræ Scripturæ ruminanda & Applicanda Mysterio.

*Ante Comm.* Introibo in domum tuam in hoc locaustis, non hircorum, sed Sanguinis & Corporis Unigeniti DEI. Ps. 65. Venite ad me omnes,

qui



# CONSIDERATIO VI. 63

qui laboratis & onerati estis. *Matth. iii.* O dulce verbum! Glorificate & portate DEUM, (Eucharisticam) in corpore vestro. Si quis aperuerit mihi intrabo ad illum & cœnabo cum eo, & ipse mecum. Oportet me hodie in domo tua manere. Loquitur tibi Christus. Si quis diligit me, ad eum veniemus, & mansionem apud eum faciemus. In sole posuit tabernaculum suum. Dominus in cœlo paravit sedem suam. Ego autem tenebræ sum, & abissus nihili. Veni Domine visita nos in salutare tuo (*s. SACRAMENTO.*) Quis det de carnibus ejus, ut saturemur. O quam suavis est Domine Spiritus tuus, qui ut dulcedinem tuam in filios demonstrares, pane suavissimo de cœlo præstito esurientes repleas bonis, fastidiosos divites dimittens inanes.

*Post Comm.* Filius hominis traditus est in manus peccatorum. Quid est homo, quia visitas eum, & apponis ad eum cor tuum. Exi à me Domine, quia homo peccator sum, Murmurabant, quodd ad hominem peccatorem divertisses. Exulta & lauda habitatio Sion, quia magnus in medio tui Sanctus Israël. Et qui creavit me, requievit in tabernaculo meo. Misericors & miserator Dominus, escam dedit timentibus se. Hodie huic domui salus à DEO facta est. Ambulabo in fortitudine cibi istius, usq; ad montem DEI. Qui manducat meam carnem, & bibit meum sanguinem, in me manet, & ego in illo. Ipse vivet propter me. Ego resuscitabo eum in novissimo die. Nonne cor nostrum ardens erat, dum loque-

loqueretur nobis. Benedic anima mea Domino, & omnia quæ intra me sunt, nomini Sancto ejus. Noli oblivisci omnes retributiones ejus. Qui propitiatur omnibus iniquitatibus tuis! Qui sanat omnes infirmitates tuas: Qui redimit de interitu vitam tuam: Qui coronat te in misericordia & miserationibus: Qui replet in bonis desiderium tuum; renovabitur ut aquilæ juvenus tua.

## M O D U S.

### *Beneficia DEI Asceticè meditandi.*

**I**ntroductio imaginativa. Statue te in medio totius Creaturæ etiam Angelicæ, & ecce stupet, quod tu cinis & pulvis, imò perditissimus peccator, adeò dilectus cordi Divino sis, ut centrum & finis, quamvis secundarius omnium operationum DEI ad extra videaris; propter te enim Potentia creavit, sapientia, disposuit, providentia ordinavit, & conservat omnia. Cogita te veluti immenso, Oceano beneficiorum DEI continuorum, generalium, specialium, innatare. Cogita ab æterno ex quo DEUS est, nec momentum transiisse, in quo DEUS non cogitaverit, non amaverit te, etiam tùm, dùm nondùm esses, aut aliquid boni egisses, dùm nec minimùm de DEO cogitares, imò te blasphemante illum, & irritante peccatis tuis.

## C O N S I D E R A T I O I.

**R**atio propositi. Quis est secundùm naturam, statum & affectum, conferens in hac universitate rerum summa beneficia? & quis est similiter, secun-



# CONSIDERATIO I.

67

secundum naturam statum & affectum, eadem beneficia accipiens? *Synt. resp. ad 1am propositionem. 1mo.* quidem secundum naturam est DEUS infinite bonus, quasi à dando sic denominatus, ipsius enim proprium est dare; cuius omnia sunt, quæ sunt; & nihil est, quod non ipse creavit. Et cum sit infinite bonus, est etiam suæ bonitatis infinite diffusivus, per collationem summorum suorum beneficiorum. Unde *Ps. 88.* Tui sunt cæli, & tua est terra: orbem terrarum & plenitudinem ejus tu fundasti, aquilonem & mare tu creasti. Et *Ps. 117.* Confitemini Domino quoniam bonus, quoniam in sæculum misericordia ejus. *2do.* Secundum statum suæ Majestatis, est gloriosissimus, felicissimus, ditissimus, juxta *Prov. 8.* Mecum sunt divitiæ & gloria. Et *Rom. 10.* Dives in omnes qui invocant illum. *3tio.* Secundum affectum est piissimus ac liberalissimus, juxta *Eccl. 2.* Quis invocavit eum, & despexit eum? quoniam pius & misericors DEUS, Unde canit Ecclesia: Præsta Pater piissime &c. Et *D. Bonav.* Quanta pietas DEI homini tanto affectu & studio sic benefacere; qui beneficia ejus nec agnoscere, nec conservare, nec regratiando dignè recipere studet. Benefacere merenti justum est, benefacere non merenti, sed tamen humiliter petenti, pium est; benefacere non promerenti nec desideranti, magis est pium; piissimum autem, & non nisi Divini cordis, benefacere contemnenti & adversanti idq; villi, & servo proprio, & signmento suo.

*Ad 2dam propositionem Synt. resp. 1mo* quidem.

secundùm naturam, summa DEI beneficia accipiens, est homo; quasi ab humo sic denominatus: quia ex humo, infimo elemento formatus est: & quia sicut humus humorem pluviæ de nubibus cæli dari sibi apperit, ita homo, omne datum optimum, & omne donum perfectum (*ut est Iacob. 1.*) descendens à Patre luminum, expectat, juxta *Ps. 112.* Expandi manus meas ad te, anima mea sicut terra sine aqua tibi. *add.* Secundùm statum suæ conditionis est infelicissimus ac pauperrimus. Infelicissimus inde, quod sit peccato originali vitiat: id circò sensus & cogitatio cordis ejus (*ut est Gen: 8.*) in malum prona sunt ab adolescentia sua. Pauperrimus inde, quod nihil ex se habeat, nec habere possit; juxta illud, quod dictum est cuidam præsumptuoso multa sibi arroganti. *Apo: 3.* Dicis, quod dives sum & locupletatus, & nullius egeo; & nescis, quia tu es miser, & pauper, & cæcus, & nudus. *3id.* tandem secundùm affectum est ingratiissimus; quod inde constat, quoniam gratias non agit DEO debitas, pro tantis beneficijs, nec amat ipsum, velut dona ab eo sibi collata amat. Unde *Hugo.* Non ergo munera dantis, plusquàm amantis affectum diligas; majorem charitati ejus injuriam facis, si dona ipsius accipis, & tamen vicissitudinem dilectionis non rependis; aut dona ipsius si potes respue, vel si dona respuere non potes, vicissitudinem amoris repende. *Rasio* approbat responsionis veritatem, quam reflectit ad conscientiam sui hominis, examen cum ea instituens & quærens; qualem nam existimat esse homi-



## CONSIDERATIO II. 69

hominem suum respectu DEI, sui summi benefactoris? *Conscientia* uti bonorum & malorum ejus conscia, fatetur quod scit esse verum. *Voluntas*, pio inde affectu mota in *Actus* deprecationis & amoris DEI prorumpit: Fac cum servo tuo secundum misericordiam tuam, & justificationes tuas doce me. Vide reliq. in Pact. Scal. 2.

## CONSIDERATIO II.

**R**atio proponit. Quæ & quot sunt beneficia DEI, quibus homo in hac vita cumulatur? *Synt. resp.* Innumerabilia sunt: quorum tamen digniora & notiora possunt reduci ad duo genera; ut quædam dicantur benevolentia, quædam verò Innocentia Beneficia benevolentia seu beneficentia, alia sunt naturalia, alia supernaturalia, alia Gratuita. *Naturalia* puta esse quod creati sumus in esse humanæ naturæ ad imaginem & similitudinem ipsius DEI ac Creatoris nostri: & quod omnia creata sunt, quæ cæli ambitu continentur propter nostram utilitatem. Huc enim spectat corporis fortitudo, sanitas, agilitas, formositas, animæ docilitas, tractabilitas, ingenij claritas memoriæ felicitas, rectitudo judicij. Item huc spectant bona acquisita; uti sunt opes, scientia, artes, fama bona. Item deniq; naturalia sunt, bona fortunæ, ut potè gratia, favor, amicitia hominum, ac cætera quæ inde sequuntur. *Supernaturalia* beneficia sunt, reparatio nostri per mortem Filij DEI Unigeniti, Sacramenta pro nostra sanitate spiritali instituta, Missio Spiritus Sancti pro nostra sanctifica-

ficatione, auxilia DEI opportuna, gratiæ præve-  
 nientes, comitantes & subsequentes ad fugiendum  
 malum, insequendum bonum, & sufferendum ad-  
 versum. Huc etiã reducitur deputatio Angeli  
 Custodis, ut cuilibet nostrum patrocinetur in pe-  
 riculo corporis ac animæ constituto. *Gratuita* be-  
 neficia sunt; Prædestinatio nostri æterna ad cale-  
 stem gloriam consequendam, ac inde vocatio Dei  
 efficax, tum ad observantiam legis præcepti in Ec-  
 clesia Catholica; tum ad observantiam legis con-  
 silij, in aliquo statu religiosorum incorrupto. Ju-  
 stificatio nostri, ejusq; continuum augmentum per  
 gratiam sanctificantem. Protectio Divina in qui-  
 buscunq; tentationibus & adversitatibus. Donum  
 stabilitatis ac perseverantiæ, in studio bonæ op-  
 erationis, ac profectus spiritualis. Hæc autem be-  
 neficia, quàm sint nobis necessaria, utilia, ac præ-  
 tiosa, conijcere possumus ex oculo corporali, &  
 similibus: quorum necessitas & utilitas manifesta  
 est, pretium autem judicio prudentium inæstima-  
 bile. *Beneficia Innocentia*, puta esse illa, quibus nos  
 DEUS à summè malis aliàs perniciosis misericor-  
 dia suâ infinitâ ductus, præservare solet. Horum  
 alia sunt Impunitiōis, alia Indesertionis, alia  
 Impermissionis. *Impunitiōis* beneficia in hoc con-  
 sistunt: quòd nos DEUS non puniat statim, ut  
 eum offendimus, nimirum temporaliter aliqua ig-  
 nominiâ, infamiâ, morte probrosâ &c. vel æter-  
 naliter, flammis s. infernalibus: velut punivit Da-  
 than, Abiron, Sodomitas, & nunc passim punire  
 solet, quamvis non advertamus. *Indesertionis* be-  
 nefi-



## CONSIDERATIO. 71

beneficia in eo consistunt: quod nos DEUS finaliter non deseruit in peccatis, quibus ante nimis addicti fuimus. Uti multos nostros coetaneos, nobisq; nosos deseruit, juxta *Psalm. 80*. Dimisi eos secundum desideria cordis eorum: ibunt in advectionibus suis. *Impermissio* in hoc consistunt; quod nos DEUS non permittat tantoperè tentari, ut inteliciter in aliquod pristinum grave peccatum recidamus atq; consuetudinem ejus contrahamus; exindeq; professionem nostram consequenter fastidiamus. Uti aliquibus contingit in penam in suo Ascetico neglecti studij vitæ spiritualis, ac sanctæ Orationis, juxta *Apost. 3*. Quia tepidus es, nec frigidus, nec calidus, incipiam te evomere de ore meo. Unde *s. Greg.* Qui adhuc in peccatis est, (ut potè secularis) conversionis fiduciam non amittit: qui verò post conversionem tepuit, (ut potè Religiosus) etiam spem de sua conversione perdidit. *Ratio* assentitur veritati responsionis, quam reflectit ad conscientiam, examen cum ea instituens; an acceperit ejus homo cuncta hujusmodi beneficia, & cum quali gratitudine? *Conscientia* ut verum est fatetur. *Voluntas* inde pio affectu mota prorumpit in *Actum* gratiarum actionis cum omnibus Sanctis Ecclesiæ Militantis & Triumphantis, quos vide in *Medit. Pass. Christi Confid.*

## CONSIDERATIO III.

**R**atio proponit. Pro quo DEUS confert homini tanta sua beneficia? *Syr. resp.* Pro nullis omnino meritis antecedentibus & subsequenibus. Do-

mini quidem temporales bona subditorum suorum appetunt atq; requirunt, & eorum indigent obsequiis, sed Dominus DEUS non indiget nobis, nequè bonis aut meritis nostris, nequè obsequio nostro; quia ipse sibi perfectissimè sufficit. Unde *Ps. 15.* DEUS meus es tu, quoniam bonorum meorum non eges. Ea tantùm ratione indiget nobis, ut habeat quibus pro sua liberalitate ac pietate gratis benefaciat; pari etiam ratione indiget nostris obsequiis, atq; meritis subsequenter; ut inde occasionem accipiat majora & plura beneficia nobis conferendi, gratiæ videlicet in præsentī cum suo augmento, & vitæ æternæ in futuro cum abundantī & abundantiori gloria. Nam ad hoc venit Christus in mundum, ut per eum habeamus vitam (gratiæ atq; gloriæ) sicut ipse testatur *Ioan. 10.* Et abundantiorē habeamus, si ei toto corde adhæreamus, viis ejus fideliter incedendo: & ut inde gloria nominis ejus ad extra magis ac magis innotescat; nosq; hujusmodi magnificis beneficijs concitemur ad serviendum ei in sanctitate & justitia omnibus diebus nostris, juxta *Psal. 110.* Redemptionem misit populo suo (eā propter obsequare) mandavit in æternū testamentum suum. Et *Deut. 10.* Et nunc Israël, quid Dominus DEUS tuus petit à te (pro tantis beneficijs tibi exhibitis) nisi ut timeas Dominum DEUM tuum, & ambules in vijs ejus, & diligas eum, & servias Domino DEO tuo in toto corde tuo, & in tota anima, custodiasq; mandata Domini. Et *D. Paul. Eph. 5.* Estote imitatores DEI, sicut filij charissi.



### CONSIDERATIO III. 73

charissimi & ambulate in dilectione, sicut & Christus dilexit nos. *Ratio* convincitur veritate responsionis, quam reflectit ad conscientiam, examen cum ea instituens, utrum nam homo suus fideliter DEO serviat pro tantis ab eo acceptis beneficijs? *Conscientia* ut verum scit fatetur. *Voluntas* pio affectu mora elicit *Actum*. Inclinaui cor meum ad faciendas justificationes tuas in æternum, propter retributionem. Quid retribuam Domino, pro omnibus quæ retribuit mihi. Calicem salutaris accipiam, & nomen Domini invocabo. Vota mea reddam coram omni populo ejus. A mandatis tuis intellexi, propterea odivi omnem viam iniquitatis. In mandatis tuis exercebor, & considerabo vias tuas. In justificationibus tuis meditabor, non obliviscar sermones tuos. Secundum misericordiam tuam vivifica me, & custodiam testimonia oris tui.

### CONSIDERATIO IV.

**R**atio proponit. A quo tolluntur beneficia DEI? *Synteresis* responder. A superbo, Ingrato, & Infideli servo. *Superbus* est, tum qui peccatis suis excæcatus dona ac beneficia DEI, quibus abundè cumulatus est, non agnoscit venisse sibi à DEO. Tum qui existimat eadem dona à DEO sibi venisse, sed ob sua merita. Tum qui ex affluentia donorum DEI, accipit occasionem proximos suos vilipendendi. Unde Apostolus 1. Cor: 4. Quid habes quod non accepisti? si autem accepisti, quid gloriaris, quasi non acceperis. *Imgratus* verò est,

*Tum*

*Tum* qui beneficia ac dona sibi à DEO collata minimè considerat, examinat, ac perpendit. *Tum* qui examinata parui facit. *Tum* qui illa quidem magni pendit, sed pro eis tanto benefactori grates debitas non reddit. *Infidelis* servus verò est. *Tum* qui donis cælitus sibi traditis utitur, non ad maiorem gloriam nominis DEI promovendam, sed ad offensionem ejus Majestatis multiplicandam. *Tum* non ad proprium spirituale profectum, sed ad animæ suæ nimium detrimentum. *Tum* deniq; non ad proximi ædificationem, sed ad ejus offensionem ac æternam perditionem; donec audiat *Matthæi* 23. Tollite ab eo talentum, & date ei, qui decem talenta habet, & inutilem servum ejuscite in tenebras. *Ratio* responsionis veritatem comprobatur, eamq; ad conscientiam reflectit; examen cum ea instituens de suo homine; taliter nè an verò aliter se habeat respectu DEI tanti sui Benefactoris? *Conscientia* ut verum est fatetur. *Voluntas* inde pio affectu mota elicit *Actus*, qui sunt positi in *Medit. de Pass: Christi Confid: 2.*

## CONSIDERATIO V.

**R**atio proponit. Quomodo nos preparare debeamus ad majora DEI beneficia accipienda. *Synteresis* respondet. *imò.* Quando grata habemus minora jam accepta: Gratitude enim provocat benefactorem ad conferenda grato nova beneficia. Unde S. Ecclesia cælitus instructa orat pro novis beneficijs per antiqua reparationis nostræ jam præstita, dicens: Per Mysterium S. Incarnationis, Cru-



# CONSIDERATIO IV. 75

Crucis &c; libera nos &c. *Actus* gratiarum actionis, laudis, *ex Scal.* 3. *add.* Benè nos præparamus ubi quo majora beneficia DEI accipimus, eò magis in humilitate ac DEI timore filiali proficimus; dicitur enim *1. Petr.* 5. DEUS superbis resistit, humilibus dat gratiam. Et *Tob.* 5. Multa bona (corporalia, spiritualia, ac æterna) habebimus si timuerimus DEUM, & recesserimus ab omni peccato, & fecerimus benè. *Actus*, Abjicio me Domine in abyssum nihili mei, vilifico, despicio me, nihil sum, nihil possum; ad te sunt oculi mei. Humiliatus sum usquequaq; Domine, vivifica me (beneficijs tuis) secundum verbum tuum. Timebo Dominum (cum Sanctis ejus) quoniam nihil deest timentibus eum. *310.* Benè nos præparamus ad majora beneficia, ubi nos etiam proximis atq; fratribus nostris, maximè inimicis amore DEI beneficia præstamus, juxta *Luc.* 6. Date & dabitur vobis. Eà mensurâ, quâ mensi fueritis remetietur verbis *Math.* 5. Benefacite his qui oderunt vos, & orate pro persequentibus & calumniantibus vos, ut sitis filij Patris vestri, qui in cælis est, qui facit solem suum oriri super bonos & malos. *Actus* dilectionis proximi *ex Scal.* 1. *310.* Benè nos præparamus ad majora beneficia DEI, uti sunt spiritualia ac æterna, quando voluntariè atq; prudenter inferiora seu transitoria relinquimus ad imitationem Christi, juxta *Matth.* 9. Omnis qui reliquerit domum, vel fratres aut sorores, aut Patrem, aut Matrem, propter nomen meum, centvplum accipiet, & vitam æternam posside-

fidebit. *Actus.* Complacentiæ in vocatione religiosa: Benedictus es Domine, qui eripuisti me de porta mortis (sc: mundi) & de ventre inferi (sc: amore transitoriorum.) Renovo Professionem meam milles & milles. Omnia arbitror ut stercorea, ut Christum (ejusq; beneficia) lucrifaciam, *1rò.* Benè nos præparamus ad illa ubi ipsa nobis dari à DEO agnoscimus, atq; continuis precibus postulamus; *Luc: 11.* Petite & accipietis, quarite & invenietis, pulsare & aperietur vobis. Et *Ioan: 6.* Petite, ut gaudium vestrum sit plenum. *Actus* Petitionis, Oblationis ex *Scal: 3. 6rò.* Benè nos tandem præparamus, ubi libenter Divinas recipimus correptiones & castigationes, quas DEUS filijs suis adoptivis pollicetur. *Apo: 3.* Ego quos, amo, (& consequenter magnis & multis meis bonis cumulabo) arguo & castigo. Et S. Paul. *Hebr: 12.* Quem diligit Dominus castigat, & flagellat omnem filium quem recipit (ut suum heredem, coheredem Christi:) in disciplina perseverate, tanquàm filijs vobis offert se DEUS; quis enim filius, quem non corripit Pater. *Voluntas* complacet & exit in *Actus:* Amo tuam justitiam, me castigantem. Amo potentiam, sapientiam, bonitatem, misericordiam, mihi pro plagis copiosa retribuente beneficia. Et cum *Tob. 11.* Benedico te Domine DEVS Israël, quia castigasti me, & Sanasti me Paratum cor meum, paratum.

## CONSIDERATIO VI.

**R**atio proponit. Quam ob causam bona transitoria



# CONSIDERATIO VI.

27

toria frequentius & copiosius conferat, **DEVS** improbis, quam probis: ipsos probos non raro subijcit potestati impiorum. *Synteresis respondet.* 1<sup>mo</sup> ex *S. Bernard.* Nè putentur mala, dantur & bonis: nè putentur magna & summa bona, dantur & malis. Item auferuntur ista & bonis, ut probentur; & malis ut crucientur. Porro ex *S. Bonav.* Temporalia tam bonis, quam malis concedi debuerunt: quia aliter boni potiora sibi servari non crederent, nisi ista tam malis, quam bonis communia esse viderent. 2<sup>do</sup>. Quia sicut non est justus, qui non habet aliquod peccatum saltem veniale, pro quo in presenti debet puniri privatione bonorum temporalium, ut *Ioan. 1.* Si dixerimus quod peccatum non habemus, ipsi nos seducimus. Ita etiam non est impius, qui non habeat aliquod opus bonum, pro quo debentur illi saltem bona transitoria, ut *S. Greg.* Nisi dives ille aliquod bonum egisset, & in presenti sæculo remunerationem accepisset, nequaquam illi Abraham dixisset: Récepisti bona in vita tua. 3<sup>id.</sup> Non facit **DEVS** injuriam bonis, dum aliquando negat eis bona temporalia, malis verò largitur; æquum enim est, ut quibus dantur bona spiritualia, de terrenis modica aut nulla accipiant. Et quibus nihil datur de spiritualibus, terrestribus bonis abundent, juxta *V. Bed.* Non est Christianæ religionis in hoc mundo exaltari, sed deprimi: mali nihil habent in cælo, vos in mundo: sed spe illius boni, ad quod tenditis, quicquid in vita contigerit, gaudere debetis. 4<sup>to</sup>. Quia indignum est  
justis

iustis, ac periculosum abundare bonis temporalibus,  
 quæ Christus Magister celestis exemplo suo ad  
 eorum eruditionem reprobavit, ac suis discipulis  
 abijcere mandavit. (ut *Luc. 14. Qui non renunti-*  
*at omnibus quæ possidet, non potest meus esse*  
*discipulus*) tanquam occasiones ruinarum spiritu-  
 alium, laqueosq; diaboli, quos puta esse juxta D.  
*Pauli*: desideria nociva (id est, cupiditates hono-  
 rum, voluptatum, ac possessionum) quæ mergunt  
 homines in interitum & perditionem. Vnde ait  
*1. Tim. 6. Qui volût divites fieri, incidunt in ten-*  
*tationem, & in laqueum diaboli. Et paulo post. Ra-*  
*dix omnium malorum est cupiditas. scd. Quia sicut*  
*non esset dignitatis regis amico suo magnum sumi*  
*donare cumulum, licet sumus non careat sua utili-*  
*tate; ita etiam dedeceret Majestatem Divinam,*  
*justis amicis suis conferre bona hujus temporis,*  
*quæ ipsimet justî arbitrantur esse ut stercora. Vn-*  
*de S. Pauli Philip: 3. Propter Christum omnia de-*  
*trimentum feci, & arbitror ut stercora. Quod*  
*autem tantus Christi sectator, hæc bona transito-*  
*ria stercoribus assimilaverit, ratio est. Quia sicut*  
*stercora pecudum, quatenus agros fecundant, præ-*  
*tio æstimantur: quatenus verò fæcent & inqu-*  
*nant, omnibus abominabilia sunt; ita bona tem-*  
*poralia, in quantum deserviunt justis ad vitam*  
*eorum corporalem conservandam & spiritualem*  
*promerendam, sunt illis necessaria, uti bona in se*  
*ad hujusmodi usum humanum creata: quapropter*  
*vult DEUS illorum fieri participes iustos cum in-*  
*justis, modis sibi placitis: in quantum verò præ-*  
 bent



# CONSIDERATIO VI. 79

bent occasionem DEUM facile offendendi, fugiuntur à justis, velut mala secundum circumstantiam, ut nimirum animam inquinantia atq; DEO fatentia, ideò etiam ipsemet DEVS, vitat ea concedere justis. At loco eorum ex Divina sua munificencia & pietate, confert illis dona spiritualia quorum unicum superat suo valore totius mundi honores, divitias, & voluptates, juxta *Sapi 7*. Invocavi, & venit in me spiritus sapientiæ; & præposui illam regnis & sedibus, & divitias nihil esse duxi in comparatione illius. *Grò*. Quia sicut DEVS piissimus magnum justis præstat beneficium negando illis bona temporalia (quod patet ex supradictis) nè illis cedant in ruinam; ita maximum ac specialissimum præbet, ubi eos subijcit potestati ac persecutioni pravorum ad imitationem Filij sui, quem etiam potestati impiorum tradiderat, usq; ad sufferendam mortem ignominiosissimam ac dirissimam. Vnde *D. Greg*: Mala reprobarum bonos dum cruciant; purgant; utilitati justorum militat, etiam potestas pravorum. Et *S. Aug*. Nè putetis gratis esse malos in hoc mundo, & nihil boni de illis agere DEUM: Omnis malus aut ideò vivit, ut (per justum) corrigatur: aut ideò, ut per eum justus exerceatur. Quod autè hujusmodi beneficium sit maximum ac specialissimum, inter dona spiritualia, patet ex verbis *D. Pauli ad Phil. 1*. Vobis donatum est pro Christo, non solum ut in eum credaris, sed ut etiam pro illo patiamini, idem certamen habentes, quale & vidistis in me, & nunc audistis de me. Ratio responsionis veritate com-

vincitur, quàm reflectit ad conscientiam, examen cum ea instituens de homine suo, quæ nam dona magis appetat, an transitoria, an spiritualia & æterna. *Conscientia* ut scit verum fateatur. *Voluntas* inde pio affectu mota elicit *Actus*: Cognovi Domine quia æquitas judicia tua, & in veritate tua humiliasti me. Viam iniquitatis amove à me, & de lege tua miserere mei. Viam justificationum tuarum instrue me, & exercebor in mirabilibus tuis. Viam veritatis elegi, judicia tua non sum oblitus. Adhæsi testimonijs tuis Domine, noli me confundere. O JESU conforma me totum tibi. *Vde in Scal: 4.*

## M O D U S

### *De peccatis meditationem asceticè instituendi.*

**I***maginativa introductio.* Ex S. Alcant. Cogita te esse veluti illum Lazarum quadriduanum imò plus quàm mortuum & abominabile cadaver, veribus scatens, & usquè adeò fædum, ut transientes oculos avertere, nares occludere cogantur; nè factorem tuum oculis aut naribus hauriant. Crede te adhuc esse abominabiliorem DEO & Sanctis. Vel statue te in persona illius filij prodigi, qui abligurivisti totam substantiam pretiosæ gratiæ cum meretricibus scilicet cupiditatibus; indignum te reputando, qui leves oculos ad cælum, qui terram calces, quem terra sustineat, cui res creatæ serviant; nec dignum pane, quo vesceris,  
& c.



## CONSIDERATIO I. 81

& ære, quem attrahis; timens nè ultrix te cre-  
atura confurgat contra te, juxta Sap: 5. Pugnabit  
cum illo orbis terrarum, contra insensatos.

## CONSIDERATIO I.

**R**atio proponit. Quis est, in quem peccans pec-  
cat, & quis est qui peccat? *Synteris r. spondet.*  
*Ad idem.* In quem peccans peccat est DEUS,  
non solum summè bonus, uti ejus nobis collata  
testantur beneficia. Verùm etiam summè sapiens,  
& summè potens, tum ad cognoscenda omnia no-  
stra peccata, quamvis occultissima, tum ad ea æ-  
ternaliter punienda. *Ad idem.* Qui peccat est ho-  
mo, non solum summè malus, uti ejus summo  
bono declarat repugnantia; verùm etiam summè  
stultus, summè præsumptuosus; tum quòd in eo  
statu vivat, in quo non audet mori; tum quòd non  
timeat peccare in eum quem non ignorat, posse  
se quolibet momento justè punire, occidere, flam-  
mis æternalibus tradere in æternum. *Ratio respon-*  
*sioni assentitur, veritatem reflectit ad conscientia-*  
*am, quàm examinat de homine suo; utrum fuerit*  
*aliquando tam malus, tam stultus, & præsum-*  
*ptuosus. Conscientia memor præteritorum facetur.*  
*Voluntas in Actus resolvitur.* O maledicta dies,  
hora, momentum, quo primùm respondi me, ut  
offenderem DEUM meum! O vesaniam! ver-  
mis intumui contra DEUM, gutta contra ma-  
re, atomus contra Solem. Miserere mei &c: quo-  
niam iniquitatem, stultitiam, superbiam meam  
ego cognosco. Tu scis insipientiam meam, & de-  
fecta

lieta mea à te non sunt abscondita; intellexisti cogitationes meas de longè, semitam meam & funiculum meum investigasti; & omnes vias meas prævidisti. Quo ibo à spiritu tuo, & quo à facie tua fugiam? si ascendero in cælum tu illic es, si descendero in infernum ades. Si sumpsero pennas meas diluculò, & habitavero in extremis maris; etenim illuc manus tua deducet me, & tenebit me dextera tua. Tu terribilis es,, & quis resistet tibi? ex tunc ira tua. Magnus es tu, magnum nomen tuum in fortitudine. Quis non timebit te ô Rex gentium!

## CONSIDERATIO II.

**R**atio proponit. Quæ mala spiritualia adfert homini mortale peccatum in præsentī vita? *Synt. resp.* Adfert multa mala; Alia quidem in ipsum peccatum cadenti, alia de illo resurgenti, & alia in illud recidenti. *imò.* Mala spiritualia quæ incurrit cadens in peccatum sunt: Excecatio intellectus, depravatio voluntatis, ac deturpatio memorie. *Intellectus* enim peccato addictus consequenter excecatus in ordine ad spiritualia ac supernaturalia non discernit inter verum & falsum, bonum, & malum, licitum & illicitum, expediens & in expediens, securum & periculosum, utile & damnosum, facilè & difficilè, rectum & curvum, juxta 1. Cor. 2. Animalis autem homo non percipit ea, quæ sunt spiritus DEI; stultitia enim est illi, & non potest intelligere. Voluntas quoque peccato depravata non potest efficaciter amplius eligere.



## CONSIDERATIO II. 83

gere, quod sibi in æternum prodest; nec vitare quod sibi in æternum nocet. Inde est quod facilliter tristatur de bonis ad spiritum pertinentibus; & lætatur de malis, ad impetum suæ sensualitatis servientibus, juxta *Prov: 2*. Lætantur cum malè secerint, & exultant in rebus pessimis. *Memoria* deniq; peccato deturpata nequit ampliùs recogitare ut oportet, quæ sunt honesta ac spiritui salutaria; nisi quæ sunt carnis, mundi, ac diabolicæ incitationis, juxta *Phil: 2*. Omnes enim quæ sua sunt (sensualitati nimirùm placita) quærunt, non quæ sunt JESU Christi.

2do. Mala spiritualia, converso per pœnitentiam à peccatis derelicta sunt: Obscuritas intellectus, debilitas voluntatis, & instabilitas memoriæ. Intellectus enim post recessum peccati obscuratus manens, non valet percipere spiritualia ac æterna ut oportet, nisi cum labore ac difficultate: Non valet item discursus rationis inferioris, defendentes motus sensualitatis coercere, ac superioribus argumentis convincere, nisi multis studijs spiritualibus adhibitis: cum non rarò multum errare illi contingat in judicando falsum & malum sub specie spiritualis veri & boni sibi repræsentatum, omnino esse verum & bonum. *Voluntas* quoquè post abcessum peccati manens debilitata, non valet tentationibus sicut sufficit resistere, nec studiose virtuosis operibus insistere, nec satis motibus sensualitatis contraire: nisi summis & assiduis precibus obtineat cælestem à DEO corroborationem. Unde est quod non rarò facilliter deficiat in ordi-

ne & modo timoris & amoris, prius nimirum & magis timendo ac amando illud, quod posterius & minus timendum & amandum esset: eo quod remissa habeatur in affectu timoris & amoris erga DEUM ac Divina, donec per multa exercitia Meditationum asceticarum, & Orationum mentalium consequatur cœlitus inflammationem, *Memoria* tandem instabilis manens post peccatum pœnitentia abolitum, impotens habetur ad attendendum sine distractione spiritualibus exercitijs, ac seipsam avocandam ab inutilibus & vanis cogitationibus.

*3<sup>id.</sup>* Mala spiritualia, quæ incurrit recidens in peccatum, ante veram superrogationis conversionem usitatum, sunt: Tentatio impossibilis victoriz, plaga impossibilis sanationis, damnatio impossibilis evitationis. Tentatio quidem hujus loci impossibilis ad vincendum dicitur esse, tum ex parte DEI: qui communiter deserit recidivantes, id est iteratò peccantes ex certa scientia, ex plena voluntate, & ex plena libertate, post veram scilicet superrogationis conversionem juxta *Ier: 17.* Omnes qui te derelinquunt, confundentur; recedentes à te in terra scribentur. Et *Apos: 11.* Qui nocet (alio is detrahendo &c.) noceat adhuc (uti à DEO derelictus) & qui in sordibus est (gulæ ac veneris) sordescat adhuc; id est permittitur ipsi magis ac magis sordescere, donec compleat mensuram seu numerum suarum iniquitatum. Et *S. Greg: in Ezech:* Sicut qui à fide recedit, apostata est; ita qui ad perversum opus quod deseruit, redit, ab Omnipotent



## CONSIDERATIO II. 85

senti DEO absq; ulla dubietate apostata deputabitur, etiamsi fidem tenere videatur. *Tum* ex parte diaboli, quod patet ex verbis Christi *Luc: 11.* Tunc immundus spiritus vadit & assumit septem alios spiritus nequiores se, & ingressi (in animam recedentis) habitant ibi; & fiunt novissima hominis illius pejora prioribus. *Tum* ex parte ipsius recidivantis: quia per tale peccatum ex malitia voluntatis perpetratum, acquirit habitum pravam malignæ intensionis, quo ille facilitatur ad iterandum idem peccatum, & profundius se vitijs immergendum. Unde est *Ezech: 21.* Vir peccator adijecit ad peccandum. Plaga recidivantis cujuslibet Ascetæ impossibilis est sanationis, vel alias peccatum recidivationis per penitentiam ordinariam incurabile Ascetis habetur, juxta *Ezech: 21.* Fili peccasti, nè adijcias iterum, sed de pristinis deprecare, ut tibi dimittantur: quasi à facie colubri fuge (recidivationis) peccatum; nam si accesseris (ad illud post conversionem superrogationis) mordebit te. Plagæ illius non est sanitas *Hebr: 6.* Impossibile est eos, qui semel sunt illuminati, gustaverunt etiam donum cælestæ, & participes facti sunt Spiritûs Sancti gustaverunt nihilominus donum D.E.I., virtutesq; sæculi venturi, & prolapsi sunt rursus renovari ad penitentiam. Et *D. Chrysost:* Noli peccare post veniã, noli vulnerari post curã, noli fordidari post gratiam; cogita ô homo gravio-rem culpam esse post veniã, renovatum vulnus pejus dolore post curam, molestius hominem fordidari post gratiam. Quare indulgentiæ ingratus

est, qui post veniam peccat, sanitate indignus est, qui semetipsum postquam curatus est vulnerat, nec mundari meretur, qui seipsum post gratiam sortidat *hac ille*. Damnatio tandem æterna, est malum recidivantium impossibilis evitationis, juxta *s. Petri* 2. Melius erat illis non cognoscere viam justitiæ (quia minorem haberent damnationem) quam post cognitionem retrorsum converti (ad pristina scilicet peccata) ab eo, quo illis traditum sancto mandato. Et *Luci* 9. Nemo mittens manum ad aratrum, & respiciens retro, aptus est regno DEI, quasi dicat ipsa veritas: sicut ille qui ponit manus ad aratrum, & respicit retrò non est aptus ad benè recteq; arandum, ita, qui manus dedit suæ Religioni per emissionem votorum ad me imitandum, & retrò suis concupiscentijs ad mundana & carnalia, contra suam Professionem obvertitur, non est deinceps aptus ad regnum DEI obtinendum. Qui ergò secundùm sententiam Salvatoris non est aptus regno DEI; ille è converso aptus est æternæ damnationi.

*Nota indè.* Quod secundùm Interpretes S. Scripturæ, præsens impossibile non est physicum, sed morale. Illudq; significat, quod passim communiter ac ordinariè aliàs fieri nequit, nisi quandoquæ extraordinariè *id est* rarò & difficulter. *Nota item* quod propriè loquendo peccatum recidivationis non est, nisi Religiosorum atq; Clericorum (juxta quod ait D. Chrysost. sup: *Matth.* Laici delinquentes facilè emendantur, Clerici autem inemendabiles sunt) qui post suam superrogationis conversionem,



## CONSIDERATIO II. 87

nem, iteratò perpetrant illud contra sua vota ex mera malitia: id est, ex certa scientia, ex plena voluntate, & ex plena libertate; atq; in eodem peccato communiter habent affectum, post quemlibet suum actum. Quod inde patet, quia occasiones iteratò peccandi non vitant, sicut necesse est, pravorum consortia non cavent, fratres melioris notæ averfantur, in colloquijs familiaribus excusationes in peccatis suis & aliorum facillè adinveniunt, propensiones suas ad idem peccatum iterandum quas sentiunt, asceticâ mortificatione edomare non curant, auxilia Divina opportunè sibi dari calitùs contra instantes tentationes affectuosè non invocant, studium asceticæ Orationis prorsùs negligunt, donec in necessitatem peccandi deveniant, juxta *Isid. de summo bono*. Cogitatio prava delectationem parit, delectatio consensum, consensus actionem, actio consuetudinem, consuetudo necessitatem.

*Nota deniq;* quod peccatum recidivationis, non est cuilibet Ascetæ periculosius ac deterius, quàm contra votum castitatis, præsertim verò nefandum procuratæ pollutionis, eò quod occultissima sit, continuamq; ac perpetuam habeat occasionem, assuetis omninò inevitabilem. De hoc peccato horrenda legere est apud Cornel. à Lap: in *Gent. t. 38. n. 9*. Ratio responsione convicta, eam reflectit ad Conscientiam, quàm examinat de suo homine; an aliquando hujusmodi malis irretitus fuerit, nec ne? *Conscientia* ut scit verum fatetur, *Voluntas* inde pio compunctionis affectu mota ca-

les elicit *Aſſu.* Sana Domine animam meam, quia peccavi tibi. Sana me Domine & sanabor; saluum me fac, & saluus ero, quoniam laus mea tu es. Fiat manus tua, ut salvet me; quoniam mandata tua elegi. Viam veritatis elegi, iudicia tua non sum oblitus. Adhæsi testimonijs tuis Domine, noli me confundere. Suscipe me in servum tuum; & non confundas me ab expectatione mea. Spero in te, expectans à te veniam. *Vide Scal: 1.*

### CONSIDERATIO III.

**R**atio proponit. A quo peccatum recidivationis Religioso venit? *Synteresis respondit imò.* Venit à tentatione diaboli, carnis mundi, & hominis mali: contra quam Spiritus S. vult esse præparatum quemlibet Ascetam vitæ spirituali adscriptum, *Eccl: 2.* Fili accedens ad servitium DEI, sta in iustitia & timore DEI, & præpara animam tuam ad tentationem; diabolo enim, non est adeò curæ, ut revocet quenquam ab ingressu Religionis; nisi ut Religiosum in sanctitate & iustitia fideliter DEO servire incipientem faciat per suam astutiam ac incitamenta mundi, carnis, & hominis pravi, in pristina sua peccata recidere, contra suæ professionis vota, ut sic deinceps vivens in statu Religioso, clàm palamvè irreligiosè noceat suo instituto modis ei placitis; ac post inde majorem incurrat damnationem; quàm si in sæculo vivens ac moriens incurrisset. Idcirco Spiritus Sanctus monet quemlibet Religioni noviter adscriptum, quatenus firmiter ac perpetuò stet in iustitia quam



### CONSIDERATIO III 89

quam capit, & in timore DEI, quo carnem suam  
 confixam esse sentiat, ac insuper præparet ani-  
 mam suam ad tentationem. Sicut autem diabolus  
 facit alacrem ad tentandum Religiosum confiden-  
 tia, quam habet in sua astutia, & in vertibilitate  
 liberi arbitrij cujuslibet studium spiritualis vitæ  
 incipientis, juxta quod ipsemet ait. *Iob: 1.* Circui-  
 vi terram, & perambulavi eam, *id est*: decepi omnes  
 terrena concupiscentes, & potestati meæ subjuga-  
 vi, ita ut non possint facere bonum nisi malum,  
 secundum meum desiderium. Et illud *lib: 4.* Ha-  
 bet fiduciam, quod influat Jordanis in os ejus, *id*  
*est*, confidit, quod etiam Religiosi spirituali vitæ  
 addicti, tandem venient in suam potestatem, per  
 recidivationem in pristina sua peccata: qui alias  
 contra mundi & carnis concupiscentias retrorsum  
 cum Jordane conversi sunt, ac fluunt (sursum-  
 tendentes actibus suis anagogicis, ad montem Do-  
 mini, uti est. *Psf. 113.* Et *Isai. 2.*) Ita benè præpa-  
 ratum facit Religiosum incipientem spiritualis vi-  
 tæ studium, contra diabolus ejusq; tentationem,  
 intima confidentia in DEO collocata. Tum quod  
 non permittet se tentari supra vires suas, juxta 1.  
*Cor: 10.* Fidelis autem DEUS est, qui non patietur  
 vos tentari supra id quod potestis, sed faciet etiam  
 cum tentatione proventum, ut possitis sustinere.  
 Tum quod in omni tentatione cuilibet invocanti  
 ac deprecanti se opportunum præstabit auxilium,  
 juxta *Psf: 99.* Quoniam in me speravit, liberabo  
 eum; protegam eum, quoniam cognovit nomen  
 meum Clamabit ad me, & ego exaudiam eum:

cum

cum ipso sum &c. Voluntatis *Assu.* In te eripiar à tentatione, & in DEO meo cunctas transgrediar tentationes. In te speravi, libera me, protego me, salva me, quoniam cognovi nomen tuum. Angelis tuis commenda me, ut custodiant me &c: *add.* Venit peccatum recidivationis Religioso incipienti à voluntate in venialibus peccatis, atq; ab immortalitate incuriaq; pravoru defectuum, ut *Ecclesi.* 19. Qui spernit modica (peccata) paulatim (in majora) decidit. Item *S. Greg.* Si curare prava negligimus, insensibiliter seducti, statim audenter etiam majora perpetravimus. *Assu* \* Infinite DEUS, non erit apud me minimum quod DEI infiniti est offensivum. Non est filius, qui etsi non occidat patrem; tamen alapizat eum. Gressus meos dirige, & custodi etiam à minimis offendiculis. Malo mori, quam vel levi culpa fœdari. *310.* Venit à neglectu mentalis orationis, & consequenter profectus spiritualis; nam qui negligunt orationem mentalem, parum vel nihil proficiunt in vita spirituali, cum talis oratio, sit vitæ spiritualis instrumentum: qui verò non proficiunt in studio vitæ spiritualis, illi sensim deficiento, tandem in gravia recidunt peccata. Hinc *S. Leo* Qui non proficit (in vita spirituali) deficit (in peccata recidivationis) & qui non acquirit (virtutes) eò ipso mox gratiam justificantem perdit: Et *S. Bernard.* Aut ascendas necesse est, aut descendas; si attentas stare, ruas necesse est. *Voluntas* renovat Professionem, proposita, ut supra *Confid.* 3. de Pass. pun. 3. 412. Venit peccatum recidiva.



### CONSIDERATIO III. 91

divationis à securitate mentis in circumspecta; qui enim complacet sibi in suo profectu spirituali ac præsumit, quod in tali statu vivens, securus maneat ab omni ruina spirituali, ille communiter sensim remissior fieri solet in devotione interna, donec in eo frigescat charitas, & consequenter concupiscentia incalescat. Ut *S. Greg.* Non nunquam ipsis bonis quæ agimus, ad deteriora propinquamus; quia dum lætitiâ menti pariunt, quandam securitatem gignunt; dumq; mens secura redditur, in torpore laxatur. *Idem.* Sæpè mens dum de virtute sua securitate resolvitur, inopinatè culpæ telo perforatur. *Conscientia* reflectit se supra illud Sancti Augustini. Semper tibi displiceat quod es, si vis pervenire ad id, quod nondum es; nam ubi tibi placuisti, ibi remansisti; si autem dixisti sufficit, perijisti. *Voluntas* it in *Adm.* Humilior sub potenti manu DEI, ut benè sit mihi in die tentationis. Nihil sum, nihil possum, displiceo mihi, si quid sum. Ego dixi nunc cæpi. Vel incipiamus fratres. *isd.* Venit peccatum arecidivationis à principiis pravæ politicæ, & habitibus vitiorum acquiritorum: hæc enim sicut per actus frequentes peccatorum contrahuntur; ita per ascticam disciplinam non superata, in eisdem actus peccaminosos facilè resolvuntur, per quos disponendo sic peccantem, tandem desinunt in peccata recidivationis propriè dicta. *Hæc principia* juris pravæ politicæ sunt tria. *imd.* Velle consequi licita (uti sunt bona honorabilia, delectabilia) medijs licitis, quæ ubi non sufficerent, vel-

le ta.

le tamen ea consequi ad præsens per media illicita. 2dò. Velle se à malis defendere (uti sunt despectio, contumelia, damna & quæcunq; injuriæ) modo licito; qui ubi deesset velle interea adhuc effectum adhibere modum aliquem illicitum. 3tò. Velle sua recuperare, & injuriam publicâ autoritate puniri: quæ ubi deficeret, velle tamen id ipsum pro hac vice fieri autoritate privatâ. *Habitus* autem pravi sunt, vitia per actus peccaminosos acquisita (ut potè habitus superbiæ, avaritiæ, luxuriæ, invidiæ, gulæ, iræ, & acediæ) quorum motus sequuntur judicium rationis inferioris, ac falsum lumen principiorum pravæ politicæ. *Actus* Omnia volo &c: Paratum cor meum &c: vide *Scal. 4, 6tò*. Venit Religioso peccatum recidivationis à peccato lapsus: nam ubi citò per penitentiam non diluitur, (ut ait S. Gre:) mox suo pondere in aliud (peccatum nempe recidivationis) trahit. Cujus rei exemplum habemus in David: qui post adulterium mox commisit homicidium. Item in Juda proditore, qui post fur tum, mox vendidit traditione Christum, ac postjnde laqueo suspendit seipsum, unde dicitur *Ps: 41*. Abyssus abyssum invocat. Illud autem est peccatum lapsus, mortalis nimirum culpæ: quod committitur, vel ex ignorantia excusante non totaliter quidem, sed aliquialiter à culpa, idq; vel propter infirmitatem voluntatis, quam infirmant seu debilitant passiones nondùm satis mortificatæ, vel ob aliquam coactionem, per amorem, aut timorem rei alicujus causatam quando autem tale peccatum



## CONSIDERATIO IV. 93

catum actu quis committit, plerumque desiderat  
protinus recuperare perditam iustitiam, ut *S. Aug.*  
Nullus Sanctus & iustus caret peccato, non tamen  
ex hoc desinit esse iustus, Sanctus, cum affectu te-  
neat sanctitatem. Inde *S. Bernard:* *serm. ad fratres*  
*ait:* Bonum est, nos hic esse, *s.* in Religione,  
quia hic homo vivit purius, cadit rarius, surgit  
velocius, incedit cautiùs, quiescit securius, irrorat-  
ur frequentius, purgatur citius moritur confiden-  
tius, rem uneratur copiosius. *Ratio* convicta exa-  
minat cum conscientia suum hominem, videat ne  
in illo hanc vel alias causas recidivandi. *Voluntas*  
prorumpit in Actus detestationis, ut supra alibi:  
& deprecationis. Salvum me fac DEUS, quo-  
niam intraverunt aquæ (*sc.* pericula recidivatio-  
nis) usq; ad animam meam. Tu ipse libera me  
de laqueo venantium.

## CONSIDERATIO IV.

**R**atio proponit. Pro quolibet mortali peccato,  
maximè verò pro peccato recidivationis, quo-  
rupliciter homo in præsentì vita punitur? *Synt. resp:*  
Punitur multipliciter. imò quidem omnium bono-  
rum spiritualium privatione. *Privatur* enim reci-  
divans donis omnibus gratuitis, quæ cælitùs acce-  
perat in sua conversione ad DEUM superer-  
ogativa; atq; omnibus meritis vitæ æternæ dignis,  
quæ bonis operibus cum auxilio DEI sibi com-  
paraverat, juxta *Ecclesi. 9.* Qui in uno peccaverit,  
multa bona perdet. Et *Ezech. 18.* Si averterit se  
iustus à iustitia sua, & fecerit iniquitatem, omnes  
iusti.

justitiæ ejus quas fecerat, non recordabuntur. *Privatur* item potestate proxima iterum merendi vitam æternam, quamvis multa bona operetur in statu suo religioso, tam quæ sunt de lege præcepti, quam de lege Consilij: quia nulla bona opera extra gratiam charitatemq; DEI possunt esse meritoria. Unde est illud 1. Cor: 3. Si distribuero in cibos pauperum omnes facultates meas, & si tradidero corpus meum, ita ut ardeam; charitatem autem non habuero nihil mihi prodest. *Privatur* item imagine ac similitudine DEI, quâ in anima decoratus fuit, per dona gratuita cælitus accepta, imagine verò ac similitudine deturpatur diaboli, velut ex filio DEI, filius diaboli factus, juxta Ioan. 8. vos ex patre diabolo estis, & desideria patris vestri vultis facere. *Privatur* deniq; coronâ vitæ æternæ, quam habuit in promissione, uti Apoc: 2. Esto fidelis usq; ad mortem, & dabo tibi coronam vitæ; nunc autem alteri collata est, juxta Apoc: 3. Tene quod habes (de donis DEI gratuitis) ut nemo accipiat coronam tuam. Cujus rei habetur exemplum in 40. Martyribus, quorum uno deficiente, statim janitor balnei in ejus locum successit Christum confitendo, eaq; ratione coronam deficientis accepit. Item in Nicephoro, qui gratiâ DEI incensus, martyrio se obtulit loco Sapphici ejusq; coronam consecutus est. Unde S. Job: exclamans dicit c. 27. Justificationem meam quam cæpi tenere non dereram. *add.* Punitur dirissimo remorsu suæ conscientiæ, quem remorsum expertus est Cain cùm diceret: Gen: 4. Recce

eijcis



# CONSIDERATIO IV. 95

reijcis me hodie à facie terræ, & à facie tua abscon-  
 dar, & ero vagus & profugus in terra? 70. *legunt.*  
 Et ero gemens & tremens: gemens quidem ex ap-  
 prehensione pænæ in præfenti mihi infl. ctæ, & in  
 futuro infligendæ, & tremens tam animo, quàm  
 corpore, ex mala & desperata conscientia. Unde  
 S. *Ansel.* Conscientia impiorum magna pæna est:  
 piorum verò magnum gaudium. Et S. *Ihd:* Con-  
 scientia rei semper in pæna est: nunquam securus  
 est reus animus, conscientia proprijs agitatur sti-  
 mulis. 310. Recidivus punitur alio & alio pecca-  
 to, velut pænâ sui peccati. Unde S. *Greg:* Pecca-  
 tum quod ex peccato oritur, non jam peccatum  
 tantummodo sed & peccatum est, & pæna pecca-  
 ti: quia iusto iudicio Omnipotens DEUS cor  
 peccatoris obnubilat, ut præcedentis peccati me-  
 ritò etiam in alia cadat. Et S. *Ihd:* Dùm facta quæ-  
 dam non gravia libere & sine metu committimus,  
 ad pejora scelera, & horrendam peccati consue-  
 tudinem labimur. 410. Punitur derelictione Divi-  
 nâ in peccatis, juxta *Ps. 8.* Dimisi eos secundùm  
 desideria cordis eorum; ibunt in adinventionibus  
 suis. Et *Ier: 17.* Domine, omnes qui te derelin-  
 quunt, confundentur: recedentes à te in terra  
 (non autem in cœlo) scribentur: quoniam dere-  
 liquerunt venam aquarum viventium Dominum.  
 Et *Ecc: 7.* Considera opera DEI, quod nemo  
 possit corrigere, quem ille despexerit, id est, de-  
 reliquerit. Unde Samuel admonetur à DEO, ne  
 lugeat amplius Regem Saul jam derelictum, di-  
 cens *1. Reg: 16.* Usquequo tu luges Saul, cùm ego  
 proje-

projecerim eum. *scd.* Punitur recidivans morte pessimâ sive extra, sive intra Religionem, juxta Ps: 33. Mors peccatorum pessima. Unde S. Aug. Non potest malè mori, qui benè vixerit; & vix benè moritur, qui malè vixit. *Item.* Qualis vita, finis ita. *Item.* Vivite benè, nè malè moriamini. *Ratio* veritati responsionis assentitur, quam reflectit ad conscientiam; cùm qua examen instituit de suo homine. Caveatnè ut oportet hujusmodi culpam, si non vult incidere in talem punitionem. *Conscientia* fatetur ut verum est. *Voluntas* quasi admonita illis 1. Ioann. 2. Verbis, Filioli mei, hæc scribo vobis, ut non peccetis; exit in *Actu.* Iustificationem meam, quam tenere capi, non deseram. Bonus es tu, & in bonitate &c: Delicta juventutis meæ &c: Quoniam iniquitatem meam, ego cognosco. Amove à me plagas tuas. Domine non secundùm peccata nostra facias nobis. Vivat anima mea vita iustorum; & fiant novissima mea similia eorum. Custodi me Domine &c: Emitte manum tuam de alto, & eripe me de limo culpæ & pænæ.

## CONSIDERATIO V.

**R**atio proponit. Quomodo cuilibet hominum de peccato resurgendum est? *Synr: resp:* Per veram pœnitentiam, juxta Act: 3. Pœnitimini igitur & convertimini, ut deleantur peccata vestra. Et Luc: 1. Non veni vocare iustos, sed peccatores ad pœnitentiam. *Pœnitentia*, quâ delentur peccata; alia est exterior, alia interior. *Exterior*, qui dem.



# CONSIDERATIO. V. 96

dem est pœnitentia Sacramentalis, quæ requirit do-  
lorem animi de peccatis commissis, ac serium pro-  
positum ampliùs non peccandi, exterius pura ma-  
nifestatum. itemq; confessionem eorundem pecca-  
torum secretam, & absolutionem Sacerdotalem  
voce prolata: deniq; satisfactionem DEO ac ho-  
minibus debitam in voto saltem, dum interea in-  
te haberi non potest. Pœnitentia *interior* est vir-  
tus habitualis, & actualis: quam constituit nolle  
peccasse, & nolle peccare, & ipsum non peccare  
ob DEUM summè honorandum, amandum &  
imitandum, ut infinitè potentem, bonum & sa-  
pientem. Vel idem est, ac detestari peccata in-  
præterito commissa, supra omnia detestabilia prop-  
ter soliùs DEI offensam: atq; propositum ha-  
bere firmum non peccandi in posterum: & insuper  
totà mentis efficacità in æternum adhærere legi  
Divinæ, fortiter ac fideliter cuilibet tentationi ad  
transgressionem ejusdem inducenti, resistendo. Un-  
de est *Ezech. 18.* Si impius egerit pœnitentiam ab  
omnibus peccatis suis, quæ operatus est; & custo-  
dierit omnia præcepta mea, & secerit iudicium &  
iustitiam, virà vivet, & non morietur. Vel item  
pœnitentia ut virtus idem est ac volitio, quâ homo  
causâ DEI efficaciter vult in se punire peccatum:  
& nolitio, quâ homo seriò non vult commisisse  
peccatum, atq; committere in æternum.

Pœnitentia præsens, ut sit plenè virtuosa debet  
esse tempestiva, continua, & perpetua. *ind.* qui-  
dem debet esse tempestiva sine dilatione juxta *E-*  
*zech. 1.* Non tardes converti ad Dominum, & nē

differas de die in diem: subito enim veniet ira illius, & in tempore vindictæ disperdet te. Et *D. Augst: Serm: 36.* Age pænitentiam dum sanus es; si sic agis dico tibi, quod securus es, quia pænitentiam egisti eò tempore, quo peccare potuisti; si vis agere pænitentiam, quando jam peccare non potes; peccata te dimiserunt, non tu illa. *2d.* Debet esse continua sine interruptione, juxta *Ioa: 1. & 8.* Ecce sanus es, jam noli peccare, nè deterius tibi aliquid contingat. Vade & jam amplius noli peccare. Et *D. Hier.* Resurrectio spiritualis, quæ est pænitentia, debet esse cum Christo semper victuro, non cum Lazaro iterum morituro. Et *S. Ihd.* Irrisor est, non pænitens, qui adhuc agit, quod pœniteat. *3tid.* Debeat esse perpetua, sine cessatione juxta *D. Aug:* Pœnitens semper doleat, & de dolore gaudeat; & non semper se doluisse doleat. Et *Hugo.* Pænitentia appellata est, quasi punientia, eò quòd homo in se pænitendo punit, quod malè admisit. Et *D. Bonav.* Pœnitens toto vitæ suæ tempore de peccatis pœniteat præeritis, & propositum habeat infuturum semper abstinendi. Unde pænitere est pœnam tenere, ut semper puniat in se ulciscendo, quod commisit peccando: ille pœnam tenet, qui semper vindicat, quod se commisse dolet, ubi dolor finitur, deficit, & pœnitentia.

Pænitentia ut virtus, alia est Ordinaria, alia extraordinaria. Pænitentia ordinaria duplex est: Altera dicitur necessitatis, tanquàm de lege præcepti, quæ detestatur, abominatur, & fugit omnia & fin.



# CONSIDERATIO V. 98

& singula peccata mortalia, supra omnia hujus mundi detestabilia, abominabilia & fugibilia universè aut confusè apprehensa; ac omnem deserit proximam peccandi occasionem; ex instinctu timoris ac amoris DEI. Hæc pænitentia communis est omnium fidelium justorum; Altera dicitur superrogationis, tanquam de lege consilij; quæ detestatur, abominatur, & fugit eadem peccata supra omnia hujus mundi detestabilia, abominabilia, & fugibilia, distinctè ac sigillatim apprehensa, ac remoram deserit (juxta Evangelium Christi) quamvis peccandi occasionem, ex eodem instinctu timoris & amoris DEI. Hujusmodi pænitentia specialis est, ac propria bonorum Religiosorum.

Pænitentia extraordinaria illa est, quæ cælitus inflammata Divino amore, detestatur, abominatur, & fugit peccata supra omnia futuri sæculi detestabilia, abominabilia & fugibilia fide sc. credita, ac distinctè apprehensa; uti sunt pænæ sensus varij generis infernales. Hæc autem detestatio, abominatio, & fuga peccati, aliàs est mystica resolutio atq; resignatio. Ad eandem pænitentiam extraordinariam spectat, tùm manifestatio superiori suo arcanorum propriæ conscientiz, tanquam Patri spirituali, eà causâ, ut secundum illam ipse manifestans exterius gubernetur. Tum grata acceptio cujusvis injuriæ, opprobrij, ac multæ confusionis, juxta *D. Ambr.* Qui pænitentiam agit paratus debet esse ad opprobria perferenda, injuriasq; subeundas; nec commoveri, si quis ei peccati sui crimen objiciat.

*Nota.* Quod per pœnitentiam necessitatis, resurgitur de peccatis, quoquo modo antè conversionem superrogatoriam commissis. Per pœnitentiam autem supererogationis, rùm de ijsdem peccatis resurgitur, rùm ipsamet anima ab infirmitatibus vitiorum acquiritorum sensim asceticè sanatur. Per pœnitentiam deniq; extraordinariam à quibuscunq; peccatis resurgitur, etiam à peccatis recidivationis, & anima ad sanitatem asceticam cito revocatur, & omnibus virtutibus superrogatorijs imbuatur. *Ratio* convicta examinat cùm conscientia suum hominem, utrum nam habeat huiusmodi pœnitentiam virtutis cum suis requisitis, nec ne? *Conscientia* fatetur quod scit. *Voluntas* pio indè affectu mota, elicit *Actus*, quos vide in *Medit: de Pass: D. Confid: 3.*

## CONSIDERATIO VI.

**R***atio proponit.* Quam ob causam DEUS hominem creavit peccabilem? Cùm odio habeat peccatorem, & peccatum ejus; uti constat *Sap: 14.* *Synt. respondet.* Verùm quidem est, quod odio impius DEO & impietas ejus nihilominus creavit hominem naturâ peccabilem, ob justas rationes. Tùm ex parte ipsius hominis. Tùm ex parte sui. *ma* quidem ex parte hominis est, ut homo per sui liberi arbitrij electionem cum auxilio cœlitus advocato fieret moraliter impeccabilis, & consequenter filius DEI adoptivus per gratiam justificantem, juxta *1. Ioann: 3.* — Omnis qui natus ex DEO, peccatum non facit, quoniam semen ipsius

in co



CONSIDERATIO VI. 100

in eo manet. Semen autem hujusmodi sunt Divinae inspirationes, quas DEUS mediante gratia sua per fidem, & alia dona Spiritus S. imprimit menti; quibus dum intendit homo, excludit omne semen diabolicarum suggestionum ac representationum; & sic non facit peccatum uti impeccabilis, quousque Divinarum inspirationum sequitur ductum. 2da. Ut homo non esset conditione inferior omnibus animantibus, quæ DEUS sic administrat, ut illa agere sinat, juxta suas propensiones: eâ propter etiam hominem relinquit in sua libertate: non tamen ut faciat impunè, quod placet malum; cum sibi impiè agenti statuta sint divinitus pænæ dirissimæ, sed ut libera voluntate DEO inserviat, mandata ejus observando, ac eo ipso vitam sibi æternam promereatur cælitus repromissam. Unde est *Ecclesiastes 15.* Nemini mandavit DEUS impiè agere. Et *Psalterium 10.* Pluet super peccatores laqueos. Et *Sapientia 5.* Justi autem in perpetuum vivent, & apud Dominum est merces illorum. 3ta. Ut homo gloriosior appareret, si non peccaret cum peccare posset, juxta *Ecclesiastes 31.* Erit illi gloria æterna qui potuit transgredi, & non est transgressus, facere mala, & non fecit. 4ta. Ut justus virtute decoratus, magis resplendeat ex turpitudine vitij impiorum, cum opposita penes se posita, magis elucescant: undè & mali satis commendant bonos ad invicem comparati. 5ta. Ut impius deserviat justo sua persecutione ad profectum spirituales, juxta *D. Augustinum.* Nè putetis gratis esse malos in hoc mundo, & nihil boni de illis agere

DEUM: Omnis malus, aut ideò vivit ut corrigatur; aut ideò, ut per illum justus exerceatur.

*ima* item ratio ex parte DEI est. Ut habeatur differentia inter Creatorem & creaturam. Si enim DEUS hominem creasset impeceabilem, fecisset eum æqualem sibi: ipse enim solus impeccabilis atq; invertibilis ac immutabilis est Omnis autem creatura intellectualis, tanquam impotens in se, meritò debet esse peccabilis, vertibilis, ac mutabilis; donec cælestibus auxilijs firmetur ab ipso Omnipotente DEO.

*ada.* Ut summa sapientia DEI ad extra innotescat omni creaturæ intellectuali, per malum ab homine peccabili perpetratum: de quo scit DEUS elicere bonum, ut est ejusdem hominis pænitentis meritum, & præmium vitæ æternæ. Unde S. Aug. Melius judicavit DEUS de malis benè facere, quàm mala nulla esse permittere.

*zia.* Ut notam faceret DEUS summam bonitatem, clementiam, misericordiam, & charitatem: per quam bonitatem hominem perditum reparavit, interveniente Filij sui Unigeniti passione, ac morte: & nunc ipsum reparat semper, interveniente Spiritus Sancti gratiâ justificante. Unde Rom. 5. Commendat autem charitatem suam DEUS in nobis quoniam cum adhuc peccatores essemus, secundum tempus Christus pro nobis mortuus est. Et Tit. 3. Secundum suam misericordiam salvos nos fecit, per lavacrum regenerationis & renovationis Spiritus S. quem effudit in nos abundè per JESUM Christum Salvatorem nostrum: ut justificati



## CONSIDERATIO I. 102

ificati gratiâ ipsius heredes simus secundum spem  
vitæ æternæ.

414. Ut ostenderet DEUS suam justiciam red-  
dendo justis præmia, & impijs supplicia, juxta D.  
*Athan. symb.* Qui bona egerunt, ibunt in vitam  
æternam; qui verò mala in ignem æternum. Ra-  
tio convicta examinat conscientiam, utrum nam-  
fecerit se per studium vitæ spiritualis cum auxilio  
DEI impecabilem, nec ne? *Conscientia* ut scit  
verum fatetur. *Voluntas* inde affectu pio mota,  
eficit *Actus* Viam iniquitatis amove à me, & de  
lege tua miserere mei. Viam veritatis elegi judi-  
cia tua non sum oblitus. Bonus es tu, & in bo-  
nitate tua doce me justificationes tuas. Justifica-  
tiones tuas custodiam, non me derelinquas usque-  
quaq;. Suscipe me in servum tuum & vivam; &  
non confundas me ab expectatione mea. Amo-  
tuam justiciam, *vide Scal. 5.*

## M O D U S

*De miserijs hujus vitæ meditationem,  
Asceticè instituendi.*

**I**ntroductio *imaginativa* cum S. Alcant. Cogitate  
in limo profundi (mundi vel peccatorum, in-  
quibus infixus es, vel ante eras) similem arundi-  
ni aridæ expectanti vel ventum, vel ignem, vel  
falce; quæ quolibet vento exagitur, flectitur,  
sine gravitate, sine virtute, sine constantia sine  
stabilitate; & quasi sine ullo esse. Vel statue te  
coram te, in fundo nihili tui; quidquid vilium  
est in

est in mundo & inanium: Cogita adhuc non esse dignam comparationem nihili tui, quia si quæ vilia sunt, tamen aliquid entitative sunt; nec meruerunt annihilationem sui, tu autem nihil, quia saltem ut ingratus. **DE O** meruisti toties plenam tui annihilationem.

## CONSIDERATIO I.

**R**atio proponit, Quis in hoc mundo miserrimus est? *Synt: resp. expliciter. imò.* Miserrimus est homo, omnium animantium: In nativitate in vita & in morte. *In nativitate* quidem; nam cuncta ferè animalia nascuntur vestita pilis, lana, lanugine, squammis, & similibus; statimq; sciunt nare, ambulare, ac necessaria vitæ suæ quærere. Homo autem de utero matris suæ omnino nudus egreditur, nec scit aliud, nisi flere, ac miseriam suam deplorare, juxta *Iob. 1.* Nudus egressus sum de utero matris meæ. Et *Sap: 7.* Primam vocem similem omnibus emisi plorans. *In vita* etiam miserrimus est homo: multa namq; animalia superant eum viribus corporalibus, agilitate, Velocitate, & similibus, ut leo, pardus, ursus &c: perspicacius illo vident, ut lynx, aquila &c: Melius audiunt, ut lepus; acutius odorantur, ut canis; sapidius gustant, ut lupus; minorem patiuntur insensu tactus dolorem: quia non tantoperè apprehendunt suum malum, uti homo. *In morte* tandem miserrimus est homo; ubi hinc migrat in peccato mortali; quia animalium si hic est aliqua miseria, morte illorum finitur, hominis verò in-

ter-



## CONSIDERATIO I. 104

atrum duratura, continuo inchoatur. *add.* Omnium hominum miserrimus est ille homo, qui non agnoscit se esse miserum: nisi potentem, felicem, divitem, sapientem, alijs digniorem, quia dicit *S. Paul. Gal. 6.* Si quis existimat se aliquid esse, cum nihil sit, ipse se seducit. *Item Apoc. 3.* Dicit quod dives sum & locupletatus, & nullus cægo: & nescis, quia tu es miser, & pauper, & cæcus, & nudus. *Ratio* convicta examinat cum conscientia suum hominem, an recognoscat se esse se miserum, nec ne? *Conscientia* ut scit verum, fatetur. *Voluntas* pio affectu mota, tales elicit *Actus*. Recognosco Domine, quia sum miser, pauper, cæcus, nudus. Miser factus sum, & curvatus (peccatis meis) usq; in finem. Bonum mihi, quia humiliasti me; ut discam justificationes tuas. Tu scis Domine insipientiam meam, & delicta mea à te non sunt abscondita. Fac mecum secundum misericordiam tuam, & justificationes tuas doce me. Ecce enim in iniquitatibus conceptus sum; & in peccatis meis concepit me mater mea.

## CONSIDERATIO II.

*R*atio proponit. Quæ & quoruplices sunt miseriae hominis in hac vita? *Synt. resp.* Duplices esse, juxta *D. Bonav. in illa verba Job:* Homo natus de muliere, brevi vivens tempore repletur multis miserijs, ut potè corporis & animæ. *Miseria corporis* octo sunt, Esuries, sitis, frigus, calor, labor, dolor, mors, & incineratio, quæ non indigent explicatione, quia sentiuntur. *Anima* verò quatuor;

or: *ima.* Fragilitas, quæ est quadam impotentia  
 & infirmitas liberi arbitrij ad prosequendum bo-  
 num, & recedendum à malo. Verum fragilitas  
 considerata specialiter idem est, quod propensio  
 animi ad peccandum, orta ex timore immodera-  
 to alicujus rei odibilis, vel ex amore inordinato  
 alicujus rei appetibilis. Impotentia verò est im-  
 becillitas animi ad resurgendum de peccato. In-  
 firmitas deniq; est debilitas ejusdem ad firmiter  
 standum in bono. *Actus* statue super petram pe-  
 des meos. Dilligam te Domine fortitudo mea,  
 Confirma hoc DEUS, quod operaris in nobis.  
*2dò.* Ignorantia quæ est carentia cognitionis debi-  
 tæ sui ac Divinorum, ad consequendam salutem,  
 conducibilem. Unde fit, quòd sæpè reprobàda eli-  
 gantur, eligenda reprobentur, malum reputetur  
 bonum, & bonum malum, falsum verum, & ve-  
 rum falsum. *Actus.* Illumina oculos meos Do-  
 mine, & emitte lucem tuam, ô lux, ô lumen  
 oculorum meorum DEUS meus. *3iò.* Concu-  
 piscencia, quæ est impetus sensualitatis, sollicitans  
 liberum arbitrium nostrum, ad bona honorabilia,  
 utilia, ac delectabilia immoderatè appetenda, ut  
 est *Iac: 5.* Unusquisq; tentatur à concupiscencia  
 sua. *Actus.* Confige timore tuo Domine carnes  
 meas. Nè me tradas in desiderium peccatorum.  
 Nihil volo, nihil desidero, præter Te DEUS  
 meus, & omnia. *4iò.* Malitia, est aliqua animi  
 saporosa adhesio ad malum, ut dicitur *Prov: 2.*  
 de quibusdam: Lætantur cum malè fecerint, &  
 exultant in rebus pessimis. Vel item est, proni-  
 tas



### CONSIDERATIO III. 106

tas liberi arbitrij in malum, ante imperum sensualitatis & tentationis impulsu, de quo *Gen. 8.* Sensus & cogitatio humani cordis prona sunt in malum ab adolescentia sua. *Ratio* cum conscientia convicta ipsa experientia videt suum hominem undiq; miserijs circumdatum. *Voluntas* ingemiscens cupit ab eis liberari. *Actus.* Sana Domine animam meam, quia peccavi tibi. Sana me Domine, & sanabor. Saluum me fac, & saluus ero: quoniam laus mea tu es. Infelix ego, quis me liberabit de corpore mortis hujus. Complaceat tibi Domine, ut eripias me.

### CONSIDERATIO III.

**R**atio proponit. Pro quo his miserijs in vita nostra repleamur & puniamur? *Synt. resp.* Punimur pro peccato primorum Parentum, ut est *Rom. 5.* Per unum hominem peccatum in hunc mundum intravit, & per peccatum mors, & ita in omnes homines; mors (cum suis praeambulis) pertransiit, in quo (homine) omnes peccaverunt. Quia dum Adam peccasset (juxta *D. Aug.*) omnes homines fuerunt unum cum illo, velut in sua origine, quodq; Adam fecit, omnes ejus posterij fecisse censentur: Adam enim ut Pater & Princeps suos posteros representabat, uti Rex representat regnum, Magistratus civitatem. Hinc est, quod nos omnes filij Adam infecti peccato illius actuali, quod in nobis est habituale & originale, merito affligimur praesentibus miserijs, justitia DEI infinita id exigente, Quoniam autem peccatum completur aversione

sione mentis à DEO, & adhæſione alicui creaturæ, contra decretum Divini beneplaciti; & quoniam averſio præſens diverſa datur, ſecundùm diverſitatem Divinarum perfectionum; idcirco etiam diverſis ac multiplicibus miſerijs affligimur, veluti filij miſerorum parentum. Unde *pro* averſione à DEO, ut eſt vita immortalis, æterna, felix, ac beata; & *pro* converſione ad fructum ligni vetiti; morte punimur, alijsq; miſerijs corporalibus mortem prævenientibus. *Pro* averſione autem à DEO ut eſt ſumma virtus ſeu potentia; punimur fragilitate, impotentia, infirmitate animi noſtri. *Pro* averſione *item* à DEO, ut eſt ſumma veritas, & infinita ſapientia, punimur ignorantia DEI ac divinorum. *Pro* averſione *item* à DEO, ut eſt ſumma ſcavitas, ſeu ſumma bonitas in nobis, ratione beneficiorum nobis collatorum & conferendorum; punimur concupiſcentiâ. *Pro* averſione *tandem* à DEO, ut eſt ſumma ac infinita bonitas in ſe; punimur malitiâ ſecundum quam ſapit animo peccatum. *Ratio* veritati reſponſionis aſſentitur, quàm reflectit ad conſcientiam, examen inſtituens cum illa de homine ſuo, utrum recognoscat averſiones mentis à DEO, non tam primorum ſuorum parentum, quam ſuaſmet proprias? An à DEO poſcat *pro* huiusmodi averſionibus condignas has punitiones, converti ſibi in bonum per diſciplinam vitæ ſpirituæ? *Conſcientia* fatetur ut verum ſcit.

*Voluntas* inde elicit *Adm*, qui habentur in

*Medit. Paſſ. Conſid. 3.*

CONe



# CONSIDERATIO IV.

**R**atio proponit. A quo miseriae praesentes hominibus veniunt, magisque ac magis multiplicantur? *Sunt:* resp: Trifariam. *imo.* Veniunt, multiplicanturque ab ipso DEO Clementissimo. Tum, ut per earum sufferentiam plerique electi à peccatis suis praeteritis purgentur, juxta *Ioan: 5.* Ecce sanus factus es, vade & amplius noli peccare. Tum ut praeserventur à multis peccatis. Sicut factum est cum S. Paulo *1. Cor: 11.* Ne magnitudo revelationum extollar me, datus est mihi stimulus carnis meae Angelus Sathanae, qui me colaphizet. Tum ut per tolerantiam miserationum, maiorem gloriam in vita futura consequantur, juxta *Act: 14.* Per multas tribulationes oportet nos intrare in regnum caelorum. Tum, ut proximi edificentur. Sic DEUS magnis & plurimis afflixit Job miserijs, & Tobiam, ut multi haberent ad sui edificationem exempla patientiae. Tum, ut DEUS ex tolerantia & patientia iustorum glorificetur, juxta *Ioan: 9.* Neque hic peccavit, neque parentes ejus, sed ut manifestentur opera DEI in illo. Tum, ut multi à peccando revocentur, & ad DEUM per poenitentiam convertantur, juxta *Levit: 26.* affligentur, donec confiteantur iniquitates suas. Tum, ut multi pro peccatis suis enormibus, tam in praesenti, quam in futuro crucientur. Uti factum est Antiocho & Herodi. *add.* Veniunt miseriae plerisque hominibus à proprijs eorum concupiscentijs, honorum puta, possessionum & voluntatum: haec enim immoderate

ratè appetere, & consequi non posse, magna est  
 miseria: quia frustra susceptus labor pro acquiren-  
 dis hujusmodi desideratis, multa tristitia mentem  
 afficit: sed major est miseria, eadem appetere &  
 consequi; quia acquisita & nimis amata mentem  
 inquinant multiplicibus peccatis, ac nimio timore  
 afficiunt, nè aliquo perdantur infortunio. Maxi-  
 ma autem miseria est, possessa nimisq; amata deper-  
 dere: quia luctuosa eorum amissio, animum per-  
 petuo dolore excruciat. Idcirco sanè consulitur  
*Ecclesiastes 10.* Post concupiscentias tuas non eas, & à  
 voluntate tua avertere: si præstes animæ tuæ con-  
 cupiscentias ejus, faciet te in gaudium inimicis  
 tuis. Unde *S. Bernard.* Si sapias, si habes cor, si  
 tecum lumen est oculorum tuorum, desine jam  
 ea sequi, quæ & consequi miserum est; beatus,  
 qui post ea non abiit, quæ possessa onerant, ama-  
 ta inquinant, amissa cruciant. *31<sup>id.</sup>* Veniunt mi-  
 seriarum hominibus, à mala eorum voluntate, ac mul-  
 tò magis à potestate implendi ejusmodi volunta-  
 tem, juxta *D. Aug.* Qui nequiter vult vivere, non-  
 nè tanto miserior esse vincitur, quanto facilius,  
 mala ejus voluntas impletur. *Item,* mala volun-  
 tate non solum quisque miser efficitur, sed mise-  
 rior potestate, qua desiderium malæ voluntatis im-  
 pletur. Et *D. Hier.* Apud Christianos non qui pa-  
 titur, sed qui facit injuriam miser est. *Ratio* con-  
 vincitur responsione, quam reflectit ad conscien-  
 tiam, examen cum ea instituens de suo homine.  
 An submisisse ferat miseras, à Divina clementia si-  
 bi venientes, nec ne? An item concupiscentias su-



## CONSIDERATIO V. 110

as arceat internā mortificatione, atq; proprium iudicium, & propriam voluntatem revocare studeat à malo, & inducat in viam imitationis Christi, nec ne? *Conscientia* ut scit fatetur verum. *Voluntas* elicit *Actus*. Cognovi, quia æquitas judicia tua, & in veritate tua humiliasti me. Confige timore tuo carnes meas, à judicijs enim tuis timui. Vide Domine, si viā iniquitatis incedo. & deduc me in viam iustitiæ. Adhæsi testimoniis tuis Domine, noli me confundere. Veniant mihi misericordiones tui & vivam: quia lex tua meditatio mea est.

## CONSIDERATIO V.

**R**atio proponit. Quomodo miserias hujus vitæ vult nos DEUS ferre? *Synteresis* responder. imò. vult ferrè *gratanter*. Quia Protoparentes nostri, (ipso puta permittente DEO,) in peccatum lapsi sunt; in quibus & nos omnes homines lapsi sumus tanquam in nostra origine: ut secundum æternum propositum, nobis per Filium suum unigenitum reparatis, hac occasione gloriam suam æternam communicando manifestaret. Unde Apost: Ephes: 1. Prædestinavit nos in adoptionem filiorum per JESUM Christum in ipsum, secundum propositum voluntatis suæ, in laudem gloriæ, gratiæ suæ, in qua gratificavit nos, in dilecto Filio suo: in quo habemus redemptionem per sanguinem ejus &c: aliàs enim ubi DEUS clementissimus non permisisset nos peccasse in Parentibus, & miserias eorum contraxisse, non dedisset etiam nobis  
Filium

Filium suum in Salvatorem ac Magistrum, & fratrem nostrum, juxta *Nicenum Concil.* Qui propter nos homines, & propter nostram salutem &c. Et *S. Aug. Ser: 9. de Verb: Apost:* Nulla causa fuit veniendi Christo Domino, nisi peccatores salvos facere. Et *S. Leo Ser: 3. de Pent.* Si homo non deviasset, Creator creatura non fieret, neq; aut sempiternus temporalitatem subiret; aut æqualis DEO Patri Filius, formam servi, & similitudinem carnis peccati assumeret. Hinc ex *D. Greg: exultans canit Ecclesia in bened. Ceret. Paschalis.* O vere necessarium Adæ peccatum, quod Christi morte deletum est! O felix culpa, quæ talem ac tantum meruit habere Redemptorem! *Actus.* Gratiarum actionis, laudis, *Scal: 3. add.* Vult nos DEUS ferre miseras hilariter assistente nobis ejus divina consolatione: quia licet præsentibus miserijs ac malis quibuscunq; ab adversarijs nobis illatis multum non raro exterius affligimur; interiùs tamen ex apprehensione meriti ac præmii æterni summopere consolamur, ut dicitur *2. Cor: 4.* Id quod in præsentia est momentaneum & leve tribulationis nostræ, æternum gloriæ pondus operatur in nobis. Et *Psal. 93.* Secundum multitudinem dolorum meorum in corde meo, consolationes tuæ lætificaverunt animam meam. Unde est *2. Machab: 6.* ait Eleazarus Martyr: duos corporis sustineo dolores, secundum animam verò, propter amorem tuum libenter hæc patior. Similiter & alij Sancti, dum paterentur martyria, & alia adversa propter Christi fidem amorem ac imitationem, secundum carnem



## CONSIDERATIO V. 112

carne[m] quidem ingemiscebant, sed secundum spi-  
ritum ex divina consolatione lætabantur, Ut *Isai.*  
24. Ingemuerunt omnes, qui lætabantur corde. *Actus.*  
reignationis, indifferentiæ & alij ex *Scal.* 4.  
310. Vult ferre *confidenter*, quia per misericordiam  
DEI circa nobis promittitur liberatio ab his mi-  
serijs, alijsq; adversis, ut *Ecccl.* 2. Qui timeris Do-  
minum sperate in illum, & in oblectationem veni-  
et nobis misericordia. Et *Pf.* 26. Expecta Domi-  
num, viriliter age, & confortetur cor tuum, & su-  
stine Dominum. *Ioann.* 16. Tristitia vestra, verte-  
tur in gaudium. *Actus* spei ex *Scal.* 1. 410 Vult fer-  
re *humiliter ac patienter*: quia ad profectum no-  
strum spirituales huiusmodi miseriæ, & quæcunq;  
adversa cælitus nobis ordiantur, ut est *Ecccl.* 2.  
In humilitate tua, patientiam habes; quoniam igne  
probatum aurum & argentum, homines verò rece-  
ptibiles in camino humiliationis. *Rom.* 5. Tribula-  
tio patientiam operatur, patientia autem probatio-  
nem, probatio spem; spes autem non confundit,  
Unde *S. Greg.* Mala, quæ nos hic premunt, ad  
DEUM ire compellunt. *Actus.* Amo tuam sapi-  
entiam &c. ex *Scal.* 5. 510. Vult sufferre *condolen-  
ter*, compatiendo alijs in similibus miserijs & af-  
flictionibus constitutis; ut dicitur *Rom.* 17. Gau-  
dere cum gaudentibus, flere cum flentibus *S. Greg.*  
Cum alienæ infirmitati compatimur, valentius  
in nostra roboramur. *Actus dilectionis proximi*  
ex *Scal.* 8.

## CONSIDERATIO VI.

**R**atio proponit. Ob quam causam Salvator noster  
H  
repa-

reparando vitam nostram, non sustulit miseras  
vitæ nostræ? *Synterefs respondet imò.* Quia sic face-  
re decrevit nobiscum suam misericordiam, qua-  
tens infinitæ suæ justitiæ statutum omnino per-  
maneret inviolatum illud *S. Hebr. 9.* Statutum est  
hominibus semel mori, & consequenter miseras,  
quæ præcedunt mortem pati. Non enim DEUS  
noster ita est misericors, ut desinat esse justus; nec  
ita justus, ut non sit misericors. Ut *Psal. m.* di-  
citur. Misericors Dominus, & miserator, & ju-  
stus. *add.* Quia sic ipsi placuit nos reparare, qua-  
tens per viam innocentiae ac justitiæ originalis  
redeamus in gratiam justificantem, & cælestem pa-  
radisum; sed per viam humilitatis ac pænitiæ,  
juxta *Levit. 26.* Affligentur donec confiteantur ini-  
quitates suas, & malorum suorum recordentur. Et  
*Matth. 3.* Pænitentiam agite, appropinquat enim  
regnum cælorum. *3id.* Quia sic nos reparare pro-  
posuit, ut Sacrosanctæ Passioni Filij Unigeniti  
ejus ad promerendam & consequendam vitam æter-  
nam, cōoperemur passione nostrarum miseriarum.  
Ut dicit *D. Paul. Colos. 1.* Adimpleo (passione mea  
miseriarum hujus vitæ) quæ desunt passioni ejus,  
& *Act. 14.* Per multas tribulationes oportet nos  
intrare in regnum cælorum. Et *2. Cor. 5.* Si fue-  
rimus socij passionum, erimus & consolationum,  
*4id.* Quia Pater cælestis æterno statuit decreto,  
ut quicumq; voluerit similis esse Filio ejus in fu-  
tura gloria, juxta *1. Ioan. 3.* Scimus quoniam cum  
apparuerit, similes ei erimus. Priùs in præsentia  
vita omnino ei conformis efficiatur, in perpassio-  
ne mi-



## CONSIDERATIO VI. 114

ne miseriarum ac adversitatum hujus mundi, ut est *Rom. 8.* Quos præscivit ac prædestinavit (ad gloriam futuram, illos voluit in hoc sæculo) conformes fieri imaginis Filij sui. *1<sup>o</sup>*. Quia Salvator noster reparando nos ad gratiam & gloriam, consulto nobis reliquit præsentis miseriae. Tùm, ut sint nobis pro signo æterni sui odij, quod habet contra peccatum nostrum, veluti reprobationis nostræ, ac suæ passionis causam, ut dicitur *Sap. 14.* Odio sunt impius DEO, & impietas ejus. Et *Eccl. 12.* Altissimus odio habet peccatores, & misertus est penitentibus. Tùm, ut sint nobis pro memoriali perpetuo, quod nos quoq; ad imitationem Christi idemmet peccatum in summo habere debeamus odio, juxta *Psal. 96.* Qui diligitis Dominum, odite malum. *6<sup>o</sup>*. Quia Christus Dominus in reparatione nostri generis, à sola nonnisi culpa plenè nos sanare ac salvare dignatus est, non autem à pena hujus vitæ miseriarum; ut per hoc faceret nobis vitam præsentem uti erumnosam, periculosam semper aspernabilem; vitam verò futuram uti felicem ac beatam, continuo desiderabilem. Propterea ingemiscens dicebat David, *Psal. 119.* Heu mihi, quia incolatus meus &c. *Ratio* convicta responsionibus approbat cum conscientia sua decreta Divina. *Voluntas* complacet in illis. *Actus*: Justus es in omnibus quæ fecisti nobis, & via tuæ rectæ, & omnia judicia tua vera. Gratias tibi ago Domine, quia castigasti me, & sanasti me. Confitemini Domino cuncti cælitæ & terrigenæ, quoniam confirmata est misericordia ejus &c. Tandem *Actus Scal. 2.*

## M O D U S

De morte meditationem Asceticè  
instituenti.

**I**maginativa introductio cum S. Alcant: Imaginare quod jam acceperis infallibilem nuntium imminentis mortis; imò sentias prævenientia mortem symptomata, etiam spectantibus horribilia. v.g. stomachum inflari, vocem deficere, pedes emori, genua frigescere, nares subsidere, oculos profundari, cacutire, faciem pallescere, linguam errare, omnes sensus perturbari, & relinqui sine vigore ob conatum jam jam migrantis animæ. Imaginare judicium adversum te parari, totam cœli curiam summo cum silentio & attentione expectare exitum sententiæ; furere dæmones, consilia, fraudes, accusationes præparantes.

## C O N S I D E R A T I O I.

**R**atio proponit. Quis morietur, ubi, quando, & quomodo? Synteresis respondet. Ad imūm. Morietur omnis qui nascitur homo. Sap. 7. Unus ergo introitus est omnibus ad vitam, & similis exitus. Psal. 89. Quis est homo qui viveret, & non videbit mortem. 2. Reg. 14. Omnes morimur, & quasi aquæ dilabimur in terram, quæ non revertuntur. Ad 2dum. Certum est, quod omnes moriemur, sed incertum, quo in loco unusquisq; nostrum moriturus est. Ut idè qui sapiunt per gratiam DEI, mori ubiq; parati sunt. Ait Seneca. Quo-  
niam



## CONSIDERATIO I 116

niam ubiq; te mors expectat, tu quoq; si sapiens es ubiq; illam expectabis. Ad *3<sup>ium</sup>* Omnes homines certo sciunt se morituros, sed quando ignotum est. Unde monemur *Matth. 25*. Vigilate, quia nescitis (mortis) diem neq; horam. Ad *4<sup>um</sup>*. Et si speciali gratiâ Divinâ circa aliquos, aliquando aliter contingat, ordinariè tamen & plerumq; ita moriuntur homines, sicut vivunt: mali malè, tepidi tepidè, boni benè, juxta vulgare illud: Quâlis vita, finis ita. Ratio responsa approbat, examinat conscientiam, an homo suus vivat in suo statu sic reformatè, religiosè, ac spiritualiter, ut quolibet tempore, quolibet loco, paratus sit mori.

*Conscientia* fatetur, & reflectit se dicens: In morte non datur bis errare. Tardum est & periculosum, usq; in hora mortis discere mori. Omnes alij errores in vita sunt corrigibiles, solus error in morte, emendari non potest. Tandem *Actu*. Bonus es tu, & in bonitate tua &c: Benedictus es Domine doce me &c: Vias tuas Domine demonstra mihi, & semitas tuas edoce me. In justificationibus tuis meditabor, non obliviscar sermones tuos. Paratum cor meum (quocunq; loco, hora, anno, die, momento mori) paratum cor meum. Omnia volo, quæ vellem, nihil eorum volo, quæ nollem in hora mortis meæ, in toto corde meo &c.

## CONSIDERATIO II.

**R**atio proponit. Quæ mala impio, & quæ bona iusto, mors adterre solet? *Synteresis respondet*. Impio, quidem homini multa mala adferre: quorum

H;

quæ.

quædam præveniunt ipsammet mortem, quædam comitantur, quædam subsequuntur. Mala mortem impij prævenientia imprimis puta esse infirmitates corporales homini licenciosè viventi molestissimas. Unde in persona ejus gemit Propheta. *Psalmo 17.* Circumdederunt me dolores mortis. Deinde animi turbationem ex apprehensione ac timore mortis, & instante amissione bonorum temporalium promanantem, juxta *Psal: 54.* Cor meum conturbatum est in me, & formido mortis cecidit super me. Tandem reminiscenciam multarum iniquitatum, ac timorem æternæ damnationis, juxta *Psal: 17.* Torrentes iniquitatis conturbaverunt me, dolores inferni circumdederunt me; præoccupaverunt me laquei (æternæ) mortis. Mala comitantia puta esse imprimis oblivionem sui, suæq; salutis: quæ impænitenciam causat. Unde in persona ejus dicitur *Psal: 30.* Oblivioni datus sum (à DEO propter iniquitates meas) tanquam mortuus à corde, id est tanquam alienatus à mente. Idcirco ait *S. Anselm.* Percutitur hac animadversione peccator, ut moriendo obliviscatur sui, qui vivus oblitus est DEI. Deinde apparitionem dæmoniorum terribilem, quæ non raro impiis fieri solet, ad eorum animas rapiendas paratissimorum. Unde *S. Greg.* Antiquus hostis ad rapiendas peccatorum animas, tempore moris crudeli estrenatur violentiâ, ut quos vivos blanditijs deceperit, morientes severius rapiat. Tandem omnium sensuum corporis defectionem, ipsamq; amaram animæ à corpore separationem. Quam Agag Rex Amalech gustans



## CONSIDERATIO II. 118

gustans dicebat, *1. Reg. 15.* Siccine separat amara mors! *Mala subsequens* pura esse imprimis comprehensionem infelicissimæ animæ ab immundis spiritibus, & coram Christo Iudice illius accusationem, juxta *Thren. 1.* Omnes inimici apprehenderunt eam inter angustias. *Deinde* exprobrationem, iniquitatum, & sententiæ Christi condemnativæ, per Angelos malos executionem, juxta *Matt. 22.* Ligatis manibus & pedibus mittite eum in tenebras exteriores (quia mente excæcata vixit in tenebris interioribus) ibi enim erit fletus & stridor dentium. *Tandem* corruptionem & incinerationem, corporis miserrimi, juxta *Gen. 3.* Pulvis es, & in pulverem reverteris. Unde *S. Bernard. in illud Ps. 33.* Mors peccatorum pessima, *inquit* Mala siquidem est in mundi amissione; pejor in animæ à carne separatione; pessima in vermis ignisq; duplici contritione. Vel quoq; mors peccatorum pessima, quorum *s.* adolescentia mala est, propter peccata lascivix; provectior ætas pejor, propter peccata contra justitiam perpetrata, ac alia multiplicia; mors pessima propter consuetudinem & necessitatem peccandi, & propter æternam damnationem. Unde *S. Isid. de sum. bono.* Cogitatio prava delectationem parit, delectatio consensum, consensus actionem, actio consuetudinem, consuetudo necessitatem. *Idem alibi:* Assidua consuetudo vitium in naturam convertit. *Bona* mortem iusti *prævenientia*, puta imprimis esse tolerantiam æquo animo cujuscunq; infirmitatis corporalis ad imitationem Christi, juxta *1. Petr. 1.* Christus passus est pro nobis, vobis re-

linquens exemplum, ut sequamini vestigia ejus. *Deinde* gaudium de abnegatione bonorum temporalium, quæ cum D. Paulo arbitratus est, ut stercorea. *Tandem* de æterna salute consequenda securitatem, juxta *Prov: 14.* Sperat justus in morte sua. Unde *Cassiodor.* Quis mortem temporalem metuat, cui vita æterna promittitur. Et *S. Ambr.* Non timeo mori, quia bonum Dominum habemus. *Bona comitantia*, puta esse *imprimis* debitam præparationem ad ipsam mortem per devotam susceptionem Sacramentorum. *Deinde* victoriam tentationum cum auxilio DEI, cælitus per preces advocato. *Tandem* occursum SS. Angelorum ad suscipiendam conservi sui animam, & offerendam eam in conspectu Altissimi. *Bona subsequencia*, puta esse *imprimis* amotionem omnium miserationum hujus vitæ, juxta *Apoc: 21.* Absterget DEUS omnem lachrymam ab oculis eorum; & mors ultra non erit, neq; luctus, neq; clamor, neq; dolor erit ultra, quia prima abierunt. *Deinde* collationem bonorum promissorum ad beatitudinem animæ spectantium: uti est visio clarissima, tentio seu possessio felicitatis æternæ quietissima; fruitio Divinæ Essentiæ jucundissima. *Tandem* adorationem corporis in gloria æterna, post resurrectionem universalem venientem ex redundantia beatitudinis in anima glorificata: quàm constituunt claritas, agilitas, subtilitas, & impassibilitas. *S. Bernard: in Psal: 117.* Pretiosa in conspectu Domini, mors Sanctorum ejus. Pretiosa planè (inquit) tanquam finis laborum, tanquam victoriæ consummatio,

tan-



## CONSIDERATIO II: 120

tanquam vitæ janua, & perfectæ securitatis ingressus. Vel quoq; Pretiosa mors sanctorum, quorum juvenus est bona, propter stabilem exercitiorum spiritualis vitæ inceptionem; provector ætas melior, propter continuum profectum in studijs vitæ spiritualis; mors optima propter perfectionem internæ mortificationis & asceticæ virtutis; quæ animam à corpore separatam proinùs facit volare in cælestem patriam. *Ratio* veritate responsionis convincitur, eamq; reflectit ad conscientiam examen cum ea istituens de homine suo. An bona, an verò mala hujusmodi cum morte sibi ventura expectet? *Conscientia* ut scit veritatem, fatetur. *Voluntas* pio affectu mota tales elicit. *Actus*. Vivat anima mea vita justorum, & fiant novissima mea similia eorum. Domine da benè vivere, da benè mori. Delicta juventutis meæ, & ignorantias meas nè memineris Domine. Ab occultis meis munda me Domine, & ab alienis parce servo tuo. Viam iniquitatis amove à me, & de lege tua miserere mei. Adhæsi testimonijs tuis Domine noli me confundere. Spero in te expectans à te veniam &c.

## CONSIDERATIO III.

**R**atio proponit. A quo mors homini venit? *Synteresis resp: imò*. Mors ut habet rationem mali, estq; diabolicæ fraudis effectus, venit à diabolo, & à Protoparentibus nostris, juxta *sap: 3*. DEUS creavit hominem inexterminabilem, & ad imaginem similitudinis suæ fecit illum; invidia autem diaboli

diaboli mors intravit in mundum; imitantur autem illum qui sunt ex parte illius, & Rom: 5. Per unum hominem peccatum in hunc mundum intravit, & per peccatum mors; & ita in omnes homines pertransiit, in quo omnes peccaverunt, *add.* Mors ut habet rationem boni, venit à DEO, tanquam effectus divinæ suæ justitiæ, nec non miserationis ac pietatis. Unde illud *Hebr: 9.* Satutum est (à DEO) hominibus semel mori: post hoc autem judicium. Est quidem certè mors effectus divinæ justitiæ. *Tripliciter. imò.* quatenus nimirum lege Divina omnibus ac singulis hominibus pro peccato originali imponitur, velut justa communis pœna: cujus executionem suspendit DEUS pro suo beneplacito, ad plures vel pauciores annos, menses, ac dies, juxta *Iob: 14.* Breves dies hominis sunt, numerus mensium ejus apud te est. *add.* Quatenus multis infligitur, uti justa specialis pœna pro peccatis actis, nonnisi ipsimet animæ suæ nocivis quorum jam certi numeri mensuram impleverunt. Unde *Ecccl: 7.* Nè impiè agas multum; & noli esse stultus, nè moriaris in tempore non tuo. *imò.* Quatenus plerisq; irrogatur jussè in pœnam injuriarum, quibus proximos suos afficiunt. Unde *Psal: 34.* Viri sanguinum (id est sanguini suo, seu sensualitati indulgentes) & dolosi (in malum proximorum) non dimidiabunt dies suos, id est: ad dimidium dierum suorum non pervenient. Et s. *Chrysost.* Impij antè tempus tolluntur, nè diutius honos persequantur. Est quoq; mors effectus divinæ miserationis ac pietatis. *Item tripliciter. imò.*



### CONSIDERATIO III. 122

*1m6.* Dum tolluntur aliqui de hoc mundo tempestivius, vel ut absolvantur à malis ac miserijs vitæ præsentis, quibus affliguntur; vel ut eripiantur de periculis post inde in peccata gravia ruendi. Unde est *Ecclesiæ 30.* Melior est mors, quàm vita amara, & requies æterna, quàm langvor perseverans. Et *Sap: 4.* Rapius est, nè malitia mutaret intellectum ejus, & nè fictio deciperet animam illius. *2d6.* Ubi vocantur aliqui ante senectam de hac vita, post impletum à DEO præfinitum aliquem certum numerum honorum operum ad præmium vitæ æternæ accipiendum, juxta *Sap: 4.* Consummatus in brevi explevit tempora multa; placita enim erat DEO anima illius. *3rd6.* Quando DEO volente moriuntur aliqui usq; adeo in senectute bona, vel ut satis dignè tandem præparent se ad mortem, vel ut majorem adhuc faciant in studijs profectum: vitæ spiritualis vel ut diutius alijs præluceant sanâ doctrinâ, atq; bonis exemplis. Unde *Apoc: 14.* Beati mortui, qui in Domino moriuntur. *Ratio* convincitur veritate responsionis, eamq; reflectit ad conscientiam, cum qua protinus examen de homine suo instituit. Utrum illam expectet mortem, quæ est effectus miserationis, ac pietatis Divinæ, an verò aliam? *Conscientia* ut scit verum fatetur. *Voluntas* affectu pio mora elicit *Actus*. Amo tuam justiciam &c. Vide *Scals 5.* Utinam dirigantur viæ meæ ad custodiendas justificationes tuas. Justificationes tuas custodiam non me derelinquas usquequaq;.

## CONSIDERATIO IV.

**R**atio proponit. Pro quo necessaria est hominibus ignorantia diei venturæ mortis? *Synt. respondes: aplice. mō.* Quoniam si peccator sciret longè abesse tempus suæ mortis, non cessaret tempestivè à peccando, actumq; suæ pænitentiae susponderet, usq; ad finem vitæ: ac ita pænitentia ejus ad eatenus dilata, vix aliquando posset esse voluntaria, & consequenter vera ac salutifera, juxta D. Aug: *ser: 36.* Age pænitentiam dùm sanus es, si sic agis dico tibi, quia securus es, quia pænitentiam egisti eo tempore, quo peccare potuisti. Si vis agere pænitentiam, quando jam peccare non potes, peccata te dimiserunt non tu illa. *2dō.* Quoniam si quoq; justus sciret se diutinè victurum, sensim negligeret studia vitæ spiritualis; & consequenter in charitate DEI atq; proximi refrigeraret cum probabili periculo in pristina peccata recidendi, ac tandem pereundi, juxta *Ezech: 18.* Si averterit se justus à justitia sua, & fecerit iniquitatem, omnes justitiæ ejus quas fecerat, non recordabuntur: in prævaricatione, qua prævaricatus est, & in peccato suo quod peccavit, in ipsis morietur. *3tiō.* Quoniam si item sciret justus citò se moriturum, multa relinqueret bono communi perutilia, ut liberius recollectioni suæ insisteret. Vel quoq; ex immoderata mortis apprehensione deveniret in varias conscientiae perplexitates & anxietates, cum periculo alicujus desperationis. *Ratio* veritati responsionis assentitur; eamq; reflectit cum qua



## CONSIDERATIO V. 124

qua examen instituit de homine suo. Utrum nam contentus sit de hujusmodi ordinationibus decretisq; Divinis. *Conscientia* ut scit verum fateatur. *Voluntas* pio inde affectu mota tales elicit. *Actus*. Cognovi, D. quia æquitas judicatiua, & in veritate tua humiliasti me. Justus es Domine, & rectum judicium tuum. Judicia tua Domine vera justificata in semetipsa, desiderabilia super aurum. O JESU conforma me. vide *Scal: 4.*

## CONSIDERATIO V.

**R**atio proponit. Quomodo ad mortem nos præparare necesse sit? *Synt: resp:* Tripliciter. Remotè, proximè, & propinquissimè. *imò* quidem remotè nos ad mortem benè præparamus, (dùm juxta D. Pauli *Ti: 2.*) sobriè & justè & piè vivimus in hoc sæculo, expectantes beatam spem, & adventum magni DEI, & Salvatoris nostri JESU Christi. *Sobriè* autem vivimus: si alienari à peccatis vitæ nostræ præteritæ, per debitam pænitentiam; fugimus insuper ebrietatem, non solum propriè communiterq; acceptam; verùm quoq; & metaphoricè sumptam, (quæ dicit commotionem nimiam, affectionum sensualitatis, pertingentem usq; ad mentis perturbationem, signo verbo, ac opere se se prodentem) per studium internæ mortificationis continuum, & exercitia virtutum aseceticarum assidua. *Iustè* verò vivim⁹. Si proximis nostris non solum amicis, verùm & inimicis secundùm legis Divinæ præceptum, illud semper volumus bonum, & nolumus malum, quod nobismet ipsis.

*Pit* tandem vivimus, si tota mente adhæremus  
 DEO, mandata ejus ac vora, præceptaq; Pro-  
 fessionis nostræ continuatè ad amussim observan-  
 do; & actibus fidei, spei, charitatis, gratiarum,  
 actionis, ac similibus in eum tendendo. De hac  
 remota præparatione illud etiam est. *Luci. 1.* In  
 Sanctitate & justitia coram ipso (ambulemus) om-  
 nibus diebus nostris. Et *O. Aug:* Vivitè benè nè  
 malè moriamini. *add.* Proximè nos ad mortem  
 benè præparamus, ubi in aliquam graviorem deci-  
 dentes ægritudinem corporis, eam statim ut cer-  
 tum imminens mortis nuntium gratè recipimus,  
 velut diutinè expectatam. juxta *S. Climac.* Proba-  
 tus ille est, qui mortem singulis diebus expectat;  
 sed ille sanctus, qui eam singulis horis desiderat.  
 Ubi etià curæ nobis est, quatenùs patientiam &  
 humilitatem in nostra ægritudine habeamus, juxta  
 Regulæ præscriptum. Si enim minùs commodè  
 nobis inservitur, patienter id ferre ad imitationem  
 Christi; qui omnem in cruce pendens, ac dolens  
 sustinuit incommoditatem: ac item humiliter in-  
 dignos reputando nos esse aliquo fratrum servitio,  
 ad exemplum Christi, qui ministrare venit in hunc  
 mundum, non ministrari. Ubi deniq; Sacramen-  
 tum Sacrosancti Corporis Christi devotissimè re-  
 cipimus (cum Sacramento Pœnitentiæ & Extremæ  
 Unctionis) utri Viaticum peregrinationis nostræ,  
 signumq; divini ejus amoris, quo nos prosequitur,  
 & pignus vitæ æternæ nobis promissæ, juxta quod  
 canit Ecclesia: Ecce Panis Angelorum &c. Item  
 O Sacrum Convivium. &c. *zuo.* Propinquissimè  
 nos



CONSIDERATIO V. 126

nos ad mortem præparamus, ubi ingravescente æ-  
gritudine humillimè & affectuosissimè invocamus  
actibus anagogicis adventum Salvatoris nostri  
magni DEI, ad educendum nos de hac mortali-  
tate ad vitam æternam. Ubi etiam invocamus  
intercessionem precariam pro nobis ad Christum,  
Beatissimæ VIRGINIS Mariæ, omniumq; cæ-  
litum; quatenus benignè nobiscum dignetur age-  
re, non ut Judex, sed ut Clementissimus Pater.  
*Ratio* veritatem responsionis acceptat: eamq; re-  
flectit ad conscientiam, cum qua examen instituit  
de homine suo, sit nè paratus ad mortem remota  
præparatione, vel non? à qua dependet negotium  
proximarum præparationum: juxta quod est in u-  
surpatione: Qualis vita, mors est ita? *Conscientia*  
ut verum scit fatetur. *Voluntas* pio affectu mota  
elicit, actus qui habentur in *Medit. Pass. Confid. 3.*  
ac præterea alios hujusmodi: Pater dimitte mihi  
peccata, quibus te & proximos meos offendi, si-  
cut dimisisti, & dimitti à Patre tuo cupivisti tuis  
crucifixoribus, pro quibus orasti, & auditus es  
pro tua reverentia. Memento Domine, ut dicas  
animæ meæ in egressu de corpore suo: Hodie me-  
cum eris in Paradiso. Pater, fac Matrem tuam  
Sanctissimam, meam Matrem; & me ejus filium.  
DEUS meus, DEUS meus, non me derelinquas  
in vita & in morte, nam prævalebunt, contra me  
tentationes. Sirio semper legem præceptorum, &  
consiliorum tuorum implere gratia tua me adju-  
vante. Consummatum me facies, hic in fide, spe,  
& charitate; & illis in clara visione, segura ren-  
tione,

tione, & judicanda fructione. Pater, in manus tuas (quibus me plasmasti redamasti, ac reparasti, castigasti, in tentationibus juvisti, per vias justificationum tuarum duxisti, & beneficia plurima mihi indigno contulisti) commendo spiritum meum. O JESU, esto mihi JESUS in vita, esto mihi JESUS in morte.

## CONSIDERATIO VI.

**R**atio proponit. Quam ob causam justis æquè ac impijs citam potius mortem, quam diuturniorem vitam cupere satius est; *Synt. resp. imò.* Impiis quidem melius est citam cupere mortem, quàm prolixiorẽ vitam: nam quò hic diutius vivunt, eò magis peccata multiplicant, quibus DEUM offendunt, proximis nocent, & sibi ipsis majorem continuò damnationis gehennam construunt. Idcirco *Eccl. 4.* dicitur laudavi magis mortuos, quàm viventes. Et S. David, tùm compassionẽ, tùm zelo commotus, citam mortem, ac subitam damnationem impijs precatur, *Psal. 14.* Veniat mors super illos, & descendant in infernum (carni suæ, mundo, ac diabolo) viventes; nè equidem plus DEUM offendant, proximis adhuc noceant, & sibi ipsis pœnas æternæ mortis adaugeant. *2dò.* Justis etiam melius est etiam cupere mortem, quàm longiorem vitam; ob triplicem rationem, quarum est *1ma.* Quia à miseriis hujus vitæ alioquin non possint liberari, nisi per mortem. Unde S. Aug: Quid est diu vivere, nisi (præsentibus miseriis) diu torqueri. Et S. Ambr. Tan-



# CONSIDERATIO VI. 128

tis malis hæc vita repleta est, ut comparatione  
 eorum mors remedium illius putetur esse, non  
 pœna, Idcirco Job, dicebat *c. 10.* Tædet animam  
 meam vitæ meæ. Et David, *Psal. 19.* Heu mihi,  
 quia incolatus meus prolongatus. est. Et S. Pau-  
 lus *Rom. 7.* Infelix ego homo, quis me liberabit  
 de corpore mortis hujus. *2da ratio est.* Quia licet  
 vita iustorum sit eis valdè utilis; ex eo, quod con-  
 ducat ad augmentum in præsentì gratiæ DEI.  
 & in futuro gloriæ cœlestis faciliè promerendum;  
 attamen mors est appetibilior, per quàm effugiunt  
 cuncta pericula peccandi mortaliter, & necessita-  
 tem peccandi venialiter. nullum enim malum pœ-  
 næ, sic est iusto homini odibile, uti malum cujus-  
 cunq; culpæ. secundùm illud: Præstat millies mori,  
 quàm DEUM vel levissimè offendere. Idcirco  
 S. *Casim:* aiebat: Malo mori, quàm (peccati-culpâ)  
 fœdari. Et S. *Anselm:* Malebat potius pœnam in-  
 ferni subire, quàm DEUM peccato offendere. *3tia*  
*est.* Quia iusti præmia vitæ æternæ sibi promissa,  
 consequi non possunt, nisi priùs moriantur. Eà-  
 re S. Paul, *Phil. 1.* concupivit dissolvi, intervenien-  
 te morte, & esse cum Christo. Et David *Psal. 41.*  
 ait: Quando veniam, & apparebo ante faciem  
 DEI. Ratio responsionis veritate convincitur  
 eamq; ad conscientiam reflectit, cum qua exa-  
 men instituit de homine suo, magisnè citam mor-  
 tem, quàm longam vitam appetat. Conscientia ut  
 scit verum fatetur. Voluntas indè pio affectu mo-  
 ta, à modo præsentem vitam habere vult in pati-  
 entia, & mortem in desiderio, quapropter tales eli-

cit *Actus*. Quando veniam, & apparebo ante faciem tuam extensus in te amore semper mobili. &c. *Scal: vide 8.*

## A P P E N D I X.

*Prae intentiones moriendi, & resignati*

*Affectus ad libenter moriendum*

- Volo, opto, desidero mori, quia*
- I. **D**EUS Author mortis & vitae, sic vult, idq; volo in recognitionem supremi dominij ejus.
  2. Vult DEUS, & statuit homini semel mori melior est mihi misericordia ejus super mille vitas.
  3. Velim nolim moriendum est; ergo moriar tanquam victima obedientiae, nè contradicam sermonibus Sancti. *Iob. 6.*
  4. Morte mea dignissimam mortem Christi volo honorare, per ipsam assimilari ei, rependere oblatione vitae meae.
  5. Mortuus est JESUS, MATER ejus Sanctissima, Prophetæ, Apostoli &c. cur non ego si inevitabiliter: cur non modo.
  6. Justum est reddere DEO repetenti quod suum est, sc: vitam & spiritum quem dedit mihi.
  7. Mors aufert vitam, conferet DEUM; aufert vitam mortalem, miseram, conferet immortalem, ut spero beatam.
  8. Jam pridem propter DEUM contempsit omnia, adeoq; & vitam: cur ergo doleam?
  9. Si pœna peccati mors est, peccavi ego: ergo ingrediatur putredo in ossibus meis, & subter



## CONSIDERATIO I. 130

subter me scateat, rodant vermes, sternatur  
subtus tinea.

10. Toties dixi, malo mori, quàm fadari,  
sc. peccare: ecce habeo quod elegi pridem,  
ampliùs non potero peccare.

11. Gratiòr est mihi cum morte DEUS,  
quàm vita cum peccato, vel periculis peccati.

*Cupio mori.*

12. Mala est præparatio ad mortem, nolle  
mori tunc, quando vult DEUS; qui rapit a-  
nimas dilectas in tempore opportuno.

13. Mortem libenter pro DEO accepta-  
rem à Tyrano, cur non acceptem ab ipso  
DEO pro DEI gustu.

14. Ut omnia Decreta DEI de me in vita,  
morte tanquam sigillo consignentur.

15. Ut per mortem meam ultimum finem  
suum DEUS assequatur, ex creatura sc. beatifi-  
cationem, glorificationem, exaltationem nomi-  
nis sui.

16. Ut si beabor, augeatur quantociùs Chri-  
sto læticia ex fructu & mercede Passionis visa  
in anima mea.

17. Ut practicè etiam Christus super me  
exerceat suum dominium, quod habet supra  
vivos & mortuos.

18. Ut subdam me speciali juri SS. Matris,  
quod habet ad cuiusvis agoniam; quis scit, an  
non primo videam illam.

19. Ut quantociùs ipsa morte tanquam ine-  
rito finali concludam scenam vitæ meæ DE-  
UM Trinum; SS. Christi Humanitatem. Pre-

tiſſiſſi: Chriſti Matrem, S. P. N. Franciſcum meoſq; Patronos primò videam, ſalutem, & cum eis in æternum maneam. *Ad hanc materiam ſervit Pſal: 141. Voce mea.*

## M O D U S

*De Iudicio DEI meditationem,*

*Aſceticè iſtituendi.*

**I***ntroductio imaginativa.* Imaginare tibi diluvium illud ignis univerſale, quod iudicium hoc præcedet; formidabilem tubæ illius, quam unus Archangelorum inflabit ſonitum, qua omnes totius mundi populi, ut unum in locum divino iudicio ſe ſiſtant convocabuntur: ac deniq; tremendam illam Maieſtatem, cum qua ſupremus vivorum, ac mortuorum Iudex huic iudicio præſidebit.

## C O N S I D E R A T I O I.

**R***atio proponit.* Quis eſt Iudex ultimatus ac ſupremus omnium rerum geſtarum, cauſarum, negotiorum huius ſæculi? Et quem ille iudicabit, ubi, quando, & quomodo? *Synt: reſp: imò.* Iudex ſupremus ac ultimatus eſt ipſemet DEUS Unus ac Trinus, juxta *Ezech: 18.* Idcirco unumquemq; juxta vias ſuas iudicabo domus Iſraël, ait Dominus DEUS. Et *Ier: 29.* Ego ſum Iudex & teſtis Iudex verò delegatus. eſt Chriſtus ut Homo, juxta *Ioann. 1.* Neq; enim Pater iudicat quemquam, ſed omne iudicium dedit Filio, ut omnes honorificent Filium, ſicut honorificant Patrem: & poteſtatem dedit



## CONSIDERATIO I. 132

dedit ei iudicium facere, quia filius hominis est, Et *Matth: 26.* Data est mihi omnis potestas in cælo & in terra. Et *Act: 10.* Præcepit nobis prædicare populo & testificari, quia ipse est constitutus à DEO iudex vivorum & mortuorum. *2dò.* Judicabit omnem hominem, juxta *Rom: 14.* Omnes enim stabimus ante tribunal Christi. Itaq; unusquisq; nostrum pro se rationem reddet DEO. *3tò.* Iudicio particulari non assignatur aliquis locus determinatus: cum ubiq; fieri soleat, paulò antè vel post separationem animæ à corpore, uti constat ex revelationibus divinitus factis: Iudicio autem universali Vallis Josaphat destinata est, juxta *Joel: 3.* Congregabo omnes gentes, & deducam eas in Vallem Josaphat: quia ibi sedebo, ut iudicem omnes gentes in circuitu. Unde *S. Thom.* Iudicium generale fiet circa montem Oliveri, ubi est Vallis Josaphat, & circa locum illum Christus descendet, sicut inde ascendit. Ut idem esse ostendatur, qui descendit, & qui ascendit. *4tò.* Tempus extremi iudicii soli DEO notum est, juxta *Zach: 14.* Erit dies una, quæ nota est Domino. Unde discipulis de die illa dixit Dominus: *Mar: 16.* De die autem illa vel hora nemo scit, neq; Angeli in cælo, neq; Filius nisi Pater, *id est* nescit Filius, ut filius hominis, sed scit ut Filius DEI: Vel item nescit Filius, ut reparator noster; sed scit ut Iudex. Vel deniq; nescit Filius, ut nobis revelet, sed propter seipsum, ut secretum teneat. Idem Apostolus asserit dicens: *Thesal: 5.* Dies Domini sicut fur in nocte (ita ex insperato) veniet.

ſcđ Judicabit ſecundum æquitatem & veritatem, juxta *Pſal: 5.* Judicabit orbem terræ in æquitate, & populos in veritate ſua. Unde *S. Bern: ſupr: Cant:* Veniet dies illa, in qua plus valebunt pura corda, quàm alta verba, conſcientia bona, quàm maſcupia plena: quoniam quidem Judex ille non falletur verbis, nec fleſcetur donis. *Ratio* veritatem reſponſionis acceptat, eamq; ad conſcientiam reflectit; cum qua examen de homine ſuo inſtituit. Utrum nam ſecurus de ſua operatione lætus expectat ignotum ſibi Judicis adventum, nec ne? *Conſcientia* ut verum ſcit fatetur. *Voluntas* elicit *actum*. Judex crederis eſſe venturus. Te ergo quæſumus tuis famulis ſubveni, quos pretioſo ſanguine redemiſti. Cum veneris judicare noli me condemnare. In die judicij te rogamus, ut nobis parcas, ut nobis indulgeas, ut nobis miſerearis. Fiat miſericordia tua ſuper nos, quemadmodum ſperavimus in te. Ad te Domine levavi animam meam, DEUS meus in te confido, non erubeſcam.

## CONSIDERATIO II.

**R**atio proponit. Quæ præcedent Univerſale judicium Chriſti? *Sylveſtris reſpondet.* Præcedent illud tam remote, quàm proxime multæ tribulationes juſtorum, & gaudia impiorum, uti Chriſtus prædixit. *Joann: 15.* Mundus gaudebit, vos verò contriſtabimini, ſed triſtitia veſtra vertetur in gaudium; conſequenter cum eadem ratio ſit opolitiorum, gaudium mundanorum vertetur in triſtitiam,



## CONSIDERATIO II. 134

stitionem, juxta *Prov: 14.* Ritus (impiorum) dolore miscetur, & extrema gaudij luctus occupat. Pro-  
mittit autem Christus suis amicis tribulationes,  
tanquam dona sua specialissima, ut eò pacto com-  
municantes suis passionibus juxta *1. petr: 4.* in re-  
velatione gloriæ suæ, gaudeant exultantes. *2dò.*  
Præcedet illud judicium particulare: quilibet  
namq; homo morte sua adveniente, stabit sigilla-  
tim ante tribunal Christi, in loco nobis penitus  
ignoto, Ubi unusquisq; impiorum accipiet secun-  
dum peccata sua sententiam damnationis; & unus-  
quisq; justorum secundum opera bona quæ gessit,  
retributionem vitæ æternæ, sed nonnisi respectu  
animæ. In generali autem judicio, idem accipiet  
respectu corporis. Unde *S. Aug.* Qualem te inve-  
niet DEUS in tuo novissimo die, talem te judi-  
caturus est in mundi novissimo die. *3iò.* Præcedet  
illud è proximo Antichristus, homo impiissimus,  
qui debellatis regibus terræ, ita sedacet omnes mun-  
di amatores, ut recipiant ipsum ac verum Messiam,  
confiteanturq; & adorent ac verum filium DEI:  
imò & justos inducere conabitur ad exhibendum  
sibi eundem cultum Divinum. *Tum f.* astutis docu-  
mentis ex diabolica suggestione habitis, *Tum e.*  
mentita Sanctitate. *Tum* simulata benignitate.  
*Tum* falsis miraculis, magica arte factis. *Tum* do-  
nis ac muneribus. *Tum* deniq; varijs cruciatibus.  
*4iò.* præcedet illud adventus Enoch & Eliæ, qui  
paulo ante ipsius Anti-Christi imperium, Judæos  
in Christum credere facient juxta *Malach. 4.* Ecce  
ego mittam vobis Eliam Prophetam, antequam  
veniet

veniat dies Domini magnus, & horribilis, & converteret. cor patrum ad filios, & cor filiorum ad patres eorum. Et *Matth. 17.* Elias quidem venturus est. & restituet omnia. Et *Apo. 11.* Dabo duobus testibus meis (*Enoch s. ac Eliæ*) & prophetabunt diebus mille ducentis sexaginta, amicti factis. Hos Sanctos Patres occidet Anti-Christus in Jerusalem; post quindecim autem dies, & ipse impulsus occidetur à S. Michæle Archangelo in monte Oliveri. in loco circa quem Dominus noster ascendit in cælum. Occidetur autem ut aliqui putant ultimis diebus Bacchanaliorum. *isd.* Præcedent illud signa in sole & luna & stellis, juxta *Isa. 2.* Sol & luna obtenebrati sunt, & stellæ contraxerunt lumen suum. Et *Matth. 24. Luc. 21.* Statim autem post tribulationem dierum illorum Sol obscurabitur, & luna non dabit lumen suum, & stellæ cadent de cælo, & virtutes cælorum commovebuntur. *isd.* Præcedet illud maximus ignis, qui faciem hujus mundi renovabit, impios vorabit, justos expurgabit, juxta *Isa. 2.* Ante faciem ejus ignis vorans, & post eum (infernalis) exurens flamma. Et *Psal. 69.* Ignis ante ipsum præcedet, & inflammabit in circuitu inimicos ejus. Paulò post fiet resurrectio universalis omnium hominum secundum carnem, tam justorum ad gloriam; quam impiorum ad condemnationem. Tunc justi invicem sibi ipsis gratulantes tantam felicitatem, provocabunt se ad laudandum & benedicendum DEUM, dulce canendo, *Psal. 117.* Confitemini Domino, quoniam bonus quoniam in sæculum misericor.



CONSIDERATIO II. 136

sericordia ejus. Tunc & impij ad aspectum ju-  
storum dicturi sunt illud: *Sap: 7.* Hi sunt quos  
aliquando habuimus in derisum, & in similitudi-  
nem improperij. Nos insensati vitam illorum  
æstimabamus insaniam, & finem illorum sine ho-  
re: ecce quomodo computati sunt inter filios Dei,  
& inter Sanctos fors illorum est. Jam autem præ-  
vio signo Crucis triumphantis apparebit Christus  
Dominus Judex causarum, rerumq; gestarum to-  
tius mundi in majestate magna, prout prædixit  
*Matth: 25.* Cum venerit filius hominis in Maje-  
state sua, & omnes Angeli cum eo: tunc sedebit  
super sedem Majestatis suæ: & congregabuntur  
ante eum omnes gentes, & separabit eos ab invi-  
cem, sicut pastor segregat oves ab hædis & statuet  
oves quidem à dextris suis, hædos autem à sini-  
stris. Hic equidem adventus Christi, impiis erit  
formidabilis & odibilis juxta *Malach: 3.* Ecce ve-  
niet, & quis (impiorum) stabit ad videndum eum:  
idcirco dicturi sunt montibus & petris (ut est *Luc.*  
*2.* Et *Apoc. 6.*) Cadite super nos, & abscondite nos  
à facie sedentis super thronum, & ab ira Agni:  
quoniam venit dies magnus, justis verò valde de-  
siderabilis & amabilis, in quorum persona dicitur  
illud *Apoc: 2.* Veni Domine JESU. Ratio respon-  
sionis veritati assentitur, eamq; reflectit ad consci-  
entiam, cum qua instituit examen de homine suo.  
Qualem nam expectat Christi adventum? amabi-  
lem, an verò odibilem? *Conscientia* ut verum scit  
fatetur. *Voluntas* inde pio affectu mota cupit à  
modo habere adventum Christi omnino desidera-  
bilem;

bilem; idcirco tales elicit *Aetur*. Veni Domine JESU ad salvandum nos, veni citò, veni citò. Vivat Rex noster JESUS, vivat, vivat! Hosanna filio David Hosanna in excelsis. Salus DEO nostro, salus, salus in sæcula sæculorum! Rex tremenda Majestatis, qui salvandos salvas gratiis, salva me fons pietatis, Oro supplex & acclinis, gere curam mei finis. Voca me cum benedictis. Confitearis me coram Patre tuo, Angelis tuis, & Sanctis tuis, sicut promisisti,

### CONSIDERATIO III.

**R**atio proponit. A quo accusabitur homo coram Judice æquissimo: *Synteresis respondet*. imò. Accusabitur à diabolo, per quē ad peccadū modo inducitur. Iste enim nequissimus hostis *Apoc: 12.* dicitur Accusator fratrum ante conspectum DEI nostri die ac nocte. Quem namq; servum DEI astute in præsentī tentat, fraudulentē peccatum coram eo dolosa sua suggestione extenuat, fragilitatem ejus humanā exaggerat, misericordiā DEI commēdat, & facilem eimet de peccato resurrectionem pollicetur, per actum s. contritionis, quem scit elicere, & in usu habere cosuevit; jamq; seductū miserabiliter de peccato in peccatum trahit, donec eum in consuetudinem, tandemq; in necessitatē peccandi detrudat. Eundem post inde nequissimus in futuro iudicio tam particulari, quā universali coram Judice Christo, omnibus modis accusabit, imò & nunc quolibet alio tempore instanter acculat; quatenus à se peccator seductus, iusto iudicio DEI ad pu.



ad puniendum æternaliter quantocius tradetur. *Aug. ex Med. Pass. confid. 3. pun. 2. 2dò.* Accusabitur  
 rum ab Angelo suo Custode, cuius in hac vita  
 inspirationes sacras observare non curavit; æquil-  
 limum enim est, ut qui in præsentì Sanctum su-  
 um Angelum habere instructorem noluit habeat  
 in utroq; iudicio DEI eundem suarum iniquita-  
 rum testem & accusatorem. Tùm à complicitibus  
 suorum peccatorum, ut iusto iudicio DEI, eadem  
 damnatione æterna puniatur cum illis, cum qui-  
 bus unanimiter DEUM offendere audebat. Tùm  
 ab inductis à se peccatum malis exemplis, falsis  
 doctrinis, iniquis persuasionibus, vel in honestis  
 sollicitationibus aut muneribus. Tùm ab oppressis,  
 injuriarumq; à se passis, juxta *Rom. 12.* Mihi vindi-  
 ctam (donate) ego retribuam. *3idò.* Accusabitur  
 unusquisq; hominum à propria conscientia, juxta  
*Dan. 7.* iudicium sedit librique aperti sunt, & alius  
 liber apertus est, qui est vitæ, & iudicati sunt mor-  
 tui ex his, quæ scripta erant in libris secundum  
 opera ipsorum. Per istos libros intelliguntur con-  
 scientiæ singulorum hominum, in quibus veluti in  
 libris descripta ac recondita servantur gesta illo-  
 rum bona & mala, in iudicio DEI aperienda &  
 manifestanda, juxta *Eccl. 12.* In fine hominis de-  
 nudatio operum ejus, Et *Luc. 12.* Nihil operum  
 quod non reveletur / in die illa, neq; absconditum,  
 quod non sciatur. Per librum vitæ, intelligitur  
 liber præceptorum DEI, ac item liber conscientiæ  
 Christi; cum hoc ergo utroq; libro in illa die li-  
 bri conscientiarum singulorum hominum conferen-  
 tur ad

tur ad recognoscendum, an consona, vel dissona sibi in ipsis contineantur. Ratio responsioni annuit, conscientiam examinat concordant nè ipsius gesta cum præceptis DEI & consilij Christi? Conscientia ut scit verum fatetur. Voluntas exit in *Adm.* Feci faciamquè justitiam, (pœnitentiæ) non tradas me calumniantibus & accusantibus me. DEUS in nomine tuo salvum me fac, & in virtute misericordiæ judica me. Misere mei DEUS, quoniam &c: Adjutor meus es tu, nè derelinquas me, neq; despicias me DEUS Salvator meus. O JESU transforma me totum in te conforma me totum tibi.

## CONSIDERATIO IV.

**R**atio præponit. Pro quo unusquisq; hominum coram Christo Iudice æquissimo accusabitur, & consequenter pro quo ab eodem condemnabitur & salvabitur? *Syn: resp: imò.* Pro cogitationibus, verbis, & operibus legi Divinæ omninò contrarijs, ut *Sap. 3.* Impij secundùm quæ cogitaverunt correptionem habebunt. *Psal. 3.* Vultus Domini super facientes mala, ut perdat de terra memoriam eorum. Actus detestatur. *ex Scal. 1. 2dò.* Pro verbis otiosis, s. absq; necessitate & utilitate spiritali aut corporali propria sive aliena prolatis; & consequenter pro cogitationibus ac operibus vanis. Ut dicitur, *Math. 12.* Dico autem vobis, quoniam omne verbum otiosum, quod locuti fuerint homines, reddent rationem de eo in die iudicij. *Adm.* Adhæreat lingua mea faucibus meis, si non



# CONSIDERATIO IV. 140

si non meminero tui. Pone Domine custodia n  
 orimeo. JESUS autem tacebat. Averte oculos  
 mentis meæ, nè videant (s. cogitent) vanitatem.  
 3<sup>id</sup>. Pro peccatis occultis, tam à se, quàm ab ali-  
 quo alio ex occasione sua commissis. Unde S. Pau-  
 lus 1. Cor: 14. Nihil mihi conscius sum, sed non  
 in hoc justificatus sum; qui autem judicat me (sci-  
 ens omnia mea occulta) Dominus est. *Actus*. O-  
 stende Domine, quantas habeo iniquitates, scelera,  
 & delicta. Revela mihi Domine viam meam,  
 ut cognoscam, quid desit mihi. Ab occultis mun-  
 da me Domine, & ab alienis parce servo tuo. 4<sup>id</sup>.  
 Pro operibus ex se quidem bonis, sed ex circum-  
 stantia aliqua reprobris, ut *Psal.* 74. Cùm accepero  
 tempus, ego justias (bonorum s. operum) judica-  
 bo; quo motivo, quo fine, quibus mediis peractæ  
 sunt? Unde S. *Isid.* Sæpè quæ apud humanum ju-  
 dicium bona apparent, apud examen diligētissimi &  
 accuratissimi Judicis reproba deteguntur; ideoq;  
 omnis Sanctus veretur nè fortè bonum quod agit,  
 pro aliqua animi distorta intentione reprobum sit.  
*Actus*. Omnes justitiæ Domine coram Te, tan-  
 quam pannus menstruatæ Verebor, verebor Do-  
 mine opera mea. Domine DEUS propter Te, &  
 super omnia, omnia facere volo. 5<sup>id</sup>. Pro negle-  
 ctu bonorum operum, quæ de suis quisq; talentis,  
 seu donis acceptis facere poterat, ut est *Luc:* 12.  
 Omni autem cui multum datum est, multum qua-  
 reretur ab eo. Unde contra tales judicandos seve-  
 ra proferetur sententia à judice Christo: Disce-  
 dite à me maledicti in ignem æternum, qui para-  
 tus

tus est diabolo, & Angelis ejus Esurivi enim & sitivi (tùm corporaliter, tüm spiritualiter in meis mysticis membris) & non dedistis mihi manducare &c: *Actus*. Dilectionis proximi *ex Scal: 1. 610.* Pro bonis operibus, in gratia DEI peractis salvabitur omnis justus, juxta illam sententiam à Judice Christo proferendam: Venite benedicti Patris mei, possidete paratum vobis regnum à constitutione mundi; esurivi enim, & dedistis mihi manducare &c: *Ratio* convincitur, & examinat suam conscientiam, qualemnam expectat sententiam pro operibus suis. *Conscientia* facetur, & prorumpit in *Actus* supra positos.

## CONSIDERATIO V.

**R**atio proponit. Quomodo nos ad iudicium pręparare debemus? *Synt: resp. 1mo.* Si recolentes peccata nostra judicaverimus nosmetipsos pro illis dignos esse omni humana despectione, ac divina castigazione, & ad eas subeundas humiliter resignati fuerimus secundum piiſſimam Domini nostri dispositionem, ut est *1. Cor: 12.* Si nosmetipsos judicemur, non utiq; judicemur. *2do.* Si neminem unquam temere judicaverimus; temere autem judicemus quempiam, ubi ex incertis ac levibus iudiciis vitam alicujus; mores dicta, facta, & intentiones tacitis apud nosmetipsos cogitationibus condemnaremus, contra illud *Matth: 7.* Nolite judicare (temere) ut non judicemini. *3tid.* Si advertentes conscientiam nostram peccato aliquo maculatam protinùs eam iudicio Sacramentali subii-  
ceremus.



CONSIDERATIO V. 142

ceremus. Non enim judicabit Dominus, ut ait *S. Hier.* bis in idipsum. Unde ipse Christus Dominus Judex ac Salvator noster, sic ait suis vicariis, *Matth. 18.* Quæcunq; solveritis super terram (in judicio Sacramentali) erunt soluta & in cælo. *1<sup>to</sup>.* Si aliorum judicia temeraria, & injurias nobis quascunq; factas patienter ad imitationem Christo toleraverimus, neq; cum faciente injuriam litigaverimus, aut contra eum quærimoniae aut murmuraciones fecerimus, ut est *1<sup>o</sup> Cor. 5.* Patientes estote, & confirmate corda vestra, quoniam adventus Domini appropinquabit, nolite ingemiscere in alterum, ut non Judicemini. *2<sup>to</sup>.* Si cunctis nostris inimicis, non solum quascunq; injurias nobis irrogatas libenter dimiserimus, sed etiam nominatim pro eis oraverimus, beneq; eis fecerimus, ac inimicè dilexerimus, juxta *Mat. 22.* Dimittite, si quid habetis adversus aliquem, ut & Pater vester qui est in cælis dimittat vobis peccata vestra; quod si non dimiseritis, nec Pater vester dimittet vobis. *3<sup>to</sup>.* Si nunquam cessaverimus placare Judicem nostrum muneribus bonorum operum, tam spiritualium quàm corporalium: quia addictis his bonis operibus ipsemet Judex promisit se dicturum *Matth. 25.* Quod uni ex minimis meis fratribus fecistis, mihi fecistis. *4<sup>to</sup>.* Et quidem principaliter Si ipsum Judicem fideliter ac studiosè imitati fuerimus in sanctitate omnibus diebus nostris, tam exteriori, quæ dicit abdicationem bonorum temporalium, & austeritatem vitæ; quàm in interiori, quæ edomationem passionum, seu mortificati-

onein plenam vitiorum atq; virtutum asceticarum adeptiōem eicit; tales enim imitatores non iudicabuntur, sed ipsi alios iudicabunt, uti Assesores & coadjutores Christi, juxta *Matthi 19*. Vos qui secuti estis me, in regeneratione cūm sederit Filius hominis in sede maiestatis suæ, sedebitis & vos, super sedes duodecim, iudicantes duodecim tribus Israhel. Ratio veritate vincitur, conscientiam examinat, an sit eo modo parata ad iudicium. *Conscientia* fatetur, renovat proposita, de testatur mala, per *Actus ex Consci.* 3. Pass.

## CONSIDERATIO VI.

**R**atio proponit. Quam ob causam Iudicium Universale DEI omninò necessarium sit? *Synteresis respondet.* imò. Necessarium est ad supplendum defectum in administratione iustitiæ huius sæculi iudicum à DEO institutorum, qui rarò causas hominum ut oportet decernunt. Tūm quia exteriora tantūm causæ dijudicare possunt, secundūm allegata aliorum testimonia, quæ vix aliquando integra habentur; nam interiora à solo DEO Scrutatore absconditorum dijudicanda sunt. Tūm quia multi Iudices scienda sui muneris passim ignorant, ut ait *S. Aug.* Quorum ignorantia est calamitas innocentium. Unde tales monentur *Psalms: 2.* Eruimini, qui iudicatis terram. Tūm quia potentiores extimescunt, & tali timido dicitur: noli querere fieri Iudex, nisi valeas virtute (fortitudinis) irrumperere in iniquitates, nè fortè extimescas faciem potentis. Tūm, quia diligunt munera quibus dictum;



## CONSIDERATIO VI. 144

dictum, est *1/a* s. Væ qui justificatis impium pro muneribus, & iustitiam iusti aufertis ab eo. Tùm, quia vel amore, vel odio ducuntur ad ferendam iniquam sententiam. Unde *S. Greg.*: Judicare dignè de subditis nequeunt, qui in subditorum causis, vel gratiam, vel odium sequuntur. *2da*. Necessarium est Judicium Universale, quia non omnes fideles sacramentaliter confitendo satis aperiunt interiora sui cordis coram Iudice Christi Vicario, ut à peccatis absolvantur. Et quia non omnes habent efficax propositum omnia & singula peccata mortalia post modum serio vitandis, & non omnes, post acceptam peccatorum absolutionem in proposito stabiles manent. *3da* Est necessarium, ut ibi omnis homo accipiat sententiam retributionis juxta opera sua, tam ratione animæ, quam corporis. Nam in particulari judicio non datur sententia finalis de corpore, nisi de anima. Et ut ibidem simul in conspectu totius mundi unusquisq; iustorum exaltetur, qui se humiliabat, juxta *Matth. 23*. Qui se exaltat humiliabitur, & qui se humiliat exaltabitur. *4da*. Necessarium est propter manifestationem Christi in gloria sua, quam habet una cum DEO Patre & sancto Spiritu: sicut enim dùm his viveret ab impiis fuit publicè despectus, & ad mortem turpissimam & dirissimam condemnatus, & nunc quamvis regnet in cœlo, & usq; in finem hujus mundi contemnitur & blasphematur; ita etiam ibi, publicè coram omnibus hominibus & Angelis apparebit gloriosus: ut ipse prædixit stando veluti reus mortis coram Principibus

bus Sacerdotum *Matth: 26.* Dico vobis: à modo videbitis Filium hominis sedentem à dextris virtutis DEI, & venientem in nubibus cœli. Et *Apoc: 1.* Ecce veniet in nubibus, & videbit eum omnis oculus, & qui eum pupugerunt. Unde *S. Aug:* Tunc manifestus veniet inter justos iudicaturus justè, qui ab injustis iudicatus est injustè. *Ratio* convicta examinat conscientiam si sibi placent Iudicia DEI? *Conscientia* fateatur. *Voluntas* facit *Actum*. Amo tuam justitiam, sapientiam &c: *ex Scal: s.* Justus es Domine, & rectum iudicium tuum. Cognovi Domine, quia æquitas iudicia tua, & in veritate tua humiliasti me. Bonum mihi quia humiliasti me, ut discam mandata tua, & merear à te exaltari. Bone, pulcherrime, dulcis, misericors Domine, in illa die miserere mei, & omnium, animarum tam vivorum, quam mortuorum, quas pretioso Sanguine redemisti.

## M O D U S

*De Inferno meditationem asceticè  
instituendi.*

**I**maginativa introductio ex *S. Alcant:* Imaginare tibi infernum, tanquàm chaos horribilissimum, lacum subterraneum, puteum profundissimum, & totum ignitum; aut tanquam civitatem magnam horribilem, totaliter tenebrosam, obscurissimis & tenebrosissimis flammis succensam, continuò clamantibus, ululantibus, plangentibus universis præ inexplicabilibus doloribus, sicq; in omne æternum continuò plancturis, ululaturis &c.

CONSI-



## CONSIDERATIO I. 146

**R**atio proponit. Quis condemnabitur ad pœnas inferni perpetuas? *Synteresis* respondet. Condemnabitur omnis homo reprobatus ab æterno propter suum finale peccatum à DEO prævisum, juxta *Apoc: 20.* Qui non est inventus in libro vitæ scriptus, missus est in stagnum ignis. Quanquam autem scire non valeamus, quis nam hominum in singulari consideratus, ab æterno sit reprobatus & prædestinatus: cum etiam non constet nobis de uniuscuiusq; finali peccato & iustitia; contingit enim sæpè, ut ubi de alicujus correctione desperamus, mox convertatur, & fiat optimus: & ubi de perseverantia cujusquam in probitate vitæ præsumimus, brevi deficiat, & fiat pessimus; ac proinde exploratum haberi nequit, qualis futurus sit, qui nunc bonus vel malus est. Verùm tamen in communi homines considerando, qui nam eorum finaliter in peccato morientur, & consequenter damnabuntur: possumus probabiliter cognoscere ex certis testimoniis, indiciis, ac signis de S. Spiritu in Sacra Script: & monumentis SS. Patrum expressis: quorum quidem signorum, alia proxima, alia remota ad nostram cautelam in præsentì adducenda veniunt. *modò.* Igitur signa proxima finalis peccati, consequenter æternæ reprobationis puta esse, infidelitatem, injustitiam, consuetudinem in aliquo peccato, recidivationem in crimen aliquod pristinum, & peccata contra Spiritum Sanctum. *Infidelitas* quidem est hujusmodi signum: quia omnes ferè in eadem perfidia moriuntur, in qua educati sunt, ac vivunt paucis exceptis. Est autem præsens

K a infide.

infidelitas alia absoluta, alia secundum quid. Infidelitas absoluta illorum est, qui non sunt baptizati, & non credunt ea, quæ credenda sunt de necessitate medij ad obtinendam vitam æternam. Uti sunt Turcæ, Judæi, Arianæ, & alij omnes, qui non consentiunt DEUM Unum ac Trinum, & secundæ Divinæ Personæ consubstantialitatē & incarnationem, juxta *Marc: 16*. Euntes in mundum universum prædicare Evangelium omni creaturæ: qui crediderit, & baptizatus fuerit salvus erit, qui verò non crediderit, condemnabitur. Infidelitas secundum quid, propria est hæreticorum: qui ex pertinacia non credunt ea, quæ sunt de necessitate præcepti: uti sunt aliqua Sacramenta, invocatio Sanctorum, cultus imaginum, purgatorium animarum, primatus Ecclesiæ &c. Unde *Tim: 3*. Hæreticum hominem post unam & secundam correptionem devota, sciens quod subversus est, qui ralis est & delinquit, cum sit proprio judicio condemnatus. Actus fidei, ex *Scal: 1. 2dò*, Injustitia est signum proximum finalis peccati, consequenter damnationis, ut *Sap: 5*. Injustitia est mortis (æternæ) condemnatio. At specialiter hic loquimur de injustitia, quæ opponitur justitiæ generali seu legali. Unde sicut præsens justitia est virtus, quæ homo tribuit DEO, sibi, & proximo, quod unicuique debet; sc: DEO cultum patriæ & obedientiam sibi verò ex baptismo acceptam innocentiam; post lapsum autem aliquem infelicem in peccatum, pœnitentiam; proximo deniq; æquitatem & liberalitatem. Ita injustitia hujus loci vitium, est subtrahens

aut



## CONSIDERATIO I.

148

aut negans ordinariè DEO, homini suo, & proximo, quod ipsis debet. *Actus*. Paratum cor. Omnia volo. *ex Scal: 4. 3<sup>to</sup>*. Consuetudo prava aliquod peccatum lethale perpetrandi. Ut est usitata detractio, ordinarium odium, est signum proximum damnationis; quia vitium in necessitatem naturæ convertit, ac nisi morte finiri solet. Ut *Isid.* Difficile est peccati consuetudinem vincere, pravus usus vix aboletur, assidua consuetudo vitium in naturam convertit, animus sceleribus adstrictus, vix ab eis divelli potest. Unde *Pron: 22.* Adolescens juxta viam (consuetam) ambulans, etiam cum senuerit non receder ab ea. *Ier: 5.* Si immutare potest Æthyops pellem suam, aut pardus varietates, ita & vos poteritis benè facere, cum malè didiceritis. Actus detestat. *ex Scal: 1. 4<sup>to</sup>*. Recidivatio in aliquod peccatum (præsertim verò contra votum castitatis) ante conversionem ad DEUM supererogatoriam usitatum, est tale signum: ut est *Hebr: 10.* Voluntariè peccantibus nobis, post acceptam notitiam veritatis, jam non relinquitur pro peccato hostia; terribilis autem expectatio quædam judicij & ignis æmulatio, quæ consumptura est adversarios. *2. Petr. 2.* Si enim refugientes coinquinationes mundi, in cognitione D.N. J.C. his rursus implicati superantur, facta sunt eis posteriora deteriora prioribus. Et *S. Greg: in Ezech:* Sicut à fide qui recedit, Apostata est; ita qui ad perversum opus quod deseruit, rediit, ab Omnipotenti DEO apostata reputabitur, etiamsi fidem tenere videatur. Et *S. Bern.* Fiet filius gehennæ multi.

multipliciter qui post indulgentiam delictorum in eisdem denuo sordes inciderit. Actus spei ex Scal: 1. Imploratio auxilij Divini: statuè super petram gressus meos, ex Confid: 3. de pecc: punc: 1. s<sup>id</sup>. Peccatum tandem quodlibet contra Spiritum S. est tale signum proximum, quo peccato non datur jam gravius & deterius, eo quod omne aliud peccatum tendit in ipsum, tanquam in suum terminum; ideoq; irremissibile dicitur juxta Matth: 10. Qui dixerit s. quiquomocunq; peccaverit contra Spiritum S. non dimittetur ei, neq; in hoc neq; in futuro saculo. De hoc peccato

*Nota 1<sup>ma</sup>.* Quod communiter peccatum omne est contra DEUM Unum ac Trium; appropriatè tamen aliud est contra Patrem, aliud contra Filium, aliud contra Spiritum S. Contra Patrem, cui attribuitur potentia peccatur ex fragilitate: contra Filium ejus est sapientia, peccatur ex ignorantia: contra Spiritum S. qui dicitur Bonitas, peccatur ex malitia s<sup>c</sup>. ex certa scientia, plena voluntate, & integra libertate; quando voluntati adeo sapit malum, ut porius eligat peccare quàm astrictè cum sua molestia tentationi resistere; tale tamen peccatum non est hujus loci proprium, nisi ipsorum recidivantium. *Nota 2<sup>da</sup>.* Quod aliquod peccatum lethale tripliciter potest dici irremissibile. *1<sup>ma</sup>.* ex parte DEI, quale est omnium absolutè condemnatorum. *2<sup>da</sup>.* ex parte hominis irremissibile dicitur quodlibet peccatum, in quantum peccans quantum est ex se, non habet potestatem resurgendi per pœnitentiam, donec exaltus ex pie-



## CONSIDERATIO I. 150

ex pietate Divina excitetur & adjuvetur. *3<sup>id.</sup>* peccatum hujus loci proprium irremissibile est, *ex parte sui metipsum*, cui inest contrarietas quædam specialis, seu repugnantia gratiæ Spiritus S. per quam fit remissio omnis peccati. *Nota 3<sup>id.</sup>* Peccatum specialiter repugnas gratiæ Spiritus S. tripliciter potest se habere respectu alterius. *1<sup>mo.</sup>* respectu DEI, contra quem pertinaciter se habet ut misericordem & justum, & est desperatio vel præsumptio. Per *1<sup>um</sup>* non vult homo pœnitentiam agere, diffidens contumaciter de misericordia DEI ob peccati gravitatem. Per *2<sup>dum</sup>* autem peccatum, nimium præfidit homo contra infinitam DEI justitiam, quod non damnabitur, idq; ob solam DEI bonitatem sine sua pœnitentia. *2<sup>do.</sup>* respectu *medij*, quo unice venit ad remissionem peccatorum (uti est pœnitentia) pertinaciter se habens, est mentis obstinatio, & finalis impœnitentia. Per *3<sup>um</sup>*. Nullatenus vult resilire homo à peccatis commissis, & cavere à futuris. Per *2<sup>dum</sup>* verò tenaciter perseverat in proposito positivo non pœnitendi *3<sup>id.</sup>* respectu Ecclesiæ DEI, in qua solum est remissio peccatorum, quamq; duo, vel maximè stabiliant, *s.* veritas fidei, & charitas fraterna, contra quarum *1<sup>am</sup>* est peccatum, diciturq; impugnatio agnitæ veritatis, eò quod veritatem fidei Catholice agnitam impugnare & averfari non desistat. Contra *alteram* est, diciturq; invidentia fraternæ charitatis, eò quod nolit proximum habere gratiam DEI gratum facientem, atq; in charitate Christi unanimiter cum alijs proximis permanere.

*Nota 4<sup>ta</sup>.* Quod peccatum contra Spiritum S. irremissibile ex parte sui in hoc differt à peccato consuetudinis & recidivationis : quia consuetudinarij recidivantes, aliquando habent propositum penitendi, & nonnunquam conantur surgere per penitentiam, ut S. Greg. *Moral.* 15. Usitata culpa obligat mentem, ut nequaquam surgere possit ad rectitudinem : conatur enim & labitur, quia ubi diu sponte persistit, ibi etiam cum noluerit coactè cadit. Peccantes autem contra Spiritum S. ab huiusmodi proposito & conatu omninò alienati habentur. Uti patet in superiori notato.

Signa Remota finalis peccati, & consequenter damnationis æternæ sunt : Principia prava politica, Habitus vitiornm acquisiteorum, & propositorum non proficiendi, Principia quidem prava politica sunt huiusmodi signa, quia in acquirendis, defendendis, & recuperandis bonis huius temporis (uti sunt bona honorabilia, utilia, ac delectabilia) habent implicitè paratum animum, ubi media licita sibi decessent aut deficerent, utendi modis etiam illicitis. Vide luculentiorẽ huiusmodi Principiorum explanationem in *Med. de Pecc. Confid.* 3. *Notandum* tamen est, quod eadem Principia Prava politica, dum ita latitant in profundo animi, ut penitens non advertat inesse eis voluntatem tacitè aut ex suppositione paratam faciendi malum, eò usq; signa sunt reprobationis remota; verum proxima essent, ubi virus eorum deprehensum, interna mortificatione non aboleret.

Habitus pravi vitiornm acquisiteorum (superbiæ  
puta,



## CONSIDERATIO I 152

puta, avaritiæ, luxuriæ, invidiæ, gulæ, iræ, & accediæ.) Sunt etiam signum huiusmodi remotum, quia sicut ex actibus peccatorum in anima rationali nascuntur, ita deinde post veram ad DEUM conversionem, si interna mortificatione ut oportet non superantur, mox ad similes actus peccaminosos eandem pellunt animam: prorsus autem sic non possunt superari, antequam Principia prava politica fuerint satis cognita & abnegata, quia motus vitiorum sequuntur iudicium inferioris rationis, ac falsum lumen huiusmodi principiorum in eadem ratione inferiori locum tenentium. Unde *S. Bern.* est homo pacatus, qui bona pro bonis reddens quantum in se est nemini vult nocere. Est alius patiens, qui non reddens malum pro malo, etiam potens est sustinere nocentem. Est quoque pacificus, qui bona pro malis reddens, in promptu habet prodesse nocenti. *primus* quidem parvulus est, & facile scandalizatur: nec facile qui huiusmodi est in hoc sæculo nequam, & pleno scandalis poterit obtinere salutem. *2dus* ut scriptum est, in patientia sua possidebit animam suam. *3tius* quidem non modo suam possidebit, sed & multorum animas lucrificiet. Et *S. Chrysost.* in *Matth. c. 32. Hom. 3.* Sicut ex parte DEI, quamvis plures sint spiritus; virtutum tamen septem dicuntur: quia ex illis septem omnes virtutum species procedunt: quos spiritus enumerat *Isaias*, & *Salomon* signat dicens: sapientia ædificavit sibi domum, & subdidit columnas septem. Sic ex parte diaboli, quamvis multi spiritus vitiorum sint, tamen septem dicuntur:

cuntur: quoniam ex illis principalibus vitis vitia  
 universa, & ipsa peccata nascuntur. Et *S. Greg. in  
 moral.* Prima vitia (innata sc. deceptæ menti)  
 quasi sub quadam ratione se ingerunt. Sed quæ se-  
 quuntur (utpotè acquisita) dum mentem ad omnem  
 insaniam protrahunt, quasi bestiali clamore eam  
 confundunt.

Proposuit non proficiendi in studio vitæ spiri-  
 tualis, sive explicitum sive implicitum, est tandem  
 signum remotum finalis peccati, & consequenter  
 damnationis æternæ. Quia etsi religiosus non te-  
 neatur esse perfectus; tenetur nihilominus ex vi  
 suæ professionis tendere ad perfectionem superero-  
 gationis, per exercitia mentalis orationis, & inter-  
 næ mortificationis, atq; asceticæ virtutis: nam ut  
 ait *S. Leo.* Qui non proficit deficit, (in observantia  
 mandatorum DEI, ac suæ Regulæ essentialium) &  
 qui non acquirit (quidpiam de virtutibus, ac de  
 gratia DEI) non nihil perdit: de fervore puta de-  
 votionis atq; charitatis. Et *S. Bernard.* Minimè  
 pro certò est bonus, qui melior esse non vult. *Idem*  
 Aut ascendas necesse est, aut descendas; si atten-  
 tas stare, ruas necesse est. *Ratio* veritate responsi-  
 onis convincitur, quam reflectit ad conscientiam;  
 cum eaq; examen instituit de homine suo. Utrum  
 nam tota efficacia mentis suæ recedat ab hujus-  
 modi signis nec nè? *Conscientia* ut sibi constet fa-  
 teretur. *Voluntas* elicit *Actus.* Delicta juventutis meæ,  
 & ignorantias meas, nè memineris Domine. A-  
 verte faciem tuam à peccatis meis, & omnes ini-  
 quitates meas dele. Cor mundum crea in me DE.

US, &



## CONSIDERATIO II. 154

US, & spiritum rectum innova in visceribus meis Viam iniquitatis amove à me, & de lege tua miserere mei. Viam veritatis elegi, judicia tua non sum oblitus.

## CONSIDERATIO II.

**R**atio proponit. Quæ mala damnati in Inferno patiuntur? *Syn: resp:* Patiuntur triplicia mala triplicis pænæ Uti est pæna damni, pæna sensus, & pæna vermis, seu remorsus conscientiæ. *imò.* Pæna quidem damni, significat negationem æternam gratiæ DEI, & gloriæ cælestis, juxta Ps: 58. Ibunt in progenies Patrum suorum, & usq; in æternum non videbunt (gratiæ & gloriæ) lumen. De hujusmodi malo D. Chrysost: sic ait: excludi à bonis æternis, & alienum effici ab his, quæ parata sunt Sanctis, tantum generat cruciatum, tantum dolorem, ut si nulla extrinsecus pæna torqueret hæc sola sufficeret. Unde vulgo dicitur Non cognoscuntur bona, nisi amissa. *Idem.* Si mille gehennas mihi proponas, non tantum reputo, sicut ab illius gloriøsæ societatis jucunditate expelli, & exosum fieri Creatori. *add.* Pæna sensus, significat cruciatum omnium sensuum & membrorum, quibus hic DEUS offenditur S. Bern: Singulis excessibus & singulis membris, quæ arma fuerunt iniquitatis, sua debetur pæna pro qualitate vel quantitate commissi; in quo autem membro Creator magis offenditur, peccator gravius torquebitur. Porro hæc pæna sensus, ad novem tormentorum genera multiplicabitur. *imò.* Ignis sempiternus intolera-

lerabilis ardoris, ut est *Isai: 33.* Quis poterit habi-  
 tare de vobis cum igne devorante, & cum ardori-  
 bus sempiternis. *Matth: 25.* Ite maledicti in ignem  
 æternum. 2dum est Frigus intensissimum. Unde  
*Job. 24.* Ad nimium calorem transiit, ab aquis  
 nivium; Hinc in Evangelio legitur, quod erit ibi  
 fletus & stridor dentium; fletus ex liquefactione  
 oculorum de calore; stridor verò dentium de frigo-  
 re oritur. 3tium. Fætor nimius sulphureus. *Apoc:*  
*14.* Cruciabuntur igne & sulphure in conspectu An-  
 gelorum. 4tum. Fames inexplebilis. *Psalmo 58.*  
 Famem patiuntur ut canes. 5tum. Sitis insatiabi-  
 lis, ut patet in illo divite. *Luc: 16. Deut. 32.* Fel  
 draconum vinum eorum, venenum aspidum insa-  
 nabile. 6tum est Mortus bestiarum crudelium, vel  
 potius dæmonum, sub figuris bestiarum. *Iob. 20.*  
 Caput aspidum suget, & occidet cum lingua vipe-  
 ræ. 7tum. Intuitus dæmonū horribilium ac desor-  
 mium se iridentium & vexantium. 8tum. Locus  
 ipse inferni tenebrosus, profundus, subterraneus,  
 inhumanus, omni horrore plenus, ut *Iob. 10.* Ter-  
 ra miseriæ & tenebrarum, ubi umbra mortis, &  
 nullus ordo, sed sempiternus horror inhabitat. Et  
*S. Greg:* In inferno ignis non lucet ad consolatio-  
 nem, tamen ut magis torqueat, ad aliquid lucet;  
 nam sequaces suos secum in tormento reprobī  
 flamma illustrante visuri sunt, quorum amore de-  
 liquerunt: quatenus qui eorum vitam carnaliter  
 contra præcepta Conditoris amarunt, ipsorum  
 quoq; interit° eos in augmentum suæ damnationis  
 affligat. 9tum est carceris æterni acerbitas, ut *Matth:*



24. Ligatis manibus ac pedibus, proiicite eum in tenebras exteriores. *Isai* 24. Congregabuntur congregatione unius fascis, & claudentur uno carcere. 31a. Pœna vermis, significat perpetuam exprobrationem conscientię homini suo in pœnis infernalibus existenti, quod aliquando tentatus ad peccandum, non restiterit iniquitati, juxta admonitionem inspirationis Divinę, rectumq; dictamen suę mer rationis, nē devenisset in tantas pœnas. Ut *Isai* 66. Vermis eorum non morietur, & ignis eorum non extinguetur. Gravitate huiusmodi pœnarum describens S. Aug. hęc utitur comparatione, dūm ait: sicut nullum gaudium rerum temporalium ex aliqua parte simile potest inveniri gaudio vitę æternę, quam Sancti accepturi sunt; ita nullus cruciatus pœnarum temporalium potest sempiternis iniquorum cruciatibus comparari. Ratio veritate responsionis convincitur: quam reflectit ad conscientiam, cum qua examen constituit de homine suo, fugiat nē omnem culpam, quatenus evitet quamlibet inferni pœnam? *Conscientia* ut constat sibi fateretur. *Voluntas* inde pio affectu mora tales elicit *Actus*. Domine nē in furore tuo arguas me, neq; in ira tua corripas me. Nē reminiscaris Domine delicta nostra &c; Domine non secundū peccata nostra facias nobis, neq; secundū iniquitates nostras retribuas nobis. A porta inferi, erue Domine animas servorum tuorum. Precamur te Cœlestem Regem, ut nobis parcas, ut nobis indulgeas, ut nobis miserearis.

CON-

**R**atio proponit. Pro quo hac triplici pœna in inferno damnati torquentur? *Synteresis respondet.* Pro triplici reatu, quem incurrunt mortale peccatum perpetrando. *1<sup>us</sup>.* quidem reatus cui pœna damni debetur, dicit mentis alienationem à DEO & ab observantia ejus mandatorum; itemq; contemptum saltem imputativum amicitiae charitatis: quæ DE I, nec non gratiæ illius & gloriæ cœlestis, Justè igitur pœna damni in æternum à DEO affliguntur, qui priores DEUM in sua vita perpetuo, deseruerunt, juxta *Ier: 17.* Expectatio Israël Domine, omnes qui te derelinquunt confundetur; recedentes à te in terra (non autem in cælo) scribentur: quoniam dereliquerunt venam aquarum viventium Dominum. *2<sup>us</sup>* reatus cui pœna sensus debetur, dicit mentis adhæSIONem nimiam, per amorem DEO debitum bonis inferioribus, ut sunt honores, voluptates & possessiones; quod fit, dùm quis ita inferiora diligit supra DEUM, & in eis contra præcepta Divina delectatur. Qui ergo hic sensualibus adhærent amore soli DEO debito, justè etiam ibi in æternum ex Divina ordinatione à sensibilibus affligentur. Ut est *Sap. 12.* Per quæ quis peccat per ea punitur. Porro in speciali, pœna ignis erit damnatis in pœnam pro voluptatibus; frigus pro acedia, neglectu Divinorum, & incuria spirituali; fator pro immoderata oratione; famines pro commestationibus excessivis, luxuriosis, & inanibus prodigalitibus: sitis quoq; pariter pro iisdem; morsus bestiarum pro detractionibus, rixis, invidijs, & oppressionibus; intuitus dæmonum, pro amore



amore sui, pro superbia, & intuitibus lascivis & vanis; tenebræ, pro absconditis peccatis; carcer strictissimus, pro injusta dilatazione possessionum. *zitiu* reatus, cui pœna vermis debetur, dicit repugnantiæ mentis instinctui Divino, avocanti hominem à peccando; atq; remurmurationi atq; propriæ conscientię contra eandem mentem malo adhærentem. Quæ quidem repugnantia justo DEI judicio punietur stimulo pœnitædinis, nulla tamen erit ibi correctio voluntatis: à quibus enim ibi culpabitur iniquitas, ab illis nullatenus poterit diligi vel desiderari justitia. *Ratio* veritate responsionis convincitur, quam reflectit ad conscientiam, instituens cum ea examen de homine suo. Utrum nam sentiat se constrictum esse hujusmodi reatibus? *Conscientia* ut verum est fateretur. *Voluntas* elicit *Actus*. Domine DEUS detestor, abominor, & fugio in æternum omnem meam iniquitatem; propter te summe honorandum, amandum, & imitandum, ac super omnia derestabilia, abominabilia, & fugibilia. A modo custodiām legem tuam semper in sæculum sæculi. Adhæsi testimonijs tuis Domine, noli me confundere. Reliquos *vide in Medit: Pass: Confid. 3.*

## CONSIDERATIO IV.

**R**atio proponit. A quolibet damnatorum qualiter hujusmodi pœnæ in inferno sustinentur? *Syn: zerehs respondet. 1mō.* Sustinentur nimis turbulenter ac furibundè, juxta *Psam: 82.* Erubescant & conturbentur in sæculum sæculi, & confundantur & pereant.

159 *CONSIDERATIO IV.*

pereant. Et *psal: iii.* Peccator videbit & irasce-  
 tur, dentibus suis fremet & tabescet. Et *sap: 5.*  
 Videntes (impij se in sua condemnatione esse  
 depressos, & justos in gloria exaltatos) turbabun-  
 tur timore horribili. *2do.* Sustinentur odibiliter &  
 invidenter, magno enim flagrant impij odio in  
 DEUM, quod eos sic condemnaverit: atq; iustis  
 summopere tantam invident felicitatem: quos inde  
 & ipsum DEUM continuò & perpetuò contem-  
 ptibiliter, aversantur juxta *Pf: 73.* Superbia eorum  
 qui te oderunt, ascendit semper. *3tio.* Sustinentur  
 desperatè ac maledictoriè; devenientes enim re-  
 probi in extremam desperationem de fine suorum  
 cruciatuum, in multas prouunt maledictiones &  
 blasphemias, juxta *Isai. 8.* Maledicent Regi suo, &  
 DEO suo. Et *Apec: 16.* Astuaverunt homines astu  
 magno, & blasphemaverunt nomen DEI. Et *Hugo.*  
 Infernus latus est sine mensura, profundus sine  
 fundo, plenus ardore incomparabili, plenus fxtore  
 intolerabili, plenus dolore innumerabili: ibi mise-  
 ria, ibi tenebræ, ibi ordo nullus, ibi horror æter-  
 nus, ibi nulla spes boni, nulla desperatio mali.  
*4to.* Sustinentur pænæ inferni à quolibet damna-  
 torum cum appetentia sui finis; summopere enim  
 reprobis appetunt mori, seu annihilari, ut sic infe-  
 lices evadant cruciatus æternos, juxta *D. Hier: O*  
*mors!* quam dulcis esses, quibus tam amara fui.  
*sti:* te solùm modo desiderant, qui te tam vehe-  
 menter odio habebant. Et *D. Aug.* Quare in in-  
 ferno mors quæritur? & non invenitur: quia qui-  
 bus in hoc sæculo vita offerebatur, sed noluerunt  
 accipe-



accipere, in inferno quarent mortem, & non poterunt invenire. *Ratio* veritate responsionis convincitur, eamq; reflectit ad conscientiam, cum qua examen constituit de homine suo. Cogiternè seriò de emendatione vitæ, nè postmodum in tantam deveniat cum reprobis infelicitatem. *Conscientia* ut verum est faterur. *Voluntas* tales elicit *Actus*. Nè perdas cum impijs DEUS animam meam, & cum viris sanguinum vitam meam. De manu omnium, qui oderunt nos libera nos Domine. Nè tradas bestijs animas confitentes tibi, & animas pauperum tuorum nè obliviscaris in finem. Confige timore tuo carnes meas, à judicijs enim tuis timui. Nè projicias me à facie tua, & Spiritum Sanctum tuum nè auferas à me. DEUS in nomine tuo libera me ab æterna morte, & in virtute tua salvum me fac.

### CONSIDERATIO V.

**R***atio proponit.* Quomodo unusquisq; hominum pœnas inferni, quas jam promeruit peccatis suis, evitare potest? *Synt: resp: mōd.* Vitare potest ac evitabit, qui dignam fecerit pœnitentiam, juxta *Ezech: 18.* Si impius fecerit pœnitentiam ab omnibus peccatis suis, quæ operatus est, & custodierit omnia præcepta mea, & fecerit judicium & justitiam, vitam vivet, & (morte æterna) non morietur. Et *Luc. 3.* Quis ostendit vobis fugere à ventura ira? facite ergo dignos fructus pœnitentiæ. Quod idem sonat illud *Ioan. 3.* Vade & amplius noli peccare. Ille enim dignos fructus facit pœni-

tentiæ, qui in sua vera ad DEUM conversione omni studio fugit peccatum, ac mandatis DEI iugiter obtemperat, & piis operibus diligenter intendit. 2dò. Evitabit, qui vivens frequentabit infernum, per piam recogitationem eorum, quæ damnati pro suis peccatis ibi patiuntur, juxta persuasione Davidicam *Psal. 54.* Descendant in infernum viventes, (nè puta descendant morientes.) Unde *D. Bonav. in verba illa Ezech. Reg. Isai. 38.* Ego dixi, in dimidio dierum meorum, vadam ad portas inferni. Sic ait: Optimè consulit pro dimidio dierum suorum, quod vadat homo ad infernum in dimidio vitæ suæ, dum est juvenis & sanus, & hoc per diligentem considerationem; ut postea non descendat in fine vitæ per æternam damnationem. 3tid. Evitabit, qui propriam non sequetur voluntatem, quæ sc. difformis est Divinæ voluntati, & consequenter voluntati superiorum, & cunctorum proborum: quæ non gloriam DEI quærit, nec bonum commune, sed privatum commodum ac placitum. Unde *D. Bernard.* Quid odit ac punit DEUS præter voluntatem propriam, cesset propria voluntas, & infernus non erit. 4tid. Evitabit, qui neminem in præsentī vitæ temerè judicabit & condemnabit: quicquid temeraria judicia, & condemnationes aliorum, & quascunq; injurias sibi factas, patienter sustinebit, dimittens cuilibet quamcunq; noxam in se commissam, juxta *Marc. 11.* Dimittite si quid habetis adversum aliquem, ut & Pater vester qui in cœlis est dimittat vobis peccata vestra. Et *Luc: 6.* Nolite judicare, & non judicabimini: nolite



nolite condemnare; & non condemnabimini: dimittite, & dimittemini, *srd.* Evitabit mala futuri sæculi, vel alias pœnas inferni, qui in vita præfenti fugiens mundanorum prospera, uti decipulas diaboli, eliger pati ad imitationem Christi hujus temporis mala seu adversa quod fecit Propheta *Psal. 83.* Elegi abjectus esse in domo DEI mei, magis quàm habitare (honoratus, ditatus, ac delicatus) in tabernaculis peccatorum, Unde *Luc: 16.* Fili recorde quia accepisti bona in vita tua, & Lazarus similiter mala, nunc autem hic consolatur, tu verò cruciaris. *Ratio* veritate responsionis convincitur: quam reflectit ad conscientiam, & cum ea examen instituit de homine suo, Curatè his mediis evitare pœnas inferni, quas peccatis suis promeruit. *Conscientia* ut scit verum fateatur. *Voluntas* elicit *Actus.* Recogitabo tibi omnes annos meos in amaritudine animæ meæ. Miserere mei DEUS, miserere mei, quoniam malum coram te feci. Quis mihi tribuat ut diligam proximos meo: propter te, in te, secundum te, stabiliter, prudenter, dulciter, fortiter, excedenter. Paratum cor meum DEUS, paratum cor meum. Omnia volo, nihil volo in æternum.

## CONSIDERATIO VI.

**R**atio proponit. Quam ob causam pro peccato momentaneo punit DEUS hominem æterno inferni supplicio? *Synt: resp: dupliciter, imò.* Tum quia, sicut iusto æterna præmia conferre decrevit DEUS, quâ summè bonus pro momentaneo o-

La

pere

pere meritorios; ita etiam fas est, ut quā summē iustus æterna supplicia statuatur impio pro momentaneo actū peccaminoso cum eadem sit ratio oppositorum. Unde Sanctissimus Patriarcha noster, finitā suā Regula sic ait ad Fratres: Magna promissimus, maiora promissa sunt nobis; servemus hæc, suspiremus ad illa: voluptas brevis, pœna perpetua, modica passio, gloria infinita: multorum vocatio paucorum electio, omnium retributio. Et *s. Athan. in Symb: fidei*. Qui bona egerunt (in hac momentanea vita) ibunt in vitam æternam, qui verò mala in ignem æternum. Tūm quia sicut Iudex terrestris, non punit malefactores pro latrocinis, quasi in momento perpetratis; nisi perpetuo supplicio ubi decollantur, vel in patibulo suspenduntur; ita jure potiori Iudex Cælestis Christus Dominus, punire debet pro peccato momentaneo hominem supplicio æterno. Unde illud *Psal. 118*. Increpasti superbos, maledicti (in æternum) qui declinant à mandatis tuis. Et *Matth: 25*. Discedite à me maledicti in ignem æternum. Tūm quia sicut offensio oculorum cæcitatem operatur perpetuam, & potio veneni momentanea, mortem operatur perpetuam; ita actus peccaminosus momentaneus, operatur animæ cæcitatem ac mortem æternam, id est privationem visionis. DEI gratiæq; illius vivificantis sempiternam. *add.* Nam non ita quidem eo respectu punit DEUS æterno supplicio hominem pro peccato; ut est momentaneum: quā ut est in voluntate peccatrice æternum. Unde *s. Greg.* Iniqui voluissent sine fine vivere, ut  
potu-



potuissent sine fine in iniquitatibus permanere. Ad  
districci ergo Judicis justitiam pertinet, ut nun-  
quam careant supplicio, quorum mens in hac vita,  
nunquam carere voluit peccato. Et *D. Bernard.* Ob  
hoc proculdubio inflexibilis & obstinatae mentis  
punitur aeternaliter malum, licet temporaliter per-  
petratum: quia quod breve fuit tempore, longum  
constat in pertinaci voluntate, ita ut si nunquam  
moreretur, nunquam velle peccare desineret, imò  
semper vivere veller, ut semper peccare posset. Et  
*D. Bonav.* Sicut homo in suo perpetuo non appo-  
suit finem suo peccato, sic DEUS in suo perpe-  
tuo non desistit à puniendo. Et sicut voluntas post  
mortem malo adhæret in perpetuum sine suscepti-  
one pœnitentiæ, sic DEUS affliget sine sententiæ  
mutatione. *Item.* Non ita punitur aeternaliter pec-  
catum ut est momentaneum, quàm ut aeternæ ac  
infinitæ Majestatis offensivum. Unde *D. Bonav.*  
Sicut homo contra infinitum peccavit, sic pœnam  
habeat infinitam: & quia infinitam pœnam non  
potest habere in intensiōe, saltem infinitam habe-  
at in duratione. *Item.* Non ita punitur peccatum  
aeterno supplicio, ut est momentaneum, quàm ut  
legis aeternæ Divinæ violativum: quæ alias in æ-  
ternum observanda est ex mandato DEI, juxta  
*Psal: 18.* Tu mandasti, mandata tua custodiri ni-  
mis. Et *Psal: 110.* Redemptionem misit populo  
suo, (ea propter custodire illi) mandavit in æter-  
num testamentum suum. Unde David, *Psal. 118.*  
In æternum non obliviscar justificationes tuas. *Item*  
Custodiam legem tuam semper in sæculum sæculi.

Item deniq; non ita DEUS punit hominem æternò supplicio pro peccato, ut est momentaneum: quam ut infiniti erroris ac æternæ stultitiæ causativum. Unde D. Bonav. Cum homo peccat, errat in infinitum, quodammodo vis ejus rationalis, concupiscibilis, & irascibilis; quando finitum prapponit infinito: illa quidem judicando, altera appetendo, & ultima adhærendo. Ratio veritate responsionis convincitur, quam reflectit ad conscientiam, examenq; cum ea instituit de homine suo. An sit contentus Judiciis DEI? *Voluntas* pio affectu mota, tales elicit *Actus*. Justus es Domine, & rectum judicium tuum, Amo tuam Justitiam, Sapientiam. *vide Scal: s.*

## M O D U S

### De Gloria Cœlesti meditationem Asceticè instituendi.

**I**ntruductio imaginativa. Statue te veluti in nova quadam nunquam visa civitate, cujus Princeps & Artifex ipse Creator, cujus artificium super omnia opera ejus; cujus lucerna Agnus, cujus magnitudo immensa, muri perlucidissimi ex pretioso lapide, porta qualibet gemma; civium multitudo innumerabilis; pulchritudo inconceptibilis omnes perlucidi fulgentes plusquam sol & stella, varietas unius ab alio investigabilis, societas, pax concordia, charitas indissolubilis, lætitia perpetua inenarrabilis, cantici novi & continui, melodia divinitatis ineffabilis: ubi nullæ vicissitudines temporum



## CONSIDERATIO I.

166

porum dici aut noctis, ubi continui festi dies aguntur. Et quamdiu hæc? quamdiu æternum. Æternum quamdiu? quamdiu DEUS? DEUS autem sine fine.

## CONSIDERATIO I.

**R**atio proponit. Quis hominum in gloria cælesti in æternum salvabitur? Symeonis respondet. Salvabitur omnis homo prædestinatus ab æterno, propter finale opus meritorium à DEO prævisum, juxta D. Ambrosi: in verba Apostoli ad Roman: 3. Quos præscivit & prædestinavit. Non enim ante prædestinavit, quàm præscierat. Sed quorum merita præscivit, eorum præmia prædestinavit. Et Dan: 12. Salvabitur populus tuus omnis qui inventus fuerit in libro scriptus. Sed.

**Nota.** Quod hujus libri vitæ D. Bonav. duas dicit esse paginas l. 1. in compend. Theol: verit. capite 3. quarum altera est, in qua scribuntur nomina inchoatè prædestinatorum, ut potè ad gratiam justificantem in Ecclesia militante obtinendam de qua postmodum ob suam instabilitatem heu miseri delentur tanquàm in iustitia DEI finaliter deficientes: de quibus est Psal: 68. Deleantur de libro viventium (per gratiam justificantem) & cum iustis (amplius) non scribantur. Altera est, in qua scribuntur nomina completè prædestinatorum, tam sc. ad gratiam in præsentem, quàm ad gloriam in futuro in Ecclesia triumphante consequendam; de qua nunquam delebuntur, cum alias non in vacuum accipiant gratiam DEI: in qua continuò existentes

impetrant sibi à DEO devotis humilibusq; precibus donum finalis perseverantiæ in operibus virtuosis. Quamvis autem homo scire non possit modo ordinario, se esse completè prædestinatum, ac in altera pagina libri vitæ finaliter inveniendum, habet tamen in hac vita aliqua æternæ prædestinationis ac electionis suæ probabilia signa, quæ interim in hoc exilio verum solidumq; menti ejus gaudium affere possunt, juxta illud *Luc: 10.* Gaude te, quod nomina vestra scripta sunt in cælo.

*enim.* Ergo signum prædestinationis est vocatio DEI, juxta illud *Rom: 8.* Quos autem prædestinavit hos & vocavit. Vocatio DEI nihil aliud est, quàm divina invitatio hominis ad imitationem & cultum justitiæ, quæ ex fide est, seu ad studium Christianæ perfectionis, effecta videlicet per exteriam Sacri Verbi prædicationem, ac internam intellectus illustrationem, & voluntatis permotionem. Hujusmodi autem vocatio DEI duplex est, altera *sufficiens*, & altera *efficax*. Vocatio DEI sufficiens illa est, quæ caret effectu consensionis ac obeditionis humani liberi arbitrij, de qua illud est. *Prov. 1.* Quia vocavi & renuistis, extendi manum meam &c. Et *Matth: 22.* Multi enim vocati, pauci verò electi sunt. Vocatio efficax illa est, quæ habet effectum consensionis & obeditionis, de qua *Iob: 24.* Vocabis me, & ego respondebo tibi, ut patet consensione & obeditione mea. Hac deinde vocatio efficax, alia est communis omnium iustorum, quæ est congrua & opportuna divina invitatio, ac suavis quædam Spiritus Sancti pertractio ad per-



ad perfectionem necessitatis: alia specialis, quæ est eadem divina invitatio ac pertractio quorundam iustorum ad statum spirituales, præsertim alicujus Religionis reformatæ, in qua viget studium perfectionis superrogativæ. Utræq; præsens vocatio est signum prædestinationis ad gloriam, sed secunda ad abundantiorē: nec requiritur, quod talis vocatio sit extraordinaria, id est miraculosa: sed sufficit, quod sit ordinaria, quæ fit per solam inspirationem illuminationem, ac motionem internam. Unde *Ioan: 10.* Oves meæ vocem meam audiunt. Et *Cap: 8.* Amen dico vobis, si quis sermonem meum servaverit, mortem non videbit in æternum. Et *Luc: 11.* Beati qui audiunt verbum DEI, & custodiunt illud. Et *S. Laurent: Iustin: de perfect.* Secure speret post hanc peregrinationem supernam intrare Hierusalem, quicumq; in iustorum congregationem fuerit vocatus, Magnum quippe electionis indicium est, hujus fraternitatis habere consortium; & facile ab illa excluditur, qui ab hac fuerit segregatus. Et *S. Bernard: serm: ad fratres de monte.* Bonum est nos hic esse, scilicet in Religione, quia hic homo vivit purius, cadit rarius, surgit velocius, incedit cautius, quiescit securius, irroratur frequentius, purgatur citius, moritur confidentius, remuneratur copiosius.

adum Signum ac indicium prædestinationis est justificatio, juxta illud *Rom: 8.* Quos autem prædestinavit, hos & vocavit, & quos vocavit, hos & justificavit. Est autem justificatio duplex: prima & secunda. Prima justificatione justificatur aliquis quando

quando ex divina vocatione, vel fidem in Christum propitiatorem ac Redemptorem cum baptismo, fidei sc. Sacramento recipiens, ex infideli & impio, fidelis ac pius efficitur; vel eandem fidem renovans, ac ejusdem fidei Sacramentum penitentiae suscipiens, ex peccatore ac inimico DEI, fit justus & amicus. De hac justificatione illud est Rom: 3. Arbitramur enim justificari hominem per fidem (qua nimirum, spem, charitatem, compunctionem, devotionem ac Sanctum DEI timorem producit & gignit) sine operibus (ut potè ceremonialibus, veteris) legis. Vel. Sine operibus legis. Scilicet in facto esse habitis: quia ad primam justificationem obtinendam, sufficiunt opera novæ legis in voto, tam videlicet explicito, quàm implicito. Et illud Galat: 2. Non justificatur homo ex operibus legis (solum nimirum natura viribus factum) nisi per fidem. (ut potè vivam) JESU Christi. Secunda justificatione justificatur aliquis, quando per actus ejusdem fidei, nec non spei, charitatis ac timoris DEI sæpè elicitos, & per frequentem usum fidei Sacramentorum, & per exercitia bonorum operum novæ legis jugiter in amicitia DEI proficit, juxta illud Apoc: 22. Qui justus est (prima nimirum justificatione) justificetur adhuc (secunda justificatione) & Sanctus sanctificetur adhuc. Hanc autem justificationem secundam, putà esse hujus loci signum predestinationis ad gloriam: quia prima justificatio, eò quod nondum in bonis operibus exercitata sit, adhuc debilis est, ac ideo non rarò facillè deficit; secunda verò eò quod continuo profectu, & jugi abon-



## CONSIDERATIO I. 170

gi bona operatione magis ac magis roboretur, stabilis esse solet. Et de hac justificatione illud est *Ezech: 18.* Si impius egerit pœnitentiam ab omnibus peccatis suis quæ operatus est, & custodierit omnia præcepta mea, & fecerit iudicium & iustitiam, vitâ vivet, & non morietur. Et *Psal: 106.* Beati qui custodiunt iudicium (*recta conscientia*) & faciunt iustitiam (*bonorum operum*) in omni tempore. Et *Luc: 15.* Dico vobis, quod ita gaudium erit in cœlo super uno peccatore pœnitentiam (*ut potè tempestivam, continuam, & perpetuam*) agentem; quàm super nonaginta novem iustis) qui (*ex imprudentia, existimantes satù sibi habere primam iustitiam ac pœnitentiam; secunda*) non indigent pœnitentia, seu contritione; qua nimirum secundam parit iustitiam, vel justificationem. Est autem talis differentia inter justificationem & vocationem divinam: quia vocatio retrahit à malo, & offert gratiam; justificatio verò prima, eandem gratiam, ut potè gratum facientem confert, & secunda augmentat.

3<sup>ium</sup> Signum ac testimonium prædestinationis, est studiosa àversio mentis à lege iniquitatis, & ejusdem perpetua conversio ad observantiam legis Divinæ: vel est odium peccati perpetuum, & voluntas æterna in lege DEI, juxta illud *Psal: 1.* Beatus vir qui non abiit in consilio impiorum (*id est qui non est secutus consilium peccandi*) & in via peccatorum non stetit (*id est, in via iniquitatis sibi non complacuit, seu non perseveravit*) & in cathedra pestilentie non sedit, *id est alios peccare*

non

*non decuit, seu ad peccandum non induxit*) sed in lege Domini voluntas ejus; & in lege ejus meditabitur die ac nocte. Et *Psalm. 118.* Iniquitatem odio habui & abominatus sum, legem autem tuam dilexi. Et *2. Tim. 2.* Firmum fundamentum DEI stat, habens signaculum hoc, Cognovit Dominus qui sunt ejus, & discedit ab iniquitate omnis qui invocat nomen Domini. Sicut enim arbor, quo se suorum propensione ramorum inclinat, sive nimirum ad aquilonem, sive ad meridiem, cum succiditur, ibi provoluta jacet: ita etiam mens humana, si in partem legis mundanæ carnalis, ac diabolicæ in præsentī vita inclinatur, cum arbor corporis illius securi mortis succiditur, ad aquilonem æternæ damnationis cadit: si verò in partem observantiæ legis divinæ se se extendit, in meridiem claritatis cœlestis transportatur, quod ipsum S. David expectans dicebat: *Psalm. 118.* Inclinaui cor meum ad faciendas justificationes tuas in æternum, propter retributionem.

*4um* Signum est victoria mundi & sui per imitationem Christi, juxta illud *2. Tim. 2.* Non coronabitur, nisi qui legitimè certaverit, *id est* vicerit. Et *Apoc. 3.* Qui vicerit dabo ei sedere in throno meo. Ille autem vincit mundum, qui semper illius prosperitates fugiendo reprobatur, & adversitates eligendo approbat, juxta illud *Galat. 6.* Mihi autem absit gloriari, nisi in Cruce Domini nostri JESU Christi, per quem mihi mundus crucifixus est, & ego mundo. Est autem alicui mundus crucifixus, dum sc. ejus adversa non metuit: & mundo aliquis



## CONSIDERATIO I. 172

aliquis crucifigi dicitur, dùm ejus prospera contemnit. Unde *S. Aug. tract. de cont. mundi*. Si Christus pro te de cœlesti sede descendit, tu propter ipsum fuge terrena. Si dulcis est mundus, dulcior est Christus. Si amarus est mundus, omnia pro te sustinuit Christus. Ille quoq; vincit seipsum, qui semper captivat proprium judicium, & abnegat propriam voluntatem, & mortificat sensualitatem, juxta illud quod dicitur Gal: 5. qui sunt Christi, carnem suam crucifixerunt cum vitiis & concupiscentiis.

*scilicet* Signum est zelus Christi, seu zelus animarum spiritualis, juxta illud *Ier. 15*. Si separaveris pretiosum à vili ( hoc est, si ab errore infidelitatis ad veritatem fidei; vel à peccato, ad cultum virtutis proximum induxeris ) quasi os meum eris, Unde *S. Greg. lib. 1. hom. 12. in Ezech.* Nullum Omnipotenti DEO tale est Sacrificium, quale est zelus animarum. Et *S. Dion. lib. de cal. hier. cap. 3*. Omnium divinorum est divinissimum, DEO cōoperari in salute animarum. Et *S. Beda*. Quæ gratia sublimior & DEO gloriosior conversatio esse potest quàm illius, qui quotidiano exercitio alios ad Auctoris sui gratiam studet convertere; & crebra animarum acquisitione, gaudium Patris cœlestis semper augere. Et *S. Chrysost. in persona DEI*. Feci ego cœlum & terram, eadem facultate te dono, ut terram facias cœlum. Accendi ego luminaria, accende tu illis elatiora; nam potes his, qui in errore sunt, lumen veritatis accendere. Hominem facere non va les, at justum gratumq; DEO potes

potes: vide quàm te diligam, qui majora tibi faciendi tribuo poteſtatem. Eſt autem hujulmodi zelus, ut porè cùm vera fide & perfectâ charitate conjunctus, non aliud quàm quævis vehemens ac fervens animi commotio, ob bonum malumvè proximi ſpiritualem eventum, ſucceſſum proſectum ac ſtatum, Chriſti ſ. Sanguine pretioſo redempti. Hoc zelo ac Spiritu Chriſti aguntur, qui ita ſolliciti ſunt de ſpirituâli ſalute & abundantiori ſalute proximorum, ut vel de illorâ caſibus ſeu defectibus tridentur, doleant & gemant, juxta illud *Pſal: 118.* Vidi prævaricantes & tabeſcebam, quia eloquia tua non cuſtodierunt. *Item.* Exitus aquarum deduxerunt oculi mei, quia (redempti ſanguine tuo) non cuſtodierunt legem tuam. Vel de bonis operibus ac virtutibus latentur & gaudeant, juxta illud *1. Cor. 1.* Charitas non quærit quæ ſua ſunt, non irritatur, non cogitat malum, non gaudet ſuper iniquitate, congaudet autem veritati. Hoc zelo, vel alias Spiritu Chriſti ſuccenſus fuit. *D. Chryſoſt: dum hom: 1. de Lazar: de ſeipſo diceret:* Ego animo meo perſuaſi, quoad ſpiravero, hoc implere miniſterium, ſive quis attendat, ſive non attendat. Aquarum venæ, etiâmiſi nemo veniat ad aquatum manant tamen: & fontes quâmvīs nemo hauriat, ſcatebras emittunt. Hoc ſpiritu zeli S. P. Franciſcus perſlabatur, de quo *S. Bonav. cap: 8. viſa ejus ſic ait:* Cùm Franciſcus animarum ſalutem viſcerôſa pietate appeteret, & fervida amulatione zelaret, ſuaviſſimis dicebat ſe repleti odoribus, & quaſi unguento pretioſo liniri. Cùm Sancto-  
rum.



## CONSIDERATIO I. 173

rum Fratrum per orbem distantium, odoriferâ famâ multos audiret ad viam veritatis induci; ex talium auditu exultabat in Spiritu, benedictionibus omni acceptione dignissimis fratres illos accumulans, qui verbo & opere ad Christi amorem inducerent peccatores. Hunc spiritum zeli, in omnibus Christi ministris accendi voluit. *S. Greg: cum sic diceret hominib: & in Evang.* In quantum vobis profecisse pensatis, vobiscum alios trahite, in via Domini socios habere desiderate. Si ad DEUM tenditis, curate nē solt veniatis; In Apocalypsi dicitur: Qui audit, dicat veni, ut qui jam in corde vocem superni amoris acceperit, foris etiam proximis vocem exhortationis reddat. Et fortē panem ut indigenti porrigat, non habet, sed magis est quod tribuere valeat, qui linguam habet. Plus est enim verbi pabulo victuram in æternum animam reficere, quā ventrem morituræ carnis terreno pane satiare.

*6tum* Signum est perseverantia finalis, juxta illud *Matth: 10.* Qui autem perseveraverit usq; in finem; hic salvus erit. Et *Apec: 2.* Esto fidelis usquē ad mortem, & dabo tibi coronam vitæ. Unde *D. Bonav: de perfect: vita ad sorores ait.* Postquam omnium virtutum adeptus est quis principium, nec tamen in conspectu DEI apparet gloriosus, nisi virtutum consummatrix adsit perseverantia: quia nullus omninō mortalis quantumcunq; perfectus, est laudandus in vita, nisi prius hoc totum quod inchoavit bono fine ac felici perseverantia concludat. Et *S. Bernard: Epist: 129.* Absq; perseverantia,

nec

nec qui pugnat victoriam, nec palmam victor consequitur. Tolle perseverantiam, nec obsequium mercedem habet, nec beneficium gratiam, nec laudem fortitudo; sola est cui æternitas redditur, vel potius quæ æternitati hominem reddit. *Idem.* Perseverantia est unicus filia summi Regis, finis virtutum, earumque consummatio, totiusque boni repositorium & virtus, sine qua nemo videbit DEUM.

*Primum* Prædestinationis signum est interna devotio, quæ significat promptitudinem voluntatis, seu ipsam voluntatem promptam ad faciendum ea, quæ pertinent ad divinum servitium. Vel significat fervorem animi ac pium suavemque & humilem affectionem, tum in oratione, tum in qualibet alia actione pro majori gloria DEI suscepta, conceptam & sursum extensam. Hujus autem devotionis causa extrinseca est ipse DEUS; intrinseca verò est mentis nostræ contemplatio seu meditatio divinorum, per quàm dilectio sancta in nobis excitatur, quæ nimirum hanc generat devotionem: quæ deinde nutritur dilectio (ut calor generat pinguedinem, eaque calor nutritur) odium peccati acuitur, amor legis divinæ intenditur, virtus animi contra mundi ac sui amorem roboratur, Christi zelus accenditur, & finalis perseverantia merito acquiritur.

Ipsa quoque devotio erga Beatissimam VIRGINEM MARIAM, est etiam probabile admodum prædestinationis seu electionis signum ac indicium, juxta consensum Sanctæ Matris Ecclesiæ, in persona Deiparæ proferentis illud *Prov. 8.* Beatus homo qui audit me, & qui vigilat ad fores meas quotidie,



CONSIDERATIO 1. 175

tidie, & observat ad postes ostij mei: qui me invenerit, inveniet vitam, & hauriet salutem à Domino. Et illud *Eccl: 24.* Qui creavit me, requievit in tabernaculo meo, & dixit mihi? In Jacob inhabitata, & in Israël hæreditare, & in electis meis mitte radices. Hinc est quod *D. aug. ser: 1. de Anunt: dicat ad Virginem gloriosam.* Quia tu es spes unica peccatorum per te speramus veniam delictorum, & in te Beatissima nostrorum est expectatio præmiorum. Et *S. Ansel: de excell: Virg: cap. 12.* Velocior est nonnunquam salus invocato nomine **MARIÆ**, quàm invocato nomine **JESU**. non quod illa potentior sit: nam per illum ipsa potens est, sed quia Matrem vult filius sic honorare, & quia filius ejus, Dominus & Judex est. discernens merita singulorum: dùm ergo ipse invocatus suo nomine, non exaudit, justè facit; invocatus autem nomine Matris, & si merita invocantis non merentur, merita tamen Matris intercedunt. *Idem.* Sicut omnis ô Beatissima à te aversus, & à te despectus necesse est ut intereat; ita omnis ad te convexus, & à te respectus, impossibile est ut pereat. Et *D. Bonav: in spec: Virg:* Non solum in te peccant ô Domina, qui tibi injuriam irrogant; sed etiam qui te non rogant. *Et iterum.* Qui dignè coluerit illam, justificabitur; & qui neglexerit illam, morietur in peccatis suis. Sed *nota* in triplici differentia esse devotos erga **DEI** Param. *Alios*, qui exiguum ac non satis gratum huic **VIRGINI** præstant obsequium, dum ei preces aliquas recitant, aut nonnulla jejunia offerunt, & mores

ejus non solum non imitantur, verum etiam multi in peccatorum facibus corde obdurato voluntur. Et hic est plurium error, qui levem VIRGINI quotidianum aliquod pensum exhibentes, statim se ab omni reprobationis periculo securos existimant, & imprudenter favore illius salutem æternam omnimodè sibi pollicentur, nullam interim curam aut sollicitudinem adhibentes, vitia nimirum horrendæ iniquitatis, quæ VIRGINI displicent extirpandi, & virtutes solidas (necessitatis saltim) moresq; illius imitandi. *Alios* devotos esse puta erga DEIPARAM, qui cum in peccato mortali agunt, tunc maximè ad VIRGINEM recurrunt, ut eruantur; & placet illi eorum talis devotio, quia nimirum initiali cuidam conversioni conjuncta est: quamobrem etiam paratissima est ad perfectiorem conversionem eis auxilium impetrandum, & pœnitentiæ spatium obtinendum. *Alios* tandem puta esse devotos, qui dum VIRGINEM DEIPARAM summo perè colunt, ac amorem ejus profitentur, omnimodè vias iniquitatum distortas deserunt, ac obliqua vitiorum itinera derelinquunt & per semitam novæ conversationis ad eam transeunt, ut ejus fructibus, quos ipsa amatoribus suis ingenerare cupit, adimpleantur. Sunt autem hujusmodi fructus non alij quàm quævis bona opera, virtutes sanctæ, & ipsa finalis perseverantia.

*Conscientia* hinc illuminata reddit animæ testimonium, habere eam in se, vel non habere, hujusmodi prædestinationis signa. *Voluntas* verò vel pro illis DEO humiliter gratias agit; vel ab eo illa sibi dati obnixè precatur.

*Nota*



## CONSIDERATIO. II. 177

*Nota* quod potest aliquis in se unum aliquod habere signum prædestinationis remotum, simul & alterum reprobationis proximum: ut dum facit opera misericordiæ ac pietatis, peccata tamen mortalia non deserit. Et è contra, potest quis unum habere aliquod signum prædestinationis proximum, simul & alterum reprobationis remotum. Ut qui est in gratia DEI, carnem tamen suam cum vitiis & concupiscentiis crucifigere non studet sicut debet, quod ipsum est causa intrinseca futuræ redivagationis.

## CONSIDERATIO II.

**R**atio proponit. Quæ præmia dabuntur electo in gloria cælesti? *Synt: resp.* Dabuntur tam Essentialia, quàm Accidentalialia. Præmia *essentialia* consistunt in amotione malorum, & collatione bonorum. De amotione malorum illud est. *Apo: 21.* Absterget DEUS omnem lachrymam ab oculis eorum, & mors ultra non erit, neq; luctus, neq; clamor, neq; dolor erit ultra, quia prima abierunt. De collatione verò bonorum illud est, *1. Cor: 20.* Oculus non vidit, nec auris audiivit, nec in cor hūmānis ascendit, quæ præparavit DEUS iis, qui diligunt illum. Sunt autem ejusmodi bona in gloria cælesti, cuilibet electo conferenda, præmiorum *essentialium*; alia quibus unusquisq; electus secundum animam beatificabitur; alia quibus secundum corpus adornabitur. Anima quidem sicut in sua substantia, tribus eminet potentis naturalibus: ita etiam tribus præmiis beatificabitur *supernaturalibus.*

bus. Beatificabitur enim secundum potentiam rationalem clara visione DEI; ac sapientia illius comprehensionis, & veritatum ejus revelationum quas modo credit, plenâ perceptione aperta; intuitione, juxta 1. Cor: 13. Videmus nunc per speculum & in ænigmate, tunc autem facie ad faciem. Et *Joan* 3. Similes ei erimus, quoniam videbimus eum sicuti est. Et *Hugo*. Videbimus tuæ Majestatis essentiam (in essentia sapientiam, cum cæteris tuis perfectionibus) & unusquisque tantò perspicacius, quo hic vixerit purius. Beatificabitur item secundum potentiam concupiscibilem, plena cælesti satietate quam efficit, consummata Divinæ bonitatis fruitio, ac unanimis mutuaque DEI & omnium Beatorum suavissima dilectio. Unde *Psal* 16. Satiabor cum apparuerit gloria tua. S. *Anselm*: Beati diligunt DEUM plus quàm seipsos; & invicem tanquam seipsos, & DEUS illos, plus quàm illi seipsos. Beatificabitur denique secundum potentiam irascibilem, secunda retentione infinitæ felicitatis, quæta possessione æternæ sanitatis, ac perpetua participatione Majestatis, seu potentia Divinæ. Unde 2. *Petr*: 1. Per quem (id est per Christum) maxima & pretiosa nobis promissa donavit, ut per hoc efficiamini Divinæ consortes naturæ. Et S. *Ansel*: Omnipotentes erunt suæ voluntatis, ut DEUS suæ; nam sicut poterit DEUS, quod vult per seipsum, ita poterunt illi per eum, quod volunt. Corpus quoque sicut in hac vita de quadruplici vicio sibi innato vituperatur, ita in illa felicitate æterna de quadruplici virtute adornante se magnificabitur.

Dùm



## CONSIDERATIO II. 179

Dùm imprimis ex opaco efficietur clarum, lucidum, ac fulgidum, juxta *Matt. 13.* Tunc justii fulgebunt sicut sol in regno Patris mei. Et *Philip. 3.* Reformabit corpus humilitatis nostræ configuratum corpori claritatis suæ. Non erit tamen corpus glorificatum propter diaphaneitatem transparentis: nisi propter porositatem, quæ sibi inerit, & perspicacitatem oculorum beatorum: poterit enim oculus beati ita videre per poros alterius beati, ac si per corpus diaphanum. Dùm deinde ex gravi ac tardo efficietur velox & agile, juxta *D. August.* Proinùs ubi volet spiritus, ibi erit & corpus. Et *S. Anselm.* Velocitas nos tanta comitabitur, ut ipsis Angelis DEI æquæ celeres simus: qui de cælo ad terras, & è converso, dicto citius dilabuntur. Dùm item ex grosso seu crasso efficitur subtile, non quidem ad instar ignis, aquæ, æris: quæ ob suam divisibilitatem ac raritatem subtilia sunt; non etiam ad instar argenti, auri, & gemmæ: quæ in comparatione ad ferrum, argillam, petram, subtilia dicuntur: sed instar corporis Christi: qui post suam resurrectionem venit ad suos discipulos per januas clausas modo penetrativo. Dùm tandem ex passibili efficitur impassibile. Non ita quidem, ut habeat tantummodo posse non pati, & consequenter posse non mori, quod datum fuit primis Parentibus antequam peccassent; non ita etiam, ut solum habeat non pati, pœnam scilicet sensus, quod dabitur pueris in peccato originali absq; aliquo actuali decedentibus, ad solam pœnam damni condemnandis, ut placet multis Theologis:

sed ita, ut habeat non posse pati, & consequenter non posse mori, propter Divinæ naturæ perfectam participationem.

*Premia accidentalia*, quæ in gloria cælesti non nisi aliquibus specialiter Sanctis dabuntur, vocari solent coronæ, aureolæ, ad differentiam præmiorum essentialium; quæ per coronam auream, & coronam vitæ intelliguntur, juxta *Apoc. 1.* Esto fidelis usq; ad mortem, & dabo tibi coronam vitæ. Horum autem præmiorum habetur figura *Exo d; 25. & 27.* Ubi inter ornamenta Sanctuarij voluit DEUS apponi unam coronam auream, & supra illam, alteram coronam aureolam, ut daret ad intelligendum quod in sanctuario cælesti, omnes sancti coronabuntur coronâ aureâ: ac in super aliqui specialiter Sancti coronabuntur coronâ aureolâ. Sicut autem Aurea dicit commune omnibus Sanctis quoddam mentis gaudium veniens ex possessione præmiorum essentialium, quæ ipsis conferuntur in beatificatione, per communem participationem, Divinæ Regiæq; Majestatis. Ita quoq; aureola dicit aliud quoddam speciale gaudium, veniens specialiter aliquibus Sanctis ex possessione præmiorum accidentalium, quæ ipsis conferuntur in beatificatione per specialem participationem Regiæ Divinæq; Majestatis.

*Ratio* veritate responsionis quietatur, quàm reflexit ad conscientiam, cùm qua de homine suo examen instituit, habeatne majorem appetentiam hujusmodi præmiorum cælestium, quam hujus temporis prosperitatum. *Conscientia* ut ve-

rum



### CONSIDERATIO III. 181

rum est fatetur. *Voluntas* in tales resolvitur *Actum*. Credo videre bona Domini in terra viventium. Beati qui habitant in domo tua Domine, in sæcula sæculorum laudabunt te. Beatus quem elegisti & assumpxisti inhabitabit in atrijs tuis. Satiabor cum apparuerit gloria tua. Replebimur in bonis domus tua; Sanctum est templum tuum, mirabile in æquitate. Domine tu es spes mea, portio mea in terra viventium. Confitemini Domino cuncti terrigenæ ac omnes cælites, quoniam bonus, quoniam in sæculum misericordia ejus.

### CONSIDERATIO III.

**R**atio proponit. Pro quo tanta præmia homini justo in gloria cælesti dabuntur? *Sym: responder.* Prima quidem pars essentialium præmiorum, quæ consistit in amotione malorum, dabitur cuilibet electo pro patientia, in perpeffione pænalarum atq; miseriarum vitæ præsentis juxta *Luc. 28.* In patientia vestra possidebitis animas vestras. Et *Hebr. 10.* Patientia vobis necessaria est, ut voluntatem DEI facientes reporteris promissionem. *Secunda* pars quæ consistit in collatione bonorum, dabitur quoad animam cuilibet electo pro merito Fidei, Spei, & Charitatis. *Viso* quidem DEI ac Divinorum clara dabitur pro fide: quæ electus credit DEO, tanquam Supremæ Veritati in omnibus ad credendum revelatis, & ab ejus Ecclesia propositis, supra omnia credibilia. *Fruitis*, seu sacietas mentis divina bonitate dabitur justo pro charitate: quæ hic DEUM amat ut summum bonum supra

omnia amabilia. *Tentio*, seu possessio æternæ felicitatis, dabitur pro spe: quâ iustus supra omnia expectabilia ac desiderabilia, confidenter expectat promissa sibi à DEO, ut summè fideli ac summè liberali. *Item* quoad corpus dabitur cuilibet electo ex redundantia animæ suæ claritas, Agilitas, subtilitas, & impassibilitas, pro merito prudentiæ, temperantiæ, iustitiæ, & fortitudinis. Sicut enim anima iusti in hac vita per dona Spiritus S. facta consors naturæ Divinæ (juxta D. Pet. Epist. 2. cap. 1.) protinus ingenerat corpori suo mores divinos: ita in gloria cœlesti ex consortio DEI ac participatione infinitarum ejus perfectionum derivabit suam beatitudinem in corpus fideliter sibi cōoperans in acquirendis virtutibus & exercendis piis operibus. *Claritas* ergo dabitur beato corpori pro prudentiâ: quâ iustus hîc attendit rectitudini inagendis; cautè procedens in omnibus viis, bonorum operum, nè conscientia sua vitio alicujus defectus aut excessus criminosi obscuretur. *Agilitas* pro temperantiâ: qua promptus homo redditur, ad benè recteq; agendum, juxta legis Divinæ præscriptum. *Subtilitas* pro iustitiâ: quâ homo subtiliter ac diligenter examinat, quid cuiq; tribuendum sit secundum DEUM. *Impassibilitas* pro fortitudine: quâ homo redditur quasi insensibilis; seu quasi adversa non sentiens, quæ ad imitationem Christi æquo sustinet animo.

Præmia accidentalia, uti sunt Aureolæ, palmæ, & fructus, dabuntur specialibus Sanctis pro specialibus meritis. *Aureola* quidem Doctoribus, Virgini-  
nibus,



### CONSIDERATIO III. 183

nibus, & Martyribus. *Doctoribus* quidem dantur pro doctrina sana, charitate DEI & proximi, atq; bonis exemplis adornata; quâ multos adiuturiam & fidem trahunt ac erudiunt, juxta *Matth: 5.* Qui fecerit & docuerit, hic magnus vocabitur in regno cælorum. *Virginibus* vero pro virginali castitate DEO consecrata, & usq; ad mortem pro imitatione Christi fideliter ac intemeratè observata. *Martyribus* tandem pro perpeffione cruciamentorum ac ipsius violentæ mortis ob Christi fidem atq; justitiam. *Palma* item dantur specialibus Sanctis pro gloriosa victoria de mundo, carnè diabolo, hominèq; malo, diaboli substituto reportata. *Fructus* deniq; alias ineffabilis dabitur specialibus Sanctis pro exercitio internæ mortificationis ac studio Asceticæ virtutis; tricesimus quidem incipientibus diligenter hujusmodi exercitium ac studium. Sexagesimus autem proficientibus ferventer in eodem exercitio ac studio; Centesimus vero perfectis, qui quidem ultimus fructus idem est quod aureola: quæ debetur culibet virtuti perfectæ; uti docent Theologi. De hisce fructibus habetur parabola Christi *Matth: 12:* Unde & Ecclesia in festo S. Joannis Bapt: canit. Seta ter denis alios coronant, aucta clementis duplicata quosdam, trina te fructu cumulata centum nexibus ornant. *Ratio* veritate responsionis quietatur, quam reflectit ad conscientiam suam cùm qua examen instituit de homine suo. Utrumnam habeat in usu exercitia hujusmodi virtutû: quibus in gloria cele-

sti tan-

si tanta debentur præmia, nec ne? *Conscientia* ut verum est taterur. *Voluntas* elicit *Actus*. Credo te esse DEUM meum. Spero in te. *vide Scal: 4.* Quis mihi tribuat ut diligam te magis ac magis propter te, in te, & secundum te, stabiliter, fortiter, prudenter, dulciter, & excedenter. Quis mihi tribuat, ut diligam proximos meos. &c.

### CONSIDERATIO IV.

**R**atio proponit. A quo originaliter tanta præmia homini in gloria cælesti tribuenda proveniunt? *Synteresis respondet.* A Christo Domino Reparatore nostro ejusquæ meritis qui cùm esset ab æterno Unigenitus DEI Filius, in tempore filius hominis fieri dignatus est, ut nos homines miseros repararet, ac eatenus filios DEI adoptivos, regniq; sui cælestis cohæredes efficeret juxta *Rom: 8.* imple enim Spiritus (*Sanctus*) testimonium reddit spiritui nostro (*Intimè diligenti DEVM*) quod sumus filij DEI. Si autem filij (*ergo*) & hæredes quidem DEI (*Patris*) cohæredes autem (*Filij ejus*) Christi. *Item.* qui cùm esset substantialiter ac naturaliter Sanctus, factus est pro nobis peccatum (ut habetur *2. Cor: 5.*) dùm quasi peccatis addictus, inter sceleratos crucifixus & mortuus est, ut nos verè peccatores efficeret consortes atq; particeps suæmet Sanctitatis, juxta *Levit: 11.* Ego sum Dominus DEUS vester: Sanctificatore, quia ego Sanctus sum. Et *Luc: 11.* Ut serviamus illi in sanctitate & justitia omnibus diebus nostris. *Item* qui cùm esset in se de Patre suo cùm Spiritu S. in æternum benedictus, factus



## CONSIDERATIO IV. 185

factus est pronobis maledictum (ut habetur *Gal. 3.*) dùm pendens in ligno crucis, quasi maledictus, malediceretur ac blasphemaretur, ut nos filios Evæ maledictos suis repleret æternis benedictionibus. *Item* qui cùm esset naturâ suâ felicissimus, factus est pro nobis miserrimus, ut nos infelicissimos ac miserrimos faceret in gloria sua æterna beatissimos. *Ratio* veritatem responsionis comprobatur, quàm reflectit ad conscientiam, cùm qua examen instituit de homine suo. Utrum gratus sit, quod tanta sibi Christus præmia promeruerit, nec nè? *Conscientia* ut verum est fatetur. *Voluntas* elicit *Actus*. Gratiarum actionis, laudis *Scal. 4.* Benedictio & claritas & Sapientia & gratiarum actio, honor, & virtus, & fortitudo DEO nostro in sæcula sæculorum. Dignus est Agnus, qui occisus est, accipere virtutem & divinitatem, & sapientiam, & fortitudinem, & honorem, & gloriam, & benedictionem. Redemisti nos Domine DEUS in sanguine tuo ex omni tribu, & lingua, & populo, & natione, & fecisti nos DEO nostro regnum. Salus DEO nostro in sæcula. Domine DEUS tibi gratias ago, te laudo, tibi offero, à te peto.

## CONSIDERATIO V.

**R**atio proponit. Quomodo debemus nos præparare ad vitam æternam in gloria cælesti quanto-tius consequendam? *Synteresis* respondet. *imò.* quidem benè nos præparamus; dùm studiosè fugimus non solum omnem iniquitatem, ac ejus quamcunq; occasionem; nè DEUM vitæ æternæ præmio-  
rum

rum datorem offendamus; verum etiam omnem speciem ipsiusmet iniquitatis; ne proximus per nos aliquod scandalum patiatur. Unde *Psal: 31.* Quis est homo, qui vult vitam (*æternam*) diligit dies (*gloria cælesti*) videre bonos? Prohibe linguam tuam à malo (*murmurationis detractionis &c.*) & labia tua ne loquantur (*in malum proximi*) dolum. Diverte à malo, & fac bonum, inquire pacem (tuæ conscientiae cum DEO & homine) & persequere eam. Et *1. Thes: 5.* Ab omni specie mala abstinete vos. Et *Tob: 4.* Noli timere fili mi; pauperem quidem vitam gerimus, sed multa bona (*terrestria ac cælestia*) habebimus, si timuerimus DEUM, & recesserimus ab omni peccato, & fecerimus benè. Et *1. Petr: 2.* Charissimi obsecro vos tanquam advenas (ad fidem & Ecclesiam Christi) & peregrinos (ad gloriam cælestem) abstinete vos à carnalibus desiderijs, quæ militant adversus animam. *2dò.* Benè nos præparamus dum diligenter operamur bona, quæ nobis sancto DEI mandato tradita sunt juxta D. Athan: in Symbolo. Qui bona egerunt ibunt in vitam æternam; qui verò mala in ignem æternum. Sunt autem hujusmodi bona alia de præcepto, alia de consilio. De bonis, quæ sunt de præcepto illud est *Matth: 12.* Si vis ad vitam (*gloria cælestis*) ingredi, serva mandata. Quæ autem de consilio, illud est, quod sequitur: si vis perfectus esse (& consequenter abundantiorē gloriam consequi) vade & vende quæ habes, & da pauperibus, & habebis thesaurum in cælo, & veni, sequere me. Unde etiam est illud *2. Petr: 1.*

Fratres



## CONSIDERATIO V. 187

Fratres magis satagite, ut per bona opera certam vestram vocationem & electionem faciatis, hæc enim facientes non peccabitis aliquando. Sic enim abundanter ministrabitur vobis introitus in æternum regnum. *3<sup>id</sup>*. Benè nos præparamus ad vitam æternam in gloria cælesti, quàm citiùs consequendam, dùm adversa hujusmodi cælitus nobis donata grato libentiq; animo ad imitationem Christi toleramus, juxta *Pphilip: 1*. Vobis donatum est pro Christo non solum ut in eum credatis, sed ut etiam pro illo patiamini. Et *1 Petr: 4*. Communicantes Christi passionibus gaudete, ut & in revelatione gloriæ ejus gaudeatis exultantes, si exprobramini in nomine Christi, beati eritis: quoniam quod est honoris, gloriæ, & virtutis DEI, & qui est spiritus ejus, super vos requiescet. Nemo vestrum patiatur ut homicida, aut fur, aut maledicus, aut alienorum appetitor, si autem ut Christianus (lubens sc. non cōactus) non erubescat: glorificet autem DEUM in isto nomine Et *Matt: 5*. Beati estis cum maledixerint vobis homines & persecuti vos fuerint, & dixerint omne malum adversum vos mentientes propter me, gaudere & exultate, quoniam merces vestra copiosa est in cælis. *Ratio* veritatem responsionis approbat, quàm reflectit ad conscientiam cum qua de suo homine examen instituit. Utrum nam tali modo præparet se ad consequendam vitam æternam, nec nē? *Conscientia* ut verum est facetur. *Voluntas* elicit *Actus*. Viam iniquitatis amove à me, & de lege tua miserere mei. Viam veritatis elegi, judicia tua non

sum

sum oblitus. Adhæsi testimoniis tuis Domine, noli me confundere. Ad omnia mandata tua dirigebar, omnem viam iniquam odio habui. Amo tuam iustitiam, potentiam, sapientiam, bonitatem, misericordiam.

## CONSIDERATIO VI.

**R**atio proponit. Quam ob causam DEUS tanta præmia homini conferre in gloria cælesti decrevit atq; promisit, cum alias minora pro ipso sufficerent? *Synt: resp: imò.* Sufficerent quidem præmia minora pro aliquo homine animali qui non percipit ea quæ sunt spiritûs, nisi quæ sunt carnis ac mundi: sed minimè sufficerent pro homine spirituali, alias cælesti sapientia instructo, qui mundana appetibilia & amabilia omninò averfatur. Quod patet ex verbis D. Pauli *Philip: 3.* Omnia arbitror ut stercora, ut Christum lucrifaciam. Et *Psal: 16.* Satiabor cum apparuerit gloria tua. Et *D. Aug.* Fecisti nos Domine ad te, & inquietum est cor nostrum donec requiescat in te. *2dò.* Ideò tanta præmia DEUS homini conferre statuit ac promisit: quia jure hæreditario ei debentur uti filio adoptivo: in quem regeneratus per fidem Spem, Charitatem, & observantiam mandatorum Patris sui cœlestis tandem submissa mente confidenter dicere potest. Abba Pater, ut cunq; feci quæ præcepisti, da prout pius ac fidelis quæ promisti. *3tiò.* Quia decet Majestatem Divinam: quatenus ad manifestandam Nominis sui gloriam infinitam, tanta præmia homini promittat, ac tandem benè meritò confe-



CONSIDERATIO VI. 189

conferat. Decet etiam uti summam bonitatem: quam necesse est esse sui summè diffusivam. 4to. Quia omninò expedit, quatenùs Majestas Divina, sicut est principium hominis per creationem & re-creationem; seu reparationem; ita sit ejus finis per glorificationem juxta *Apoc: 1.* Ego sum Alpha & Omega, principium (immediatum, & ultimus) finis dicit Dominus DEUS 5to. Quia etsi bona opera hominis ex parte sui, minimè digna sint tantis præmiis cælestibus; digna tamen sunt ex parte DEI: qui tantoperè acceptat ea ad præmiandum sic, ac si essent unigeniti filij sui, Salvatoris nostri: eò quod ad suam fiant imitationem & majorem gloriam: ac item quod magis ipsius DEI sint quàm hominis; propter auxilia efficacia oportunè ei cælitùs præstita, sinè quibus alias nihil boni facere posset, juxta *Joan: 15.* Sinè me nihil pote stis facere. 6to. Quia amor charitatis, quo homo diligit DEUM propter se, & super omnia, non recompensatur sufficienter, nisi ipsius amati summè boni fruitione. 7mo. Quia bona opera quæ facit homo, & mala seu adversa, quæ patitur propter Deum in charitate, & ex charitate, competenter non possunt remunerari, nisi per traditionem à DEO factam bonorum cælestium homini in perpetuam possessionem. 8vo. Quia sicut homo in præsentì totum se tradit DEO in obsequium: ita DEUS in futuro totum se hominì exhibere vult in stipendium, juxta *Gen: 15.* Ego merces tua magna nimis. 9vo. Quia minùs est jamquè faciliùs DEO dare hominì suam gloriam, quàm Filium suum facere

facere in hoc mundo suscepisse ipsius miseriam.  
 10. Quia hoc requirit integritas ac perfectio dignitatis & honoris Christi Domini, reparatoris nostri, ut qui caput est nostrum Myſticum, noſq; membra ejus per fidem & charitatem effecti; una cum ipſo ac per ipſum glorificemur in æternum. Ratio veritate reſponſionis convincitur, quàm reflectit ad conſcientiam, cum qua examen inſtituit de homine ſuo. An habeat jam deſiderium fervens hujusmodi præmia quantotius conſequendi, nec ne? *Conſcientia* ut verum eſt fatetur *Voluntas* elicit *Actus* Quando veniam & apparebo ante faciem tuam extenſus in te amore ſemper mobili vide ſcal: 8.



## TRACTATUS II.

### TESTAMENTVM ANIMÆ.

#### S E U

#### M O D V S

*Pacta æterna, cum DEO ineundi, formandi, ac ſurſum ducendi.*

**T**estamentum præſens aſceticum, dicit ultimam hominis mûdo, ac ſuæ ſensualitati myſticè morientis, voluntatem: quâ omninò vult ſtabilire in æternum & ad amuſſim exequi ſancitum cum DEO ſanè ſpecialiſſimum amoris amicitia contractum ex pluribus ſcalis cæleſtibus, earumq; gradibus di-

vinæ



## TESTAMENTI ANIMÆ. 191

vinæ amorionis coadunatum. Qui equidem gradus alias dicuntur actus anagogici, actus contemplationis, actiones unitivæ, suspiria, & adspiraciones, orationes jaculatoriæ, actus DEI formes, ac deniq; pacta ascerica.

*Nota 1<sup>mo</sup>* quod Scalæ cælestes ex gradibus divini amoris effectæ, inde veniunt, quod mens in sui elevatione, gradatim se habere soleat actibus suis in DEUM, Scalis hujusmodi innixum, (*Gen: 18.*) donec in summitate earum ab ipso excipitur, tandemq; in ipsum deficiat per transformationem ascericam *Psaln: 118.* Defecit (id est transformata est) in salutare tuum anima mea. Hoc modo S. Paulus defecerat in Christum salutare nostrum, cum diceret ad *Galat: 2.* Vivo autem, jam non ego; vivit verò in me Christus.

*Nota 2<sup>do</sup>.* Quod actus anagogici, & actus contemplationis hinc dicuntur: quia mens hujusmodi actus elicitos sursum agit (anagogia enim juxta *D. Bon:* idem est, ac sursum actio, & sursum ductio) atq; supra omnem rationis inquisitionem seu discursum, & supra omnem voluntatis proprietatem, intentionis obliquitatem & affectus tepiditatem, seu remissionem elevat ad DEUM, videlicet simpliciter conspiciendum & terventer amandum, laudandum, benedicendum.

*Nota 3<sup>io</sup>.* Quod actiones unitivæ inde sic dici solent: quia mens illis agitur, & agit ad unionem DEI. *Putat autem aliud esse Actionem unitivam, & aliud ipsam unionem.* Actio enim unitiva notat unionem in fieri, & propriè dicitur unitio:

N

unio

unio verò est terminus unionis, seu ipsam vin-  
culum uniens, ac unio in facto esse. *Vel item.* U-  
nitio est illa actio, quâ mens contemplantis DEO  
conjungitur. Unio autem est ipse actus, per quem  
anima contemplatrix manet DEO conjuncta ac  
unita.

*Nota 4<sup>ta</sup>.* Quod suspiria & adspirationes hujus  
loci sunt quidam affectus amoris spiritum urentis,  
nam ubi memoria celestis Amati intima spiritus  
amantis tangit; statim ille ignita suspiria quasi  
quosdam nuntios inflammati amoris, quo flagrat  
sursum agit, donec amati sui jucunda præsentia  
consoletur.

*Nota 5<sup>ta</sup>.* Quod orationes jaculatoriæ inde sic  
appellantur: quòd sicut jaculatoris telum vel sa-  
gitta cito volans, ac medium promptè transcurrens,  
mox vulnerat aliquem expositum sibi, aut scopo  
infigitur; ita hujusmodi orationes, quasi oris (spi-  
ritus inflammati fervidæ actiones in momento nu-  
bes ac cælos penetrant, suiq; amoris intimi acuto  
relo sponsum celestem vulnerât (id est commovent,  
*Cant: 4.*) atq; cordi ejus infixæ manent; donec a-  
nimam efficaciter audiat, ejusq; humilibus postu-  
latis satisfaciât. De hisce Oratiunculis *S. Aug: ad  
Probam* sic ait: Dicuntur fratres in Ægypto crebras  
quidem orationes habere, sed eas brevissimas, tum  
& raptim quodammodo jaculatas: nè illa vigilan-  
ter erecta, quæ oranti necessaria plurimum est, per  
productiones moras evanescat atq; hebetetur in-  
tentio.

*Nota 6<sup>ta</sup>.* Quod actus DEI formis inde sic deno-  
nomi-



## TESTAMENTI ANIMÆ. 193

minatur, quia Divinæ voluntati, aut verò exemplari amoris in mente Divina locum habenti omninò conformis est. *Idem etiam* dici potest actus DEI formis ad intellectum, spectans, quod conceptus divinalis, atq; ratio exemplaris: quia à DEO formatus ac menti humanæ subito inspiratus haberi solet, juxta *Matth. 10.* Cùm autem tradent vos, nolite cogitare quomodo aut quid loquimini: non enim vos estis qui loquimini, sed Spiritus Patris, qui loquitur in nobis.

*Nota 7<sup>ma</sup>.* Quod pacta affectiva inde sic vocata sunt: quia sicut pactum politicum, quatenus pro signo accipitur, multa dicit juxta duorum placitum atq; conditum, ab aliorum conceptu remota; ita sanè pacta spiritualia in signo brevis alicujus enuntiationis propositæ multos ac mirificos conceptus continent, DEUM scilicet amandi, orandi, laudandi &c: juxta piæ devotæq; animæ inventionem, ac placitum ipsius DEI, qui etiam sub signo paucorum verborum S. Scripturæ non raro sensus multiplices atq; admirabiles concludere dignatus est, ut eos abscondat sapientibus hujus mundi, parvulis verò suis mundana spernentibus revelatos faciat. Hujusmodi pactorum habuit usum, Sanctissimus Noster Patriarcha B. P. Franciscus, uti constat ex illa ejus Oratione multoties repetita; DEUS meus, & omnia. Similiter etiam devotissimus P. Barthol: à Saluth: ut patet in ejus testamento animæ, & in inventionibus Divini amoris: quos passim jam pleriq; imitantur diversi statûs Asceræ, speciali equidem exilitûs inflammati

devotione. Quamvis autem Pacta verè sunt actus anagogici, contemplationis, unitivi, jaculatorij, ac DEI formes: non tamen omnes Actus Anagogici propriè dici possunt pacta, sed solam illi qui habent sensum occultum & sine interpretatione suorum terminorum ac intentionis ipsius paciscantis, non sunt intelligibiles. Ad quæ Pacta accessus potest esse talis. Tibi DEO Uni in substantia, & Trino in Personis Patri & Filio & Spiritui S. Creatori & Redemptori ac Sanctificatori, meo, ego Frater N. vilissimus ac miserrimus homuncio, hoc præsentì testamento animæ meæ, totum me lego ac offerro ad exequendum atq; implendum omni meliori modo sanctum tuum testamentum: quod nobis servis ac mancipiis tuis in æternum Sanguine JESU Christi D. N. confirmatum tradidisti, ut dicitur Ps: 110. Redemptionem misit populo suo (eâ causâ exequi) mādavit in æternū testamentum suum. Cujus alias compendium positum est Deut: 10. Et nunc Israel, quid Dominus DEUS petit à te, nisi ut timeas eum, & ambules in vijs (mandatorum) ejus, & diligas eum. Quodq; ipsum à JESU Christo D. N. comprobatum habetur, Matth: 22. Marc: 12. Luc: 10. In his duobus mandatis universa lex pendet & Prophætæ. In mandato s. diligendi DEUM ex toto corde, ex tota anima, ex tota mente, ex tota fortitudine, & ex omibus viribus. Atq; in mandato diligendi proximum sicut seipsum. Ut autem ô DEUS meus hujusmodi æternum tuum testamentum commodiùs ac perfectiùs exequi valeam, hæc præsentis te-



**TESTAMENTI ANIMÆ.** 195

tis testamenti animæ meæ pacta intimum amorem  
tui constantia, secundum ingenii mei imbecillita-  
tem utcunque composita pro continuo usu meo,  
Te magis ac magis amandi, honorandi, laudandi  
&c: quæ alias quotiescunq; ex profundo cordis mei  
ad te direxero, obnixè quæso, quatenus ea Majestas  
tua Divina in eodem sensu qui inferius explanabi-  
tur ad Majorem gloriam nominis tui paterno affe-  
ctu suscipere dignetur: Amen.

**S C A L A L**

*Actuum Fidei, Spei, & Charitatis  
& Contritionis.*

**A**ctus fidei unus. Credo te esse DEUM me-  
um. 2<sup>us</sup>. Credo tibi DEO meo. 3<sup>ius</sup>.  
Credo in te DEUM meum.

*Actus Spei. unus.* Spero in te expectans à te ve-  
niam. 2<sup>us</sup>. Spero in te expectans à te gratiam.  
3<sup>ius</sup>. Spero in te expectans à te gloriam.

*Actus Charitatis DEI. 7.* Quis mihi tribuat, ut  
diligam te DEUM meum propter te, in te, &  
secundum te, stabiliter. 2. Quis mihi tribuat, ut  
diligam te DEUM meum propter te, in te, &  
secundum te stabiliter, prudenter, dulciter, & for-  
titer. 3. Quis mihi tribuat, ut diligam te DEUM  
meum propter te, in te, & secundum te stabiliter,  
prudenter, dulciter, fortiter, & excedenter.

*Actus Charitatis proximi. 1.* Quis mihi tribuat, ut  
diligam proximos meos propter te DEUM me-  
um, in te, & secundum te stabiliter. 2. Quis mi-  
hi tri-

hi tribuat, ut diligam proximos meos propter te DEUM meum, in te, & secundum te stabiliter prudenter, dulciter, & fortiter. 3. Quis mihi tribuat, ut diligam proximos meos propter te DEUM meum, in te, & secundum te, stabiliter, prudenter, dulciter, fortiter, & excedenter.

*Actus Contritionis.* Domine DEUS detestor, abominor, & fugio omnia peccata mea in æternum, quibus te gravissime offendi: detestor autem propter te summè honorandum, amandum, & imitandum, uti infinitè potentem, bonum, & sapientem. Et super omnia detestabilia, abominabilia, & fugibilia.

Pactum omnes hos actus complectens: Domine DEUS propter te, & super omnia.

*Nota 1<sup>ma</sup>.* Quod credere DEUM, id est, ac firmo assensu fidei, tenere DEUM esse Unum substantialiter, & Trinum personaliter, eumq; esse infinitè potentem, bonum, sapientem, justum clementem, ac misericordem. Eum quoq; esse totum in toto mundo, & totum in quolibet ejus loco, per potentiam, præsentiam, & essentiam: quem cæli cælorum non capiunt, cum sit immensus, quos alias ipsemet capit, sicut & seipsum. Eum item esse, nostrum principium per creationem in esse naturæ, & per recreationem in esse gratiæ justificantis. Eum deniq; esse ultimum finem nostrum in quo omnes nos viis mandatorum ejus finaliter ambulantes, æterna salus, requies, ac beatitudo infallibiliter expectat.

Credere autem DEO, idem est, ac firma fide  
tene.



**TESTAMENTI ANIMÆ. 197**

tenere, cuncta omnino indubitate esse vera: quæ DEUS Sanctæ Ecclesiæ Matri nostræ benedictæ revelare dignatus est; tùm per Prophetas, tùm per Filium suum Unigenitum Dominum ac Salvatorem nostrum, tùm per ejus Apostolos atq; Doctores; tùm deniq; per sanctitas de visu (Act: 15.) ac instinctu Spiritus Sancti in Concilijs Catholicis atq; Apostolicis determinationes.

Credere verò in DEUM, idem est, quod conceptum fidei quo DEUM atq; DEO credimus, mente per charitatem concitata sursum agere in ipsum DEUM, eiq; intimo affectu adharere, ut veraci in revelando revelata, & ut fideli in adimplendo promissa: ijs nimirum hominibus, qui juxta præscriptum æterni sui testamenti cælitus nobis traditi, eadem fide edocti, fugiunt fugienda, operantur operanda, & sufferunt sufferenda.

*Nota 2da.* Quod non possumus sperare in DEO ut oportet, veniam peccatorum nostrorum ab eo expectando, tùm ratione culpæ, tùm ratione pænæ; nisi spes nostra actu suo consurgat ex intuitu æternæ aversionis nostræ ab omni iniquitate, & innitatur infinitæ Christi satisfactioni, ac tandem culmine sui, conquiescat in immensa DEI misericordia. Non possumus item sperare gratiam DEI justificantem ut oportet, ejusq; augmentum cum auxilijs cælestibus opportunis, ac dono finalis perseverantiæ; nisi spes nostra actu suo consurgat ex intuitu æternæ adhesionis nostræ mandatis, Divinis, puræq; regulari observantiæ, & innitatur plenitudini meritorum Christi, de qua accipimus

omnes ac tandem culmine sui in immensa DEI bonitate, sui ipsius infinitè diffusiva, securè conquiescat. Non possumus deniq; gloriam vitæ æternæ à DEO nobis conferendam sperare ut oportet, nisi spes nostra actu suo consurgat ex intuitu nostræ victoriæ tentationum; & innitatur Christi imitationi per tolerantiam adversitatum hujus vitæ; ac tandem culmine sui conquiescat in DEI Salvatoris nostri promissionibus infallibilibus; qui ut nobis daret gloriam suam, dignatus est pati nostram miseriam. Unde *Iacob: 1.* Beatus vir, qui suffert tentationem, quoniam &c.

*Nota 3<sup>ia</sup>.* Quod DEUM diligere propter se, est eum diligere, uti suprema dilectione dignum ob suam infinitam bonitatem, quàm habet per essentiam. Diligere DEUM in se, est diligere illius perfectiones, illatq; ei intimè gratulari, quæ sibi naturaliter insunt, uti est infinita potentia, & bonitas, & sapientia, & iustitia & misericordia. Diligere DEUM secundum se, est eum diligere juxta præscriptum suæ præceptionis. *Deut: 6. Matthe 22. Marc: 12. Luc: 10.* Ex toto videlicet corde, ex tota anima &c. Vel quod idem sonat, est eum diligere supra omnia diligibilia, & consequenter in gratiam ejus summo odio prosequi peccata, & in summo amore illius habere mandata, juxta *Psa: 96.* Qui diligitis DEUM, odite malum; Et *Psal: 118.* Ad omnia mandata tua dirigebar, omnem viam iniquam odio habui. Diligere DEUM stabiliter, est in tentatione ad malum inductiva non deficere, sed proficere in amore DEI & in odio peccati, & in observantia legis Divinæ. Diligere DEUM



**TESTAMENTI ANIMÆ.** 199

**U**M *prudenter*, est ita circumspectè operari bona ex amore DEI ad imitationem Christi, ut eviterur sub specie spiritualis boni aut melioris vitium latitans, caveaturq; deviatio per aliquem defectum aut excessum à rectitudine virtutis. Diligere **DEUM** *dulciter*, est eum diligere non solum ut est summum bonum in se, verum etiam ut est summum bonum in nobis summè s. in nos diffusum per summa beneficia nobis præstita, & consequenter ex amore, gratitudinis, causaq; illius amicitia omnia mundi prospera, seu concupiscibilia ac delectabilia, velut spiritui amara, despiciere & averfari. Diligere **DEUM** *fortiter* est ex fervore charitatis aggredi ardua ad promovendum DEI gloriam, (uti est zelosa fidei, virtutis ascetica, regularis disciplina, propagatio atq; tuitio) & consequenter eâ ausâ, quæcunq; obvia pro imitatione Christi libenter sufferre adversa. Diligere **DEUM** *excedenter*, est tanto æstu amoris flagrare erga **DEUM**, & ad ejus claram præsentiam affectuosissima, urî appetentiâ, ut mors per quæcunq; dira martyria habeatur in desiderio, & vita præsens in fastidio cùm patientia. Jam ergo qui diligit **DEUM** *stabiliter*, supra omnia, diligit, eum ex tota anima sua. Vel alias ex tota efficacia animæ suæ. Et qui diligit **DEUM** *prudenter*, diligit eum ex tota mente sua. Et qui diligit **DEUM** *dulciter*, diligit eum ex toto corde suo. Et qui diligit **DEUM** *fortiter*, diligit ex tota fortitudine sua. Et qui diligit **DEUM** *excedenter*, diligit eum ex omnibus viribus suis.

*Nota 4to.* Quod diligere proximum propter **DEUM** est ip.

est ipsum diligere quod fit Imago DEI, quod diligat eum DEUS, quod DEUS præcipiat diligere eum. Diligere proximum *in DEO*: est illi velle ex motu charitatis participationem naturæ Divinæ, per gratiam in præsentî, & gloriam in futuro. Diligere proximum *secundum DEVM*: est nolle illi mala hujus temporis, & velle bona ex charitate, sicut sibi ipsi. Diligere proximum *stabiliter*: est in ejus dilectione persistere, quamvis ingratus sit dilectionis. Diligere proximum *prudenter*, est in ejus dilectione ad ordinem ac modum attendere; nè prius ei velimus bona transitoria, quàm spiritualia ac æterna: & in ejus dilectione charitativa caveamus ex una parte defectum, & ex altera excessum. Diligere proximum *dulciter*: est per charitatem bona & mala illius, ut propria sentire, juxta *Rom: 12*. Gaudete cum gaudentibus, flete cum flentibus, id ipsum invicem sentientes. Diligere proximum *fortiter*, est virtute charitatis malitiam ejus vincere: juxta *Rom: 12*. Noli vinci à malo; sed vince in bono malum, atq; pro ipsius malevolentia, maledicentia, & maleficientia tam coram DEO, quàm coram hominibus esse illi benevolum, benedicum, & beneficum, juxta illud Christi mandatum. *Matth. 5*. Diligite inimicos vestros, benefacite his, qui oderunt vos, & orate pro persequentibus & calumniantibus vos. Diligere proximum *excedenter*: est affectu fraternæ charitatis libenter velle pro eo, ejusq; bonorum temporalium integritate, pati detrimentum bonorum suorum temporalium: pro integritate autem bonorum spiritualium;



**TESTAMENTI ANIMÆ. 201**

aliū; pati iacturam ipsius vitæ præsentis, ad Christi Domini nostri imitationem. Qui cū adhuc inimici essemus. *Rom: 5.* pro nobis mortuus est, ejusq; sanguine sumus DEO reconciliari.

*Nota 5ta.* Quod in actu contritionis nihil occurrit ad explicandum, omnes enim termini ejus per fidem clarescunt, nisi quod ipse actus distinguendus sit, secundū distinctionem contritionis, quæ alia est necessitatis de lege *s. præcepti*, cujus actum mens eliciendo detestatur, abominatur, & fugit peccata, supra omnia detestabilia, abominabilia, & fugibilia confusè apprehensa. Alia est supererogationis, de lege *s. consilij*, cujus mens eliciendo actum detestatur, abominatur, & fugit peccata, supra omnia detestabilia, abominabilia, & fugibilia distinctè apprehensa. *vide de panit: ut virtus est. in Medit: de pecc: confid: 5.* Sunt autem hominibus detestabilia secundū commune eorum judicium, damna videlicet ægritudines, infamix, à dæmonibus obsessiones, mors ignominiosa, internalis pæna sensûs. Sunt quoq; hominibus abominabilia, cuncta *s. sensibus ingrata*, uti est visio nauseam provocantium, auditio convitiatorum, gustatio amororum, odoratio fatidorum, sensio in tactu vulnerum. Sunt deniq; hominibus fugibilia, cuncta *sc. mortem subito inferentia*, uti est draco, leo, diluvium, incendium pestilentia.

*Nota 6ta.* Quod pactum: Domine DEUS propter te, & supra omnia; quotiescunq; ex intimo animæ sursum agitur, toties dicit in mente sua ad DEUM: Domine DEUS credo credenda, spero sperando

speranda, amo amanda, detestor detestanda, abominor abominanda, fugio fugienda, propter te summè veracem, summè fidelem, summè bonum, summè sapientem &c. Et supra omnia: mundanorum *s.* credibilia, sperabilia, amabilia, detestabilia, abominabilia, & fugibilia, in eo nempe sensu hujusmodi terminorum, prout modo superius explicati sunt.

## S C A L A II.

*Pactorum amoris incomparabilis, incontaminabilis, infatigabilis, inseparabilis, insuperabilis, & insatiabilis.*

*imum.* Quis mihi tribuat, ut diligam te amore incomparabili.

*edum.* Quis mihi tribuat, ut diligam te amore incontaminabili.

*zium.* Quis mihi tribuat, ut diligam te amore infatigabili.

*atum.* Quis mihi tribuat, ut diligam te amore inseparabili.

*gram.* Quis mihi tribuat, ut diligam te amore insuperabili.

*gium.* Quis mihi tribuat, ut diligam te amore insatiabili.

*Nota imò.* Quod sicut mundanis hominibus, diligere bona temporalia amore incomparabili (uti sunt honores possessiones, voluptates) idem est; quod incomparabiliter magis ea diligere quàm DEVM, & consequenter in comparatione seu ap-

[retia-



pretiatione eorum, minùs æstimare jacturam bonorum spiritualium ac æternorum, ipsiusq; legis Divinæ transgressionem, atq; DEI offensam. Ita è diverso animæ alicui devotæ, diligere DEUM amore incomparabili, idem est, quod diligere eum, & sancta ejus mandata ac bona spiritualia & æterna supra omnia, ut potè amabilia & appetibilia. Vel alias incomparabiliter magis quàm quæcunq; bona hujus mundi transitoria: & consequenter jacturam illorum nihil æstimare intuitu DEI, ejusq; divinorum. Hic amor est de lege præcepti, ac de necessitate salutis.

*Nota 2da*, Quod animæ alicui devotæ, diligere DEVM amore incontaminabili, idem est, quod diligere DEVM amore depurato, ab amore sc. proprio per internam mortificationem, & ab amore bonorum temporalium per eorum abnegationem: quamvis enim talis amor ita fit moderatus, quod infra DEVM, ejusq; divina contineatur; tamen adhuc verum DEI amorem in nobis conceptum contaminat, remittit, atq; distrahit, juxta *D. Aug.* Minùs enim DEVM amat, qui cum DEO aliquid (ex bonis temporalibus) amat. Et *S. Greg.* Tantò quis ab amore DEI disjungitur, quantò inferius delectatur: & citius ad DEVM (practicà & anagogicà conversione) convertitur, qui non habet in hoc sæculo unde delectetur. Hic amor est virtutis supererogatoriæ, alias de lege consilij; proprius incipientium vitam spiritualè: qui per vota sua religiosa, à bonis hu-

jus mundi in superiori gradu licite sub DEO amandis & appetendis plenè alienati sunt.

*Nota 3<sup>ta</sup>.* Quod sicut ille dicitur diligere bona terrena amore infatigabili: qui in conquirendis illis nullius ferè laboris molestim sentit, nullumq; periculum animæ & corporis pertimescit, (heu gemens cum sua in felici sodalitate aliquando dicturus illud *Sap. 5.* Lassi sumus in via iniquitatis & perditionis.) Ita illa anima devota diligere DEVM amore infatigabili probatur: quæ divino ejus amore succensa, quælibet onera sui status portando ad imitationem Christi sentit sibi esse levia, atq; cum auxilio cælitus advocato quascunq; faciliter vincit tentationes, ac tandem labores in mortificandis vitijs, & acquirendis virtutibus asceticis, gratos & jucundos habet in eperimento, juxta *D. Aug.* Nullo modo onerosi sunt labores amantium, sed ipsi delectant, sicut venantium, piscantium, aucupantium, & cæterorum talium: in eo enim quod amatur, aut non laboratur, aut labor diligitur. Et *S. Bernard.* Labor meus vix est unius horæ, quod si plus, non sentio præ amore.

*Nota 4<sup>ta</sup>.* Amorem DEI inseparabilem, esse proprium contemplativorum: qui tantæ virtutis est, ut continuis stimulis agitet mentem contemplatoris ad contemplandum dilectum, comprehendendum, & tenendum. Vnde *S. Bernard.* in *Cant.* 3. Inveni quem diligit anima mea, tenui eum, nec dimittam. Sic ait: Quis te non teneat Domine JESU continua & vivi rememoratione, dulcis



## TESTAMENTI ANIMÆ. 20

cis contemplationis Intuitione, & intimi amoris affectione: qui tenentem te spe fortificas, perfectione decoras, perseverantia conducis? ego autem non dimittam te, nisi benedixeris mihi, & nunquam dimittam te, quia non benedicis nisi tenentem te.

*Nota 5to.* Quod sicut ille dicitur diligere bona transitoria amore insuperabili, qui ab eorum conquisitione (per fas ut ajunt & nefas) minimè avocari potest, tùm justorum admonitionibus, tùm divinis correptionibus, tùm timore judiciorum DEI, tùm horrore pœnarum infernalium. Sic anima devota probatur diligere DEUM amore insuperabili, quæ nullis unquam persecutionibus tyrannicis, & prosperitatibus retrahi possit à publica coram toto mundo Christi confessione, atq; perfecta ejus imitatione, ac intima amatione. Hoc amore diligebant DEVM, qui modo in gloria cælesti decantant illud *Psal: 45.* Transivimus (non succumbentes) per ignem & aquam (adversitatum & prosperitatum) & eduxisti nos in refrigerium.

*Nota 6to.* Quod sicut ille dicitur diligere bona terrena amore insatiabili, qui quo plus eis abundat, eo magis augeri illa sibi concupiscit, juxta illud quod vulgo dicitur: crescit amor nummi, quantum ipsa pecunia crescit, (hinc de reliquis similiter argumentari licet.) Ita anima devota probatur diligere DEVM amore insatiabili, quæ quo plus inflammatur amore divino, eo majori ac majori nititur appetentia plus eum diligendi, & proximis ad eundem amandum magis ac magis provocan

vocandi, atq; in studiis vitæ activæ & contemplativæ amplius ac amplius proficiendi, ac tandem quæcunq; adversa pro fide vel iustitia ad maiorem ejus gloriam, gaudenter iterumq; gaudenter suffe-  
rendi, juxta *Act.* 5. Ibant Apostoli gaudentes à conspectu concilij, &c.

### S C A L A III.

*Pactorum adorationis, gratiarum actionis, oblationis, laudis, & petitionis.*

*imum.* Domine DEUS te adoro. *2dum.* Domine DEUS tibi gratias ago. *3tium.* Domine DEUS tibi offero. *4tum.* Domine DEUS te laudo. *5tum.* Domine DEUS à te peto.

*Nota imp.* Pactum *imum* adorationis; hunc habere sensum: Domine DEUS quotiescunq; præsentem actum adorationis elicuerò: toties te DEUM Unum in TRINITATE personarum, & Trinum in Vnitate substantiæ, prono animo corporeque cernuo adorabo ac venerabor, prout nunc adoro ac veneror, nec non confiteor Te esse Dominum meum Creatorem & Salvatorem summo semper honore ac reverentia dignum, cui etiam submitto me humillimè tanquã supremæ authoritati ac infinitæ Majestati ad custodiendam legem tuorum mandatorum in æternum. Ac tandem omnes adorationes à Christi humanitate, B. M. V. & à cunctis beatorum Spirituum Ordinibus, & ab Vniversis Sanctis tùm triumphantibus, tùm militantibus Majestati tuæ redditas, & usq; in æternum reddendas



# TESTAMENTI ANIMÆ 207

das, reddo humillimè & affectuosissimè una cum his omnibus recensitis.

*Nota 2da.* Pactum gratiarum actionis hunc habere sensum: Domine DEUS, quotiescunq; actum gratiarum actionis elicuero, toties tibi DEO, supplici ac intimo affectu summas gratias agam, prout & ago, pro universis beneficijs collatis & conferendis tam sc. communibus & specialibus, quàm innocentia & beneyolentia, (de quibus in recollet: mentio & in medit: benefic: DEI confid: 2.) toties item gratias ago pro beneficijs cunctis Fratribus hujus Conventus. Provinciæ atq; Ordinis; ac in universum omnibus cujuscunq; statûs justis & injustis, fidelibus & infidelibus collatis & conferendis. Toties deniq; gratias ago, pro cunctis beneficijs omnibus beatorum Spirituum Ordinibus, atq; omnibus Sanctis in cælo triumphantibus, ac B. VIRGINI M. & Sacrosanctæ Humanitati à Verbo Tuo Divino assumptæ collatis, & in tota æternitate conferendis.

*Nota 3ta.* Pacti oblationis esse sensum: Quotiescunq; hunc actum elicuero Domine DEUS, toties intimo affectu offeram, & nunc offero tibi Christo Domino meo, simulq; DEO Patri, & Spiritui Sancto pro universis beneficijs mihi collatis, & ex divina promissione tua conferendis, omnium justorum (qui sunt, fuerunt, & erunt) ac etiam mei ipsius Sacrosancta Missarum Sacrificia, orationes mentales & vocales, jejunia, actus externarum & internarum mortificationum, elcémofynas piorum operum tam corporalium quàm spiri-

ritua-

lium: cuncta studia & exercitia spiritualis vitæ: martyria, & quæcunq; adversa pro fide aut iusticia tolerata, & actus indifferentes in tui Nominis gloriam majorem referibiles. Toties quoq; tibi offero in æternum, merita tuæ Sanctissimæ Humanitatis Beatissimæ V. *MARIÆ* Matris tuæ, nec non merita omnium Electorum tuorum, ac universæ cælestis curiæ.

*Nota 4<sup>ta</sup>.* Pacti 4<sup>ti</sup> sensum esse: Domine DEUS hunc actum laudis quotiescunq; elicuero, toties te DEUM meum, & Filium tuum I.C. in æternū affectuosissimè laudabo, prout & nunc laudo laudibus omnium cælestium beatorum Spirituum, atq; cunctorum triumphantis & militantis Ecclesiæ iustorum, ex ejus perfectionibus tum Divinis, uti sunt Omnipotentia infinita bonitas & misericordia, summè summa sapientia & iustitia &c. tum humanis; uti sunt profunda humilitas atq; obedientia, suprema paupertas atq; castitas, stupenda patientia &c.

*Nota 5<sup>ta</sup>.* Sensum Pacti petitionis esse hunc Domine DEUS quotiescunq; hunc actum elicuero, toties Te DEUM suppliciter orabo, & nunc oro *imo*. quidem, ut cuncta mea peccata digneris mihi dimittere, atq; jugiter me facias illa habere in odio perpetuo., legem autem Sanctorum mandatorum tuorum in æterna dilectione & observatione. *addo*. Ut feras mihi semper opportunè auxilium efficax contra tentationes carnis, mundi, diaboli & hominis improbi, ad malum verbo & exemplo inducentis; nec non etiam auxiliieris mihi



TESTAMENTI ANIMÆ. 209

in subjugandis spiritui passionibus, in mortificando ac moderando proprio amore, in abneganda propria voluntate cum proprio iudicio. 3<sup>id.</sup> Ut augeas mihi fidem, spem, & charitatem, donesq; mihi gratiam ad proficiendum in obedientia, paupertate, castitate, humilitate, patientia, ceterisq; virtutibus asceticis. 4<sup>id.</sup> Ut concedas mihi spiritum devotionis, donum orationis, & gratiam sanctæ operationis ad continuandum studium vitæ activæ & contemplativæ. 5<sup>id.</sup> Ut conferas mihi gratiam amandi meam vocationem, atq; meos Fratres & Superiores intimè semper diligendi & honorandi. 6<sup>id.</sup> Ut donum finalis perseverentiæ in cunctis operibus iustitiæ inchoatis, vitamq; æternam mihi largiaris. 7<sup>id.</sup> Ut hæc omnia recensita, singulis fraternitate aut professione & charitate mihi conjunctis præstare digneris. Toties item DEUM suppliciter oro. 1<sup>mo.</sup> Ut omnes peccatores & quoscunq; infideles à via iniquitatis ad Te convertas, & via iustitiæ deinceps incedere facias. 2<sup>do.</sup> Ut omnem populum christianum defendas semper ab oppressione impiorum, & salves ab insidiis demoniorum, juxta Tui Nominis magnitudinem. 3<sup>id.</sup> Ut omnes infideles, Hæreticos, Schismaticos, Turcas, & quoscunq; Ecclesiæ tuæ inimicos deprimas, cōfundas, & humilies, ne prævaleant contra tuos Orthodoxos. 4<sup>id.</sup> Ut facias inter Principes Christianos concordiam & pacem, pro comuni bono totius Christianitatis. 5<sup>id.</sup> Ut Ecclesiam tuam S. protegas, defendas, exaltes, dilates ad propagandam Nominis tui majorem gloriam.

riam. 6<sup>to</sup> Ut tuum in terris vicarium, Summum alias Pontificem cum suis Cardinalibus & Episcopis ac omnibus Spiritualibus cujuscunq; Status & Ordinis in tua paterna directione & protectione habere digneris. 7<sup>mo</sup> Ut Benefactoribus nostris cuncta pro nomine Tuo beneficia nobis præstita, tam in præfenti, quàm in futuro sæculo copiosè retribuas, & omnibus fidelibus defunctis requiem æternam concedas. Amen.

## S C A L A IV.

*Pactorum Resignationis indifferentia, Conformitatis, Unionis, & Transformationis.*

1<sup>um</sup>. Omnia volo, nihil volo, in toto corde meo in æternum.

2<sup>dum</sup>. Paratum cor meum DEUS, paratum cor meum.

3<sup>tium</sup>. O JESU, conforma me totum tibi.

4<sup>tum</sup>. O JESU, uni me tecum inseparabiliter

5<sup>tum</sup>. O JESU, transforma me totum in te.

Nota 1<sup>mo</sup>. Quod duo sunt vestigia Christi, quibus cum insequi possumus. Mala sc. pati, & mala non operari. Bona agere, & bona non expectare. Unde sensus est, quod quotiescunq; hoc pactum elievero, toties animo resignatissimo omnia mala & adversa hujus futuriq; sæculi vellem, prout & nunc volo ad majorem DEI gloriam pati, (DEO sc. idipsum volente) & in æternum nihil mali facere volo, quod lege tua Divinâ prohibitum esse cognosco. Toties item pro imitatione Christi, ac  
edifica.



## TESTAMENTI ANIMÆ. 211

ædificatione proximi omnia bona cum cælesti auxilio agere volo tam præcepti quàm consilij, ac inde nihil boni seu præmii temporalis & æterni expectare volo, præter continuum gratiæ DEI augmentum & ipsum amorem ejus.

*Nota 2da.* Pacti 2di sensum esse hunc: Quotiescunq; hoc pactum elicuero, toties propter maiorem & maiorem conciliandam gratiam DEI, indifferentem ac paratum me exhibebo, & nunc exhibeo Divino beneplacito; ad ferendam animo parato atq; resignato & grato quamcunq; ordinationem cælitus mihi obvenientem; ita ut æquè parato sim animo vivere ac mori, pati quâcunq; infirmitatem ad Christi imitationem; ac potiri sanitate propter proximi instructionem ac ædificationem, ferre patienter adversa atq; persecutiones propter mea peccata; ac prospeta humiliter acceptare in gloriam DEI referenda; subire infamiam absq; data causa; ac potiri bona fama propter opera virtutosa, pati despectionem, contumeliam, & dishonorationem, propter meum multiplicem defectum; ac hominum consequi gratiam, laudem, & honorationem ob illorum spirituale emolumentum: libenter obedire & subesse severo superiori, ac discretæ & humano, libenter habitare cum aliquibus mihi contrariis, ac cum gratis, speciali q; amicitia conjunctis. &c.

*Nota 3tia.* Pacti 3tij sensum esse hunc: Quotiescunq; hoc pactum elicuero, toties summopere desiderabo prout & desidero Christo Domino Salvatore meo conformis fieri, & in fugiendis hujus

mundi prosperitatibus, & in sufferendis quibuscunque adversitatibus.

*Nota 4<sup>ta</sup>.* Pacti 4<sup>ti</sup> sensum esse hunc: Quotiescunque hoc pactum eliquero, toties affectuosissime cupiam, & nunc cupio, unum fieri cum Christo per charitatem amoris unirivi, ad instar ipsius Christi; qui etiam atque etiam desiderat eandem animam, unum fieri cum semetipso, juxta *Joan: 15.* Manete in me, & ego in vobis. Unde & *1. Ioann: 4.* DEUS charitas est, & qui manet (cum fratribus seu proximis suis) in charitate, in DEO manet, & DEUS in eo. Jam ergo anima unum fit cum Christo, ubi manet in ipso, & ipse in ea, quod fieri potest duobus modis. *1<sup>mo</sup>.* modo manet Christus in anima sanctificativè, dum eam continuò magis ac magis velut templum suum gratiâ, cæterisque donis cælestibus consecrat, ac sanctificat, juxta *1. Cor: 3.* Templum DEI Sanctum est, quod estis vos. Anima verò manet in Christo integrativè; dum ei adhaerendo integrat corpus ejus mysticum, ejus ipse est caput, juxta *1. Cor: 6.* Nescitis quoniam corpora vestra membra sunt Christi? *2<sup>do</sup>* modo manet Christus in anima formativè: dum & ipse in ea natus formatur seu accrescit ac maturefcit (juxta *Galat: 4.* Donec formetur Christus in vobis) ad formandas ipsi perfectas, ac Sanctas cogitationes, locutiones, & actiones, juxta formam perfectarum ac Sanctarum suarum cogitationum, locutionum, & actionum: ut tandem dicat illud *Galat: 2.* Vivo ego, jam non ego; vivit verò in me Christus. Anima verò manet in Christo terminati-



## TESTAMENTI ANIMÆ 213

minativè, dñm ipsamet suas cogitationes, locutiones & actiones per Christum formatas; in eundem Christum dirigit ac terminat, tanquàm in finem ultimum; magis ipsi attendens, quàm suomet corpori, juxta illud: Anima magis est ibi ubi amat, quàm ubi animat, quod confirmatur *Matth. 6.* Ubi est thesaurus tuus, ibi & cor tuum.

*Nota 2da.* Pacti 2ti sensum esse hunc: Quotiescunq; hoc pactum elicuerò, toties affectuosissimè cupiam, & nunc cupio secundùm meum esse actuale transmutari in esse Christi, & jam non mea, sed Christi vita vivere; ita ut idem sit cum Christo meum velle & nolle, idem sentire & dissentire, idem experiri & pati, eundem deniq; affectum habere, & in illo proficere, ac maximè in affectu contemptus mei, & dilectionis inimicorum.

## S C A L A V.

*Pactorum amoris Divinae justitiæ, potentia, sapientiæ, bonitatis, & Misericordiæ.*

*unum.* Amo tuam justitiam. *2dum.* Amo tuam potentiam. *3tium.* Amo tuam sapientiam. *4tum.* Amo tuam bonitatem. *5tum.* Amo tuam misericordiam.

*Nata 1mo.* Sensum primi Pacti esse hunc: Domine DEUS, quotiescunq; hunc actum amoris Tuæ justitiæ elicuerò, toties multum mihi complacbo, prout & complaceo in Tua Divina justitiâ per quàm castigor paternè & charitativè pro meis, peccatis in præsentî vita varijs infirmitatibus, ad-

versitatibus & persecutionibus, ut amplius in futuro sæculo rigorosè non puniar.

*Nota 2do.* Sensum 2di Pacti esse hunc: Quotiescunq; hoc pactum elicuero, toties multum mihi complacebo, uti & complaceo in potentia Dei, per quam non solum cuncta benè & perfectè condidit; non solum Filium suum Salvatorem nostrum omnia tormenta mortis vincere fecit; sed & ego per ejus auxilia cælitùs advocata potens efficior ad vincendas quaslibet tentationes, & ad sufferendas propter imitationem Christi quascunq; adversitates & persecutiones.

*Nota 3to.* Sensum 3ij Pacti esse hunc: Quotiescunq; elicuero hoc pactum, toties mihi complacebo, prout & complaceo in Sapientia DEI; per quam sicut Christus scivit reprobare malum, & eligere bonum; ita anima per ipsam edocta, scit eligere, & cum gaudio sufferre cuncta hujus mundi adversa: tanquàm proximas occasiones exercendarum virtutum, & reprobare prospera velut semina omnium peccatorum, ad Christi Domini Salvatoris nostri imitationem.

*Nota 4to.* Sensum 4ti Pacti esse hunc: Quotiescunq; elicuero hoc pactum, toties mihi affectuosissimè complacebo, uti & complaceo in tua bonitate: quâ semper antecederet te habes ad conversionem & utilitatem inimicorum tuorum. Unde ob imitationem tui ego quoq; peccator maximus toties intendo ac volo omnes meos adversarios prævenire mea benignitate & amore cordis videlicet, oris, & operis,



## TESTAMENTI ANIMÆ. 215

*Nota 1<sup>da</sup>.* Sensus igitur Pacti esse hunc: Domine DEVS quotiescunquē hoc pactum elicevero, toties multum complacebo mihi, & nunc complaceo in miserationibus tuis, secundum quas dissimulas ac dimittis peccata hominum propter penitentiam. *Item* complacebo in misericordia Christi Filij tui Domini mei, quā motus pro nobis mortem subeundo, sanguinem suum pretiosum cum ferventi ac efficaci oratione pro suis crucifixoribus ac inimicis Tibi offerre dignatus est. Unde quoque; ego indignus famulus tuus ad imitationem tuam ac Redemptoris mei omnia mala quibus me afficiunt mei adversarij Tibi pro satisfactione peccatorum eorum offero in perpetuum. Toties *item*, quantum ex me est cedens juri meo, omnibus do licentiam mihi maledicendi, detrahendi, & quavis injuria me afficiendi quandocunq; & quotiescunq; illis placuerit; qua de re, tam coram te DEO meo, quam coram hominibus nullam unquam rationem mihi reddere tenebuntur.

## S C A L A VI.

*Pactorum amoris celesti suavitate spiritum reficientis, saturantis, inebriantis, securum facientis, quietum reddentis.*

*1<sup>um</sup>.* Quando suavitate amoris tui reficiar?

*2<sup>um</sup>.* Quando suavitate amoris tui saturabor?

*3<sup>ium</sup>.* Quando suavitate amoris tui inebriabor?

*4<sup>um</sup>.* Quando suavitate amoris tui inebriatus securus efficiar?

*scum.*

*rum.* Quando suavitate amoris tui inebriatus secure quiescam?

*Nota imo.* Quod sicut amor bonorum temporalium habet sibi annexam suavitatem seu delectationem sensualem, per quam dilatatur & amplificatur, Ita amor DEI ac divinorum necesse est ut habeat suavitatem spiritualem, per quam promoveatur ac perficiatur. Hæc autem suavitas alia est *Communis*, quæ est quædam hilaritas mentis, nata ex quædam carnis cum spiritu, & spiritus cum DEO concordia, & naturalium animæ potentiarum donis gratuitis decoratione Vel idem est, quod gaudium Spiritus Sancti ex bona ad DEUM confidentia, & bonæ conscientie testimonio proveniens: quod alias reddit hominem omnibus benevolum, ac paratum ad omnia agenda & sufferenda pro DEO, & promptum ad cuncta quæ sunt DEI promovenda. De hac suavitate est illud *Psal: 30.* Quam magna multitudo dulcedinis tuæ Domine, quam abscondisti timentibus te. Et *2. Cor: 1.* Gloria nostra hæc est, testimonium conscientie nostræ. Et *S. Aug:* Tu qui veram requiem quæ post hanc vitam Christianis promittitur quæris, etiam inter amarissimas vitæ hujus molestias suavem gustabis, si ejus qui eam promisit præcepta dilexeris: cito enim senties dulciores esse fructus justitiæ, quam iniquitatis: & verius atq; jucundius gaudebis de bona conscientia inter molestias, quam de mala inter delicias. Alia est *specialis*, quæ idem est, ac gaudium quoddam ex actuali consolatione spiritus Divini proveniens; quo anima vitæ internæ addi-



**TESTAMENTI ANIMÆ. 217**

Et gaudet in DEO de illius bonitate, ac cæteris perfectionibus. Hæc verò consolatio cælestis ideo animæ rationali non raro divinitus conceditur; ut inde lassata rebellionibus sensualitatis, & contradictionibus rationis inferioris, & oppugnationibus variarum tentationum, ac fatigata laboribus exercitiorum spiritualium, & sufferentiis adversitatum, refectionem & corroboracionem spiritua-lem habeat: ac postea promptior & devotior evadat purius vivendo, & in DEI amore ac pietate magis proficiendo. De hac suavitate est illud *Psal: 44.* Dilexisti justitiam, & odisti iniquitatem, propterea unxit te DEUS, DEUS tuus oleo lætitiæ (specialis) præ consorribus tuis. Et *Psal: 99.* Laudate nomen ejus, quoniam suavis est Dominus, in æternum misericordia ejus. Et *Sap: 12.* O quam suavis est Domine Spiritus tuus in omnibus! Inde collige sensum præsentis Pacti esse hunc: Domine DEUS, quotiescunq; actum amoris reficientis elicueris, præsertim lassatus internis & externis tentationibus, atq; fatigatus laboribus exercitiorum spiritualium, nec non constitutus in desolatione tua Divina, toties affectuosissimè cupiam, & nunc cupio cælesti suavitate refici, vel alias consolari, exhilarariq; ut inde reassumam vires ad ferventiùs resistendum malis, insistendum bonis, & sufferendum adversitates ad majorem Tui gloriam & imitationem. Ad hanc refectionem invitatur suos sectatores Christus *Matth: 11.* Venite ad me omnes (elevatis mentibus) qui laboratis (in mortificandis passionibus, & acquirendis virtutibus)

& onc.

& onerati estis (adversitatibus, tentationibus, & persecutionibus) & ego reficiam vos.

*Nota 2da.* Sensus Pacti zdi esse hunc: Quotiescunq; hoc pactum eliquero, toties affectuosissime cupiam, & nunc cupio sic suavitate amoris tui saturari (quod habeo in promissione *Matth. 5.* Beati qui esuriunt & sitiunt iustitiam; quoniam ipsi saturabuntur) ut in comparatione donorum tuorum spiritualium ac cælestium cuncta solatia mundana contemnam, fastidiam, & ut stercorea reputem: juxta *Prov. 27.* Anima saturata (intima svaviq; DEI ac Divinorum amatione) calcabit (id est contemnet terrenæ cupiditatis) favum.

*Nota 3tia.* Quod ebrietas propriè sumpta, alia est plena, quæ significat excessum in potando causâ Voluptatis, usquè ad violentam privationem usus rationis, de qua est *1. Cor. 6.* Neq; ebriosi regnum DEI possidebunt. Alia *semitplena*, quæ significat excessum in potando, nonnisi ad exhilaritatem animi. Hac ebrietate ebrij fuerunt fratres Joseph, qui *Gen. 13.* biberunt, & inebriati sunt cum eo. Ebrietas impropriè sumpta vel alias Metaphorica; significat vehementem commotionem passionum; mentis videlicet perturbationem, aut etiam ipsam excæcationem: Hac ebrietate dicitur fuisse ebria mulier illa Babilonica (*Apoc. 17.*) de sanguine Sanctorum, & de sanguine Martyrum JESU & omnes qui habitant terram de vino prostitutionis ejus. Ebrietas *spiritualis*, quæ etiam sub metaphorica continetur, est bona & sancta, ad quam invitamur à sponso cælesti *Cant. 4.* Comedite amici & bibite,



TESTAMENTI ANIMÆ. 219

& inebriamini charissimi. Et *Ioan: 7.* Si quis sitit, veniat ad me, & (ulquē ad ebrietatem) bibat. Quo autem potu spiritualiter inebriari debeamus, docemur à S. Paulo *Ephes: 5.* Nolite inebriari vino, in quo est luxoria; sed implemini Spiritu S. Hoc itaq; potu cælesti in die Pentecostes impleri Apostoli, multis alias multo madere videbantur. Unde canit de illis Ecclesia; linguis loquuntur omnium, turbæ pavent gentilium, multo madere deputant, quos Spiritus repleverat. Nam sicut forti aliquo potu inebriati, dicunt & agunt multa contra modum in sobrietate usitatum. Ita qui aliquando vino suavitatis cælestis per Spiritum S. satis abundē implentur, multa pro majori gloria DEL, & imitatione Christi operantur, loquuntur, & pariuntur, cum fervore inusitato; quod apparet in discipulis Domini, de quibus *Act: 5.* Ibant Apostoli gaudentes à conspectu &c. Et in S. Paulo, qui dicebat, *Galat: 6.* Mihi absit gloriari, nisi in Cruce Domini Nostri JESU Christi per quem mihi mundus crucifixus est, & ego mundo. Hinc collige 3<sup>ti</sup> Pacti sensum hunc esse: Domine DEUS, quotiescunq; hoc pactum elicuero, toties affectuosissimē cupiam, prout & nunc cupio suavitatē cælesti divinitus tantoperē impleri; ut inde præ amore imitationis Christi, non modo nullas timeam imminentes pænas, adversitates, persecutiones, contumelias, dolores, & infirmitates; verum etiam cum gaudio illas expectem; ac in ipsis constitutus summoperē glorier.

*Nota 1<sup>ta</sup>.* Pacti hunc esse sensum quotiescunq;

cunq; hoc pactum elicuero, toties ardentissimè cupiam, prout & nunc cupio abundantia cælestis suavitatis, ac ipsius Spiritus Sancti instinctu securus effici, de mutua Christi Domini eaq; consummata & stabili, atq; perpetua dilectione & amicitia indissolubili, juxta sponsionem factam *Prov: 8.* Ego diligentes me diligo, & juxta *S. Paulum Rom: 8.* Ipse enim Spiritus S. testimonium reddit spiritui nostro, quòd sumus filij DEI.

*Nota 510.* Pacti 51i hunc esse sensum: Quotiescunq; hoc pactum elicuero, toties ardentissimè cupiam, & nunc cupio plenè, securè ac perpetuò quiescere in mutuo eaq; consummato, ac unitivo Tui amore; ita ut cum plena perfectaq; confidentia, possim illud dicere cum *S. Paulo: Rom: 8.* Quis nos separabit à charitate Christi? tribulatio an angustia, an fames, &c.

## S C A L A VII.

*Pactorum amoris vulnerantis ligantis, langorem efficientis, mortem inferentis.*

*1um.* Quando amore amoris tui inflammabor?

*2dum.* Quando amore amoris tui vulnerabor?

*3ium.* Quando amore amoris tui ligabor,

*4um.* Quando amore amoris tui languescam?

*5um.* Quando amore amoris tui moriar?

*Nota imò.* Quod amor violentus tunc vulnerare dicitur amantes, quando illos commover ac impellit ad amandum ipsa sua nonnisi amata. Hoc telo amoris ac devotionis sponsæ vulneratum se sponsus facit dicens *Cant: 4.* Vulnerasti cor me.



um soror mea sponsa, *id est* ô anima devota sic amore tuo concitasti, permovisti, induxisti; ac inflammasti spiritum meum, ut omninò te reamare cogar, ac unum te mecum in hoc meo amore efficere necesse habeam. Eodem amoris telo sponsa se vulneratam esse confitetur, dicens *Canti. 2. juxta 70. interpretes.* Vulnerata charitate ego sum, *id est* cor meum totum sic ad amorem tui excessivum dilecte mi, in contemplatione sc. tuarum perfectionum, in me sentio esse permotum, irritatum, & inflammatum, ac præ magno tui desiderio apertum & dilatatum, quasi verè ac propriè realiterq; tanta violentia vulneratum, ac minutatim incisum sit. *Item.* Quod sicut homo mundanus aliquando læsus à suo adversario sive in bonis fortunæ, sive in bonis corporis, sive in bonis famæ. in tantum telo iracundiæ ac odij vulneratur ac permovetur contra se lædentem, ut durante illius vulneris dolore, nihil aliud nisi malum de suo inimico audit, cogitat & loquitur, *Et è contra:* Sicut idem homo carnalis ac mundanus, telo amoris amati sui vulneratus seu concitatus, nihil aliud nisi bonum de amato suo audit cogitat, & loquitur, cum illoq; præsentè delectabiliter conversatur. Ita anima accepto vulnere cælestis amoris, perpetuo agitur odio contra peccatum, & nulla ampliùs auditione, cogitatione, & colloctione recreatur & consolatur, nisi illa fuerit, de sui dilecti gloria, potentia, sapientia, bonitate, pulchritudine & similibus, ad cujus præsentiam semper suspirat; semper anhelat, semper rapi desiderat; est enim hoc vulnus tam intum,

timum, ut illud anima dissimulare non possit. *Item* sicut recenter vulneratus in corpore, clamoribus atq; suspiriis ærem replet, alia incommoda minimè sentiens. Ita amore in anima vulneratus, adeò ab amore consanguineorum & amicorum, ac omnium rerum temporalium avertitur, ut eorum incommodis & adversitatibus, quas antea proprias reputabat, præ vehementia amoris divini, quasi ad se non pertinerent, minimè immutetur. *Inde* collige sensum istius ad Pacti esse hunc: Quotiescunq; hoc pactum elicuero, toties affectuosissimè cupiam, & nunc cupio, sic telo amoris tui vulnerari seu vehementer concitari, ut exinde prout alienatus & abstractus ab inferioribus, nihil aliud cogitem, audiam, atq; loquar, nisi de perfectionibus tuis Divinis & humanis; ad cujus præsentiam jucundissimam unionemq; eminentiorem ac evidentiorem adspirare non desistam.

*Nota 2da.* Quod amor cælestis intimus habet suos funiculos, suaq; vincula: quibus amantem ligare & vincire potest, ac planè in perpetuum obsequium mancipare, juxta *Ose: 11.* In funiculis Adæm traham eos in vinculis charitatis. Hujusmodi autem funiculi atq; vincula sunt dona DEI, ab anima amante alta mente perpensata dona videlicet naturalia, gratuita, & gloriæ cælestis æterna: quibus amans ita ligatur, ut in perfectiorem amorem amari sui cælestis procedat, quàm dùm esset vulnerata. Plùs enim est ligari, quàm vulnerari, ut ait *Richard: de grad: violen: charit:* Hinc collige sensum 3tij Pacti esse hunc. Quotiescunq; hoc pa-

ctum



## TESTAMENTI ANIMÆ. 223

Etiam eliceretur, toties affectuosissime cupiam, pro-  
ut nunc cupio sic vinculo charitatis celestis con-  
stringi; ut omnino totus sim amati, & nullus mi-  
hi. Totus videlicet amati, quo ad fugiendum  
fugienda, insequendum insequenda, agendum a-  
genda,, sufferendum sufferenda, propter Tui imi-  
tationem ac maiorem gloriam. Nullus autem mi-  
hi quo ad proprium amorem, propriam volunta-  
tem, proprium iudicium.

*Nota 3<sup>ta</sup>.* Quod spiritualis languor, non aliud  
est apud Ascetas, quam infirmitas ac debilitatio  
motuum sensualitatis, ex nimia intensione & ele-  
vatione proveniens divini amoris, quo mens in  
DEUM extenditur. Unde glossa dicit (super il-  
lud Gen: 32. Angelus Domini tetigit nervum fe-  
moris ejus, & statim emarcuit,) Crescente virtu-  
te mentis, decrescit fortitudo corporis. Item quod  
amor languorem asceticum in anima efficiens ille  
dicitur, qui sic animam DEO inhærere facit, ut ad  
cuncta visibilia ac transitoria quodammodo insen-  
sibilis ac inidonea reddatur. Unde Glossa loco cita-  
to. Quotò ad amorem sponi se accendit mens,  
tantò ab amore temporalium languescit. Et su-  
pra illud Cant: 5. Adjuro vos filia Jerusalem &c.  
sic ait: Quia præ amoris magnitudine omnia tem-  
poralia sunt mihi in fastidio. Item. Amor langu-  
idum faciens, ille dicitur: quo sic anima in DEUM  
excedit, ut præsentem vitam continuò habeat as-  
pernabilem, & mortem omnino desiderabilem.  
Unde iterum Glossa supra verba Cant: 5. Quia amo-  
re langueo, sic ait: Quia præ amoris magnitudine  
P mors

mors mihi est in desiderio, etiam per dira tormenta; & vita in fastidio, cum patientia. *Item.* Languor animæ, seu amor languidam faciens animam, idem est Mysticis, quod amoris æstus internam quandam generans impatientiam, quæ rationi morem gerere & obsequi non vult, donec re amata potiatur. *Vel* idem est, quod fervor desiderii & avida, inhians, semperq; famelica appetentia unionis passivæ cum DEO, ad quam se sentit anima divinitus vulnere mystico commotam ac invitatam esse, illam tamen consequi non potest, non tam ex propria quàm ex DEI causa. Unde collige sensum Pacti 4ti esse hunc. Quotiescunq; hoc pactum eliciero, toties affectuosissimè cupiam & nunc cupio in talem gradum amoris cælestis promoveri, qui ustione sua faciat me sensualitatis vitiosos motus minimè sentire: & prospera quæ mundanis multùm sapient, faciat mihi (velut infirmo cibaria) insipida & amara valde; adversa verò, quæ mundani summè averfantur, faciat mihi omnimodè sapida atq; jucunda.

*Nota 4to.* Quod præter mortem in communibus acceptionibus, scilicet *Naturalem*, quæ est separatio animæ à corpore. *Moralem Philosophicam*, quæ est mortificatio passionum, & contemptus corporearum illecebrarum amore honestatis. *Civilem*, quæ est resignatio dignitatis, vel depositio ab ea *Culpa mortalis*: quæ privat hominem gratiâ DEI. Et *Gehenna*, id est damnationis æternæ: detur. *Mors spiritualis*, quam operat quisquæ suæ salutis amator, dicēs illud in profundo corde suo sepissimè.



## TESTAMENTI ANIMÆ. 225

Num: 23. Moriatur anima mea morte justorum. Hæc autem mors, vel est communis, vel specialis. *Communi* illa est, quâ moriuntur omnes justî peccatis suis, propter DEI præceptionem. De hac morte illud est *Eph: 2.* Et vos convivificavit cum essetis mortui delictis & peccatis vestris. *Specialis* mors spiritualium alia est *Ascetica* alia *Mystica*: *Ascetica* morte moriuntur, qui libera voluntate hujus mundi possessionibus, voluptatibus & honoribus abrenuntiantes, continuò mortificationi externæ & internæ, ac imitationi Christi insistant, juxta illud *Galat: 5.* Qui sunt Christi (imitatores veri) carnem suam crucifixerunt cum vitiis & concupiscentiis. Hac morte mortuus fuerat S. Paulus cum diceret: *Galat: 6.* Mihi mundus crucifixus (id est mortuus) est, & ego (mortuus sum) mundo, *Mystica* mors quadrupliciter accidit, *vel nimirum* quando cursus vitæ hujus ac munus expletur modo extraordinario: quod fit, cum anima non præ multitudinem naturalis infirmitatis ac doloris, sed præ magnitudine ac intensione Divini amoris à corpore separatur. Et talis fuit mors Beatissimæ V. MARIE Matris DEI, & aliquorum Sanctorum, *Vel etiam*, quando anima omninò separatur ab omnibus, non solum quæ peccati aliquam ei præstant occasionem, verùm & quæ obicem ponunt ipsius supremæ perfectionis obtinendæ, aut quocunq; modo impediunt eam nè DEO intimè conjungatur. *Ut sunt* irretentibilia & absoluta Mysticorum, & ipsa connaturalis animæ ac ordinaria activitas. *Vel quoque* quando anima ingreditur al-

tissimam contemplationem, ubi perfectissime inhærens DEO per unicum amorem, ipsam incurrit extasim. *Vel tandem*, quando anima ab jucunda DEI præsentia per spirituales desolationem separatur. De hac morte *Ioannes Taul: in Instis: cap: 4.* Sic ait. Est alia quædam mors spiritualis, quæ est formæ nescia, illa afflictio, quæ neq; viam, neq; fundum, neq; modum habet. *Nota item*, quod amor defectum afferens, seu defectio spiritualium aliud est asceticis, & aliud Mysticis. *Ascetica defectio animæ* significat effectum quemdam amoris Divini, qui eo usq; crescit, ut abstrahat mentem ab imaginibus vanis & inutilibus mundanorum, & eam deficere faciat ac transformet in imagines divinorum. Et sic præsens defectio, idem est, quod transformatio activa, ac unio sobria. Unde est illud *Psal: 112.* Defecit (id est transformata est) in salutare tuum anima mea. *Mystica defectio*, significat effectum quemdam amoris Divini, qui eousq; crescit, ut mentem alienet à propria ejus actuitate ac operatione, transformando eam in activitatem quasi divinam, quæ ipsi ad mirabiliter agendum in extasi aliquando cælitus infunditur. Ubi anima ad instar æris incorporati radio solari, quadam admirabili illustratur claritate super cælesti: & ad instar ferri exardentis quodam fervet igne amoris DEI ineffabilis: & ad instar pomi saccaro conditi, inexplicabilem quandam imbibit sempiternalem dulcedinem. Et sic defectio mystica, idem est quod transformatio ac unio passiva seu extatica. Unde est illud

*Psal:*



# TESTAMENTI ANIMÆ. 227

*Psalm: 83.* Concupiscit & deficit anima mea in atriis Domini. Super quod D. *Greg: l. 8. Moral: c. 19.* Sic ait: Concupiscunt, sed non deficient, qui jam quidem cœlestia appetunt, sed adhuc tamen à terrenorum delectationibus minimè lassantur. Concupiscit verò & in atriis DEI deficit, qui cùm æterna desiderat, in amore temporalium non perdurat. *Nota tandem,* quod libertas spiritus, alia est communis, alia specialis. *Communis* libertas illa est, quâ omnis iustus liber est à vinculis peccatorum. Et hæc est, de qua Apostolus ait 2. *Cor: 5.* Ubî Spiritus Domini, ibi libertas. *Specialis* libertas spiritus illa est, quâ vir spiritualis liber est ab omnibus quæ ejus contemplationem impedire possunt. Et hæc libertas, vel *Ascetica* vel *Mystica* est. Asceticam libertatem habet spiritus, quem in contemplatione ordinaria non impedit culpa mordens (*id est,* inanis timor ac vana suspicio culpæ) cura pungens, sensus egens, & phantasmata irruentia: Mystica verò libertate spiritus gaudet, cùm liber est ab irretentilibus & absolutis, contemplationi extraordinariæ insistent. *Hinc* collige sensum Pacti sri esse hunc: Quotiescunq; hoc pactum elicuero, toties affectuosissimè desiderabo, prout & nunc desidero, sic amore amoris tui sauciari, transigi, penetrari & inflammari; ut omni moruum sensualitatis meæ exulta & emortua inordinatione, totus in te deficiens, perpetua spiritus mei gaudeam libertate. Amen.



## S C A L A VIII:

*Pactorum amoris semper mobilis, infiniti,  
bilis, semper calidi, semper acuti,  
& super fervidi.*

*1mum.* Quando veniam, & apparebo ante faciem tuam, extensus in te amore semper mobili.

*2dum.* Quando veniam, & apparebo ante faciem tuam, extensus in te amore infiniti.

*3tium.* Quando veniam, & apparebo ante faciem tuam, extensus in te amore semper calido.

*4tum.* Quando veniam, & apparebo ante faciem tuam, extensus in te amore semper acuto.

*5tum.* Quando veniam, & apparebo ante faciem tuam, extensus in te amore semper fervido.

*Nota 1ma.* Quod sicut ignis inventa materia, in quam agit; mox in eam tendit, absque ulla suae motionis seu actionis intermissione: ita mentes beatae, dum divinas intuentur perfectiones, inveniunt quandam materiam, in quam omni sua affectione amorisq; actione absque ulla intermissione ac interruptione semper moveantur ac tendant. *Inde collige sensum uni Pacti esse hunc.* Domine DEUS quotiescunq; actum amoris semper mobilis eliceris: toties affectuosissime cupiam, & nunc cupio dissolvi & esse Tecum, ac semper in Te ferri intentione ac mobilitate amoris ardentissima, irremissibili, & in aliud amabile ac desiderabile inclinabili.

*Nota 2da.* Quod sicut ignis non habet terminum



num in agendo, dùm modo aptam inveniat materiam in quam agat, sed semper accrescit, ac incessabili morione sua, in eammet tendit : ita mentes beatæ, contemplantes DEUM, ac ejus infinitas perfectiones, non habent terminum in amando DEUM, in quem semper perpetua motione ac incessabili actione sui amoris tendunt. *Hinc collige sensum Pacti 2di esse hunc* quotiescunque hoc pactum elicuero, toties affectuosissimè cupiam, & nunc cupio dissolvi & esse tecum, ac semper in Te ferri intentione amoris interminabilis seu incessabilis.

*Nota 3tiò.* Quod sicut ignis, quo magis agit in materiam aptam, eo etiam magis incalescit & magis suum calorem in omnes partes materiæ diffundit, quia ab eadem materia nutrimentum & augmentum sui caloris accipit : ita mentes beatæ, quo magis amore suo agunt seu tendunt in DEUM ; eo etiam magis amore ejus incalescunt, & consequenter magis & ferventiùs eum diligunt, à quo nutrimentum ac incrementum sui amoris consequuntur, & ineffabili gaudio adimplentur. *Inde collige sensum 3tij Pacti esse hunc.* Quotiescunque hoc pactum elicuero, toties affectuosissimè cupiam, & cupio dissolvi, & esse tecum, quatenùs in te semper ferar intentione calidi Tui amoris ; ut à te ardentiori calore incalescam ad te ardentius diligendum.

*Nota 4tiò.* Quod sicut ignis violenter alicubi oclusus, mox in momento impetu suo superat penetratq; omnia obstacula & intermedia, ut ibi sit,

ubi est ejus centrum, seu terminus, atque scopus : ita mentes beatæ in DEUM suo amore extensæ ; subito suæ affectionis impetu (acutum enim amoris, dicit illius vehementiam ac impetum ardentem) penetrant virtutem, profunditatem ac totalitatem amati sui cælestis, quantum est ipsis possibile, ut ibi sint ubi est eorum amatum, *id est* cum ipso amato, & in ipso amato. *Hinc* collige sensum Pacti sti esse hunc. Quotiescunq; hoc pactum eliquero, toties affectuosissimè cupiam, & nunc cupio dissolvi, quatenus impetuosè ferar amore meo in te DEUM meum, cum quo semper sim, & in quo æternè jubilando maneam.

*Nota 2da.* Quod sicut ignis, dùm in flammam se erigit, ac se extra, & supra se jactat, superfervere dicitur : fervere verò, dùm se in se colligit : ita mentes beatæ, dùm se in DEUM intentione suæ contemplationis & amationis erigunt, superfervere dicuntur, fervere autem, dùm jam non in se, sed in creaturis. DEUM contemplantur & amant. *Hinc* collige sensum sti Pacti esse hunc: Quotiescunq; hoc pactum eliquero, toties affectuosissimè cupiam, prout & nunc cupio dissolvi, & esse tecum, in cujus clara contemplatione & fructiva amatione ferveam, & superferveam in æternum. Amen.





*Diversorum Paëtorum.*

## P A C T V M I.

*Acclamationis & Reclamationis*

## SANCTISSIMÆ TRINITATI.

Vivat SSS. TRINITAS Unus DEUS.

R. Vivat Vivat.

*Nota.* Sensum hujus Paëti esse talem. Domine DEUS quoriescunq; elicuero hanc acclamationem Vivat Sanctissima TRINITAS, Unus DEUS, toties in persona omnium fidelium ac justorum, Ecclesiæ militantis, & in persona omnium animarum in purgatorio existentium, affectuosissimè invitabo, prout & nunc invito omnes Beatos Spiritus cælestes, ac item omnes Sanctos & Sanctas DEI, ad jucundè reclamandum, in contestationem gaudij magni illius, quo semper elevantur exultantes atq; jubilantes de magnitudine & immensitate bonorum ac perfectionum Tuarum Trine & Unus DEUS. Vivat vivat. Volo tibi DEO Uni ac Trino vitam, quam habes in te, per se æternam, felicem, beatam, & gloriosam, atq; tota efficacia cordis mei, volo te esse Omnipotentem (prout ex natura Tua revera es) sapientem, justum, clementem, misericordem, divitem, æternum immutabilem &c. Omnipotentem enim, ut adoreris, honoreris, & timearis ab omni creatura, quæ est in cælo, & in terra, & in inferno, juxta

*Philip:*

*Philip: 2.* In Nomine JESU omne genu flectatur, cælestium, terrestrium, & infernorum. *Sapientem*, ut tibi omnes obediant, teque imitentur. *Iustum*, ut lauderis & glorificeris, & unicuique secundum opera ejus retribuas: quamvis iusto supra meritum, & impio citra condignum. *Clementem*, ut omnibus verè ac sincerè penitentibus semper facillimè sis propitius. *Misericordem*, ut omnes afflictos, tentatos, & tribulatos ad te confugientes illicò protegas, defendas, & consoleris. *Divitem*, ut omnes nomen tuum invocantes & confitentes huiusmodi gratis, illic gloriosis ditare valeas. *Æternum & immutabilem*, ut absque ulla perturbatione, quietè ac pacificè regnum tuum sempiternum feliciter gubernes.

## P A C T V M II.

*Acclamationis & Reclamationis Domino  
Nostro IESU Christo.*

Vivat Rex Noster JESUS Christus

& Vivat, vivat.

*Nota.* Sensum illius fermè eundem esse, qui est Pacti immediatè præcedentis, ideò duximus non rependum.

## PACTVM III. & est Generale:

*In quo omnia Pacta præcedentia omnium  
Sclarum comprobantur, & confirmantur.*

O DEUS meus & omnia.

*Nota.* Quod præsens pactum anima devota eliciendo,



TESTAMENTI ANIMÆ. 233

ciendo, sic illud intelligit. O DEVS meus, in te mea fide, spe, charitate, & confidentia tendo. Et omnia pacta hujus æterni mei Testamenti intimo affectu subscribo, approbo, repeto atq; confirmo, & in te refero ac termino sine termino. Amen.

P A C T V M IV.

*Cum Beatissima Virgine MARIA.*

Vivat Sanctissima V. MARIA. Vivat, vivat.

Sensus Pacti est, Sanctissima VIRGO MARIA. Quoties Te, tuumquæ Sanctissimum Nomen, MARIA legero, protulero cogitavero; quoties Tuam imaginem aspexero: quoties de Te, vel ad Te pertinens, de Tuisq; laudibus aliquid audi ro protulero &c: quoties Te salutari audiero, vel salutavero; quoties in Officio Tuo parvo, Corona &c: versus, verba, literas, syllabas &c: protulero vel audiero: toties toto me, totâ Te DEUM benedico pro omnibus Tibi collatis donis & gratiis, de illisq; gaudeo, gratulor: omnia obsequia, cultum & amorem Tibi exhibitum & exhibendum, imo & possibilem à quibulvis tuis cultoribus tam Angelis quàm hominibus assumo, mihiq; proprio, & collecta in unum hæc obsequia quoad omnes eorum gradus, species & numerum in unaquaq; litera includo. Obsequia & cultum & amorem Christi Domini Filij Tui, & totius Sanctissimæ TRINITATIS, æternam electionem ad tantam gratiam & gloriam Tibi repræsentor, gratulor & offero.

Amo appetio Te Pretiosissimam DEI Matrem,

trem, super omnia post DEUM & JESUM Filium Tuum, ex toto corde meo, moriꝑ; pro Te, & Tuo honore desidero; amore omnium creaturarum, omnium electorum hominum & Angelorum; in amore Filij Tui D. N. JESU Christi, ipsiusque Sanctissimæ TRINITATIS, Benedico, laudo, magnifico, saluto Te toto me, omnibus omnium creaturarum, omnium electorum, dilectissimi Filij tui, totiusq; SS. TRINITATIS benedictionibus, laudibus, magnificationibus, salutationibus &c: pro me & omnibus creaturis tam rationalibus, quàm irrationalibus, præsertim, infidelibus, hæreticis, blasphemis, damnatis, hominibus & dæmonibus. Credo quidquid Ecclesia S. Catholica de Te credit, deque Filij Tui D. N. J. C. Sacrosancta Humanitate & Divinitate alijsq; Mysteriis; & pro hac & in hac fide vivere & mori volo & protestor. Adoro te Matrem DEI cultu Hyperdulix omnium creaturarum, omnium electorum hominum & Angelorum, omni possibili affectu & reverentia. Offero NN. Peto NN. Spero per tuam intercessionem, veniam, gratiam, & gloriam. Doleo de amarissimis doloribus Tuis, omnium creaturarum, omnium electorum, ipsiusq; Tui Virginalis Cordis, & dilecti Filij Tui doloribus: huncq; actum & protestationem, pactumq; includo in omni motu, operatione passione, omnibus atomis meis pulsu cordis & respiratione, & elicio semel pro semper, & pro tota æternitate. A.

Pretiosissima DEI Hominis Parens VIRGO MARIA,  
in conspectu Sanctissimæ TRINITATIS, & dilectis-  
simi



TESTAMENTI ANIMÆ. 235

simi filij tui D. N. J. C. totiusq; Curia celestis: Trado me Tibi in perpetuum mancipium, tanquam absolutæ Dominae meæ; trado me Tibi in filium tanquam dilectissimæ Matri; trado me Tibi in hæreditatem, tanquam pleni juris Dominae meæ; trado me Tibi in Sponsum, tanquam desideratissimæ, speciosissimæ, & amabilissimæ Sponsæ. Tu sis mihi Domina, Tu Mater, Tu hæreditas, Tu hæres, Tu Sponsa: & fac me Tibi dignum Te, dignum amore Tui, dignum amore Tuo æterno in æternum. Amen.

P A C T U M V.

*Cum DEO, pro animabus purgatorij.*

Requiescant in pace.

SENSUS hujus Pacti est. Omnipotens DEUS. Ego N. quotiescunq; hæc verba dixerò, toties offerre volo, prout & nunc offero Divinae Majestati Tuae ad animarum purgatorij subsidium: & requiem ipsis à Te obtinendam omnes actiones & passionem meas, quatenus satisfactoria sunt tuius vitæ meæ: offero etiam Tibi ad idem animarum subsidium totum id, quodcunq; à quocunque Tibi offertur, offereturve pro me vivo, vel etiam mortuo, quantum id quoq; satisfactorium aut est, aut erit: jam nunc volens id animabus purgatorij prodesse, juxta Sanctissimæ voluntatis tuæ beneplacitum, & secundum majorem Tuæ Majestatis gloriam: Uniendo hæc omnia, hancq; oblationem meam, meritis D. N. J. C. & pretiosissimæ DEI Matris V. MARIAE omniumq; electorum. Amen.

T R A.

## TRACTATUS III.

De Præsentia DEI conservanda &  
renovanda.

Quemadmodum hominibus omnium malorum spiritualium principalis est causa, ipsius DEI ignava oblivio, juxta Psal: 9. Non est DEUS in conspectu ejus (*id est, quia non habet homo in mente sua jucundam DEI præsentiam, ideo*) inquinatae sunt viæ (*intentionum ac operationum*) illius, in omni tempore. Ita omnium bonorum origo est, præsentiae divinæ grata apprehensio, voluntariaq; jugis tentio. Unde quilibet huic assuetus disciplinæ, dicere potest illud, quod de ipsa sapientia dictum est. Sap: 6. Venerunt mihi omnia bona (*ut potè timorū, imitationū, & dilectionū DEI*) pariter cum illa.

Hinc est, quod sicut actu peccantes, quantum possunt omnino à præsentia conspectuq; DEI sese alienare contendunt; ut facilius propriis indulgere possint cupiditatibus, ac liberiùs & securiùs suis insistere queant delicijs, sine sensu remorsus propriæ conscientia, animam cruciantis, ac sine experientia impulsus timoris DEI repellentis voluptatem peccati; quâ ratione quidam illorum; DEUM non esse persvadebat, cum scelus quoddam perpetrare veller, ut patet Psal: 13. Dixit insipiens in corde suo, non est DEUS. Alter autem DEUM peccata sua non videre aut non intelligere sibi imaginabatur, ut est Psalm: 98. Non videbit Dominus, nec intelliget DEUS Jacob. Tertius denique  
DEUM



DEUM esse obliviosum falso existimabar, ut habetur *Ecclesiastes* 23. Quis me videt? tenebrae circumdant me, & nemo circumspicit me, quem vereor? delictorum meorum non memorabitur Altissimus. Ita quoque iusti homines, ut stabiliter declinent mala, & in bonis jugiter proficiant, huic disciplinæ seu exercitio tentationis divinæ præsentiam continuò assistunt. Sic fecit Susanna, matrona illa honestissima, ut peccatum declinaret, cum tentatâ ab iniquis confugeret ad divinam præsentiam ac diceret, sicuti habetur *Danielis* 13. Angustia sunt mihi undique; si enim hoc egero, mors mihi est; si autem non egero, non effugiam manus vestras. Sed melius est mihi absque opere incidere in manus hominum, quam peccare in conspectu Domini. Sic David, cum teneret jucundam DEI præsentiam, non fuit suis vitiis ac passionibus in malum commotus, omnesque fugit laqueos diaboli, uti ipse testatur dicens, *Psalterium* 15. Providebam Dominum in conspectu meo semper, quoniam (*id est quam ob causam*) à dextris est mihi ne commovear. Et *Psalterium* 24. Oculi mei semper ad Dominum, quoniam ipse evellet de laqueo pedes meos. Sic facientes facile in via imitationis Christi proficiunt, & ipsam spiritualis viæ perfectionem consequuntur, juxta illud *Proverbia* 3. In omnibus viis tuis cogita DEUM, & ipse dirigit gressus tuos. Et *Genesis* 15. Ambula coram me, & esto perfectus, *id est* præsentiam meam tenendo, sensim facile pervenies ad perfectionem. His igitur de causis Propheta nos admonet, ut præsentiam DEI quæramus, dicens: *Psalterium* 114. Quæ-

rite Dominum & confirmamini, quærite faciem ejus semper. Faciem autem Domini quærere idem est, quod conari ac studere jucundam DEI præsentiam in memoria, intellectu, & voluntate semper conservare, tenere, ac jugiter renovare.

Conservamus autem in mente nostra præsentiam Divinam, quando DEUM, alias in præsentia latentem, fide credimus ac intuemur ubiq; semper nobis adesse præsentissimum, per inspectionem, nimirum, potentiam & essentiam, juxta illud *Act: 17.* Non longe est (DEUS) ab unoquoq; nostrum: in ipso enim (*quasi quodammodo pisces in aqua nantes. & aves in aëre volantes*) vivimus, movemur, & sumus. Hujusmodi erat fides illius qui dicebat *Psal: 138.* Si ascendero in cælum tu illic es, si descendero in infernum, ades: si sumpsero pennas meas diluculo, & habitavero in extremis maris, etenim illuc manus tua deducet me, & tenebit me dextra tua.

Renovamus verò in nobis præsentiam divinam, quando non solum actibus fidei, spei, & Charitatis in DEUM tendimus, verùm etiam quando cunctas nostras actiones ascericas in eum referimus, his nimirum seu similibus S. Scripturæ verbis devotè in eum directis. Ut cum pro matutino media nocte excitamur, protinus signo S. Crucis muniti dicimus, ac devotè ruminamus verba illa *Matth: 25.* Media autem nocte clamor factus est. Ecce Sponsus venit, exite obviam ei, & quæ paratæ erant intraverunt cum eo ad nuptias, & clausa est janua. Novissimè verò veniunt & reliquæ Virgi.



TRACTATUS III. 239

Virgines, dicentes; Domine, Domine aperi nobis. At ille respondens ait; Amen dico vobis, nescio vos, vigilate itaq; quia nescitis diem neq; horam. Et illud ad Eph; 9, Surge qui dormis, & illuminabit te Christus, qui nimirum promisit coronam vigilantibus & orantibus.

In introitu Chori. *Psalm: 5.* Domine in multitudine misericordiae tuae introibo in domum tuam, adorabo ad Templum S. tuum in timore tuo.

Quando flexis genibus terram osculatur in Choro. Adoramus te Sanctissime Domine JESU, hic, & ad omnes Ecclesias quæ sunt in toto mundo, & benedicimus tibi, quia per Sanctam Crucem tuam redemisti mundum.

Quando datur signum ab Hebdomadario post factam præparationem pro inchoatione Divini Officii *Psalm: 137.* In conspectu Angelorum psallam tibi, & confitebor nomini tuo. Postea illud suspirium seu Pactum. O DEUS meus laudo te.

Quando distrahimur sub tempus Divini Officii, *Psalm: 110.* Psallam & intellam. Vel *Psalm: 46.* Psallite DEO nostro psallite, psallite sapienter. Vel *1. Cor: 14.* Psallam spiritu, psallam & mente.

Quando te præparas ad disciplinam faciendam. *Psalm: 31.* Multa flagella peccatoris, sperantem autem in Domino misericordia circumdabit. Et *Ps: 37.* Quoniam ego in flagella paratus sum cum Christo JESU meo, & dolor ejus in conspectu meo semper est.

Post disciplinam. *Tob: 3.* Ne reminiscaris Domine delicta nostra, vel parentum nostrorum, neq; vindi.

240 *De Præsentia DEI cons: & renov:*  
vindictam sumas de peccatis nostris. Et *Psal: 24.*  
Vide humilitatem meam, & laborem meum, &  
dimitte universa dilecta mea.

Quando te componis ad dormiendum, dic: *Psal:*  
4. In pace in idipsum dormiam & requiescam. Et  
*Psal: 30.* In manus tuas commendo spiritum meum,  
redemisti me Domine DEUS veritatis.

Dormiens illusum ac tentatum, moxq; expergesa-  
ctus. *Psal: 118.* Memor fui nocte nominis tui  
Domine, & custodivi legem tuam.

Mane surgens. *Colos: 1.* Si consurrexistis cum  
Christo, quæ sursum sunt quærite, ubi Christus est  
in dextera DEI sedens; quæ sursum sunt sapite,  
non quæ super terram. Et *suspirium Generale.* O  
DEUS meus, & omnia.

Cum disponis habitum circa te, & induis man-  
tellum, dicito. Exuat me Dominus veterem ho-  
minem cum actibus malis, & induat me novum  
hominem, qui secundum DEUM creatus est, in-  
iustitia & sanctitate veritatis.

Cum lavas manus. *Psal: 50.* Amplius lava me  
Domine ab iniquitate mea, & à peccato meo mun-  
da me.

Cum verò faciem lavas. *Isai: 1.* Lavamini &  
mundi estote, auferte malum cogitationum vestra-  
rum ab oculis meis.

Cum tandem pedes. *Ioann: 13.* Qui lotus est,  
non indiget nisi ut pedes lavet. Si ergo ego lavi  
pedes vestros Dominus & Magister, vos etiam al-  
ter alterius lavare debetis pedes.

Quando intras Sacristiam, præcipue ad servien-  
dum



TRACTATUS III. 24

dum Sacro. *Gen: 26.* Verè locus iste Sanctus est in quo nimirum Sacerdos præparatur ad divina celebranda.

Quando intras Ecclesiam. *Ibid.* Quam terribilis est locus iste, non est hic aliud, nisi domus DEI, & porta cœli.

Quando vocaris ad serviendum Missæ, vel ad Ecclesiam. *Psal: 118.* Lætatus sum in his quæ dicta sunt mihi, in domum Domini ibimus.

Quando gradum dormitorij ascendis. *Ioann: 20.* Ascendo ad Patrem meum, & DEUM meum.

Quando descendis. *Luc: 19.* Zahæ festinans descendere, quia hodie in domo tua oportet me manere.

Quando intras Cellam. *Psal: 117.* Aperite mihi portas iustitiæ, ingressus in eas confitebor Domino. Et *Psal: 131.* Hæc requies mea in sæculum sæculi, hic habitabo, quoniam elegi eam.

Quando librum ad legendum aperis. *Psal: 118.* Lucerna pedibus meis verbum tuum, & lumen semitis meis. *Vel Psal: 84.* Audiam quid loquatur in me Dominus DEUS. *Vel Sap: 5.* Da mihi sedium tuarum assiltricem sapientiam. *Vel Psal: 118.* Intellectum da mihi, & vivam.

Finita lectione. *Psal: 118.* Quam dulcia faucibus meis eloquia tua super mel osi meo. *Vel Ioann: 13.* Si hæc seltis, beati eritis si feceritis ea.

Cum vocaris à Cella ad superiorem. *Mat: 9.* Domine quid me vis facere.

Quando tibi opus aliquod spirituale assignatur. *Gal: 6.* Dum tempus habemus, operemur bonum.

Q

Quando

242 *De Prasentia DEI cons: & renov:*

Quando tibi aliquod manuale exercitium injungitur. *Psal: 123.* Adjutorium nostrum in domine Domini, qui fecit cœlum & terram. Et *Psal: 62.* In nomine tuo levabo manus meas. *Vel 1. Reg: 15.* Melior est obedientia quam victimæ. Et *Luc: 2.* Erat subditus illis.

Quando exis extra claustrum pro socio *Matth: 2.* Domine sequar te, quocunq; eris.

Quando verò cum officio. *Psal: 25.* Vias tuas Domine demonstra mihi, & semitas tuas edoce me. Et *us.* Deduc me Domine in semitam mandatorum tuorum, quia ipsam volui. *Vel.* Dirige Domine DEUS meus in conspectu tuo viam meam.

Cum redis. *Ioann: 6.* Bonum est nos hic esse, faciamus hic tria tabernacula JESU unum, MARIE unum, Curie cœlesti unum.

Quando vides pauperem vel miserum, dic: O DEUS cur non ego? *Vel 1. Reg: 2.* Dominus pauperem facit & dirigit, humiliat & subleuat.

Quando elêmosynam quæris. *Matth: 6.* Quærite primum regnum DEI, & justiciam ejus, & hæc omnia adijciuntur vobis. Et in *Regula.* Et non debeant verecundari, quia Dominus pro nobis se fecit pauperem in hoc mundo.

Cum pullatur ad Mensam. *Luc: 14.* Beatus qui manducabit panem in regno DEI. *Apoc: 19.* Beati qui ad nuptias Agni vocati sunt. Et *2. Thes: 3.*

Quando tibi porrigitur portio. *Ioann: 4.* Meus cibus est, ut faciam voluntatem Patris, qui in cœlis est. *Vel Psal: 118.* Portio mea Domine, dixi custodire legem tuam, quan-



TRACTATUS III. 243

Quandò bibis. *Pf: 36.* Inebriabuntur ab ubertate domus tuæ, & torrente voluptatis tuæ, potabis eos, *Vel Pf: 16.* Satiabor cùm apparuerit gloria tua.

Si esuris. *Matth: 5.* Beati qui esuriunt, & sitiunt iustitiam, quoniam ipsi saturabuntur.

Si sitis. *Ioann: 7.* Si quis sitit veniat ad me & bibat.

Si tentaris plùs iusta necessitate comedere ac bibere. *dic: Psal: 77.* Adhuc esca erant eorum in ore ipsorum, & ira Domini ascendit super eos. *Vel Luc: 6.* Erat quidam dives, qui quotidie splendide epulabatur, & cùm mortuus esset, sepultus est in interno. *Et Luc: 17.* Temporibus Nòe edebant & bibebant, & venit diluvium, & perdidit eos.

Si tibi non sapit cibus & potus. *Psal: 62.* Dederunt in escam meam fel, & in siti mea potaverunt me aceto.

Si videris alium avidè, & non mortificatè comedere. *Rom: 14.* Is qui manducat, non manducantem non spernat: & qui non manducat: manducantem non iudicet, DEUS enim illum assumpsit.

Quandò increparis meritò ab aliquo. *Psal: 118.* Iustus es Domine, & rectum iudicium tuum. *Vel, Si non essem malefactor, hæc mihi non dicerentur.*

Quandò verba injuriosa accipis. *Isa: 50.* Faciem meam non averti ab increpantibus, & conspuentibus in me, Dominus auxiliator meus, & ideo non sum confusus.

Quando te aliqui injustè persequuntur. *Dic cum S. Stephano.* Domine JESU, nè statuas illis hoc pectus. Quan.

244 *De Præsentia Dei cons: & renov:*

Quandò pateris aliquid contrarij. *Luc: 21.* In patientia vestra possidebitis animas vestras. *Vel.* Si oportuit Christum pati, & ita intrare in gloriam, suam, quid me? *Act: 5.* Ibant Apostoli gaudentes à conspectu concilij, quoniam digni habiti sunt pro nomine JESU contumelliam pati.

Quandò aliquo modo tentaris. *Iacob: 1.* Beatus Vir, qui suffert tentationem, quoniam cum probatus fuerit accipiet coronam Vitæ. *Vel.* Exurgat DEUS, cadat armatus, & conteratur inimicus.

Dùm vanâ gloriâ pulsaris. *Gal: 6.* Mihi absit gloriari, nisi in cruce Domini nostri JESU Christi, per quem mihi mundus crucifixus est, & ego mundo. *Et Ps: 44.* Omnis gloria filix Regis ab intus.

Cùm laudaris. Non nobis Domine non nobis, sed nomini tuo da gloriam. *Vel.* Mihi confusio, & tibi DEO meo in æternum gloria.

contra tentationem superbiæ. *Luc: 14.* Qui se exaltat humiliabitur, & qui se humiliat exaltabitur.

Contrà affectum avaritiæ. *Act: 20.* Beatiùs est dare magis, quàm accipere.

Contrà stimulum luxuriæ. Voluptas brevis pæna perpetua. *Vel.* Momentaneum quod delectat, æternum quod cruciat. *Vel.* Non possum esse continens, nisi tu Deus dederis.

Contrà spiritum invidiæ. *1. Ioann: 3.* Qui non diligit proximum, manet in morte.

Contra motum itæ. *Matt: 11.* Discite à me, quia mitis sum, & humilis corde.

Contra acediam, negligentiam, ac pigritiam.

*Prop:*



### TRACTATUS III. 245

*Prov: 13.* Vult & non vult piger: anima autem operantium impingvatur. *Et Ier: 48.* Maledictus qui opus Dei facit negligenter. *Et Matth: 11.* Regnum cœlorum vim patitur, & violenti rapiunt illud. *Et 7.* Omnis arbor quæ non facit fructum, excidetur, & in ignem mittetur.

Contrà Spiritum murmurationis, detractionis, & susurrationis. *Psal. 120.* Domine libera animam meam à labiis iniquis, & à lingua dolosa. *Ecc: 28.* Susurro, & bilingvis maledictus, multos enim turbavit pacem habentes. *Prov: 13.* Qui detrahit alicui ipse se in futurum obligat.

Si tentaris de DEO aliquâ diffidentiâ. *Psal: 30.* In te Domine speravi non confundar in æternum. *Psal: 22.* Mihi autem adhærere DEO bonum est, ponere in Domino DEO spem meam.

Si in conscientia turbaris ob aliquam objectionem diabolicam. *Pf: 24.* Oculi mei semper ad Dominum, quoniam ipse evellet de laqueo pedes meos.

Si tentaris videre curiosa. *Psal: 118.* Averte oculos meos ne videant vanitatem: *Et Iob.* Pepigi frædus cum oculis meis.

Si tentaris audire nova & curiosa. *2. Tim: 4.* A veritate quidem auditum avertent, ad fabulas autem convertentur.

Si incidisti in aliquem defectum. *Psal: 50.* Tibi soli peccavi. *Vel.* Peccavi Domino.

Quandò tentaris iudicio temerario. *Rom: 14.* Tu quis es, qui iudicas alienum servum? Domino suo stat aut cadit: stabit autem, potens est, DEUS statuere illum.

246 *De Prasentia DEI conf: & renov.*

Ante Orationem. *Ioan: 16.* Si quid petieritis Patrem in nomine meo dabit vobis. Et *Marc: 11.* Quaecunq; orantes petitis, credite quia accipietis, & eveniet Vobis.

Accedens ad Confessarium. *Luc: 3.* Et ecce mulier quæ erat in Civitate peccatrix, ut cognovit quod JESUS accubuit in domo Pharisei, attulit alabastrum unguenti, & stans retrò secus pedes Domini lachrymis caput rigare pedes ejus, & capillis capitis sui tergebat, & osculabatur pedes ejus & unguento ungebat.

Quandò audis vel legis aliquem peccasse dic: ô Domine, nisi tuâ gratiâ me adjuvares, ego plura mala perpetrassem, sis benedictus, qui me adjuvas.

Quandò audis aliquem benè fecisse, vel legis aliqua opera heroica Sanctorum dic. ô Domine in his omnibus valdè mihi complaceo, & per gratiam tuam cupio illa experiri.

Si amore inclinaris in rem temporalem. dic. Domine DEUS propter tui amorem hac re privari eligo.

Si odio habes alicujus defectus. dic. Magis odi ac detestor peccata mea coram te DEO meo quæ mihi nocent; quàm aliena, quæ me non coinquinant.

Tempore recreationis. dic illud *Philip: 4.* Gaudere in Domino semper, iterùm dico gaudere, modestia vestra nota sit hominibus.

Si affectus desideriorum tuorum deorsum tendunt, dic. illud *Psal: 41.* Quemadmodum desiderat cervus



### TRACTATUS III. 247

servus ad fontes aquarum, ita desiderat anima mea ad te DEUS.

In fine cujuslibet boni operis dic: illud Luc: 17. Servus sum inutilis. Item. Vivat Rex noster JESUS R. Vivat, Vivat.

### TRACTATUS IV.

*Recollectionem matutinam & vespertinam instituendi.*

REcollectio mentis tres habet partes, ut pote *præparationem, reconciliationem, & conclusionem.* Præparatio tribus constat particulis: quarum. Imam constituit Adoratio tūm Sanctissimæ TRINITATIS Deificæ, tūm Christi Domini Salvatoris nostri, tūm Venerabilissimi SACRAMENTI: quæ his actibus fieri potest. Vivat Sanctissima TRINITAS Unus DEUS. Vivat, Vivat. Adoramus te Sanctissime Domine JESU Christe, hic & ad omnes Ecclesias, quæ sunt in toto mundo, & benedicimus tibi, quia per Sanctam Crucem tuam redemisti mundum. Laudetur Sanctissimum SACRAMENTUM, &c. *2da.* præparationis particulam constituit gratiarum actio pro beneficijs tam communibus quàm specialibus, à DEO nobis venientibus. Beneficia communia sunt creatio & conservatio nostri in esse naturæ humanæ, imagine ac similitudine DEI insignitum ac decoratum: nec non Redemptio & Vocatio ad esse gratiæ Sanctificantis, continuis actibus in statu nostro religioso fovendum, Specialia

248. *Recoll: matur: & vesp: instituendi.*

cialia verò sunt: Tùm ipsa gratia justificans ac sanctificans, gratos DEO magis ac magis nos faciens augmine sui continuo. Tùm inspirationes divinæ efficaces, ut potè illuminantes intellectum & propellentes voluntatem ad omne illud insequendum, quod est DEO gratum. & ad averſandum quod est DEO exosum. Tùm auxilia opportuna ad resistendum tentationibus, ad coercendum passionibus motusq; earum vitiosos internâ mortificatione, & ad acquirendum Virtutes jugi exercitio &c: Cujus quidem gratiarum actionis actus, talis esse potest: Gratiastibi ago Domine Deus pro Universis beneficijs tuis, tam communibus, quàm specialibus, mihi indigno collatis, qui vivis & regnas Unus in TRINITATE, & TRINUS in Unitate in sæcula sæculorum.

*3<sup>iam</sup>* Præparationis particulam constituit imploratio cælestis illuminationis, ad cognoscendas propriæ conscientie maculas. cujus actus talis esse potest: Illumina oculos meos, nè unquam obdormiam in morte, nè quandò dicat inimicus meus prævalui adversus eum.

*Reconciliatio* tribus constat particulis: quarum *1<sup>ma</sup>* constituit *Examen* conscientie de negligentijs videlicet concupiscentijs & nequitijs. *De negligentia* quidem commissis. Tùm in absolvendo Divino Officio, ac peragenda mentali Oratione, in renovanda præſentia Divina, in ſervando ſilentio. Tùm in reſiſcendis cogitationib<sup>9</sup> vanis, mundanis, & impoſſibilib<sup>9</sup>, in cavendis verbis, inutilibus, falſis, injurioſis; in explendis negotijs ſibi demandatis. Tùm in reſiſtendo quibuſcunquè tentationibus, in mortificando propri-



proprias passiones, nec non propriam voluntatem, & proprium iudicium, in attendendo Virtutibus asceticis, ac librorum spiritualium lectionibus. *Add* examen speciale, de actibus propositæ Virtutis & mortificationis, de quo vide Tractat. de Virtut. Ut sic.

De *Concupiscentiâ* item. Imò namq; de motibus concupiscentiæ voluptatis. Si nimirum concupierit cibaria & poculenta sapida & exquisita, indumenta nova atq; mollia & decora, oblectamenta venerea: quæ in primis motibus ab Ascetis studiosissimè fugiuntur. *add.* de concupiscentia curiositatis. Si quippè appetierit scire hominum occultata, ac non revelanda, ipsiusq; DEI non inquirenda, videre, pulchra, & rara, audire nova mentem extrovertentia, habere insueta, superflua, pretiosa. *add.* de concupiscentia vanitatis, si hominibus affectaverit vanè placere; ab eisq; laudari honorari; necnon per actum potiùs promoveri ad studia, Ordinesq; atq; Officia Religionis, quàm per studium Virtutis.

De *nequitia* tandem. Ac imprimis de nequitia iracundiæ; Si alicui affectu iratus fuerit, aut signo ac verbo, indignationem monstraverit, aut opere aliquo injuriam fecerit. *add.* de nequitia invidiæ. Si de alicujus prosperitate contristatus fuerit, aut in malo alieno sibi complacuerit, aut suum adiutorium indigenti non adhibuerit. Demùm de nequitia acediæ. Si de malis olim sibi illatis doluerit, & de præsentibus adversis turbulentus fuerit, & futura possibilia incommoda nimis timuerit, non respice-

250 *Recoll: matut: & resp: instituendi.*

respiciens ad auxilia DEI, ejusq; voluntatem, aut defectus aliorum nimis exaggeraverit, proprios verò impetuosè defenderit, aut statum suæ vocationis ob contingentes in eo quandoq; non nullas imperf. ctiones fastidire ceperit, &c.

*2dam.* Reconciliationis particulam constituit Contritio cordis. Seu dolor animæ de peccatis commissis, vel item detestatio peccatorum tam præsentis quàm in universum præteritæ conscientia. Cordis quidem contritio, velut etiam præsupposita durities hoc loco non propriè sed metaphoricè intelligi debet. Unde sicut cor durum illud est, quod non recipit influentiam Divinæ inspirationis, uti habituatum in malo, habetq; stabilitatem sic permanendi in peccato ob annexam ei delectationem sibi met gratam, ac tandem rebelle invenitur DEO per inobedientiam ipsius mandatis exhibitam; ita cor contritum illud est, quod inspiratione divina illuminatum & emollitum desinit peccare, & ipsum peccatum cum sua infami voluptate averfatur affectuosissimè, uti quadam gratà calidius amaritudine imbutum, ac tandem legi Divinæ, à modo intendit firmiter adherere, viisq; justitiæ perpetuò incedere. Hujusmodi autem contriti cordis seu ipsius contritionis talis affectus formari potest. Domine DEUS, detestor, abominor, & fugio in æternum omnia peccata mea, quibus divinam Majestatem tuam gravissime offendi, propter te summè honorandum, amandum, & imitandum; Uti infinitè potentem, bonum & Sapientem, & supra omnia detestabilia, amabilia, & fugibilia.

*Nota*



# TRACTATUS IV. 251

*Nota 1<sup>ma</sup>.* quod dolor in Contritione duplex est *Vnus* dicitur animi seu voluntatis; qui non est aliud, nisi peccati detestatio: & iste dolor est de necessitate & essentia contritionis. Alius est dolor sensualitatis, seu sensitivus ac sensibilis, qui apparet exterius, *ut potè* in signo in lachrymis in suspiriis, & iste non est de necessitate & essentia contritionis, sed solum de perfectione: quia talis dolor non est in potestate nostri liberi arbitrii. *Item.* Dolor detestationis seu ipsa detestatio peccati; idem est ac nolle peccasse, potiusq; velle fuisse quodecunq; malum, quàm DEUM supra omnia amandum offendisse. *Item* quod dolor detestationis debet esse maximus, (juxta illud *Isa. 2.* Convertimini ad me in toto corde vestro) non quidem intensivè, *id est*, magno conatu & fervore elicitus: sed appretiativè, *hoc est*, debet quis magis detestari peccatum quam aliquod malum, cum peccatum sit malorum omnium maximum: puta tamen Contritionem eo esse meliorem, quo est magis intensa, fervida, & sensibilis.

*Nota 2<sup>da</sup>.* quod Contritio aliquando defectuosa seu falsa septem modis fieri potest: *1<sup>mo</sup>.* modo. Cùm quis detestatur peccata supra omnia detestabilia propter offensam DEI; sed non plena voluntate: quia alias non detestaretur ea, imoq; in eis permanere vellet, si pænæ infernales finem aliquando haberent. *2<sup>do</sup>.* Cùm quis detestatur peccatum supra omnia detestabilia propter offensam DEI; sed finè efficaci ac serio proposito ampliùs non peccandi. *3<sup>to</sup>.* Cùm quis detestatur pecca-

ta eodem modo, sed aut fidem integram, aut spem  
 veniæ firmam non habet. *1<sup>do</sup>.* Cum quis dete-  
 statur peccata utri supra, cum proposito amplius  
 non peccandi; sed proximam seu probabilem  
 (quando potest) non refugit peccati mortalis oc-  
 casionem. *2<sup>do</sup>.* Cum quis detestatur peccatum  
 sicut superius; sed odium in corde suo contra pro-  
 ximum fovet. *3<sup>do</sup>.* Cum quis detestatur peccata  
 secundum superiorem modum, sed bona alterius  
 injustè retinet, vel parti læsæ non satisfacit, cum  
 possit. *4<sup>mo</sup>.* Cum quis graviora tantum peccata  
 detestatur; in alijs autem mortalibus; quæ com-  
 muniore sunt, ac minora esse purantur voluntatem  
 habet: vel cum omnia mortalia fugit, præter  
 unicum.

*Propositiu*, quod tertiam particulam reconcili-  
 ationis constituit. *1<sup>mo</sup>.* debet semper formari ac  
 renovari, tam singula quàm omnia peccata mor-  
 talia, supra quævis mala propter solius DEI a-  
 morem fugiendi, & ipsas eorum proximas seu  
 probabiles occasiones cavendi; hoc autem propo-  
 situm debet esse firmum ac forte, non infirmum  
 ac debile; efficax seu intentum, non rapidum seu  
 remissum; stabile & cordiale, non vertibile & ver-  
 bale; absolutum, non conditionatum; serium, non  
 fictum; resolutum, non timidum, ac tantum æ-  
 ternum quale illud est. *Psal: 118.* Custodiam le-  
 gem tuam semper (idem enim est propositum,  
 amplius mortaliter non peccandi, quod & præce-  
 pra legis Divinæ custodiendi: nam qui custodit  
 legem DEI, hic jam non peccat) in sæculum,  
 & in.



# TRACTATUS IV. 253

& in sæculum sæculi. *Item*, In æternum non obli-  
viscar justificationes tuas; quia in ipſis vivificasti  
me. *Item*, Juravi & statui, custodire judicia justi-  
tiæ tuæ. *2dò*, Idem propositum debet semper for-  
mari ac renovari, singula peccata venialia fugi-  
endi quamvis non omnia; quia alias præsumpti-  
osum esset hujusmodi propositum; non enim pro  
hoc statu corruptæ naturæ potest quis vitare omnia  
venialia: nam fugiendo unum, incidit sæpè in  
aliud, quod considerans S. Joannes sic ait *Epist*:  
*1. cap: 1.* Si dixerimus quoniam peccatum non  
habemus, ipsi nos seducimus, & veritas in nobis  
non est. Et S. Paulus *Rom: 7.* Non quod volo  
bonum, hoc ago: Sed quod odi malum, illud  
facio. Unde S. Bonav. *Comp: Theol: Verit: lib: 6.*  
*cap: 34.* In contritione de venialibus non exigitur  
propositum non peccandi venialiter, sicut in con-  
tritione de mortalibus exigitur: sed sufficit quod  
displiceat alicui peccatum præteritum, & infirmitas  
qua ad peccatum veniale inclinatur: quamvis ab eo  
omnino immunis esse non possit: ita tamen, quod  
voluntas non maneat fixa in aliquo veniali, quia  
illud sic retentum, non dimitteretur in contritione  
generali nec speciali. Et hæc est ratio, quia peccata  
mortalia sunt in potestate nostra ut vitentur, non  
solum singula, sed etiam omnia: Venialia verò etsi  
singula vitari possunt, non tamen omnia, quod ex  
infirmitate naturæ contingit. hæc ille.

*3tid.* Idem propositum debet semper formari ac  
renovari, propriam scilicet voluntatem, singulare  
judicium, ac sui amorem abnegandi, & in virtuti-  
bus proficiendi, per sufferentiam adversitatum, &  
fugam

fugam prosperitatum hujus temporis; præsertim verò, cum uno aliquo vitio maioris intensioris strenuè pugnandi, actibus nimirum ei opposita Virtutis, ac externæ internæq; mortificationis.

*Conclusio* deniq; tribus constat particulis. *Imam* constituunt septē petitiones sursum ducendæ, quæ habentur *in Pact*; *petit*; *Scal*; 3. *adam*. constituunt septem oblationes DEO faciendæ pro obtinendis petitis, quæ ibidem habentur *in Pact*. *Oblas*. *3tiam* constituit commendatio sui in Patrocinium B. M. V. Angeli Custodis, Sanctorum Patronorum ac totius Curie cælestis.

## M O D V S

Octidianam Recollectionem peragendi.

*Achore P. Daniele Brykner.*

**R**ecollectio est diligens conscientie disquisitio, de omnibus statûs sui officijs, attendendo, ut si quid à recta vocationis orbita sit recessum spirituali reficiatur restauratione.

Officium ejus est triplex. *Imum*. Bona à se elicitare DEO offerre, gratias agendo. *2dum*. Mala commissa deplorare, veniam petendo. *3tium*. Vitæ correctionem proponere, gratiam implorando.

Finis ejus triplex. *imus*. Offensi DEI, reconciliatio, veniam acquiredo per contritionem, in via *Purgativa*. *2dum*. Boni apprehensio, gratiam promerendo, per sanctæ doctrinæ acceptionem, in via *illuminativa* *3tium*. Animæ intima cum DEO conjunctio, gloriam implorando, per votorum renovationem, in via *unitiva*.

Tota



TRACTATUS IV. 255

Tota Recollectio octiduoano commodè potest absolvi spatio, ita ut cuilibet diei certa spiritualis determinetur occupatio. Porro, ut efficaciter tractetur sequentes servanda sunt regula. *1ma.* Toto Recollectionis tempore Divinum Officium Meditatio, Missa, aliæq; conservæ spirituales occupationes quæ fieri potest tractandæ sunt cum actuali attentione, diligenti intentione, affectuosa spiritus devotione *2da.* Ad tollendos obices quibus elevatio spiritus impediretur, & mentis tranquillitas turbaretur, toto recollectionis tempore nulla tractanda sunt negotia, quæ introversum extrovertere possent spiritum, ideò strictum servandum silentium, cum nemine nisi necessitate cogente (excepto Patre spirituali) conversandum.

*3tia.* Cujuslibet diei hæc erit occupatio, 1. absolutâ in Choro Prima & Tertia. 2. Sacrum, audiendum, vel celebrandum. 3. finito recessu, & gratijs actis. 4. instituenda recollectio, quæ incidit eo die v.g. *1ma* die de beneficijs, *2da* die, de Occupationibus &c. 5. legatur aliquid in materia spirituali. 6. Ad Chorum pro Sexta & Nonaeatur. 7. sumendum prandium. 8. hoc finito, gratijs actis parum quiescendum ad primam horam. 9. à *1ma* hora ad *2dam* oreitur pro eo, pro quo determinatum est eo die. v.g. *1ma* die pro exaltatione S. Ecclesiæ. *2da.* pro propagatione S. Religionis &c. 10. Vesperæ dicendæ. 11. à *3tia* hora ad *4tam* legatur materia spiritualis, præcipue de qua futura est meditatio. 12. Completorium, & Meditatio absolvenda. 13. Cæna sumenda. 14.

disciplina facienda (ſi hyemali tempore ſit Recollectio, quia in æſtate poſt examen veſperinum ſive Recollectionem diſciplina poteſt fieri) tandem preces fundendæ. 15. Examen conſcientiæ, ſeu quotidiana Recollectio instituenda. 16. Hac finitâ eliciantur Pacta determinata pro illa die. v. g. 1ma die. Pacta Scalæ 1ma. 2da die Pacta 2da. &c: 17. DEO gratiæ pro tranſacto die perſolvantur. 4to. Ut ſecurius obtineatur Indulgentia plenaria à Paulo V. Recollectionem hanc facientibus (conceſſa die 21. Maij, An: 1606. Pontificatus ſui anno 1mo. Eadem confirmata ab Alexandro VII. A. 1659, die 1. Junij pro Fratribus Minoribus) Confefſio vel generalis, vel annua, vel ordinaria omnium peccatorum ad finem Recollectionis eſt facienda. 5to Finitâ hac Recollectione, caveatur nimia extroverſio, nè per eam ita tim ſpiritus inflammatus refrigeſcat. 6to. In tota Recollectione examinanda conſcientia de omnibus quæ concernunt ſtatum Religioſum, attendendo, ut ſi quid deviatum eſt à via imitationis Chriſti, per hanc recollectionem rectificetur; & ideo Vota Religioſa Virtutesq; Viræ Chriſti conformes, ut humilitas, patientia, &c: examinanda, curando ut agniti prædictarum virtutum defectus, corrigantur. 7mo Oſtiduanæ Recollectionis talis poteſt eſſe Methodus. 1mo. Conſcientia examine ſe ex defectibus commiſſis in via purgativa. 2dè. Approbat doctrinam Chriſti & Aſcetarum in via illuminativa. 3tid actibus anagogicis Unitur DEO in via unitiva. Advoyte. Si vis efficacem fructum ex hac



# TRACTATUS IV. 257

ex hac Recollectione reportare, duo tibi curanda sunt. *Imum.* Ascericam Theologiam Patris Dobronielskij, quo ad Meditationes, Virtutes, Pacta &c. scias, singula exacte intelligendo. *2dum.* Cujuslibet diei Recollectionem attentè legas, quodlibet punctum enervando, & ad tuam vitam cum inflammato affectu applicando. Hujus autem Recollectionis praxis talis adhibenda porrigitur.

## D I E S I.

### Recollectio beneficiorum à DEO acceptorum.

**P**urgatio. Conscientia se examinat. 1. Creavit te DEUS Pater, animam tibi ad sui similitudinem donando, & in ea imaginem SSS. TRINITATIS exprimendo: Ut eum intellectu apprehenderes, memoriâ retineres: Volûntates amares. Verùm discutè, quoties hæc imago in anima tua facta sit adultera, dùm sensualibus magis quàm spiritualibus indulgebâs oblectamentis. Perpende, quoties per peccatum, bruto deterior factus, diaboli imaginem assumplisti. Fecit te nasci ex parentibus Catholicis, & tu impietate tua, quoties gentilem exessisti; vestem candidam in baptismo assumptam, quam per innocentiam vitæ impollutam ad mortem conservare promissisti, facta peccatorum labe conspurcasti, *2dò.* Redemit te pretioso sanguine ab æternæ damnationis captivitate Unigenitus DEI Filius; & tu quoties per peccatum infernale factus es mancipium, *3iò.* Ditavit te inestimabili gra-

iarum theſauro Spiritus Sanctus, & tu quam miſerabiliter (vanitatibus illeſtus) tanta chariſmata contempſiſti. 4<sup>to</sup> Protegit & conſervat te Sanctiſſima Trinitas Unus DEUS, & tu quàm ingratus extiſti. 5<sup>to</sup> Perpende excellentiam ſtatus tui, ad quem Vocatus es quia eſt Seraphicus, quia ſuper-crogatione in voris eminens, ſcilicet; Obedientia illimitata, Paupertate altiſſima, Caſtitate intemerata: quia eſt Apoſtolicus, quia Reformatus. Examina te, te ipſa, an nomine tenus Religioſum agis. 6<sup>to</sup> Inquire. 1. Si in collegio Apoſtolicorum Virorum Judam non egſti. Scilicet murmurando, mentiendo, ad terrena cor apponendo. 2. Si Virtutes aſceticas diligenter coluiſti. 3. ſi de ſtatu diſpiciſſimam non habuiſti. 4. Si bono exemplo Confratribus fuiſti, aut aliquem verbo, vel opere (maximè ſecularem) non ſcandalizaſti. 5. Si in omnibus voluntati DEI te conformaſti. 6. Si defectus agnitos, illicò cum deteſtatione abiectiſti; proſpera gratanter acceptaſti, adverſa patienter toleraſti. 7. Si injurias illatas, ſine vindicta (imitando Chriſtum) gaudenter ſuſtinuiſti. 7<sup>mo</sup>. Attende primam tuam intentionem, recogiſta primum in vita religioſa fervorem: vide ad quid veniſti, & invenies quàm longè deflexeris, quàm tepidus extiteris. Vide quæ DEUS pro te fecerit: Salutaria dixit docendo; magna fecit, bona conferendo; ineffabilia pertulit patiendos; dedit ſua in creatione, dedit ſe totum in Redemptione: Et tu quid ei denegas perpende. Hæc beneficia ſi contempnis, vide quantum dolorem ſuper dolorem Chriſto addis!



# TRACTATUS IV. 159

*Illuminatio* Anima sic examinata, dicit. O Domine quid est homo, quia magnificas eum, aut cur apponis erga eum cor sc. Filium tuum? 1. Sum nē ego dignus, quod me ad imaginem tuam creaveris? pretioso sanguine tuo redemeris? ad S. Religionem Seraphicam vocaveris? inter amicos & confratres tuos annumeraveris? singularibus gratiis ornaveris? dono perseverentiæ confirmaveris? O si hæc talenta maximo latroni dedisses, quā longē ille tibi promptius servisset, ardentiori amore, accuratiori gratitudine compensasset. 2. Colligis piissime DEUS à me & ex me nihil aliud quā mala pro bonis; pessima pro optimis; ingratitudinem pro beneficijs; contemptum pro honore; odium pro amore; convitium pro laude. 3. DEUS Pater misericordiarum agnosco infinitum tuum erga me amorem, qui me tantis criminibus reum, non punivisti, tanta ingratitudine exosum, paternā providentiā non deservisti: tot peccatis inimicum factum ultra vires tentari, & in periculum consensūs intrudi (speciali gratiā me juvando) non permisisti. 4. O DEUS, creasti omnia propter me, me autem propter te, ut amem, laudem &c: te, & ego tam ingratus extiti, ut etiam irracionales creaturæ, inservitio tui me confundant. 5. Fateor dulcissime JESU, meritis acerbissimæ Passionis Tux, hunc statum à DEO Patre mihi impetrasse, donis supernaturalibus ad hanc perfectissimam Religionem me habilem reddidisse. 6. Scio te maximos dolores sustinuisse, ut me à laqueis mundi, carnis, & diaboli liberatum, tam securo de salute animæ meæ statu donares

*Vnio. 1.* Quid retribuam Tibi Sanctiſſima Tri-  
 nitas Unus DEUS, pro omnibus quæ tribuiſti  
 mihi. 2. Aternas Tibi referro gratias, pro omni-  
 bus & ſingulis vitæ meæ, horæ eiapſa, imò & ela-  
 pſura beneficijs. 3. O ſummum bonum, totum me  
 Tibi pro lytro offero. 4. Confundor Tuis tantis  
 beneficijs. 5. Intimè doſeo, quod aliquando hæc  
 contemnendo dolorem ſuper dolorem Tibi addide-  
 rim. 6. quod te medullitus non amaverim. 7.  
 jamignitæ charitatis ardore amare Te volo. 8. Cu-  
 pio Tibi, quod me cupere vis. 9. Remove à me  
 Domine, quidquid diſplicet tibi in me. 10. Vis ma-  
 jora & perfectiora à me Domine, jube quod vis,  
 & da quod jubes. 11. O Anima inſignita DEL-  
 Imagine, redempta Chriſti Sanguine, deſponſata  
 fide, dotata ſpiritu; ornata Virtutibus, deputata  
 cum Angelis, dilige illum à quo tantum dilecta es,  
 ſervias illi, à quo tot beneficijs cumulata es.

Ora pro Exaltatione S. R. Eccleſiæ. Pacta 1.  
 Scalæ. Meditatio de beneficijs, elice actus fidei.

## D I E S II.

### *Recollectio Occupationum ſtātus ſui.*

**P**urgatio Conſcientia ſe examinat, quo ad u-  
 tramq; vitam. Imò, quo ad vitam activam.  
 Vide ſi opera tua non fuerint. 1. Vana, ſ. pro-  
 pter humanum reſpectum amoris, commendatio-  
 nis, &c. 2. otioſa, ſc. tempus inaniter conſumen-  
 tia. 3. incauta, ſ. ſcandalum vel occaſionem judicij  
 temerarij cauſantia. 4. Inordinata, ſ. non debito mo-  
 do tem.



do tempore, loco &c: facta. 5. Inobedientia, sc. contra mandatum superiorum. 6. Temeraria, sc. sine consilio & directione, vel ordinatione Superiorum. 7. Presumptuosa, sc. propter fastum vel laudem facta. 8. Indiscreta; sc. contra rationem, vel cum alterius gravamine facta. 9. Acediosa, sc. cum tardio & segniter ac tepidè peracta. 10. Superflua, sc. neq; ad DEI honorem, neq; ad proximi utilitatem vel ædificationem, neq; ad tuum commodum ordinata. *add:* quo ad vitam contemplativam. Perpende 1. quàm negligenter te ad confessionem parasti examen transactorum per transenam instituisi. 2. quàm remisse pro agnitis defectibus in confessione doluisti. 3. quàm debile propositum vitandi agnita peccata habuisti: 4. quàm oscitanter occasiones anteaكتورum vitasti, imò multoties eas procurasti.

Agnosce 1. quàm negligens fuit tua ad Missæ tremendum Sacrificium, vel Sacram Communionem preparatio, 2. quàm frigida in spiritu ejus celebratio, vel susceptio. 3. quàm languida pro illa gratiarum actio. 4. quàm festina ad confabulationes & alia profana tractanda extroversio. Recollege 1. cum quantis distractionibus & imperfectionibus incruentum Missæ Sacrificium, Divinum Officium, Orationem mentalem, vocalem, Recollectiones, aliq; pia exercitia absolvisi, 2. quàm graviter DEUM in prædictis, in debita intentione notabilis partis omissione, festina recitatione, ordinis inversione, officij commutatione, culpabili interruptione, soporosa recitatione, per  
risum,

riſum, jocum, colloquia, ſenſus immortificatos diſtractione, temporis retardatione, alijsq; imperfectionibus offendisti.

*Illuminatio.* Anima ſic inſtructa ait: 1. Agnoſco dulciſſime JESU, effuſione pretioſiſſimi Sanguinis tui, meritis acerbiffimæ tuæ Paſſionis, ſacramentis gratiam promeruiſſe, & ego quàm leviter eam æſtimavi. 2. Fateor amantiſſime JESU, Te indefeſſa intentione, intentione, & attentione in horto pro ſalute animæ meæ, uſq; ad effuſionem ſanguinei ſudoris pro me orafſe, & ego quàm oſcitantem, quàm deſidioſum me geſſi. 3. Scio Redemptor mi, quòd cùm ſtudioſo conatu opus redemptionis meæ ſis operatus, pro me captus, ligatus, colaphiſatus, conculcatus, denudatus, flagellatus, coronatus, conſputus, irriſus, poſtpoſitus, Crucis patibulo inter latrones inglorioſiſſimè affixus, felle & aceto potatus, & alijs opprobrijs laturatus. O dolores! o labores! o amores! & ego quàm negligenter propriam ſalutem curavi, quàm ingratè tuos labores accepravi: ò acediam! ò ingratitudinem! 4. Ah doleo quod plurimos gradus veniæ, gratiæ, gloriæ acquirendæ, multas occaſiones meritorum reportandorum ſpontè amiſerim. 5. Quantam perfectionem habuiſſem, ſi tam ſalutares occaſiones non omiſiſſem. 6. Nunc ſed ſerò perpendo divinos impulſus & inſtinctus ad perfectionem me impellentes, à me repudiatos. 7. erubeſco tam abominabilem ingratitudinem.

*Vno.* 1. Domine quid me vis facere; ecce audit ſervus tuus. 2. doce me facere voluntatem tuam.



tuam. 3. Uni me tecum inseparabiliter vinculo ardentis orationis. 4. Instilla animæ spiritum devotionis ut te condignè laudem. 5. Juravi & statui proficere. 1. In crebra innovatione intentionis, & præsentiæ tuæ. 2. In assidua crescentis amorosi fervoris exercitatione. 3. In actuali devotionis attentione. 4. In svavi tecum per Spiritum devotionis concatenatione. 6. Refice dulcissime JESU famelicam animam meam dulci Spiritualis devotinis alimonia. 7. Ecce Domine DEUS si quid defraudavi reddo, si quid debeo (sc. DEO proximo, mihi) restituo, si quid malum commisi, retracto; si quid bonum omisi, suppleo; si quid corrupti emendo; si quid maculavi (sc. malo exemplo) emundo. Dulcissime JESU in balneo Sanguinis Tui, in balneo doloris & amoris mei. 8. O Pater amantissime, da mihi ut fructus dignos penitentiae faciam, & delicta mea debita castigatione puniam. 9. In balneo Sanguinis Tui, sudoris, lacrymarum Tuarum mi JESU, lavo, baptizo & immergo me totum, & omnia mea, ut cum omnibus purificer, quia immundus; calefam, quia frigidus; conforter, quia infirmus; docificer, quia egenus; dignificer, quia vilis; sanes, quia moribundus; vivificer, quia mortuus sum. 10. Dulcissime JESU, responde mihi quantas habeo iniquitates, quid adhuc mihi deest, quàm longè sim à te? quid debeam Tibi? quo Tu dignus es? quid retribuam Tibi pro omnibus quæ tribuisti mihi; hæc dum quero à te mi JESU, responde mihi & confer necessaria, ut placeam Tibi in æternum. 11. Utere

me in tempore, & æternitate: operate in me quod potes, quod ſcis, quod à me requiris. Præſta ut ad Te pleno deſiderio ſemper aſpirem, & in Te dulciſſime JESU placidè reſpirem.

Oratio pro Propagatione S. Religionis. Pacta  
2. Scalæ. Meditatio de Peccatis, elice Actus ex ſpe.

## D I E S III.

### Recollectio Imi Voti. ſcilicet Obedientiæ.

**P**urgatio. Conſcientia ſe examinat. *mò.* Atten-  
de quod licet per votum Obedientiæ dæmoni  
renuntiasti, tan en ſegniter ſuggeſſioni ejus ad li-  
bertatem proprij judicij & voluntatis allicientis,  
adverſaris. *add.* Examina te: quantum deſeciſti in  
Obedientia, erga DEUM ejusq; Vicarium 3. Deo  
incediens fuiſti. 1. deſidioſè præcepta ejus & Re-  
gulæ adimplendo. 2. inſpirationibus contraveni-  
endo, vel eas repudiando, vel ſegniter acceptando.  
3. conſilia contemnendo. 4. influentias cæleſtes  
quitus DEUS ad cor tuum pulſabat, in meditati-  
onibus, & in alijs pijs occupationibus oſcitanter  
admittendo. II. Vicario 1. toties liberum arbitri-  
um voluntati præcipientis non ſubiſciendo. 2.  
ejus julla contemnendo. 3. ea ex timore pænæ vel  
confuſionis acceptando. 4. cum remurmuratione  
ſenſualitatis adimplendo. 5. propriæ ſententiæ con-  
tra mentem ſuperioris adhærendo. 6. attende, quod  
non quia præceptum fuit, ſed quia placuit liben-  
tiſſimè feceris. 7. vide quam promptus ad ea quæ  
applau.



applaudebant tuæ voluntati, quam tardus ad illa quæ repugnabant, fueris.

*Illuminatio.* Anima instructa ait : *1mò.* Scio Domine DEUS omnes creaturas etiam irracionales Tibi Creatori suo sine contradictione ad nutum obedire & ego ratione à Te dotatus, mancipium Tuum, toties mandatis Tuis, contraveniendo tam temerarius extiti. *2ad.* Agnosco DEUS impium ac periculosum esse inimico capitali obedire, ejus persvasiones (contempto tuo consilio) sequi, quod ego (proh dolor) aliquoties feci. *3rid.* Scio per obedientiam, animam meam ligamine conformitatis cum Tua Voluntate strictissimè, uniri, quem tam salutarem nexum ah! quam multoties disrupti *4id.* Confundor dulcissime JESU, dum Te non solum æterno Patri acerbissimæ Passionis calicem potandum porrigenti, sed impijs iudicibus, sævis tortoribus, usq; ad mortem crucis obedientissimum video; quibus ut vestes exueres, purpuram indueres, alligatus ad columnam tot vulnera reciperes, spineam coronam acceptares, Crucem humeris bajulares, ad clavos manus pedesq; porrigeres, & aliâ impia imperantibus, promptè obtemperasti: & ego impius peccator, non solum in consilijs sed in præceptis Tuis ad salutem animæ meæ proficuis, quam refractarius fui. *5id.* Fateor Superiorem esse Tuum Vicarium; ita ut qui eum spernit, Te ipsum spernat, quem ego toties contempsi, ejus mandata nihili duxi. *6id.* Quid magni, si ego pulvis & nihil propter DEUM me homini subdo; quando JESUS, verus DEUS Omnipotens Rex regum, & Domi-

nus dominantium abjecto homini propter me humillimè se ſubdidit.

*Vnio.* 1. Paratum cor meum DEUS, paratum cor meum. 2. Omnia volo, nihil volo in toto corde meo in æternum. 3. Fac digniſſime DEUS, ut ſim mancipium & jumentum dignitatis tuæ. 4. Fac ut ego totus, quantus quantus ſum cum omnibus potentijs & actionibus ſemper deſerviam exaltandæ dignitati Tuæ. 5. Fac ut unica mea ſit cogitatio & cura omni meliori modo magnificare gloriam tuam & Tibi ſervire. 6. Deſidero meipſum Tibi in ſpontaneam oblationem offerre, & Tuus perpetuò permanere, omnem voluntatem meam in Tuam tranſfundo. 7. Fiat Domine fiat voluntas Tua; in me & de me, fiat in tempore & æternitate. 8. Domine nihil ſum, nihil poſſum ſine Te; operare in me quod vis, quod ſcis, quod à me requiris. 9. Rege affectus, corrige actus, dirige grefſus. 10. Utere me Domine in tempore & æternitate. 11. Fac me Domine JESU Superioribus obedientem ſine contradictione, ut illis pro amore Tuo non ſolum in præſentis, ſed in conſilijs obtemperem. 12. Domine JESU, ſemel pro ſemper ſtatuo Superioris etiam auſtèrriſſimi (modo mala non præſipientis) nutum impleturum, arduis mandatis ſatisfactorum, nil de me ordinaturum. avidius ignobiliora officia ſubiturum. 13. Eterna ſapientia ſuggerere mihi quid me vis facere de Te, de me, à meis quibus me ſervire juſſiſti. 14. Obedire volo ex toto corde omni creaturæ præpoſitæ mihi à Te propter Te, ſecundum Te.



TRACTATUS IV. 267

Oratio pro Christianitate, & pace inter Principes  
Christianos. Pacta Scala 3ta. Meditatio de  
miserijs. Actus Charitatis DEI & proximi.

D I E S IV.

Recollectio 2di Voti, scilicet  
Paupertatis.

*P*urgatio. Conscientia se examinat. 1. Recogita quomodo mundo ejusq; Vanitatibus renuntiasti. 2. si aliquem affectum ad res temporales, sc. ad honores, voluptates, libertates &c. non habuisti. 3. si paupertatem Evangelicam gaudenter propter imitationem Christi, omnem rerum penuriam lætanter acceptando verè amas, 4. si nulla chara, cara, rara, superflua appetis. 5. si solis simpliciter necessarijs ad vitam sustentandam sine animi repugnantia contentus manes, imò & his indignum te esse agnoscis. 6. si in defectu necessariorum nullam sensualitatis remurmurationem acceptas, imò de hoc defectu gaudes, volens esse in paupertate conformis Christo. 7. si necessaria non avidè nec scandalosè acquiris. 8. acquisita sine amore tenes. 9. si de amissione eorum non turbaris. 10. si de amissis non doles. 11. si fiduciam in DEI providentia de suppeditatione necessariorum collocas. 12. si nihil proprietati tuæ adscribis. 13. Nil coram Superiore celas. 14. Nil sine licentia Superioris procuras, nil accipis, nil retines. 15. Nil apud Sæculares deponis, nil disponis secundum suam voluntatem, nil donas sine scitu Superioris. 16.  
si rem

ſi rem uſui, communitaris, aut particularis fratris deſtinatam accipis, proprio uſui accommodas, vel eam alteri ſinè licentia donas. 17. ſi Conventum vel Cellam tibi approprias; multo magis ſi ibidem contra voluntatem Superioris manes.

*Illuminatio.* Anima illuminata dicit. 1. Scio Magiſter mi, quod dùm dives eſſes, & nullius egeres, pauper & exul in mundo propter me fieri non erubuiſti: & ego miſer & nudus divitias ne appetam. 2. ſufficit mihi dulciſſime JESU ad conſolationem in mea egeſtate, ſi Tux paupertatis magnitudinem intentus aſpexero. 3. Confundor Saluator mi, dum Te Regem regum, Dominum dominantium, in natiuitate nudum, in vita pauperriſſimum, ad Crucem ſpoliatum, in Cruce ſitientem, uno hauſtu aquæ carentem intueor: & me ſufficientibus non contentum, ſuperflua appetiſſe commemoro. 4. Ah vereor graviſſimam, ſed juſtiſſimam punitionem Tuam, dum in ſchola auſteritatis, & paupertatis, paternæ tuæ providentiæ, in ſuſtentatione mei ſufficienti ingratus, hanc commoditatem aliquando appeti, quam in mundo vix habuiſſem. 5. Fateor imperfectionem meam, ob quam erubeſco dùm voto altiſſimæ paupertatis obſtrictus, verus non extiterim Tui imitator. 6. Nudus es JESU, & nudum Te eſſe factum propter me toti mundo oſtentas; & mihi miſerrimo grave videbitur carere ſuperfluis. Oſi addiſcerem etiam carere neceſſarijs: quanto paucioribus egeo, tantominus terrenus ſum, reſolvam me aliquando, ut nudus propter Te JESU mi eſſe incipiam.



# TRACTATUS IV. 169

*Vnio.* 1. JESU jam moriar mundo, vivam Tibi.  
 2. Gaudeo quod Te pauperimum sequar. 3. jam  
 me nihil à paupertate Tua abstrahet. 4. Fac me  
 pauperem sine defectione. 5. cupio à mundanis dis-  
 solvi, & esse cum Christo. 6. Omnia quæ mun-  
 dus immundus habet & æstimat; arbitror ut ster-  
 cora propter Te amantissime JESU, ut Te lueri-  
 faciam. 7. Renovo inflammato desiderio pauper-  
 tatis meæ votum, nullam rem mihi prorsus adscri-  
 bendo. 8. Nil volo nisi Te dulcissime JESU, Tu  
 thesaurus meus, deliciae meæ, divitiæ meæ, pos-  
 sessio mea, sis totus meus, & ego tuus. 9. DEUS  
 meus, & omnia. 10. Vilescant mihi Domine o-  
 mnia transitoria, & chara mihi sint omnia Tua,  
 propter Te, & Tu DEUS meus plusquam omnia.  
 11. Quam sordet mihi terra, dùm cælum intueor:  
 12. O JESU, ô MARIA, amores mei dilectis-  
 simi, totus sim vester, nullus meus.

Oratio pro extirpatione Hæreticorum, Paga-  
 norum conversione &c: Pæcta Scalæ 4ta Medita-  
 tio de Morte. Actus ex Humilitate.

## D I E S V.

Recollectio tertij voti scilicet  
 Castitatis.

**P**urgatio. Conscientia se examinat. Perpende.  
 1. qualiter hosti animæ tuæ & concupiscentiis  
 ejus insurgentibus resististi. 2. Quam segniter in-  
 commotione sensuum, Spiritum ad DEUM ele-  
 vasti. 3. Vide si mentem immundis cogitationibus  
 non.

non occupasti. 4. si eas negligenter rejecisti. 5. si assensum eis præbuidisti. 6. si commotionibus sensuaitatis, conversatione incauta, vel colloquio inhonesto, vel cibi potulq; excessu, vel viciis aliorumq; sensuum incircumspecta curiositate, aliove motivo occasionem dedisti, si verba minus honesta cum scandalo aliorum protulisti. 8. si lectio ni materiæ luxuriosæ extra necessitatem, vel cum periculo Spiritualis ruinæ operam dedisti. 9. Perpende, quomodo jejunia vigiliæ, aliaq; mortificandæ carnis remedia acceptasti. 10. vide qualis fuit vitæ tuæ puritas. 11. qualis reprimendæ sensualitatis promptitudo, 12. qualis in verbis decetia, cum mundanis in conversatione, & de mundanis cautela. 13. qualis in negotijs agendis circumspectio. 14. qualis sensuum mortificatio. 15. si aliqua corporis proprii non fuit conniventia. 16. in suppeditatione cibi vel potus quam remissa vel nulla appetitûs refrenatio.

*Illuminatio.* Anima instructa Christum alloquitur, 1. Scio castissime JESU, te castarum mentium intimum esse amatorem. 2. Castitatem esse honorem corporis nostri, quo ab impuritate educitur bestiarum, & in similitudinem evehitur Angelorum. 3. Agnosco dulcis JESU incastos Tibi gravissima intulisse flagella, ut eorum spurcitiis preciosissimi Sanguinis balneo ablueres. 4. JESU dolorose plus sex millibus plagarum steterunt in Corpore Tuo, & lubet vel eo pretio voluptatem mercari. 5. quot plagæ, totj linguæ; quot guttæ, tot verba; quot vulnera, tot ora, quibus dulcissime JE-



TRACTATUS IV. 271

me JESU animam meam rogas, ut ab hac cogitatione voluptate concupiscentia illecebris, &c. abstineam: an hanc æquam DEI mei petitionem repudiabo? 6. JESUS meus doloribus pressus pender in patibulo, & ego voluptati operam dabo? absit Domine absit; non decet sub spinoso capite membrum esse delicatum. 7. Jam agnosco, quia dum sensualitati in cibo, potu, somno jocis, alijsq; commoditatibus indulgeo, flammam hosti meo, quâ me exurat suppedito. 8. Addiscam tandem a Te JESU tractare carnem meam, verberare fame, siti, fatigatione: frigore, duritie alijsq; incommoditatibus, ut sic eam secundum mundum odians, secundum Te amem. 9. O quam citò transit carnalis delectatio, quàm longa instabit cruciatio!

Vnio. 1. Malo mori quam fœdari. 2. O castitas! o cordis puritas! amo, desidero, vovco te. Tu Domine cor mundum, corpus castum, mentem puram crea & conserva in me. 4. Detestor omnem carnis & mentis fœditatem coram Te propter Te. 5. Fac me castum sine corruptione. 6. O mentem amentem, quæ aliquando fœdis coinquinata es cogitationibus. 7. Exhorresco peccata carnalia, ut æterna evadam incendia, 8. Redemptor mi extingue in me humorem libidinis, ut maneat in me virtus castitatis. 9. Sponsæ Cælestis tibi soli animam meam despondeo, nullum præter Te amatorem admitto; Tibi soli servo fidem, Tibi me tota devotione committo, ut carnis spurcicias immaculate calle transcam. 10. O quam durè tractanda est mea caro rebellis, siquidem Christus tam immani-

ter suam innocentissimam affligi passus est. II. O quis det in simplicitate & sinceritate, ac puritate cordis Te diligere, Te potiri. Tibi jungi.

Oratio pro Parentibus, Consanguineis, Benefactoribus Amicis, inimicis. Pacta *sic* Scala. Meditatio de Judicio, Actus Patientiæ.

## D I E S VI.

### Recollectio Humilitatis.

**P**urgatio. Conscientia se examinat. 1. Perpende quantum in humilitate defecisti. 1. teipsum magnificiendo 2. superbos conceptus circa appetentiam bonorum, officiorum &c. admittendo. 3. DEI dona tibi gratosè impertita, industriae propriae adscribendo. 4. ab alijs laudari desiderando. 5. verba vanam gloriam spirantia cum audientium scandalo proferendo. 6. propriam laudem cum injuria alterius, vel cum rei falsitate promovendo. 7. pro laudis defensione cum alijs, contendendo. 8. de alijs malè cogitando. 9. alios contemnendo, bona facta extenuando. 10. alterius prosperitatem cum invidia, adversitatem cum gaudio acceptando.

II. Cogita, circa vanam gloriam. 1. qualis fuit in tuis bonis operibus intentio. 2. qualis in laude complacentia. 3. qualis displicentia in vituperio. 4. qualis contemptus alienae famæ, operis, talentorum &c. 5. qualis reverentia Superiorum. 6. qualis æstimatio fratrum.

**Illuminatio.** Anima sic instructa ait 1: Obstupe-  
sco



ſco Rex cæli & terræ, profundiffimam tuam humilitatem, dum Te toties irriſum, ſpineâ coronâ contemptuoſe redimitum, latroni Barabæ poſtpoſitum, in medio latronum in patibulo crucifixum, aliſq; contemptus probroſos perpeſſum video, ad confundendam ſuperbiam meam. 2. Scio in quanto odio habeas ſuperbos, eorum conatibus reſiſtendo, humilibus gratiam largiendo. 3. Video Te repudiaſſe illa omnia quæ mundus admiratur, & in amore habet. 4. Elegiſti pro divitijs extremam paupertatem, pro honoribus contemptum, pro delictijs pœnas; irriſionem pro favoribus. 5. Exinanitiſti temeriſſum DEUS Majestatis, ut humiliari diſceret pulvis & nihil. 6. Domine JESU ad cujus Nomen genu ſeſtitur cæleſtium, terreſtrium, & infernorum, inter plagarios, patibularios, ſceleratos; reputariſ; & ego omnis Vanitatis Vanitas magnus inter homines ambiam reputari. 7. Intolerandæ ſuperbiæ eſt ut ubi ſuprema Majeſtas, humiliatur, ibi vermiculus inſleſtur & intumeſcat. 8. O Domine JESU miraculis coruſcans, Nomen Tuum ſileri ab hiſ quos ſanabas, jubebas, Crucifixus, titulum Tibi adſcribi & Nomen Regis addi ad confuſionem Tuam volebas: ah! quam ego ſum contrarius, dùm aliquid mali probroſi, ſubij vel commiſi, ſileo & latere cupio; bonum, aliquod etiam exiguum faciens, neminem neſcire volo. 9. JESU pendes cum latronibus, me pudet agere cum vilibus. 10. Vicisti Domine JESU vicisti meam ſuperbiam, profundiffima humilitate tuâ. 11. Jam nihilum meum contemplor, facili

tatem cadendi cognosco, omnium creaturarum miserissimum, vilissimum, inutilissimum, ingratiissimum, stultissimum, peccatorem gravissimum esse me experior. 12. Itaq; infra omnes homines, imò infra omnes creaturas, in profundum vilitatis meæ propriam cognitionem deijcio.

*Vnio.* 1. Domine DEUS adoro, glorifico, & superexalto Te latreutico cultu soli Tibi debito toto me. 2. Subdo me Tibi æternaliter ad omnia toto me. 3. Vilifico me coram Te, & coram omni creatura propter Te toto me. 4. Diffido mihi per omnia & soli Tibi confido, omnia Tibi attribuo bona, & restituo; mihi meum nihil reservo. 5. In profundum nihilitatis, meæ me demitto. 6. Humilio me sub potenti manu Tua, & sub manu omnis creaturæ, propter Te.

Oratio pro obstinatis, in peccatis. *Passa 6ta.*  
Scala. Meditatio de inferno. Actus Obedientiæ.

## D I E S VII.

### *Recollectio Patientiæ.*

*Purgatio.* Conscientia se examinat. Considera quam impatiens fuisti corde, Ore, Signo, Opere. *Corde* Perpende. 1. si aliquam iram, affectum, vindictæ, imprecationem infortunij, lætitiæ ex proximi damno in corde contra proximum fovisti. 2. Si zelose minimum contemptum ulcisci, voluisti. 3. Si rancorem statim ex corde non rejecisti. *Signo.* Si minaci vultu, toruo oculo, stridore dentium, rugosa fronte, alijsq; minacibus signis excandescen-  
tiam



tiam iræ ad conturbandum, terrendum, vel scandalizandum proximum, demonstrasti. *Opere.* Si aliquem verbis injuriosis, inhonestis, infamibus dishonorasti; Si ad minimam offensam, verbis execratoriis, maledictis fratrem affecisti; Si ex motu iræ defectus naturales vel morales fratri exprobrasti; si eos palam coram alijs publicasti; si cum innocenter coram proximo calumniatus es; si falsa ex odio vel vindicta coram Superiore adversus fratrem deposuisti. *Opere.* Si aliquam injuriam, vel damnum in fama, bonis &c: proximo intulisti, vel ei directè aut indirectè sc: per se vel per alium nocuisti; si reconciliari noluisti. *Adverte,* immortificationes proprii tui judicii & Voluntatis respectu DEI, Superiorum, & aliorum. I. Respectu DEI. Vide. 1. cum quanta reluctatione voluntatis adversitates à DEO in te permissas acceptasti. 2. quàm molesto animo jejunia vigiliis, labores, fatigationes, tentationes, anxietates, aliasquæ vitæ religiosæ austeritates propter DEUM sustinuisti. 2. cum quanto fastidio & murmuratione modicum defectum cibi, potûs, vestitûs, supportasti. II. Respectu Superioris, attende. 1. quàm impatienti animo, humiliationes, confusiones, correptiones, aliq; paterna & salutaria contra infirmitates tuas remedia à Superioribus acceptasti: contra eosdem plerumq; scandalosè locutus fuisti, alios ad murmurandum induxisti. 2. quomodo dum ad placitum non est lubventum à Superiore delicatæ tuæ commoditati conquestus fuisti. III. Respectu proximi. 1. quàm impatienter despecti-

ones. oblocutiones, vexationes, contumelias, iriſiones (aliquando inconfideratè vel ex confidentia) tibi illatas, tulifti. 2. quomodo de ſiniſtro erga te proximi affectu, vel ex levi ac plerumquè nullo indicio, ſuſpicatus es. 3. quàm moleſtè imperfectiones & defectus quandoq; minimos proximi acceptaſti: quomodo teipſum, vel proximum alioſq; ad turbationem induxixiſti. 4. quàm importuno zelo caſtigandi, corrigendi ad minimos defectus alterius (quamvis nihil tibi intererat) excanduifti.

*Illuminatio.* Anima ſic inſtructa ait. 1. Patientiſſime JESU totus tremo dùm Te innocentem patientiſſimum, me verò nocentem impatientiſſimum agnoſco. 2. in tantis injuriis tam mitis es, in tantis doloribus tam patiens, in tanta deſolatione tam conſtans 3. ego reus ſum; & Tu pro me ad crucem damnaris. 4. ego peccàvi, & Tu flagellaris, doloribus, itineribus conſumptus, Viribus deſtitutus: & ego minimo labore fatigor, minimâ moleſtiâ turbor. 5. obſtupeſco, dùm commemoro, quàm benignum Te omnibus exhibuiſti. adverſa patienter toleraſti, admirabili ſilentio ad omnes injurias, convitia, ludibria blaſphemias &c: conticuifti; excuſationes nullas adhibuiſti, neminem loquacitate offendiſti: Si Tu Dominus & Magiſter tulifti pro me probra, colaphos patibulum, & ego pro Te levem injuriam & contemptum non patiar? 6. Scio Domine, quod ex Tua juſtitia pro unoquoq; peccato, quorum tot milia commiſi, jam à tot annis æterna promeruerim.



rim tormenta, & ecce modicam temporalem angustiam ex misericordia tua gratiosissime collatam repudiabo? 7. Sic non possum una hora vigilare tentari, infirmari vexari, adversa tolerare Tecum. 8. Tristis & desolatus aliquando sum, sed numquid & Tu usq; ad sanguineum sudorem, usq; ad crudelissimam mortem fuisti? 9. Hæc oportuit Te pati; & ita intrare in gloriam Tuam & ego nil patiando, possumne intrare in alienam? 10. Quid est o anima, quod magis recogitas modicas Tuas injurias, quam tam acerbos Christi cruciatus? Nisi quia pluris te æstimas, quam Christum: quid est quod facilius moveris contra facientes tibi mala, quàm contra persequentes Christum? nisi quia magis tibi per sensualitatem quàm Christo per amorem adhæres? quid est, quod in adversis justè tibi illatis multum doles? Christo verò injustè afflicto non compateris? nisi quia plus te, quàm Christum diligis. 11. Plus diligis pedem tuum, quàm Caput JESUM Christum; nam pl<sup>o</sup> compateris pedi tuo in modica afflictione, quàm Christo in tam gravissima passione & morte: plus tendit cor tuum ad alligandum pedem tuum, quàm ad amandum Christum; plus ad condolendum pedi, quàm ad compatiendum Christo. 12. O anima si belluam, si canem in hoc rerum statu videres, indoleres procul dubio; Filium DEI tam male exceptum sine dolore, sine lachrymis sine compassione intueris?

*Vnio.* 1. Patientissime JESU, qui in passione tua singulis momentis novo fervore, novos do-

lores ſubibas pro me: fac ut ego ſingulis momen-  
tis recenti ſpiritu tuæ cruci alligati tibiq; placere  
& conformari ſtudeam 2. Pungant me mi JESU  
propter Te miſeriarum ſpinæ vitæ hujus: da ut  
plus delecter ſpinis Tuis, quam mundi roſis, ſit  
mihi omnis mundi conſolatio ſpinca; ſit omnis  
afflictio propter Te roſea. 3. O utinam hoc ſen-  
tiam in me, quod video in Te propter me. 4.  
Auge gratiam, da patientiam. Domine aut pati  
aut mori. 5. Nolo vivere ſine vulnere, quia Te  
video vulneratum. 6. O JESU da ut ego liben-  
ter patiar pro Te, qui pro me pati & mori digna-  
tus es in Cruce. 7. Omnia volo mala pati in to-  
to corde meo in æternum. 8. Paratum cor meum  
DEUS, paratum cor meum. 9. Fac me Domi-  
nè fundere ſanguinem meum pro Te, quia Tu fu-  
diſti tuum pro me. 10. Fac me patientem ſine  
murmuratione. 11. Doce me patientiam Tuam. 12.  
Moriar mihi, vivam Tibi. 13. Da pati, da tole-  
rare. 14. Habebo à modo paupertatem pro divi-  
tijs, humilitatem pro gloria, patientiam pro requie  
propter Te patientiſſime JESU. 15. O JESU  
loquere tot linguis, quot plagis: tot verbis, quot  
guttis; tot oribus, quot vulneribus loquere ad ani-  
mam meam: erudi cor meum, ecce audit ſervus  
tuus. 16. O latus apertum! o vulnus piſſimi mei  
Redemptoris! in te volo requieſcere, dormite  
mori. Hæc requies mea in ſæculum ſæculi; hic  
habitabo quoniam elegi eam.

*Oratio pro Agonizantibus. Paſta ſine Scalæ.  
Meditatio de Gloria cæleſti. Aſus paupertatis  
& Sobrietatis.* SCA



## D I E S VIII.

Recollectio Charitatis erga DEUM  
& proximum.

**Purgatio.** Conscientia se examinat. Perpende, quantum defecisti in amore erga DEUM & proximum. I. erga DEUM. 1. quàm oscitanter DEUM amasti. 2. quam desidioso servitio beneficia à DEO accepta recompensasti. 3. quàm tardus ad implenda præcepta, ad arripienda consilia, ad acceptandas ejus influentias fuisti: 4. Quomodo non filiali propter DEUM ipsum, sed mercenario amore, propter mercedem DEUM dilexisti. 5. quam multoties ipsismet beneficijs eum offendisti.

II. erga proximum. 1. vide, quia proximum non sicut te dilexisti. 2. multoties ei apparenter solum amorem monstrando. 3. bona non toto affectu apprecando. 4. in necessitate ope consilio &c: pro posse non subveniando. 5. quandoq; adversitatis ejus & miseriæ non condolendo, imò de ea lætando, de prosperitate tristando. 6. modicos defectus omnibus propalando. 7. eos irridendo, ex minima causa animum ab eis avertendo.

**Illuminatio.** Anima sic instructa ait. 1. O fons omnis amoris amâtissime Deus, ex perior excessivum amorem Tuum. 1. dùm me ex nihilo creatum, imagine Tua decorasti. 2. captivum acerbissima morte redemisti. 3. perditum tantis laboribus invenisti. 4. Vulneratum pretiosissimo Sanguine sana sti

ſuaviſti. 5. mortuum, peccatis, turpiſſimâ morte ;  
vivificavi. 6. pauperem ſalutari gratiâ diſtaſti. 7.  
exulem promiſſione patriæ celeſtis per merita paſ-  
ſionis Tuæ aſſecuraſti. *ii.* Amas me Omnipotens  
Pater ex toto corde, imaginem Tuæ Divinitatis in  
creatione mihi impertiendo. *iii.* Amas me dile-  
ctiſſime Fili ex tota anima, Animam Tuam pro  
anima mea in remptione ponendo. *iv.* Sanctiſſime  
ſpiritus amas me ex omnibus Viribus, omnem  
curam in juſtificatione mei adhibendo. *v.* Amas  
me ex tota Divinitate Tua Unus in TRINITATE  
DEUS, Te totum mihi indigniſſimo in glorifica-  
tione promittendo: *vi.* Amas me ô amator me-  
us Chriſte JESU, exceſſivo amore, dùm mihi Te  
nascens dediſti in ſocium; conveſcens, in edulium;  
Te moriens, in pretium; Te regnans das in præ-  
mium. *vii.* O JESU quot labores, quot dolo-  
res, quot angores pro amore mei ſubiſti; plus  
de me curans, quam ego de Te, quam ego de me.  
*viii.* O JESU quam confundor, dùm Te in  
Cruce tam extenſum intenſiſſimis doloribus, un-  
diq; preſſum: à circumſtantibus Crucifixoribus ir-  
riſum video; & tamen non attendis Tuam inju-  
riam non reputas pœnam, non ſentis contumelias;  
imò à quibus pateris, illis compateris; à quibus  
vulneraris, illis mederis; à quibus necaris, illis  
procuras vitam, reconcilias gratiam, promereriſ  
(quantum ex Te eſt) ſufficientiſſime gloriam.  
*ix.* Jure merito ſponſe animæ meæ totum cor  
meum deſideras, cùm prior Teipſum ultro mihi  
totum impendiſti. *x.* Præcepiſti Te amari ex to-  
to cor-



to corde, sed prius lancea latus Tuum transverberari voluisti, ut eo patefacto cor Tuum mihi donares. xi. Jubes Te amari ex tota anima, sed prius animam Tuam pretiosissimam mæore confici, & ad mortem usq; coangustari voluisti. xii. Mandas Te ex omnibus viribus amari, sed prius mei amoris gratiâ, omnes vires Tuas in Cruce consumpsisti, usq; adeo, ut eis contritis & exhaustis in manus Patris spiritum exhalaveris. xiii. Vix pro justo quis moritur, Tu JESU pro impiis passus es, moriens propter delicta nostra: venisti gratis justificare peccatores, servos faciens fratres, captivos Cohæredes, exules Reges.

*Vnio.* 1. O excessivum amorem! cur ego totum cor non tradam DEO, qui totum se mihi, & pro me obtulit. 2. O misericors DEUS, quod à me requiris ut faciam, tribue ut sciam, & da exequi sicut oportet, & expedit animæ meæ 3. O JESU, utinam vulnerer pro Te, utinam totum cruorem effundam pro Te, utinam moriar pro Te. 4. Utinam nullibi inveniar nisi in vulneribus Tuis. 5. Proh! amor non amatur, amor non amatur. 6. DEUS meus amor meus, ego totus Tuus, quia Tu totus meus. 7. O anima mea, ama amatorem tui, à quo amaris, cujus amore præventa es, qui est causa amoris Tui. 8. Si amare pigebat, redamare non pigeat. 9. O DEUS, vita & gloria mea, amor meus, uni me Tecum inseparabiliter. 10. Transforma me totum in Te. 11. Do me totum pro Te toto. 12. O dulcissime JESU, ecce anima mea ardet, astat flammescit in Te tota se; tota ignescit

ī nescit & ebullit in Te, ad Te, usq; ad defectio-  
nem, usq; ad langvorem, usq; ad mortem. 13.  
O quam dulcis sapor iste, qui Te gustat. JESU  
Christe, Tuo victus a dulcore, mori posset, prae  
amore, Te unum amans unice. 14. Amo Domine  
omnem hominem etiam inimicum sicut me ipsum  
propter Te: amo omnem creaturam in Te, pro  
omni creatura amo te, toto me in aeternum Amen.

*Ora pro Defunctis.*

Pacta Sala gra. Et Amoris DEI & proximi.  
Post finitam Recollectionem sequenti die, elice  
Pacta Scalae grae imò congruum est ut Pacta omni-  
um Salarum repetantur.



## T R A C T A T U S V.

*De Virtutibus.*

Descriptio Virtutum Asceticarum.

Ac

*Triplicis differentia vitiorum,*

## I N S T I T V T I O I.

*De virtute Ascetica in communi, &  
ei opposito triplici vitio.*

**D**icendum est, imò. Quod Virtus Ascetica du-  
plex habeatur. Exterior nimirum & Interior  
Virtus quidem *exterior*, statuit finem suarum acti-  
onum honestatem extrinsecam: cui honor vulga-  
ris &



ris & fama popularis competit. Dicit autem elegantiam morum atq; decentem sensuum & membrorum corporis compositionem, in loquendo videlicet, gradiendo, conversando, bibendo, comedendo, & similibus, quæ prorsus tam Religiosos quàm Sæculares faciunt hominibus commendabiles. Dicit præterea exteriores observantias claustrales, ex institutione Sanctorum Patrum ordinatas, ad proximorum ædificationem, & ad virtutis internæ promotionem, custodiam & ornamentum. Attamen propriè loquendo præsens virtus, non est virtus, nisi merum virtutis signum; quod ubi habetur absq; suo significato, dicit ascetam non nisi secundum ipsam apparentiam & denominationem extrinsecam virtutis ac spiritualem. Idcirco S. Paulus discipulum suum Timotheum censuit admonere. 1. Tim: 4. Exerce te ipsum ad pietatem (id est applica te ad studia internæ virtutis) nam corporalis exercitatio (id est, applicatio ad studia externæ virtutis) ad modicum utilis est; pietas verò (largè sc. sumpta omnem comprehendens internam virtutem) ad omnia utilis est, habēs promissionē vitæ, quæ nunc est, & futuræ. Virtus autem *Interior* statuit finem suarum actionum, honestatem intrinsecam, expectantem præmium vitæ æternæ: cui opponitur dedecus culpæ, & omnis inordinatio mentis atq; obliquitas intentionis. Jam verò præsens virtus ex parte nominis sui, est quasi vis intus, virum tuens, & virens intus juxta D. Bonav: Est quidem virtus vis intus, multæ postulationi animæ rationalis exili-  
tūs do.

rūs donata: ad resistendum tentationibus & viti-  
orum moribus, & ad aggrediendum ardua pro  
imitatione Salvatoris nostri, ac majori nominis  
ejus gloria. Vel alias ad incedendum arctā viā,  
quæ nos ducit vestigiis Christi ad vitam cælestis  
patriæ. Est quoq; virum tuens, & virens intus,  
quia virtutis natura est, virum sibi addictum tu-  
eri ab omni labe recidivationis & lapsus in gravia  
peccata; ejusq; iugiter donis cælestibus virescen-  
tem reddere, vel alias præsentia sua decorare,  
illuminare, inflammare, & perfectum facere. Ex  
parte autem rei eadem virtus est, bonus animi  
habitus; atq; sanati affectus naturalis per gratiam  
DEI sanctificantem, motus ordinatus. *Vel item,*  
est bona qualitas mentis, cum gratia DEI justi-  
ficante illi veniens: quā animæ rationalis mala  
qualitas (vitium puta) debellatur: quā rectè ac  
ordinatè vivitur; quā meritum æternæ beatitudi-  
nis comparatur.

Dicendum, 2do. Quod Virtus interior, alia  
necessitatis & sufficientiæ dicitur eo quod de le-  
ge præcepti sit necessaria, & sufficiat ad vitam  
æternam consequendam, ideoq; communis est om-  
nium salvandorum. Alia supererogationis, & su-  
perabundantiæ dicitur, eo quod sit de lege consilij,  
ad majus meritum comparandum, & ad vitam  
gloriæ cælestis abundantiorē consequendam cæ-  
lestis ordinata. Ideoq; specialis ac propria bono-  
rum Religiosorum est, ac inde ascetica vocari so-  
let quia ut plurimum in asceterijs acquiritur &  
exercetur. Addicti quidem priori virtuti ex par-  
te abre-



te abrenuntiant mundo, per abnegationem videlicet principiorum illius pravae politicae, & consequenter secundum quid captivant seipfos, & in obsequium redigunt, compescendo pravae motus vitiorum suorum acquiritorum actibus nimirum suae virtutis. Addicti verò posteriori, ex toto abrenuntiant mundo, per abnegationem principiorum sui juris: & consequenter absolute captivant seipfos, ac imitationi Christi omnino addicunt, reprimendo pravae motus vitiorum suorum nativorum actibus suae virtutis.

Nota *1<sup>ma</sup>*. Quod principia juris pravae politicae tria habentur. *1<sup>um</sup> est*. Velle consequi licita (uti sunt bona honorabilia, utilia, & delectabilia) modo licito: quae ubi sic haberi non possunt, velle nihilominus interim ea consequi modo illicito. *2<sup>um</sup>*. Velle se defendere à malo (uti est contumelia, infamia, & quaecunque injuria) mediis licitis: quae ubi deessent; velle tamen interim defendere se mediis illicitis. *3<sup>ium</sup>*. Velle sua recuperare publicâ authoritate, aut alijs bonis modis; qui ubi non sufficerent ad ea recuperanda, velle tamen adhuc effectum interea consequendum adhibere modos inordinatos, & privatâ authoritate de inimico sumere vindictam.

Nota. *2<sup>da</sup>*. quod etiam principia sui juris tria habentur. *1<sup>um</sup> est*: Velle mediis non nisi honestis consequi bona, uti sunt Officia Ordinis, favores Superiorum & similia, suo statui & suis meritis competentia: contra illud consilium Christi. *Luc: 14.* Qui non renuntiat omnibus quae possidet

si et ( & consequenter qua assequi expetit ) non potest  
 meus esse discipulus. Et Matth: 16. Si quis vult post  
 me venire, abneget ( non solum ad se pertinentia , va-  
 rum & ) semetipsum , & tollat crucem suam ( ad-  
 versitatum ) & sequatur me in obedientia paupertate,  
 castitate, humilitate, & similibus. *adum* Velle  
 se non nisi publica auctoritate, modis alias ho-  
 nestis defendere ab infamia, & à quacunq; injuria  
 contra illud consilium Christi. Matth. 5. Si quis te  
 percusserit in dexteram maxillam tuam: præbe il-  
 li ( id est, sis paratus præbere & ) alteram. Et 1. Cor: 6.  
 Jam omnino delictum est in vobis, quod judicia  
 habetis inter vos, quare non magis injuriam ac-  
 cipitis? quare non magis fraudem patimini? *zrium*  
 Velle sua recuperare, uti est fama injustè ablata,  
 privatio alicujus officij injuriosa &c: non nisi pu-  
 blica auctoritate. Contra illud consilium. Matth:  
 5. Qui vult tecum judicio contendere, & tunicam  
 tuam collere; dimitte ei & pallium. Notandum, quod  
 habitus pravi vitiorum acquiruntur, & innatorum,  
 ( uti sunt habitus superbiæ, avaritiæ, luxuriæ, iræ,  
 gulæ, invidiæ, acediæ, ) hoc ipso inter se differunt;  
 quod hujusmodi habitus acquisiti, acquiruntur per  
 actus peccaminosos frequenter iteratos; & sequun-  
 tur falsum lumen rationis inferioris, principia pra-  
 væ politicæ improbis suis discursibus defendentis:  
 innati verò contrahuntur à parentibus una cum o-  
 riginali peccato, & sequuntur falsum lumen ejus-  
 dem rationis inferioris; quod discursibus suis con-  
 tradicit Christi Domini nostri consilijs, principia  
 defendendo sui juris.



*Nota 4<sup>ta</sup>.* quod nisi quis principia juris pravæ politicæ ut oportet abnegaverit; minimè motus vitiorum acqvisitorum superabit: & consequenter minimè via legis præcepti fideliter ac stabiliter incedet, ac virtutem necessitatis apprehendet atq; tenebit, sinè qua salutem cælestis patriæ nequam obtinebit. Item nisi quis principia sui juris abnegaverit minimè vitia nativa domabit: & consequenter minimè viâ legis consilij ut oportet ambulabit, & virtutem asceticam complectetur, sine cujus cultu ac studio in sua Religione quietè manere, atq; suæ vocationi ac Professioni satisfacere, prout debet non poterit.

*Nota 5<sup>ta</sup>.* quod sicut virtutes necessitatis una cum gratia iustificante cælitus donatæ, non acquiruntur secundum sui habitus intensiorem, nisi per sinceram atq; continuam mandatorum DEI observantiam; ita virtutes supererogationis, nisi per jugem ac diutinam consiliorum Christi custodiam. Et sicut Unum DEI præceptum sinè altero servari non potest ad meritum vitæ æternæ, juxta D. Iacob: c. 2. Quicumq; totam legem (præceptam) servaverit, offendat autem (eam) in uno (præcepto) Factus est omnium (præceptorum) reus. id est prævaricator: ita virtus sinè altera haberi non potest, nisi aliquid virtutis, seu virtus secundum quid, non vero absoluta. Nam inquit D. Bonav: in compen: Theol: veril: l. 4. c. 8. Connexæ sunt sibi virtutes (de gratuitis loquitur) & coordinatæ; ita ut qui unam habet, habeat omnes (puta ut alibi ait) in habitu, si non in actu,  
T quia

Dicendum *zuid.* Quod sicut omne vitium quadrupliciter haberi solet, in corde nimirum, signo, verbo, & opere (ut alibi explicabitur) ita etiam qualibet virtus ascerarum habetur quadrupliciter. *Imo.* quidem in corde (non in animali seu corporali, sed in spiritali) uti est intimum animæ rationalis, quod puta esse sedem potentiarum spiritalium; dum memoria nihil cogitat libentius quàm virtutem, id est, quàm obedire, humiliari, patienter injuriam ferre, castè vivere &c: dum intellectus nihil cogitat studiosus, quàm ea quæ sunt virtutis. uti est ipsius honestas, utilitas, divisio, gradus, acquirendi modus, &c: dum voluntas nihil ardentius appetit, quàm virtutis habitationem, conservationem, & autionem, in nulloquè magis delectatur, quàm in virtutis exercitio. *zdd.* Habetur in signo. Est autem signum veræ virtutis, morum temperies, decora vultus constitutio, benignus oculorum aspectus, linguæ modesta & circumspecta locutio, & omnium membrorum ac sensuum corporalium moderata ac religiosa compositio: necnon familiaritas cum viris spiritalibus, lectiones librorum spiritalium, vitatio vaniloquij, otii, ignaviæ, & societatis pravorum, atq; grata susceptio correptionum cum sui emendatione. *zuid.* Habetur in verbo: dum quis loquitur de se ipso submissa, de alijs verò laudabilia; & in familiari colloquio iudicium suum postponit alieno, dum etiam aslvescit bona aliorum narrare ad ædificationem audientium, & mala subterre ad vitandam diffamationem. Unde Fr: Mas-



sœus loquacem quendam monuit hujusmodi verbis:  
 Scito charissime, quod ille qui libenter consue-  
 vit narrare bona aliorum, si ipse malus est, cito  
 fiet bonus: si verò bonus est, cito fiet melior:  
 qui autem de moribus aliorum malis libenter lo-  
 quitur, si ipse bonus est, cito fiet malus; si verò  
 malus est, fiet continuo pejor. 4to. Habetur in  
 opere. Est autem opus virtutis, eruditio multo-  
 rum ad justitiam, ac impletio ejusdem justitiæ,  
 humiliatio, obeditio, injuriæ perpeſſio, pauperi-  
 bus possessionum erogatio &c.

Dicendum 4to. Quod Virtus quælibet ascetica  
 interior, tribus gaudet gradibus. In 1mo. gradu  
 ille est, qui habet virtutem in acquirendo, seu in  
 esse inchoato. Cui sæpè accidit, ut dùm habet  
 virtutem in ratione superiori, vitium in volun-  
 tate; & dùm habet virtutem in voluntate, habe-  
 at vitium in ratione; & dùm habet virtutem in  
 ratione & voluntate, habeat adhuc vitium in sen-  
 sualitate. Habere autem quis dicitur in ratione  
 virtutem, & in voluntate vitium: quando judi-  
 cat omninò sibi esse utilem atq; necessariam vir-  
 tutem ad obtinendam vitam æternam, sciens o-  
 mnia ejus requisita: voluntate nihilominùs deli-  
 berata, recusat interim ipsius exercitia, in poste-  
 rum ea differendo. Habere verò virtutem in vo-  
 luntate, & vitium in ratione aliquis dicitur, quan-  
 do voluntate amplectitur virtutem, libenter, obe-  
 diendo, aut mala sibi illata patienter ferendo, sed  
 Superiorem præcipientem judicat esse inhumanum  
 atque indiscretum; aut adversarium suum, homi-

nem esse malum minimè DEUM timentem, severe à DEO puniendum &c: Habere tandem aliquis dicitur in ratione & voluntate virtutem, attamen in sensualitate vitium: quando jam tota mente adhæret Christo, ejusquè virtutum studio diligenter incumbit, reluctante tamen Sensualitate; ex qua consurgunt non rarò motus tristitiæ, tædij, indignationis, alijsq; similes disciplinæ virtutum contravenientes. Hujusmodi autem vitia eorumq; pravi motus, non superantur à quoquam Religioso ut oportet, quamvis juri suo cedentè, nisi per exercitia meditationum asceticarum continua, per crebro ac instanter ad DEUM orationes jaculatorias, per studium internæ & externæ mortificationis assiduum, per actus Virtutum sæpè elicitos: quos necesse est, ut sint ad imitationem Christi, nominisq; ejus majorem gloriam destinati & charitate ferventes; nam sine hujusmodi directione mentis, & fervore charitatis (per actus videlicet materiales & remissos) non acquiritur virtus seu virtutis habitus (secundum Magistros Spirituales) nisi per actus formales & charitate ardentes. In 2do gradu ille est, qui habet virtutem in esse acquisito, seu in esse completo: quam habere aliquis dicitur, quando per multa virtutum exercitia, habitum cujuslibet virtutis, una cum gratia justificante donatum, DEO auxilium præstante proprio labore ac studio fecit sibi intentum: ita ut in ratione jam non audiat aliquem discursum vitio amicum, nisi virtuti addictum; & in voluntate non advertat virtuti aliquam reluctatio-



stationem, nisi amiceabilem affectionem, & in sensualitate pravos motus interdum consurgentes facilliter vincat solo etiam aliquando sui Spiritus imperio. Et ut labor ille qui in *imo.* gradu fuit sibi gravis ac difficilis in superando vicio & acquirenda virtute, tandem D E O juvante efficiatur levis, facilis, & amabilis, juxta D. *Aug.* Nullo modo onerosi sunt amantium (Christum scilicet ac ejus virtutem) labores, sed ipsi delectant: sicut venantium, piscantium, aucupantium, & cæterorum talium: in eo enim quod amatur, aut non laboratur, aut labor amatur. Et S. *Bernard.* Labor (in superandis vitiis & acquirendis virtutibus) vix est unius horæ; quod si plus, non sentio præ (Christi) amore. In *3tio.* gradu ille est, qui habet virtutem in esse excessivo, qualem is habere dicitur, qui scilicet tam secundum sensualitatem, quam secundum spiritum, in tantam devenit experientiam internæ pacis ac cælestium, frivis amationis, per diutina & studiosa virtutum exercitia, ut cuncta prospera hujus mundi experibilia & diligibilia, fiant illi detestabilia & averfabilia, tanquam occasionaliter mala, ac eâ causâ à Christo (*Isaia 7.*) reprobata; & è contrario omnia adversa ac mala sibi illata fiant illi amabilia & desiderabilia, tanquam occasionaliter bona, eaq; causâ à Christo electa, & ad ejus imitationem exercendam cælitus sibi (*Philip. 1.*) donata: unde sic superatis hujus mundi prosperis & adversis gaudens & jubilans, ac exultans, uti *Vicō.* in Christo occinere licitum habet *Psal. 83.* Cor

meum (id est, spiritus meus, qui alias cor ac intimum animæ rationalis dicitur) & caro (id est, sensualitas) mea, exultaverant (tantâ reportatâ victoriâ) in Deum vivum. Velut quippe excessu sui practico extra mundum & supra seipsum in Christo constitutus, ac in eum transformatus; non quidem secundum esse essenziale, sed secundû esse passibile, habituale, & actuale. Ut dicere possit illud *D. Paul:* *Gal: 2.* Vivo ego jâ non ego, Vivit verò in me Christus.

Dicendum. *310.* Quod omnes propter Christi imitationem semitis virtutum incedere cupientes cavere debent extrema earum, juxta *Deut: 5.* Non declinabitis neq; ad dexteram, neq; ad sinistram; cùm virtus in medio duorum extremorum consistat: quorum alterum dicitur defectus, alterum excessus. Unde *S. Basil:* Virtus est quædam inter excessum & defectum mediocritas.

*Nota inde.* Non quemlibet defectum & excessum esse malitiam seu vitium, sed solum à dextris & à sinistris ipsius virtutis constitutum: nam infimum virtutis, alias infimus gradus, quem Ascetæ vocant primum; dicit imperfectionem, atq; defectum ejusdem virtutis, respectu sui Superioris gradus: Supremum verò virtutis vel alias supremus ejus gradus, quem Ascetæ vocant tertium, dicit ejusdem virtutis excessum, seu ipsam virtutem in excessu; eò quod ita excedit in fervore, ut quidem ulterius procedere nequeat: eo quod defensorem amatoremq; sui excedere faciat modum ordinarium in defendendo Ascetis communiter usitatum, atq; recurrere ad actus extraordinarios



rios alias heroicos & excellentes, ac ipsi DEO (cujus instinctu speciali promoventur) gratissimos; quamvis passim non imitandos, sed admirandos. Talis fuit actus S. Benedicti, dùm in tentatione venerea pro tuenda castitate periculo se exposuit vitæ perdendæ, nihil æstimans totius corporis sui acutissimis spinarum aculeis lacerationem & compunctionem, & similiter S. P. Francisci.

His de virtute gratuita, & consequenter Ascetica in communi positis, jam in singulari de unaquaq; virtute dicendum venit; ac post modum de unoquoq; vitio hujusmodi asceticæ virtuti opposito. Primum quidem de virtutibus Fidei, Spei, & Charitatis, quibus DEO adhæremus & conjungimur; & vitium acediæ debellamus. Postea verò de virtutibus quibus imitamur Christum, uti est Charitas proximi pugnās contra invidiam. Obedientia & humilitas, expugnantes superbiam, Paupertas Evangelica, avaritiam extinguens. Castitas ascetica comprimens luxuriam. Patientia superans iram, Sobrietas, compescens gulam. Cæterum pro majori facilitate in progressu practico Virtutum, non incongruum videtur addere sequentia.

## M O D U S.

### *Practici exercitij virtutum.*

**A**ssumenda est quolibet anno, vel melius mensis, aliqua virtus in particulari spectanda, procuranda, promovenda, & aliquod vitium expugnandum. Itaq; ad initium Mensis. Imò Specialem præmitte devotionem & mortificationem pro

impetrandis auxilijs divinis: dicitur enim *Ioann: 15.* Sine me nihil potestis facere. Et *D. August:* Nostrum est velle, sed voluntas ipsa, & admonetur ut surgat, & sanatur ut valeat, & dilatatur ut capiat, & impletur ut habeat. *2do*, Diligenter perlege in hoc Tractatu Institutionem quæ erit de vitio illi virtuti (præsertim morali) opposito, quam intendis assumere. v. g. Vis assumere humilitatis exercitium, lege Institutionem 13. de superbia, benè advertendo an & qui ibidem descripti superbiæ gradus, actus, & signa reperiantur in te: ut sic teipsum agnosceas perfectissimè, quid in te lateat, sicquè displiceas tibi, & avertaris à vitio. *3to*. Concipere debes desiderium ferventissimum oppositæ virtutis, v. g. humilitatis; cuius desiderij motiva facile habebis perlegendo institutionem 10. de Virtute humilitatis, & specialiter commendationes illius virtutis. *4to*. Perlege gradus quibus & quomodo intenditur virtus, & actus propone exercendos per Hebdomadas Mensis, idq; juxta seriem descriptam ad finem cujuslibet institutionis de Virtute. Absolve etiam ad pulsus cujuslibet horæ, quamvis tenuiter reminisci propositæ virtutis, ac pij illius desiderij ad illam; certum numerum actuum ante & post meridiem eliciendorum tibi assignando. *5to*. In Recollectione Vespertina speciale instituas examen. an scilicet statim ab initio advertentiæ intellectus, primis motibus vitij illius resistiteris? An proposita tua de vitio minuendo, virtute augenda ad effectum deduxeris? An occasiones vitij mortificandi, virtutis exer.



ris exercendæ quasieris, vel oblatas libenter habueris? An determinatos actus elieueris? desideria ad pulsum horæ renovaveris? Si verò adverteris in his te defecisse, vel intermisisse; tunc si ex pura oblivione, vel urgenti aliqua causa omisisti, ea omninò indispensabiliter statim recompensa tot actibus, saltem in affectu & parato animò: si autem ex tepiditate neglexisti, eadem similiter repute, & insuper teipsum punias tot ictibus particularis disciplinæ vel alia proportionata illi vitio mortificatione, quor actus eliciendos omisisti; & renova proposita ac desideria Virtutis. 6to. Ultima die Mensis, specialius & universalius institue examen de exercitio præteriti mensis, & cum majori sui confusione, humilitatione, ac in pœnam sui aliqua extraordinaria mortificatione conclude.

## I N S T I T U T I O II.

### *De Fide.*

**D**icendum est 1mo. quod fides variè accipi solet apud Sacros Scriptores. 1mo. quidem pro fidelitate & sponfione, ut est *Ierem: 7.* Periit fides & Sanctus de terra: qui nimirum fideliter & Sanctè servet mandata DEI. 2do. Pro conscientia bonæ fidei quæ credit licitè aliquid esse faciendum vel omittendum. Ut est *Rom: 14.* Omne autem (factum vel omisum) quod non est ex fide, peccatum est. 3to. Pro facilitate credendi, ut est *Matth: 8.* Non inveni tantam fidem in Israël. 4to. Pro devotione ac fervore fidei, ut *Matth: 15.* O mulier magna est fides tua. 5to. Pro actu excellenti.

Ut

Ut *Luc: 7.* Fides tua te salvum fecit. 6to. Pro ob-  
 jecto materiali, id est pro articulo fidei. Ut est  
*in Symb: S. Athan:* Fides autem Catholica (quo ad  
 istum articulum) hæc est. Ut unum DEUM in  
 TRINITATE, & TRINITATEM in Unitate Veneremur.  
 7mo. Pro objecto formali, ut *Galat: 3.* Prius autem,  
 quam veniret fides (id est, Christus qui auctor  
 fidei dicitur *Hebr: 12.*) Sub lege consistebamur  
 conclusi, in eam fidem, quæ (per Christum & ejus  
 Apostolos) revelanda erat. Objectum enim for-  
 male fidei est autoritas Christi, ut est verax DE-  
 US cum Patre & Spiritu S. vera sc. ac certa & in-  
 fallibilia Ecclesiæ suæ revelans, & ad credendum  
 proponens. 8vo. Pro fide informi, id est, pro fide  
 peccato mortali deformata. Vel item pro fide,  
 gratia DEI, seu charitate destituta: sicut enim  
 anima rationalis est forma corporis, dans homini  
 esse, vivere, & vitaliter operari, ita charitas est  
 forma fidei, dans ei vitam, ac esse gratuitum &  
 meritorie operari 9vo. Pro fide formata, quæ alias  
 per charitatem, ut est *Gal: 5.* operatur. De ea est  
*Hebr: 11.* Sine fide (charitate formata) impossi-  
 bile est placere DEO. Et *Rom: 1.* Justus ex fide  
 (formata scilicet charitate) vivit. Unde est, quod  
 anima rationalis, non per quamcunque fidem  
 justificatur, sed solummodo per formatam; & con-  
 sequenter per eammet satis rectificatur, ac DEO  
 plene conjungitur, tam secundum intellectum, quam  
 secundum voluntatem. 10. Fides sumitur pro fi-  
 ducia, & vocatur fides miraculorum: estq; illa,  
 quæ in gravi & urgenti aliqua necessitate calitus  
 mota



mota in sui sursum actione, DEUM affectuosissimè & confidentissimè orans, firmiter credit posse & velle id cum fideliter facere pro maiori gloria nominis sui, quod veraciter promisit se facturum. Ut est *Marci 11*. Habete fidem: amen dico vobis, quia quicumq; dixerit huic monti tollere, & mittere in mare, & non hæsitaverit in corde suo, sed crediderit; quia quodcumq; dixerit fiat, fiet ei. Propterea dico vobis, omnia quaecumque orantes petitis, credite quia accipietis, & evenient vobis. II. accipi solet pro habitu infuso tam infantibus quàm adultis, & pro actu ex huiusmodi habitu per intellectum elicitò. De hac fide *Act. 15*. Fide purificans corda eorum. Jam autem huiusmodi fides est Virtus Theologica ac supernaturalis à DEO infusa: per quam firmiter assentimur ob DEI authoritatem quæ à DEO revelata sunt Ecclesiæ Matri nostræ, & ab eadem Ecclesia Catholica ad credendum nobis proponuntur, propter salutem vitæ æternæ obtinendam, juxta *1. Petr. 1*. Reportantes finem fidei vestræ, salutem animarum vestrarum.

Dicendum 2dò. Quod ex propositis ad credendum alia necessario credenda sunt, ad obtinendam salutem de necessitate medij. Alia de necessitate præcepti. De necessitate medij oportet credere Mysterium Sanctissimæ TRINITATIS Unius DEI, & Incarnationem Consubstantialis Filij DEI, secundum totam descriptionem Symboli Apostolici, & S. Athanasij; ita necessario, ut sine huiusmodi articulorum fide nemo salvetur, quamvis creden-

credendorum habeat invincibilem ignorantiam. De necessitate præcepti, oportet credere septem esse Sacramenta, decem DEI præcepta. Determinationes Ecclesiæ S. de primatu Romani Pontificis Oecumenici, Vicarij Christi, ac legitimi Successoris Petri Apostoli, de invocatione Sanctorum, de Veneratione Reliquiarum, & Sacrarum Imaginum, de purgatorio animarum &c: Hæc tamen si actu elicitæ fidei ab aliquo non credantur ob ignorantiam invincibilem, non impediunt eum, quin obtineat salutem æternam. Non sufficit autem hujusmodi articulos fidei credere implicita fide, ad obtinendam vitam cælestis Patris; sed necesse est fide explicita eos credere. Fides implicita illa est, quæ fidei veritates creduntur in Universali, vel in aliquo principio communi. Ut cum quis credit ea omnia, quæ continentur in Symbolo Apostolorum, absq; eorum aliqua cognitione distincta, Vel cum quis credit indiscriminatum, quæcunq; tenet Ecclesiæ Universalis. Fides explicita illa est, quæ creduntur articuli fidei in se ipsis, separatim sc. apprehensi.

Dicendum præterea. Quod fides Theologica, ut est Ascetis usitata, indeq; ascetica appellata à Spiritualibus Magistris in Practicam & Anagogicam distinguatur. Practica fides illa est, quæ operatur bona per charitatem sibi conjunctam de qua est. *Galat. 5.* In Christo JESU neq; Circumcisio aliquid valet neque præputium, sed fides, quæ per charitatem operatur. Hæc deinde fides Practica, alia est, *necessitatis*, quæ de lege præcepti est necessaria



cessaria ad vitam æternam per bona opera conse-  
 quendam: quibus quidem operibus insitit, dùm  
 aversatur mala in se, quæ credit sub æterna da-  
 mnatione esse sibi fugienda; uti sunt peccata mor-  
 talia, & eorum proximæ occasiones: dùm facit  
 bona, quæ credit esse sibi imperata cum promissi-  
 one salutis æternæ; uti sunt. Observantia præ-  
 ceptorum DEI. & (quæ haberi possunt) operum  
 pietatis: dùm suffert adversa, quibus resistere ne-  
 quit absq; DEI offensa. Alia est *supererogationis*,  
 quæ est de lege consilij habens meritum abundan-  
 tioris vitæ ex operibus supererogatorijs: his insi-  
 tit: dùm fugit hujus mundi honores, possessiones  
 & voluptates, quæ credit fugienda esse de consilio  
 Christi, uti occasionaliter mala: dùm facit bona  
 superabundantiæ, quibus credit se imitari Chri-  
 stum: dùm quæcunq; adversa libenter patitur pro-  
 pter Christi majorem gloriam, quæ credit Chri-  
 stum, velle se eatenus pati. Hæc autem practi-  
 ca fides posterior, propriè ascetica dicitur; illa  
 verò prior impropriè, uti communis tam ascetis,  
 quàm alijs quiscunq; fidelibus. *Anagagira* fides,  
 vel alias sursum ductiva, ac sursum activa illa  
 est, quæ ab Ascetis vel maximè exercetur in O-  
 ratione mentali: dùm actu elicito ac elevato cre-  
 dunt DEUM: credunt DEO, & credunt in-  
 DEUM, juxta *Habr.: ii.* Credere oportet acce-  
 dentem ad DEUM: quia est (unus sc: in sub-  
 stantia, & Trinus in Personis, ac item infinitè po-  
 tens, sapiens, bonus, misericors, justus, immen-  
 sus) & inquantibus se remunerator. Hæc dein-  
 de si.

de fides anagogica, alia est *communis* omnium scilicet fidelium, ac præsertim iustorum, atque salvandorum propria: quæ in sui elevatione credendo credenda ut oportet, satis habet si apprehendat DEUM, ac ejus veritates modo simplici sub conceptu scilicet crassiore ac rudiore. Alia *specialis* contemplativorum propria: & hæc alia habetur vestita, alia nuda. *Vestita* fides illa est, quæ repræsentat DEUM quodammodo vestitum, obscuratum, & picturatum coloribus, umbris, speciebus, formis, ac similitudinibus creaturarum. Unde talis fides, non aliud est, quam visio DEI ac divinorum in speculo & ænigmate. Connaturalis enim modus est menti humanæ, ut DEUM non nisi per speculum creaturarum, & per ænigmata perfectionum mundanarum percipiat & intueatur. *Nuda* fides, vel alias pura, illa est, quæ supra modum humanum, repræsentat nudam ac puram DEI essentiam seu præsentiam: ac idem est, quod visio nudæ veritatis divinorum ac puræ DEI præsentia.

Dicendum 4to. Quod fides ascetica, non distinguitur hoc loco in fidem practicam & anagogicam, tanquam in duo capita, uti sunt fides humana, & divina sed distinguitur tanquam una eademque fides divina in duo officia: quorum alterum exercet, quando sursum agit in DEUM, una cum spe & charitate: alterum vero, quando deorsum communicat se & cōoperatur cunctis virtutibus moralibus, quarum etiam imperat actus. Cujus quidem Asceticæ fidei tres habentur gradus. *Imus* gradus



dus est, quando aliquis firmiter & affectuosè credit DEUM, credit DEO, & credit in DEUM (per aliud sc: aspiciendo ejus divina: *id est*, per alias veritates magis notas percipiendo fidei Myſteria, ſicuti fieri ſolet in aſcetica meditatione) propter ſe (*id est*, propter ſui auctoritatem) & ſupra omnia, *ut pote* credibilia & intelligibilia: quia fides certior eſt omnibus credibilibus & cunctis veritatibus intellectualibus, ex parte nimirum cauſæ, *id est*, verbi DEI, quod certius eſt uni- verſis veritatibus; quamvis ex parte ſubjecti, *id est*, intellectus noſtri, non item; eo quod plenius per- cipiat objecta aliarum veritatum: & inde eſt, quod facile dubitat in fide & errat, niſi alias plenè capriveretur in obſequium DEI, Sanctæq; illius Ec- cleſiæ. *2dus* eſt, quando quis credit DEUM, credit DEO, & credit in DEUM, propter ſe, & ſupra omnia, ſimpliciter jam credibilium myſteria per- cipiendo, ſicuti fieri ſolet in contemplatione or- dinaria. *3tus* gradus eſt, quando aliquis credit DEUM credit DEO, & credit in DEUM, pro- pter ſe, & ſupra omnia, nudam ac puram DEI præſentiam & credibilium apprehendendo, quod fit in contemplatione extraordinaria. Ubi præ- ſens fides, jam ſuperatis omnibus humanis ratio- nibus, jam abnegatis omnibus experiencijs gratiæ ſenſibilis & jam rejectis uniſerſis divinis imagi- nibus internis humana activitate effectis ipſi DEO incomprehenſibili, fonti nimirum ac exemplari ſuo, tanquam radius ſoli, à quo emanat, inſigitur. De hac fide Joannes Thaulerus. *Inſtit. c. 8.* ſic ait:

Nuda

Nuda puraq; fides hujus est exilij: scire vero & intelligere futuro sæculo debentur. Vere præclara res est, fides nuda: nuda inquam, non quæ bonis operis destituta sit: sed quæ nihil scire, nihil sensibilis consolationis experiri appetat. Gaudere deberent DEO militantes, quod saltem nudam, ac puram fidem absq; omni cognitione habere possent: nam quo fides purior, simplicior, nudior est, eo vel centuplo laudabilior; nobilior, magisq; meritoria est. Hinc deinde est, quod credere DEUM aliquis dicitur, quando credit eum esse unum, in essentia, & Trinum in Personis, necnon Creatorem, Salvatorem, Remuneratorem: itemq; Omnipotentem, summè Sapientem, & summè bonum: imo etiam; dum credit eum esse ubiq; per potentiam, & essentiam. Credere quoq; DEO aliquis dicitur, quando credit verbis ejus per Ecclesiam erroris insciam nobis propositis & explicatis. Credere tandem in DEUM dicitur, secundum D. Anselmum in *Epist: ad Roman: c. 4.* quando credendo amat eum, credendo it in eum, credendo adhæret ei, & credendo membris ejus incorporatur. Credendo quidem aliquis amat DEUM & credendo it in DEUM, quando fides ejus adjunctam habet charitatem: nam fides sine charitate informis est ac mortua, quapropter non potest in DEUM tendere non formata charitate. Unde est, quod credere DEUM & credere DEO possunt esse actus informis fidei, & formatæ; sed credere in DEUM, ipsius nonnisi formatæ fidei est. Credendo autem adhæret DEO, quando nullo un-



lo unquam hæresis errore ab eo separatur, ac semper in ejus gratia vivit, nunquam per aliquod peccatum mortale ab eo recedens. Credendo denique, membris DEI mysticis incorporatur: quando per charitatem dilectionis mæuæ, DEO, tanquam Capiti mysticorum membrorum conjungitur.

*Nota* autem, quod credere DEUM, credere DEO, & credere in DEUM (*juxta D. Thomam*) non sunt tres actus diversi, sed unus, habens tres relationes ad objectum, vel unus tripliciter distinctus, ob diversum ordinem ad objectum, quia intellectus noster fide formatus, tripliciter potest ferri in DEUM: *1<sup>mo</sup>* cum fertur in DEUM, ut in Objectum materiale, & sic credit DEO *2<sup>do</sup>* cum fertur in DEUM, ut in objectum formale, & sic credit DEUM. *3<sup>to</sup>* cum fertur in DEUM, ut in ultimum finem, & sic credit in DEUM.

Dicendum *scd.* Quod fides Orthodoxa, consequenter ascetica, manet inter quædam vitia omnino vitanda, quorum alia sunt à sinistris secundum defectum, alia à dextris secundum excessum. Fides vitiosa secundum defectum multiplex habetur. *1<sup>a</sup>* quidem ficta dici solet, de qua illud *1. Tim. 1.* Finis præcepti & charitatis de corde puro, & conscientia bona, & fide non ficta. Idem autem est ficta fides, quod fictilis, fragilis, ac instabilis in suis propositis, seu bonis inchoatis, & facile deficiens in adimplendo suæ vocationis adimplenda. *2<sup>a</sup>* dicitur Modica, quæ in periculo corporis aut animæ facile dubitat de auxilio DEI

opportuno cælitùs obtinendo, de qua est *Matth: 14.* Modicæ fidei quare dubitasti. 3<sup>ta</sup>. dicitur Infirma, quæ segniter attendit profectui in vita spirituali, donec retro aspiciat. De hac fide est *Rom: 4.* Et non infirmatus est in fide. 4<sup>ta</sup>. dicitur mortua, quæ non operatur ea per charitatem, quæ operari tenetur, ex obligatione legis æternæ. De qua *Iacobi 2.* Sicut Corpus sine spiritu mortuum est, ita fides sine operibus (ex charitate provenientibus) mortua est. 5<sup>ta</sup>. dicitur hæsitans atque diffidens, de qua illud est *Roman: 4.* In promissione DEI non hæsitavit diffidentia. 6<sup>ta</sup>. Fides vitiosa secundum defectum dicitur fallibilis, quælis est humana, quæ credens credenda divinitus revelata, potius persuasioni humanæ ac rationi, innititur, quàm auctoritati Universalis Ecclesiæ, cui Christus promisit se præsentem esse ulquè ad consummationem sæculi. De hac fide 2. *Tim: 3.* Erunt homines semper discennes, & nunquam ad scientiam veritatis pervenientes, corrupti mente, reprobi circa fidem, sed ultra non proficient. Fides vitiosa secundum excessum illa esset: ubi crederet aliquis ea in particulari, quæ credenda sunt in universali. Vel ubi crederet absolute, quæ alias credenda sunt conditionatè; uti est dùm quis credit, quod DEUS æternè benedictus ob solam suam infinitam misericordiam, & ob meritum solius fidei; nondum aliquam cum charitate connexionem habentis, omninò dimiserit sibi peccata. & quod statim post obitum certissimè donabit animæ suæ vitam æternam.

Item



Item illa esset fides vitiosa secundum excessum, si quis aliqua verè à DEO revelata esse temerè ac præcipitanter crederet, antequam moveretur ad credendum aliquibus testimonijs fide dignis: nam dicitur *Eccles; 19* Qui credit cito, levis est corde. Testimonia autem fide digna, seu moventia ad fidem veram sunt. Tùm Prophetiarum gravitas, & oracula Sybillarum. Tùm S. Scripturæ dignitas, Tùm doctrinæ Apostolicæ efficacia. Tùm Evangelij propagatio per homines valde simplices. Tùm multitudo miraculorum, in veteri & novo testamento. Tùm Confessiones Martyrum innumerabilium. Tùm successio Summorum Pontificum, & aliorum Episcoporum. Tùm veracitas Doctorum. Tùm deniq; auctoritas S. Ecclesiæ Matris nostræ, quæ Spiritu S. regitur & gubernatur usq; ad consummationem sæculi.

## EXERCITATIO & ACTVS FIDEI.

*Hebdom: 1.* Complacentia in vocatione ad tam Sanctam, rationi convenientissimam fidem Catholicam Prophetijs, miraculis, Sanctitateq; scætorum ejus commendatissimam.

*Hebdom: 2.* Visitare frequentius, quàm alias Venerabile Sacramentum, devotiùs colendo Cruces, Imagines cum actuali reflexione.

*Hebdom: 3.* Desiderium conversionis Ethnicorum, Judæorum, Hæreticorum, simul cum compassione cæcitatæ eorum.

*Hebdom: 4.* Mens resoluta pro veritate fidei, qualvè afflictiones, etiam mortem subeundi: considendo, quod daret DEUS gratiam, in illo casu,

## I N S T I T V T I O III.

*De Virtute Spei.*

**D**icendum est *Imò*. Quod Spes varie accipi so-  
 let apud Sacros Scriptores. *Imò*. quidem pro  
 habitu infuso: & hæc Spes habitualis non habet  
 ortum ex meritis, siquidem infantibus ante om-  
 nia merita in collatione baptismi cælitus infundi-  
 tur. *2dò*. Pro actu elicito: & hæc spes actualis  
 oritur ex intuitu meritorum. Non enim rectè  
 se sperat ad beatitudinem perventurum, nisi qui  
 DEO servit ut oportet, vel servire efficaciter pro-  
 ponit. *3tò*. Spes accipitur pro objecto formali,  
 quod est ipse DEUS, quæ summè bonus atq; li-  
 beralis & fidelis in reddendo promissa, juxta  
*Psal: 141*. Clamavi ad te Domine, dixi: Tu es  
 spes mea, portio mea in terra viventium. *4tò*. Pro  
 objecto materiali, quod est ipsa res sperata juxta  
 illud *ad Tit: 2*. Sobrie & justè, & piè vivamus in  
 hoc sæculo expectantes beatam spem, *id est*, vi-  
 tam æternam. *5tò*. Accipi solet pro spe primæ au-  
 thoritatis tam absoluta, quàm respectiva, Spes pri-  
 mæ autoritatis absoluta illa est, quam simpliciter  
 immediatè ac ultimate ponimus in solo DEO,  
 tanquam in prima causa, & summo largitore o-  
 mnium bonorum præsentis ac futuri sæcu-  
 li, juxta *Psal: 30*. In te Domine speravi non  
 confundar in æternum. Respectiva illa dicitur  
 quam ponimus in Cruce Christi (dicentes cum  
 tota Ecclesia: O Crux ave spes unica) non qui-  
 dem terminativè sed referribiliter ad Christum,  
 quem



# INSTITUTIO III. 317

quem ipsa Crux repræsentat *6id.* Pro spe: quam quidem ponimus *1md.* in Beatissima VIRGINE MARIA, tanquam in principali Advocata & Patrona nostra post Christum dicentes cum tota Ecclesia: Salve Regina &c: & Spes nostra Salve. *2dd.* in Sanctis, qui memores sunt nostri coram DEO in cælis, juxta 2. *Petr.* 1. Dabo operam, & frequenter habere vos post obitum meum, ut horum memoriam faciatis. *3tio.* In omnibus justis adhuc militantibus, quorum intercessionibus pro nobis, sunt DEO gratæ, juxta *Iac.* 5. Multum valet deprecatio justis assidua.

Dicendum. *2dd.* Quod spes primæ authoritatis absoluta, est virtus supernaturalis ac Theologica cælitis infusa, per quam certò infallibiliter expectamus bona spiritualia & æterna, à DEO nobis promissa ac conferenda pro bonis operibus in gratia ejus Divina patratist: hæc autem spes ut est communiter ascetis usitata, quamvis sit simplex atq; essentialiter indivisibilis; respectu tamen suorum officiorum, dividitur in practicam & Anagogicam. Spes *practica* insistit studiosè operibus meritorijs, de qua *Tob.* *2dd.* Ubi est spes tua, pro qua Elécmosynas & sepulturas faciebas. Hæc deinde spes, alia dicitur. *Necessitatis* eo quod sit de lege præcepti necessaria, salvandis omnibus: cujus puta esse actus, declinare à peccatis mortalibus, mandata DEI observare, aduersa inevitabilia patienter ferre: propter evitanda mala reprobis destinata, & obtinenda bona spiritualia ac æterna justis promissa, & certò conferenda. Alia dicitur

*Supererogationis* de lege consilij, habens rationem majoris meriti, de hac spe illud est *Psal: 4.* Quoniam tu Domine singulariter in spe constituisti me. Quemadmodum autem spes necessitatis fugit malum (ut potè mortalis culpæ) propter pænam æternam: operatur bonum sufficientiæ, propter meritum: sustinet patienter adversum: propter vitæ æternæ præmium: ita spes supererogationis fugit malum culpæ venialis, propter pænam purgatorij: operatur bonum superabundantiæ, propter majus meritum: & sustinet cum gaudio adversum, propter majus præmium. Spes anagogica illa est, quæ sursum ducitur seu elevatur in DEUM. cujus est actus. *Psal: 7.* Domine DEUS meus in te speravi, salvum me fac ex omnibus persequentibus me, & libera me. Hæc deinde alia est *communis* alia *specialis*. Communis propria est omnium salvandorum, quam habet aliquis, dùm ipso actu mente in DEUM elevata, sperat peccatorum suorum primam veniam, propter Christi pro illis summam Contritionem ac satisfactionem, & ob suam propriam illorum plenam detestationem; & primam gratiam (quæ est principium merendi, seu causa meritoriarum nostrarum actionum) propter infinita Christi merita; & ob suam propriam in necessarijs ejus imitationem: necnon primam gloriam, propter Christi adversitatum perpeffionem; & ob suam illi aliquam compassionem. Spes anagogica specialis, propria est contemplativorum, quam habet aliquis, dùm erectus in DEUM, ipso actu sperat in illo;



### I N S T I T U T I O III. 319

in illo, expectans ab eo secundam veniam, secundam gratiam, & secundam gloriam, *id est*, veniam peccatorum venialium, aut etiam veniam cuiuscunq; pænæ, augmentum gratiæ, & maiorem gloriam: & hoc propter fugam occasionis remotæ mortalium peccatorum, ac abominationem suæ propensionis ad venialia: propter adhesionem operibus supererogationis; & propter magnarum adversitatum perpeffionem ad imitationem Christi. De spe veniæ primæ illud est *D. Aug:* Merito mihi spes valida in illo est, quod sanabis omnes languores meos, per eum qui sedet ad dexteram tuam, & interpellat pro nobis, alioquin desperarem: multi enim & magni sunt languores mei, sed major est medicina mea.

De spe secundæ veniæ innuitur tacitè, eodem dicitur *Luc: 8.* Dimittite (*offensam proximo vestro seu culpam, & penam simul pro offensa*) & dimittimini. Eadem quippe mensurâ, quâ mensi fueritis, remerietur vobis.

De spe primæ & secundæ gratiæ innuitur *Ioann: 15.* Jam non dicam vos servos (*id est, homines primæ meæ gratiæ*) quia servus nescit quid faciat Dominus ejus. Vos autem dixi amicos (*id est, homines secundæ seu majoris meæ gratiæ*) quia omnia quaecunq; audivi à Patre meo, nota feci vobis.

De spe primæ & secundæ (*id est majori*) gloriæ innuitur *Ioann: 10.* Ego veni, ut vitam habeant, & abundantius habeat. Unde *S. Greg:* Tanto spes solidior in DEUM surgit, quanto pro illo quisq; graviora pertulerit: quia nequaquam retributionis

U<sub>6</sub>

gaudium

gaudium de æternitate colligitur, quod non hic prius, pia tribulatione seminatur.

Dicendum. *3<sup>id</sup>*. Quod gratia DEI prima nimirum & secunda, alia est *habitualis* alia *actualis*. Habitualis quidem est infusa, inhærens animæ justæ permanenter, quæ alias dicitur gratia *gratum* faciens, tam hominem, quàm ejus quodlibet opus honestatem internam supponens ac item dicitur gratia justificans, & gratia sanctificans: quia in quantum est prima, hominem peccatorem peccata sua propter offensam solius DEI serio de testantem facit justum ac sanctum; in quantum autem est secunda, facit justum operibus justitiæ ipso actu addictum, magis justum, magisq; sanctum juxta *Apoc. 22*. Qui justus est, (prima justificatione) justificetur adhuc (secunda justificatione) & Sanctus Sanctificetur adhuc. Actualis gratia DEI, transeunter se *sc.* habens. est auxilium DEI speciale datum homini ad finem supernaturalem æternæ beatitudinis consequendum. Prima quidem hujusmodi gratia dividitur in *Prævenientem* & *Concomitantem*. Præveniens gratia est pulsus divinus retrahens animam à peccando, & pertrahens, ad insequendum bonum; qui vulgo dicitur inspiratio piæ cogitationis & affectionis disponēs proximè liberum arbitrium ad perfectum consensum liberè præstandum. Eadem gratia vocati solet operans & excitans: quia DEUS præveniēdo liberum arbitrium sua inspiratione operatur in eo posse, velle operari meritoricè, & excitat illud quasi somno pressum ad pie ut oportet agen.



### I N S T I T U T I O III. 321

agendum. Concomitans gratia est auxilium. **DEI** speciale currens, cum libero arbitrio, atq; cum illo. efficiens, plenum ac liberum consensum ad pie meritorieq; agendum. Eadem gratia vocari solet còóperans & adjuvans: quia còóperatur libero arbitrio in electione boni & reprobatione mali, adjuvatq; illud non solum ut possit se ad salutaria opera extendere, sed etiam, ut efficaciter extendat. Secunda gratia actualis, dicitur subsequens, quæ idem est, quod donum finalis perseverantiæ in studiis justitiæ continuandis in vera ad **DEUM** conversione apprehensis. Vel quoq; idem est, quod donum confirmationis in bono inchoatio divinitus justis impensum, quod habere cupiebat David cùm oraret **DEUM** *Psal: 50.* Spiritu principali confirma me. Hujusmodi autem donum alias multis orationibus impetratum cælitus possidentes specialiter à **DEO** amantur, illuminantur, inflammantur, castigantur, in studio virtutum promoventur, & in tentationibus atq; advesitatibus proteguntur. Utramq; hanc speramus gratiam, orantes cum tota Ecclesia Dominum **DEUM**. Tua nos Domine gratia quæsumus semper & præveniat & sequatur, ac bonis operibus præstet esse intentos. Per Christum Dominum nostrum. Amen. In spe autem hujusmodi gratiæ constituti, cuncta elicimus bona proposita & vota nostra coram **DEO** profiteamur. juxta *D. Aug:* Non sitis pigri ad vovendum; non enim viribus vestris implebitis; si in vobis confiditis, deficietis; si autem in illo cui vovistis, vovete securi, reddetis.

Dicen.

Dicendum *4to*. Quod spes ascetica tres habet gradus. *Primus est*, quando eadem spes secundum utrumq; suum officium habetur in acquirendo: talis autem habetur, ubi quisquam ipso actu spei in DEUM extensus, cuncta sperabilia (bona sc: spiritualia ac æterna cælitus justis promissa) ferventer amat, habens desiderium tandem aliquando illa possidendi. *Secundus est*, quando eadem spes practica nimirum & anagogica habetur in esse acquisito: talis autem habetur, cum aliquis ipso actu spei in DEUM elevatus, cuncta sperabilia, cum radiosæ expectationibus, quàm primum consequi desiderat, juxta illud *Richardi*. Amanti (bona videlicet cælestia) omnis mora nimis longa videtur, expectatio onerosa: clamat cum *S. Iob*. Tædet animam meam vitæ meæ. *Tertius est*, quando eadem spes habetur in excessu, seu secundum excessum, talis autem habetur, cum aliquis perfectè Christo Unitus, ac rursus actu spei in DEUM elevatus, tota sui cordis efficacia cupit protinùs mori, quamvis per dira tormenta, statimq; esse cum eodem Christo in cælesti gloria, juxta *D. Paul: Philipp. 1*. Cupio dissolvi, & esse cum Christo.

Dicendum *5to*. Quod spei asceticæ opponuntur vitia maximopere vitanda, quædam secundum defectum, quædam verò secundum excessum. Spes vitiosa secundum defectum illa est. *Imò*. quæ caret fundamento, vel alias habitu infuso fidei: nam *S. Paul: ait Hebr: 11*. Fides est sperandarum substantia rerum; *id est*, fides est basis ac fundamentum



# INSTITUTIO III. 321

mentum spei. *Ibidem paulo inferius*; sine fide impossibile est (*aliquam Virtutem, aliquemq; hominem*) placere DEO. Huiusmodi autem Spes vitiosa, propria est quorumcunq; infidelium: quæ alias dicitur affectio naturalis, significans suspensionem & appetentiam futurorum bonorum fidelibus iustis cælitus promissorum. *add.* Illa est, quæ non formatur charitate, unde *S. Bernard*: Sunt qui sperant in Domino, sed frustra: quia sic de misericordia DEI blandiuntur sibi ipsis, ut à peccatis non emendentur, vanà est omnino spes ista, & hæc confundit, eo quod charitas desit, *3id.* Illa est, quæ sperat bona æterna ob merita futura; de qua illud: *Prov: 14.* Non habent (ut habere oportet) futurorum spem mali: lucerna (id est reliquum spei) impiorum exstingvetur. *4id.* Illa est, cui apponitur vitium desperationis. Idem autem est desperatio; quod voluntas diffidens de auxilio DEI opportuno ad perficiendum bonum inchoatum: aut de remissione peccatorum, ex indiscreta apprehensione severitatis iustitiæ Divinæ proveniens: indeq; omne officium iustitiæ Christianæ permittens. Vitium secundum excessum spei iustorum oppositum, puta esse præsumptionem. Idem autem est præsumptio quod confidentia immoderata consequendi iustitiam & beatitudinem æternam viribus naturæ. Vel etiam ob sola

Christi merita absq; nostris meritis.

## EXERCITATIO SEU ACTVS SPEI.

*Hebdom: 1.* Omnem pusillanimitatem, timorem etiam atrocissimarum tentationum, magnanimiter excute.

excutere, per spem in DEO, qui sperantes in se non confundit; estq; simul sapientissimus, potentissimus & nostræ salutis infinitè amantissimus.

*Hebdom: 2.* Desperare de proprijs viribus habendo jam experientiam tot suorum lapsuum, etiam post firmissima propofita.

*Hebd: 3.* Erectio animi, ex consideratione, quia pro nobis Christus orat, Beatissimâ VIRGO, SS. Angeli, & tota Ecclesia militans & triumphans.

*Hebdom: 4.* Desiderium cum humillima Oratione pro dono finalis perseverantiæ, & desiderium flagrantissimum æternæ beatitudinis.

## INSTITVTIO IV.

### De Charitate DEI.

**D**icendum est Imò. Quod charitas varie accipi solet apud Sacros Scriptores. Imò. quidem pro Objecto tam sc: materiali quàm formali. Objectum charitatis *materiale* primum est ipse DEUS; Secundarium verò omnia alia quæ amari possunt propter DEUM. *Formale* autem primum est Bonitas divina essentialis: Secundarium verò quælibet alia perfectio DEI, secundum quam concipitur quando amatur, & propter quam amatur. De materiali quidem Objecto est 1. Ioann: 4. DEUS charitas est, & qui manet in charitate in DEO manet, & DEUS in eo, De formali autem est illud S. Matris Ecclesiæ: Qui diceris Paraclitus (cui bonitas attribuitur) Altissimi donum DEI, fons vivus, ignis, charitas. Verum.



# INSTITUTIO IV. 325

xdm autem est, quod eadem bonitas divina sit eti-  
 am Objectum Spei sicut & charitatis, sed diver-  
 so modo. Nam voluntas nostra, ut habet affe-  
 ctionem commodi, perficitur Spe respectu DEI,  
 quem amat amore concupiscentiæ ob ejus bonita-  
 tem infinitam in bonis, secundum quam promif-  
 sionem vitæ æternæ ab eo expectamus: ut autem  
 habet affectionem justitiæ, perficitur charitate re-  
 spectu DEI: quem amat ut verè dignum est, &  
 iustum amore amicitiae, ob ejus bonitatem in se,  
 absquè ullo respectu proprii commodi: uti est vi-  
 ta æterna in promissione. *add.* accipi solet pro  
 fervore dilectionis. *ut Lut: 7.* Dimissa sunt ei  
 peccata multa, quoniam (charitate) dilexit mul-  
 tum. *32id.* pro signo ut *Ioann: 15.* Majorem hac di-  
 lectionem (charitativam) nemo habet, quàm  
 ut animam suam ponat quis pro amicis suis. *42d.*  
 pro habitu infuso, & actu ex eo per voluntatem  
 elicito, ut est, *Rom: 5.* Charitas DEI diffusa est  
 in cordibus nostris per Spiritum Sanctum qui da-  
 tus est nobis. Jam autem huiusmodi charitas, est  
 virtus Theologica supernaturalis ac infusa, quâ  
 DEUM diligimus ut infinite bonum supra om-  
 nia diligibilia. *apliciter.* autem potest quis diligere  
 DEUM supra omnia: Appretiative nimirum,  
 extensive, & intensive. Appretiative quidem dili-  
 git quis DEUM supra omnia, quando infinite  
 pluris æstimat illum in amando, quam cuncta ama-  
 bilia. *Extensive.* autem, quando quis diligit DE-  
 UM, non solum ut est infinite bonus in se, &  
 in nobis; Verùm etiam ut est infinite potens, in  
 finitè

finire sapiens &c. tam ad intra, quam ad extra, vel alias, tam in se, quam in Creaturis. *Intensivè* tandem, quando quis diligit illum ferventiùs ac intimiùs, quàm cuncta diligibilia. Vel potiùs quando nihil præter illum solum diligit; omnia verò non nisi propter ipsum, & in ipso amat.

Dicendum 2dò. Quod charitas & gratia habitualis semper sunt à Spiritu Sancto & semper cum Spiritu Sancto, non sicut cæteræ virtutes, quæ possunt esse quandoq; informes, adeoq; sine Spiritu S. illæ verò semper simul per Spiritum S. cælitùs dantur ita ut gratia hominem DEO gratum faciat. Charitas verò uniat; & quod nunquam ab invicem separantur, sed simul per quodcunq; peccatum mortale tolluntur; cæteræ verò virtutes, non quidem eo modo tolluntur, sed solum informes efficiuntur: tolluntur autem nonnisi per peccata ipsismet opposita: Uti habitus fidei per infidelitatem seu hæresim; Spei per desperationem; humilitatis per superbiam; Castitatis per luxuriam, &c. Quapropter gratia & charitas videntur aliquibus idem esse formaliter, ita ut non differant inter se, nisi diverso respectu: nam donum huiusmodi cæleste, quatenus hominem respicit DEO gratum, dicitur gratia DEI habitualis; quatenus autem respicit DEUM, rationali creaturæ supra omnia amandum, dicitur charitas; quæ omnium Virtutum Theologicarum & moralium est forma, quasi anima & caput. Ut enim anima dat corpori vitam, & caput influit sensum ac motum; sic charitas omnes vivificat Virtutes, & omnibus illis influit



# INSTITUTIO IV. 327

influit affectum movendi & agendi meritorie, actus  
illarum ordinando ad finem ultimum. Unde est  
quod nullus actus cujuscunq; virtutis potest esse  
ex condigno meritorius, nisi fuerit in charitate,  
ex charitate, & secundum charitatem elicitus aut  
imperatus. Unde admonemur, ( *Coloss. 3.* ) super  
omnia charitatem habere, quod est vineulum  
perfectionis.

Dicendum 3<sup>o</sup>. Quod charitas quateuùs est a-  
scetica, id est, Ascetis potissimum usitata, alia est  
practica alia anagogica. Charitas *practica* illa di-  
citur quæ ut ait S. Greg: operatur magna ubi est,  
Si vero operari renuit, aut non operatur, charitas  
non est. Eadem charitas practica, altera dicitur  
*Necessaria*, omnibus videlicet salvandis de lege  
præcepti absolutè necessaria: quæ ubi est, fugit  
mortale peccatum, cum suis occasionibus proxi-  
mis, nè DEUS summè bonus offendatur, jux-  
ta *Psalms 96.* Qui diligitis Dominum odite ma-  
lum: facit bona à DEO imperata, ut conserve-  
tur in gratia ac amicitia DEI, juxta *Ioann: 14.*  
Qui habet mandata mea, & servat ea, ille est, qui  
diligit me: qui autem diligit me diligetur à Pa-  
tre meo, & ego diligam eum. *Sustinet* adversa  
nè decadat in peccatum, & excidat de gratia DEI,  
juxta *1. Corinth. 13.* Charitas patiens est. *Ibidem.*  
Charitas omnia suffert.

Altera dicitur *Supererogationis*, omnibus Ascetis  
de lege Consilij valde utilis. quæ ubi est, fu-  
git culpam venialem, & occasiones mortalium  
peccatorum remotas, propter vitandam fini affe-  
ctus

Actus remissionem. Facit bona suæ vocationis cum magna diligentia, propter maiorem gratiam DEI consequendam. Patitur adversa cum gaudio propter plenam Christi imitationem, juxta Act: 14: 17. Ibant Apostoli gaudentes à conspectu Concilij, quoniam digni habiti sunt pro nomine JESU contumeliam pati. Charitas *Anagogica*, vel alias sursum activa illa dicitur, quæ homo elevatus mente, diligit DEUM supernaturaliter, ut infinitè bonum, ac suum primum principium & finem ultimum; cujus quidem charitatis videre licet varios actus in Testamento animæ. Eadem charitas si est communis, propria sc. omnium fidelium salvandorum, diligit DEUM ut infinitè bonum, supra omnia diligibilia confusè ac universè apprehensa; si vero est specialis, propria sc. perfectæ Spiritualis vitæ addictorum, diligit DEUM ut infinitè bonum supra omnia diligibilia distinctè ac singillatim apprehensa. Ac item diligit DEUM supra omnia diligibilia appetitativè nimirum extensivè, & intensivè, secundum explicationem in fine primi dicendi positam.

Dicendum 4to. Quòd charitas ascetica tres habet gradus. In 1mo. aliquis constituitur, dum eandem charitatem practicam & anagogicam habet in acquirendo: habet autem, ubi primum scintillas affectuū divini amoris, per studium asceticarum meditationum conquirat, habitumq. charitatis per actus elicitos & imperatos sensim dilatare studet, excludens efficaciter omnem affectionem quā diligit aliquid in hac vita supra DEUM.



UM, aut æquè ac DEUM; nisi forte diligit illud circumspectè ac moderate, infra DEUM. In 2dò gradu constituitur aliquis, dùm habet eandem charitatem in esse acquisito, habet autem quando jam per studium ordinariæ contemplationis, scintillas divini amoris in unum sibi congregatas exardescere fecit; habitumq; per actus ejusdem amoris frequenter elicitos & imperatos satis intentum atquè dilataratum obtinuit, excludens omnem immoderatam affectionem, studium vitæ spiritualis internè perturbantem. In 3tiò gradu aliquis constituitur, dùm habet eandem charitatem in excessu, seu secundum excessum; habet autem, quando sic amore divino inflammatur, ut sentiat se spiritualiter esse inebriatum, ac intimè divinitus vulneratum atq; ligatum. Vide hujusmodi amoris pacta in Testamento animæ. Scal: 6. & 7.

Dicendum 2dò. Quod etiam Charitas DEI potest esse vitiosa secundum defectum & excessum vitium charitatis secundum defectum est, quando aliquis diligit DEUM supra omnia quidem, sed non sicut sufficit. Vel sc: ob defectum fidei, vel ob defectum justitiæ, vel ob defectum stabilitatis. Talis enim charitas est dilectio naturalis, viribus nimirum naturæ elicitæ; quod si est aliquando supernaturalis (v. g. elicitæ ab homine in propositis instabili) ficta tamen dicitur (2. Cor: 1.) id est, fictilis, fragilis, infirma & instabilis. Vitium charitatis secundum excessum non datur respectivè ad DEUM, quia nunquam potest diligi DEUS à rationali creatura tantum, quantum dignus est,

quamvis diligatur ab ea de dono suæ gratiæ, sicut coram se sufficit; sed respective ad nos dari potest. ut si quis scrupulis cruciaretur, quod non diligit DEUM adeo intensè ut diligere vellet, cum hoc excedat mensuram humanæ illius conditionis.

## EXERCITATIO ET ACTVS CHARITATIS DEI.

*Hebdom: 1.* Unire animam cum DEO tanquam cum summo bono, ac si nihil esset, in mundo præter te & DEUM.

*Hebdom: 2.* Velle DEO omnia bona sua seu perfectiones, ita ut si per impossibile DEUS caret ipsis, & ego possem illas dare DEO, vellem dare etiam cum annihilatione mei: ita amo dignitatem DEI.

*Hebdom: 3.* Gaudere quod DEO serviatur à tot creaturis, quod adoretur ab Angelis, perfectissimè ametur à Beatis; optare sibi, vel propter solum unicum amoris actum ad eum finem obtinendum, esse in cælo.

*Hebdom: 4.* Dolere de omnibus suis peccatis ut lapsus charitatis DEI: dolere quòd ab infidelibus, à peccatoribus, à damnatis non ametur, sed blasphemetur.

## INSTITVTIO V.

### *De Charitate Proximi.*

**D**icendum est imò. Quod in præcedenti Institutione tractavimus de charitate DEI immediata,



# INSTITUTIO V. 331

diata, quâ directè ipsemet DEUS ut infinitè bonus supra omnia diligitur: in hac verò sequenti tractandum nobis venit de charitate DEI mediata, quâ diligitur DEUS in proximo, seu mediante proximo; vel alias, quâ directè quidem proximus diligitur, sed non terminativè, id est non propter se præcisè, sed referibiliter in DEUM, seu propter ipsum DEUM. Unde 1. *ioann: 4.* Si diligamus invicem, DEUS in nobis manet, & charitas ejus in nobis perfecta est. Et paulo post. Si quis dixerit, quoniam diligo DEUM, & fratrem suum oderit, mendax est; qui enim non diligit fratrem suum quem videt, DEUM quem non videt, quomodo potest diligere? Et hoc mandatum habemus, ut qui diligit DEUM, diligat & fratrem suum. Hæc autem charitas unius ejusdemq; habitus cum præcedenti, habet necessario suum ordinem, causam & modum. Ordinem præfecto charitas habet ac servat, dùm primo loco facit unumquemq; in quo subiectatur diligere DEUM, velut primum omnium nostrum, principium & finem ultimum? atq; omnis castæ ac pulchræ dilectionis authorem. Dùm 2dò loco propter DEUM facit amare se ipsum, ut imagine ejus insignitum: & subsequenter proximum; ut capacem nobiscum æternæ beatitudinis, quo ad bona spiritualia ac æterna. Dùm 3tò loco facit diligere se ipsum, & subsequenter proximum quoad bona corporis; quod capax sit æternæ beatitudinis, ex redundantia animæ provenientis. Dùm 4tò loco facit diligere seipsum, & subsequenter proximum

quo ad bona exteriora; uti sunt bona honoris, utilitatis, & moderatæ commoditatis. Causam quoq; eadem charitas diligendi DEUM habet triplicem: *1ma est* ipsemet DEUS, ut summè bonus; Omne enim bonum ab omnibus diligitur, in quantum bonum est: quomodo DEVS, qui summè ac infinitè bonus est, etiam summè ac prorsus infinitè saltem quo ad appretiationem & durationem non esset diligendus? *2da causa est*, quia ipse DEVS prior dilexit nos; cùm daret Filium suum Unigenitum pro nobis in manus iniquorum. Vnde *S. Ioann:* exclamans ait *cap. 4.* Nos ergo diligamus DEUM: quoniam DEUS dilexit nos. *3tia est.* quia ipse DEUS magis diligit nos, quàm ipsimet diligimus nosmetipsos. Unde *S. Anselm:* Beati diligunt DEUM, plus quàm seipsos, & invicem tanquam seipsos, & DEUS illos, plus quàm illi seipsos. Causam item charitas diligendi proximum habet ipsum DEUM, propter quem ipsiusq; præceptionem diligit eum, uti ipsimet DEO dilectum. Modum deniq; diligendi DEUM habet charitas ipsam modi carentium, juxta *D. Bernar:* dicentem causa diligendi DEUM, DEUS est modus est: sine modo; ratio dari potest: quia DEUS supra omnem modum (*id est*, supra omnia) diligi debet. Modum item diligendi proximum habet charitas, ipsam videlicet dilectionem nostri, juxta *Matth: 22.* Diliges proximum tuum, sicut te ipsum. Dilectio autem nostri, & consequenter proximi, qualis debeat esse, jam paulo superius præscriptum est in ordine quem charitas in diligendo servat. Dicen-



Dicendum 2dò. Quod charitas DEI mediata, quam alias proximi dicimus, in quantum habet officium duplex; alia est apud Ascetas practica, alia anagogica. *Practica* quidem charitas si est *necessaria*, de lege nimirum præcepti cuilibet necessaria ad obtinendam vitam æternam, facit hominem in quo subiectatur. Imò. Nolle efficaciter proximo suo malum, ut malum, spirituale vel corporale, vel externum, juxta illud principium juris naturalis: Quod tibi fieri non vis, alteri nè feceris. 2dò. Velle eidem proximo efficaciter bonum, ut bonum spirituale, item corporale, & externum: Uti est bonum honorabile, utile, & delectabile juxta alterum principium: Quod tibi fieri ab alio vis, hoc alteri facias. 3tid. facit dimittere injuriam à proximo sibi illatam, quamvis mediante debita satisfactione, juxta *Matth: 6.* Si dimiseritis hominibus peccata eorum, dimittet & Pater vester cælestis delicta vestra; si autem non dimiseritis hominibus, nec Pater vester dimittet vobis peccata vestra. Si verò eadem charitas fuerit practica, & *Supererogationis*, de lege consilij. Imò. quidem facit hominem sibi addictum, mala seu onera fratrum, portare multiplicium defectuum, naturalium ac mortalium, corporalium ac spiritualium propter imitationem Christi: qui varias discipulorum suorum infirmitates tolerare dignatus est. Unde *S. Paul: Gal: 6.* Alter alterius onera portate: & sic adimplebitis legem (præcepti & consilij) Christi. 2dò. facit eundem hominem libenter quævis obsequia & beneficia præstare fratribus

suis, tam veris quàm falsis, exemplo Christi, qui  
 venit in hunc mundum ministrare non ministrari.  
 Unde *Matth. 5.* Diligite inimicos vestros; bene  
 facite his qui oderunt vos: & orate pro persecuten-  
 tibus & calumniantibus vos. *32id.* Facit eun-  
 dem hominem pati ad vera pro fratribus suis tam  
 quidem veris quàm falsis ad imitationem Christi.  
 Vnde est *1. Petri 2.* Christus passus est pro nobis,  
 vobis relinquens exemplum (patiendo pro  
 fratribus) ut sequamini vestigia ejus. Et *1. Ioann; 3.*  
 In hoc cognovimus charitatem (Christi) DEI;  
 quoniam ille animam suam pro nobis posuit, &  
 nos debemus pro fratribus (bonis & malis) animas  
 ponere. *Anagoga* charitas habet suos actus  
 in *1. Scal: Testam: anima:* quæ alias, si est communis  
 propria sc: omnium salvandorum, facit nos orare  
 saltem in generali pro nostris proximis: sive sint  
 nostri amici, sive inimici, ita sc: ut non excludamus  
 eos ab orationibus nostris communibus. Si  
 autem *specialis* est, facit nos orare pro inimicis in  
 speciali fervido affectu, ut saltem gratiam DEI in  
 presenti, & in futuro vitam æternam consequan-  
 tur. Nam bona corporalia & externa, non semper  
 illis tenemur velle ac impendere, quia non  
 semper expedit eis habere illa; quando nimirum  
 vel ipsismet inimicis, vel Communitati alicui no-  
 civa essent. Unde est quod diligimus inimicos no-  
 stros, non in quantum sunt peccatores; sed in quan-  
 tum homines: aliud enim est in nostris inimicis  
 natura à DEO creata, & ad æternam beatitudinem  
 consequendam ordinata; aliud culpa æternæ da-  
 mna-



# INSTITUTIO V. 335

mnationi obnoxia: Jam ergo secundum naturam debemus eos diligere; secundum verò culpam tenemur eos odio habere: quia culpa secundum quam dicuntur peccatores, adversatur DEO & beatitudinis æternæ impeditiva est: & sic odio habere peccatorem ut peccatorem, est odio habere peccatoris iniquitatem, & consequenter est diligere proximum; nam ex charitate proximi provenit odium illius, quod ei malum est. Ea lege peccatoribus quâ tales sunt licet exoptare mala corporalia & externa, non ut mala, sed ut ipsis aut, alicui Communitati bona, ac etiam ipsam mortem, juxta *Psalm: 103*. Deficiant (per pœnitentiam, aut verò per mortem) peccatores à terra & iniqui, ita ut non sint. Et illud S. Anastasiæ de Publlo Viro suo: Melius est ei animam exhalare quàm DEI Filium blasphemare;

Decendum 3id. Quod habet charitas præsens gradus tres. In 1mo. constituitur quis, dum eandem charitatem practicam & anagogicam habet in acquirendo: habet autem quonq; proximum suum alias inimicum, diligendo eadem charitate, sentit dolorem aliquo actu injurioso, cordi suo ab eo inflictum, quem continua recogitatiope dolorum Christi lenire diligenter curat; simulq; discursus rationis inferioris, quos animadvertit turbulentos ac dolorem hujusmodi irritantes, omnino suppressere contendit. In 2do. constituitur; dum eandem charitatem habet in esse acquisito; habet autem, quando actibus ejusmodi charitatis diligendo proximum suum, maximè verò inimi-

cum, nullam prorsus, vel saltem multo minorem raro jam sentit cordis sui amaritudinem, animiq; tristitiam: nec adeo rationis inferioris discursum murmurantem audit contrà injuriam sibi inferentem. In *2id.* tandem aliquis constituitur; dum eandem charitatem habet in excessu, seu secundum excessum virtuosum. Habet autem, quando ita diligit suos inimicos, à quibus gravem accepit injuriam; ut ex affectu benevolentiae ac pio desiderio salvationis eorum, non solum pro eis ferventer oret, atq; omnifariam benè eis faciat; verùm etiam submissione sua quærat placare ipsos, & mala pœnarum, quæ persequendo se promeruerunt coram æquissimo Judice Christo, gaudenter pro eis temporariè pati, sincera se eidem Christo offerat mente, ad ejus imitationem: qui etiam pro nobis suis adhuc inimicis mortem crudelissimam & ignominiosissimam sufferendo, reconciliavit nos Patri suo aeterno.

Dicendum *4id.* Quod dilectio proximi non semper est charitativa; sed sæpè vitiosa, tam secundum defectum, quàm secundum excessum. Dilectio secundum defectum multiplex est. *1ma.* dicitur naturalis, quæ accepta large quamlibet significat dilectionem viribus naturæ elicitam; strictè verò dicit inter Parentes & filios dilectionem usitatam, ac inter fratres, sorores, & quoscunquè Consanguineos. *2da.* dicitur socialis, quâ noti, contubernales, conterranei, ejusdemq; cõplexionis ac unius moris homines invicem se diligere solent. *3tia.* dicitur mundana, quâ communiter Parentes diligunt



diligunt filios & filias; cognati cognatos prospera mundi, & commoda carnis illis exoptantes; nulum alias ad vitia, quæ inde sequuntur respectum habentes. *4ta.* dicitur Officiosa quâ diliguntur benefactores atq; amici; non solum inter fideles, verum etiam inter Ethnicos. *5ta.* dicitur Cupiditatis seu concupiscentiæ, quâ digiſt aliquis hominem propter suam utilitatem. *6ta.* dicitur sensualis, quâ diliguntur pueri ob suam venustatem, ut filia Pharaonis puerum Moysen, eâ causa dilexit. *7ma.* Dilectio proximi dicitur amicitia, quâ quis diligitur intuitu suarum virtutum suæq; bonitatis absq; debito ad DEVM respectu.

Dilectio vitiosa proximi secundum excessum illa esset. Si quis in gratiam sui proximi alias amici vellet offendere DEVM, vel alterum proximum. Ac item, si quis Ecclesiæ aut Regipublicæ, aut etiam alicujus honestæ cõmunitatis inimicis, bona vellet temporalia, extra spem eorum conversionis

## EXERCITATIO SEV ACTVS CHARITATIS PROXIMI.

*Hebdom:* 1. Optare cuique veniam, gratiam, gloriam, & temporalia, in quantum non præjudicarent saluti eorum.

*Hebdom:* 2. Affabiliter alloqui alios.

*Hebdom:* 3. Inimicis etiam non rogatus, etiam insciis eis obsequi in eo, quod ipsis gratum putares fore, & pro eis orare; compati in eo, quod læserint animam suam contra te agendo.

*Hebdom:* 4. Temere non judicare, neq; nimis zelare super defectibus eorum.

INSTI.

## INSTITVTIO VI.

## De Obedientia.

**D**icendum est *Imò*. Quod Virtus Obedientiæ apud Sanctos Viros multas habet sui commendationes. *Ima.* quod paradisum nobis aperiat, quem inobedientia Protoparentum clauferat ac eâ causa Christus dedit claves Regni cælestis Simoni Petro, *id est*, obediendi. Simon enim significat obediendem: cui ut obediendi, benedixit, dicens: *Matth: 16.* Beatus es Simon Bariona: sicut maledixit primo homini, ut inobediendi, dicens: *Gen. 3.* Maledicta terra in opere tuo, *2da.* quod sola obedientia vel maxime facit nos Christi discipulos ac imitatores. juxta *Ioann: 10.* Oves meæ vocem meam audiunt, & ego cognosco eas, & sequuntur me; & ego vitam æternam do eis. Eare ipse Christus huiusmodi virtutem primitus exercuit, & suo triplici exemplo nos eam docere, voluit. Veniens nimirum de cælo in mundum, juxta *Ioann: 6.* Descendi de cælo, non ut facerem voluntatem meam, sed voluntatem ejus, qui misit me Patris. Manens in mundo, juxta *Lut: 2.* descendit cum eis, & venit Nazareth, & erat subditus illis. ad *Philip: 2.* Factus obediens usque ad mortem. Transiens de mundo, juxta *Matth: 26.* Pater mi, si possibile, transeat a me calix iste; verumtamen non sicut ego volo, sed sicut tu. *3tia.* Obedientiæ commendatio est, quod primum locum tenet inter vota religiosorum; quia etiam propter Christi imitationem relinquit, quod est homini in mundo



mundo maximum. Triplicia enim bona quilibet. Religiosus in sua professione abdicat, ut potè bona infima, alias exteriora, per voluntariæ paupertatis votum, bona media, alias proprii corporis, per castitatis votum, bona suprema seu maxima alias bona animæ; inter quæ præcipuum est libertas voluntatis, quam deserit per votum obedientiæ. 4ta. est, quod nullum opus, per se alias bonum fit religioso meritorium, si non fiat in charitate ex obedientia, & consequenter sæpenumero ex eadem obedientia, meritorie deseritur quodlibet huiusmodi opus; uti est victima seu Sacrificium Missæ, Martyrium, Oratio, silentium & similia. Unde D. Greg: Obedientia victimis jure præponitur, (à Samuele) 1. Reg: 15: quia per victimas aliena, caro, (id est, Christi) per Obedientiam verò voluntas propria mastratur. Et *Sāctus Thomas*. Quæcunq; Virtutum opera ex hoc meritoria sunt apud DEUM, quod fiunt, ut obediat voluntati divinæ; nam si quis etiam martyrium sustineret, vel omnia sua pauperibus erogaret, nisi hoc ordinaret ad impletionem divinæ voluntatis, quod rectè ad obedientiam pertinet meritoria esse non possunt. 5ta. Comendatio est, quod quævis opera per se indifferentia, dum ex obedientia fiunt; semper sunt meritoria, ut est dormitio, deambulatio, honesta recreatio, & similia. Idcirco à SS. Patribus communiter assimilatur navi & equitatu, secundum illud Prover: 31 Facta est quasi navis institoris; sicut enim navigans quamvis non moveatur motu proprio, semper tamē  
 mena.

men procedit ad locum sibi designatum; ita obediens innixus non motui suæ voluntatis, sed sui Superioris ad imitationem Christi, quidquid agit, quod ex se non est meritorium, semper tamen in virtute & merito, & gratia coram DEO proficit.

6ta. est quod verus amator & executor obedientiæ omnem facile superat tentationem, (DEO sibi præstante auxilium) carnis videlicet mundi, diaboli, & hominis mali, juxta Proverb. 21. Vir obediens loquetur victoriam, id est, Vir addictus obedientiæ, laudando DEUM exultabit in victoria de suis tentationibus: imo etiam DEUM ipsum, faciet suis orationibus obedientem, juxta D. Greg. Si obedientes fuerimus Prælati nostris DEUS, obediet orationibus nostris.

Dicendum add. Quod Obedientia largè & stricte accipiarur; largè sumpta est Virtus generalis, habens pro objecto quidquid à DEO, & secundum DEUM præcipitur. Undè per hujusmodi obedientiam obligamur non solum ipsi DEO verum & Superioribus nostris, quatenus omnia vota & præcepta Regulæ nostræ Seraphicæ, & alia quæ secundum ipsius præscriptum nobis demandantur, ad amissim observemus; juxta illud præceptum cap. 10. Firmiter præcipio Fratribus, ut obediant suis Ministris in omnibus, quæ promiserunt Domino observare, & non sunt contraria animæ suæ, & Regulæ nostræ. Stricte verò sumpta, est Virtus specialis, habens pro objecto præceptum Superioris, honestati atq; rectitudini conforme, tum expressum, tum interpretativum. Obedientia specialis, alia



alia est necessitatis, alia supererogationis. *Necessitas* est de lege præcepti necessaria ad consequendam salutem æternam: quæ populus Christianus obedit Regibus & Magistratibus suis, propter DEI constitutionem. juxta *Rom: 13.* Omnis anima potestatibus sublimioribus subdita sit, non est enim potestas, nisi à DEO. *Item.* Uxores Maritis suis, ac vicissim Mariti Uxoribus, filij Parentibus, & servi dominis, non tantum bonis & modestis, ut ait Apostolus. *1. Cor: 2.* Sed etiam dyscolis, *Item.* Cuncti fideles suis Prælati, (Papæ, Episcopis, Parochis) in iis, quæ Canones & Jura præcipiunt, pro omnibus promulgata. *Supererogationis* Obedientia est de lege consilij, & consequenter majoris meriti; quæ distinguitur in simplicem & solemnem, ut potè Asceticam Solemni voto firmatam. Simplex illa est, quæ non nisi simplici proposito, aut simplici voto, sive implicito, sive explicito firmatur: qualis in Religionibus est Novitiorum: qui cum tali proposito aut voto in Religione perseverandi, studiosè obediunt suis Superioribus, expectantes cum desiderio diem suæ professionis. Qualis etiam obedientia est, quarundam personarum devotarum: quæ alicui viro spiritali, pro suo arbitrio in multis obediunt ad Christi Domini imitationem. *Ascetica* illa est quæ formali ac solemni voto in aliqua Religione ab Ecclesia DEI approbata roboratur. Obedientia hujusmodi Superior est, in merito simplici Obedientiâ, quia Ascetica seu Religiosorum obedientia per suum votum dedicat DEO arborem propriæ volun-

voluntatis, cum omnibus fructibus actuum ejus. Simplex verò, solet nonnisi fructus quando, & quantum, & quamdiu vult offert. Obedientia ascetica, quæ in Asceterijs exercetur, alia est limitata, seu circumscripta, alia absoluta. *Anterior* illa est, quâ aliqui Religiosi obediunt suis Prælati in ijs tantum, quæ in eorum Regula continentur, de qua illud est, *D. Bernard*: *Votum meum non augeat Prælati sine mea voluntate.* *Posterior* illa est, quâ obediunt Fratres Minores suis superioribus in omnibus quæ ad honestatem spectant, eorumquæ statui conveniunt, quamvis ardua ac difficilia habeantur, de qua illud est in Regula Sèraphica *cap: 10.* *Firmiter præcipuo fratribus, ut obediant suis Ministris in omnibus quæ promiserunt Domino observare, & non sunt contraria animæ suæ & Regulæ nostræ.* Porro Ascetica Obediētia alia est Materialis, alia formalis. Materialis est quâ quis obedit quibuscunq; ordinationibus Religionis suæ, & præceptionibus sui Superioris ex quadam bona & p̃a consuetudine, ac diutina affectatione, non alio motu quàm quod sic eum facere cogat Religionis usus, atq; beneplacitum sui Superioris. *Formalis* autem illa est, quâ quis implet Ordinationes suæ Religionis & jussa Superioris ex intentione elicita, & actuali proposito causa imitationis Christi, per charitatem motus. Hæc autem obedientia majoris est meriti, quàm materialis.

Dicendum *3<sup>id.</sup>* Quod Obedientiæ asceticæ tres habeantur gradus, qui alias varie disponuntur.



# INSTITUTIO. VL 343

imo, quidem dicitur aliquis habere *primum* gradum, ubi obedit DEO in omnibus præceptis, prohibitionibus & consilijs, ut supremæ auctoritati: quia nihil præcipit, nisi bonum, & nihil prohibet nisi malum & nihil consulit, nisi magis bonum. *2dum*. Ubi obedit homini propter DEUM, seu ut Antistiti DEI, qui nimirum omnia cum deliberatione ac discretionem imperat. *3tium*., ubi obedit propter DEUM homini impetuoso, & proinde contemptibili, juxta 1. Petr: 2. Servi obedire Dominis suis (licita imperantibus) non tantum bonis & modestis, sed etiam dyscolis, *id est*, inhumanis, severis, delinquentibus, &c.) hæc est enim gratia, *id est* meritum magnæ gratiæ (apud DEUM. *edd.* dicitur aliquis *primum* gradum habere, dùm obedit Superiori, nè alias DEUM offendat, ac pænam inobedientiæ condignam incurrat. *Secundum* habet dùm obedit propter meritum majoris gratiæ in præsentî, & gloriæ in futuro. *Tertium*, dùm obedit purè propter veram Christi Domini imitationem, ac sui Superioris consolationem. juxta Hebr: 13. Obedite præpositis vestris, & subiace eis; ipsi enim pervigilant, quasi rationem pro animabus vestris reddituri; ut cum gaudio hoc faciant, & non gementes. *3tio*. habet quis *primum* gradum Obedientiæ, quandò implet Superioris præceptum. *Secundum* habet, quando implet nuntium. *Tertium*, quando implet voluntatem ut potè tacitam. *4to*. habet aliquis asceta *primum* gradum obedientiæ, quando Superiori suo quidpiam sibi præcipienti obedit exterius, secundum videlicet pro-

propositum; quod à professione hactenus retinet vota sua semper implendi; non autem secundum instantem voluntatem: cui alias displicet huiusmodi præceptum, veluti onerosum atq; indiscretum. *Secundum* habet, quando non tantum exterius obedit, verum & interius, secundum videlicet instantem Voluntatem: quam omninò conformat voluntati sui Superioris, idem cum illo volens & nolens in omnibus licitis & honestis, quæ in gloriam DEI referri possunt; quamvis illa non præceptoriè ac expressè mandentur, & insuper ardua difficiliaq; sint. *Tertium* habet, quando exterius obediendo non tantum voluntatem suam voluntati sui Superioris plenè mancipat ad omnia licita & honesta exequenda; Verum etiam iudicium suum iudicio ejus perfectè subijcit, ipsum scilicet Superiorem iudicij sui ut regulam & normam divinæquæ voluntatis interpretem in perpetuum recipiens.

*2da Nota.* Quod omnes isti gradus hic varie dispositi atq; immediatè recensiti, merè sunt secundum extensionem ipsius Obedientiæ; jam verò secundum intensiorem, qui modo sequuntur. Inimò. igitur gradu huiusmodi Obedientiæ aliquis constituitur; quando superiorum graduum modo recensitorum obedientiam habet in acquirendo: talem autem habere dicitur, dùm studiosè obedit suis Superioribus ad imitationem Christi, qui factus est pro nobis obediens ad mortem; nulla alias obstante difficultate ac interna amaritudine, atq; affectuum inquietudine: quam sentit proficisci,  
de sen.



de sensualitate, nondum plenè mortificata, de Voluntate nondum satis abnegata, ac de iudicio nondum completè in obsequium Christi captivato; per studium videlicet asceticarum meditationum, atq; aliorum exercitiorum Spiritualium. In *idè* gradu constituitur quis, quando eosdem gradus obedientiæ habet in esse acquisito; habet autem, dum quieto promptoq; animo obedientiam pascendo, nullam prorsus contra præceptum aut præcipientem sentit jam sensualitatis remurmurationem, atq; voluntatis indignationem, & proprii iudicii quærimoniam, velut soli innixus imitationi Christi, cui studiosissimè attendit. In *2to* gradu constituitur quis ubi habet eandem virtutem in excessu, seu secundum excessum Virtuolum; habet autem, dum aliquod præceptum quò magis imponitur sibi à Superiore arduum, inhumanum, atq; indiscretum: eo etiam magis implendo illud gaudet atq; gloriatur in cruce imitationis Christi, per quam moritur mundo, & sibi met mundus.

Dicendum *4to*. Quod Obedientia ascetica datur vitiosa sæpè ascetis omninò vitanda, tum secundum defectum, tum secundum excessum. Obedientia vitiosa secundum defectum *quædam* dicitur cupiditatis: quâ libenter aliquis obedit suo Superiori, in eo quod præcipit sibi secundum suam appetentiam, ac animi propensionem. Uti & canis venaticus obedit venatori se se incitanti ad inse-quendam feram, & accipiter signo accepto ad rapiendam perdicem. Quædam dicitur Mercenaria: quâ obeditur propter vanum hominibus pla-

cerc. Vel propter quodpiam proprium commodum, ut est promotio ad Ordines, ad Officia Ordinis. &c: Quædam dicitur servilis, quâ Obedit aliquis nè aliter faciens puniatur; Vel nè aliquo commodo privetur. Obedientia secundum excessum vitiosa illa est; quâ quis obedit in illicitis. ut potè contra propriam conscientiam, contra regulam suæ professionis, contrâ præcepta DEI: cum alias magis DEO quam hominibus obediendum sit.

## EXERCITATIO SEU ACTVS O B E D I E N T I Æ.

*Hebdom: 1.* Esse indifferens ad quæcunq; iussa Superiorum, sive ex parte loci, sive temporis, sive negotij, excludendo omnes etiam licitas excusationes, juxta illud: Audi Israël & tace.

*Hebdom: 2.* Si quæ humana vides in Superiore, averte oculos mentis tuæ ab his, unicum considera, quod Vicarius Christi est, & velut pupilla oculi Domini, quam tangere, est tangere DEUM & Christum; Unde in Vita S. Mechtildis revelavit Christus p. 1. c. 26. Meam conspuis cum Judæis faciem, qui spernit Superiorem. Et 1. Petri 2: Servi, subditi estote etiam dyscolis.

*Hebdom: 3.* Ad primum ideo in companæ, etiam imperfecta litera proripe.

*Hebdom: 4.* Discepciones internas de ordinationibus Superiorum, de intentionibus ipsorum statim in primis motibus cohibe, & ligum tuam in hac materia quàm diligentissime simul & aures tuas custodi.

INSTI.



# INSTITUTIO VII.

## De Paupertate.

**D**icendum est *Imo*. Quod paupertas Evangelica, & consequenter ascetica, tot habet apud Viros Spirituales præclaras sui commendationes, quot habent divitiæ avarorum ignominiosas vituperationes; quarum aliquæ recensendæ. *ima*. quidem est, quod sicut avaritia (quæ dicit aviditatem auri nimiam, seu cupiditatem immoderatam divitiarum) facit hominem diaboli cultorem ac servum, juxta Apostolum. *Colos. 3. & Eph. 5.* qui avaritiam appellat simulacrorum atq; idolorum servitutem, ita paupertas Evangelica (dicens ab dicationem terrenarum possessionum) quam Christus & Apostoli ejus tenuerunt, & professoribus Evangelicis tenendam tradiderunt, facit hominem Christi sectatorem atq; discipulum, juxta *Luc. 14.* Qui non renuntiat omnibus quæ possidet, non potest meus esse discipulus. *2da*: quod sicut divitiæ avarorum sunt causa & origo omnium vitiorum atque peccatorum: juxta *1. Tim: 6.* Radix omnium malorum est cupiditas, ita paupertas Evangelica, est causa & origo omnium Virtutum, cunctorumq; honorum Spiritualium ac æternorum: juxta illud SS. *P. Iacobi* nostri in Regula positum *c. 6.* Hæc est illa celsitudo altissima paupertatis &c; *3tia*. quod sicut divitiæ avarorum de terra tolluntur, & consequenter suo pondere usq; ad centrum ejusdem terræ suos trahunt amatores juxta *1. Tim: 6.* Qui volunt divites fieri incidunt

in tentationem, & in laqueum diaboli, & desideria multa & inutilia, & nociva demergunt homines in interitum & perditionem. Ita paupertas Evangelica de cœlo cum Christo veniens, rursus ad cœlum suos amatores per contemplationem DEI ac divinorum elevat secumq; trahit, in quorum persona illud dicitur *Philip: 3.* Nostra autem conversatio in cœlis est. *4ta.* Quod sicut avari, seu nimis amantes & appetentes quascunq; mundi hujus divitias, nunquam divitias cœlestes obtinebunt juxta *1. Cor: 6.* Avari regnum DEI non possidebunt, ratio est; quia his inferioribus volunt esse contenti, quorum possessione delectantur, magisq; æstimant in præsentia amata sua visibilia, quam futura nonnisi credibilia, ac propterea his meritò privabuntur, & illa non consequentur; ita è contrario pauperes spiritu vitam æternam à Christo Domino sibi repromissam certiò obtinebunt, juxta *Matth: 5.* Beati pauperes spiritu, quoniam ipsorum est regnum cœlorum, ratio est; quia sic exonerati, facile in Virtutibus Christum sequuntur, donec ipsum in vita æterna plenè consequantur, secundum verba ipsius Christi, *Joann: 11.* Qui mihi ministrat, me sequatur, & ubi ego sum, illic sit & minister meus, *5ta.* quod sicut stercorea hirundinum excæcaverunt oculos corporales Tobia, teste scriptura *c. 2.* ita possessiones divitiarum, quas D. Paulus *Philip: 3.* arbitratus est ut stercorea, multorum excæcant oculos mentis; ac propterea avari homines non considerant ea, quæ cœlitus ordinata sunt ad consequendam vitam æternam.



æternam; nec recogitant vanitatem mundanorum,  
 turpitudinem ac fæditatem peccatorum, multitu-  
 dinem præsentis vitæ miseriarum, propinquitatem  
 mortis, austeritatem extremi iudicij, pœnalitatem  
 inferni, & felicitatem gloriæ cælestis æternam:  
 pauperes autem spiritu tanquam cælitus illumina-  
 ti, hæc omnia studiosa consideratione percurrunt,  
 ac inde cælestia magni æstimant, terrena verò vi-  
 lipendunt. *Tum quia*, sicut ad conservandam præ-  
 sentem vitam modica sufficiunt; ita ad futuram  
 consequendam superflua officiunt: cum aut vix,  
 aut nunquam sine amore possideri valeant. *Tum quia*,  
 cum multo labore & magna sollicitudine acqui-  
 runtur; & cum nimio periculo corporalis vitæ,  
 aut alicujus ablationis retinentur: cum pateant  
 multorum invidiæ, atq; cupiditati. *Tum quia*, cum  
 homine diu perseverare nequeunt: nam si per a-  
 liquam fraudem ei non adimuntur, mox ab eo per  
 ipsam mortem alienantur. Et *Psal: 48.* Dives cum  
 interierit non semet omnia neq; descendet cum  
 eo gloria ejus.

Dicendum 2dò. Quod paupertas, alia est In-  
 voluntaria, alia voluntaria. Paupertas *involantaria*  
 illorum est, qui carent rebus necessarijs ad sui con-  
 servationem, alias libenter vellent esse divites, si  
 fieri posset. De hac paupertate est *Eccl: 27.* Pro-  
 pter inopiam multi deliquerunt. Et *Prov: 30.*  
 Mendicitatem & divitias nè dederis mihi. Et *sub-*  
*dit:* nè egestate compulsus furer, & perjurem No-  
 men DEI mei. Hanc tamen paupertatem facit  
 meritoriam patientia Christi, dum adest. *Uti pa-*

tet *Luc: 16.* Factum est autem ut moreretur mendicus, & portaretur ab Angelis in sinum Abraham. Et *Psal: 9.* Neq; in finem oblivio erit pauperis. Et *Iac: 2.* Pauperes elegit DEUS. Paupertas voluntaria alia est Philosophica, alia Evangelica. Philosophica illa est, quæ ob honestum aliquem respectum sponte abdicat divitiarum hujus mundi possessionem. Unde *S. Hier: lic: 3. in Matib: c. 19.* ait: Hoc enim & Crates fecit Philosophus, & alij multi divitias contempserunt. Evangelica verò illa est, quæ ob imitationem Christi à divitijs hujus mundi alienata est, de qua est, *Matib: 5.* Beati pauperes spiritu: &c: Quod si solo affectu alienata habetur, dicit virtutem necessitatis, de lege præcepti omninò necessariam, ad vitam æternam consequendam: Si verò affectu & effectu alienata est, dicit Virtutem Supererogationis, quæ est de lege consilij. De anteriori paupertate est *Psal: 62.* Divitiæ si affluant, nolite cor apponere. Et *Eccel: 31.* Beatus dives qui inventus est sine macula, & qui post aurum (affectu sui amoris) non abiit, nec speravit in pecunia & thesauris. Unde est, quod hac paupertate affectus illi pauperes esse dicuntur, qui bona temporalia, divitiisque hujus sæculi possident, non illarum amore capti, sed necessitate ac infirmitate præsentis humanæ conditionis compulsi: de quibus etiam pauperum aliorum indigentis, Ecclesiarumque & quorumcunq; mendicantium necessitatibus liberaliter subveniunt. juxta *Luc: 11.* Quod superest, date eleémosynam. De posteriori verò paupertate spiritus illud est



est *Matth: 10.* Si vis perfectus esse, vade & vende omnia quæ habes, & da pauperibus, & habebis thesaurum in cælo, & veni, sequere me. Et *Luc: 14.* Qui non renuntiat omnibus quæ possidet, non potest meus esse discipulus. Unde est, quod hac paupertate affectus & effectus, illi pauperes esse dicuntur, quia ad expeditiorem imitationem Christi renuntiaverunt tam intra se, quam extra se omnibus mundanis possessionibus, quas habebant, vel habere poterant: eoq; ipso tantò feliciores effecti, quantò magis à laqueo cupiditatis elongati sunt. Paupertas *supererogationis*, ut pote affectus & effectus alia est simplex, alia ascetica: *Simplex* quidem illa dicitur, quæ voto solemnii non roboratur, de qua illud est, *Act: 4.* Multitudinis credentium erat cor unum, & anima una, nec quisquam eorum quæ possidebat aliquid suum dicebat, sed erant illis omnia communia: Neq; enim quisquam egens erat inter illos. *Ascetica* illa est, quæ voto solemnii in aliquo statu Religiosorum firmatur. Et hæc duplex est: quarum altera ita abdicat possessiones divitiarum tam mobilium, quàm immobilium, in particulari, ut nihilominus jure civili retineat illas in communi. Altera verò, sic abdicat easdem possessiones cum omni jure civili, ut nec particularibus personis, nec Communitati Fratrum, nec ipsis eorum Superioribus propriæ sint. Hæc autem paupertas propria est Fratrum Minorum, quæ alias à Sanctissimo Patriarcha Nostro altissima dicitur.

Dicendum. 3<sup>ti</sup>o. Quod paupertas Minoritica

alias altissima, non dicit carentiam victus, amictus, domicilij, & supellestilis, tam domesticæ, quàm Ecclesiasticæ, prout alias dicit paupertas mundanorum involuntaria: Sed dicit carentiam & abdicationem omnis juris civilis ad prædicta (uti est, dominium, possessio, proprium, & quævis actio juridica, defensiva aut repetitiva talium) reservans sibi secundum jus poli simplicem usum horum omnium, quæ ad conservationem presentis vitæ, & ad mûnia exequenda fratrum pertinent. Hujus autem paupertatis, secundum extensionem, *primum* gradus est, quando in rerum simplici usu ad necessarium. Victum, amictum, domicilium, & ad utensilia domestica & Ecclesiastica spectantium, vitatur curiositas, pretiositas, & superfluitas; & consequenter amplectitur atq; diligitur exemplaritas, vilitas, & modicitas: quæ omnia paupertas Minoritica requirit; ac summopere desiderat, velut ad integritatem sui pertinentia. *Secundus*, est gradus, quando quis in defectu rerum necessariorum minimè turbatur ob amorem Christi, ejusq; paupertatis dilectissimæ, confidenter ab eo cui se dicavit expectans talium debitam provisionem, juxta *Psalm: 54.* Jacta super Dominum curam tuam, & ipse te enutriet. Et *Matth: 6.* Primum quærîtè regnum DEI (attendendo Sanctæ operationi, ac devotæ orationi) & hæc omnia adijcientur vobis. Et in *Reg: 1. 6.* vadant pro eléemofyna confidenter, &c: quia Dominus se fecit pauperem in hoc mundo. *Tertius* est, quando quis in eodem defectu rerum constitutus gaudet, ac eo magis quo  
perfe-



perfectius credit ac animadvertit se per huiusmodi paupertatem Christo fieri conformem. *Vnde S. Bonav:* invitans nos ad studium huius paupertatis, inquit: Qui ex gratia vult donare cœlestia, cur etiam temporalia, & parva ab eo non speremus? aut ergo dabit nobis necessaria, inquantum expedit nobis; aut vires corporis ad festinendum penurias, aut spiritualem dulcedinem meliorem carnali, & insuper præmium cœlestis. Porro eadem paupertas Minoritica, secundum intensiorem considerationem, tres alios habet gradus: *Primus* gradus, quando quis Superiores gradus paupertatis modo recensitos habet in acquirendo: habet autem, dùm revera amat sic esse pauper ad imitationem Christi; quamvis in defectu necessariorum, sentiat internam remurmurationem, modo illam per DEI gratiam piis meditationibus vitæ sui Salvatoris reprimere studeat: *Secundus est*, quando quis eandem paupertatem habet in esse acquisito: habet autem: dùm summopere amat sic pauperem ducere vitam ad Christi Domini imitationem, jam quidem absq; sensu internæ remurmurationis, in defectu necessariorum constitutus. *Tertius est*, quando quis eandem paupertatem habet in excessu, seu secundum excessum virtuosum; habet autem, dùm sic amat, cupitq; esse pauper propter imitationem Christi, ut etiam involuntariis pauperibus, piissimo affectu erga Dominum JESUM concitatus, omninò invideat miseram eorum paupertatem. In hoc gradu altissimæ paupertatis Sanctissimus Noster Patriarcha, continuo stabat, ut patet ex ipsius vita.

Dicen.

Dicendum 4to. Quod paupertas Ascetica, non raro habetur vitiosa, tum secundum defectum, tum secundum excessum omnibus Fratribus Minoribus vitanda: vitiosa quidem secundum defectum duplex habetur. *Ima.* quidem dicitur, mundanè sollicita, tali nimirum adverbio adstricta, ut inde appareat differentia inter illam sollicitam curam, quæ in *Regula c. 4.* Superioribus nostris demandatur; & inter hanc præsentem: cum aliud sit sollicitam curam gerere ex fraterna charitate, & aliud ex mundana cupiditate, alias in *Evangelio Matth: 6.* Vituperatam atq; prohibitam. Jam ergo vitiosa paupertas hujus loci illorum est, qui ex quadam quasi inadvertentia res mundi quoquo pacto ad se pertinentes, facile deserunt; quas rursus in suo statu Minoritico, alias contra suam professionem satis avidè nimisq; sollicitè quærunt 2da paupertas vitiosa secundum defectum dicitur querulosa; quæ illorum est, qui mundana, re & voluntate seu affectu & effectu dimiserunt, & hic in Religione cunctas res curiosas, pretiosas & superfluas averfantur: sed in defectu necessariorum satis turbantur & graviter conqueruntur; non considerantes quod licet non sit de essentia paupertatis asceticæ inopia rerum; est tamen de integritate & condecencia, juxta *Philip: 4.* In omnibus institutus sum, scio & satiari & esurire, & penuriam pati, & abundare. Unde 2. *Cor: 3.* Christus pro nobis egenus factus est cum esset dives; Similiter & Apostoli primi ejus Sectatores, in quorum persona dicitur. 1. *Cor: 4.* Usquè in hanc horam



## INSTITUTIO VII. 355

horam & esurimus, & sitimus, & nudi sumus.

Paupertas vitiosa secundum excessum illa esset; Si aliquis Erater Minor vellet à Communitate fratrum suorum, penuriosam semper servari paupertatem; cum alias paupertas penuriosa paupertatis asceticæ, ut plurimum relaxativa ac destrutiva sit per clandestinas (videlicet fratrum debilioris virtutis) procuraciones rerum sibi necessariarum.

## EXERCITIVM SEV ACTVS PAUPERTATIS.

*Hebdom: 1.* Resolve te etiam necessarijs libenter carere in casu, quem etiam obvenire tibi aliquando tanquam summam felicitatem exopta.

*Hebdom: 2.* Ex amore paupertatis JESU, hac Septimana vel Mense, à potu delicatiori (etsi datur occasio) extra mensam saltem abstine.

*Hebdom: 3.* Exi ad mendicationem ostiariam, panis, si in illo loco sit.

*Hebdom: 4.* Videndo pauperes, invide illis quod careant necessarijs, cum tu abundes aliquando commoditatibus.

## INSTITUTIO VIII.

### De Castitate.

**D**icendum est Imò. Quod Castitas Ascetica, multas apud Viros Spirituales habet sui magnificas commendationes; quarum aliquas recensere oportet. *Ima* quidem est, quod omnes novi ascetæ, & cujuscunque Status Religiosi, ubi ad  
DEUM

DEUM per pœnitentiam convertuntur, ibi per cultum castitatis desinunt esse carnales, & incipiunt esse Spirituales, ac prorsus Christo adherentes, juxta *Galar. 5.* Qui Christi sunt (veri sectatores) carnem suam (vel maximè Studio ac disciplina castitatis) crucifixerunt cum vitijs & concupiscentijs. Unde B. Fr: Egidius ad illam fratrum quorundam propositionem: Quæ nam Sancta Virtus, Vitam Religiosam ac Spiritualem inchoantibus imprimis eligenda & exercenda esset? respondit Ego eligendam & exercendam esse puro Castitatem; quo responso accepto quidam ex illis fratribus dixit: Nonnè major est charitas! at ille spiritu elevatus ac inflammatus, exclamavit: Quid castius charitate? ac inde cantitabat: O Sancta Castitas qualis es? quanta es? Tu talis es, & tanta, qualem & quantam fatui non cognoscunt. Ac proinde nisi quis in quocunq; statu spirituali satis addictus castitati fuerit, sciat pro certo nullatenus in cæteris Christi virtutibus se profecturum, præterquam hypocritice seu apparenter, non autem veraciter. *2da.* quod Castitas ascetica tantum valet in vita spirituali, quantum valent omnes ascetica alia virtutes: ita ut qui in sua vocatione castitati satis addictus est, habeat omnino vitæ spiritualis dimidium: qui verò item cæteris virtutibus asceticis incumbit, habet alterum dimidium: quæ disparata, nihil prorsus faciunt coram DEO ad meritum Vitæ æternæ; sed coadunata, integram constituunt vitam spiritualem, cui debetur gloriosissima vita æterna. Unde S.



# INSTITUTIO VIII. 357

de S. Greg: hom: 13, in Evang. Duo sunt, quæ jubentur & lumbos restringere & lucernas tenere, ut & munditia sit castitatis in corpore, & lumen veritatis in (virtuosa) operatione 3tia. Quod sicut nuptiæ replent terram, & luxuria infernum, ita castitas cælestem paradisum. De Nuptiis quidem illud est Gen: 1. Crescite & multiplicamini. & replete terram. De luxuria verò illud est. Gen: 19. Quod propter illam omnes insimul Sodomitæ cum suis finitimis igne sulphureo detrusi sunt per divinam potentiam in infernum. Et ab initio mundi rarò putant Viri spirituales condemnari aliquem, qui prorsus careat peccatis luxuriæ. Unde asserit Drexel: quod ubi centeni juvenes inferiorum flammis adjudicantur cælitus; è centenis istis nonaginta novem ob vitium carnis damnari, centesimum demum, ob aliquam aliam graviolem noxam. Item quidam alius. Ubi è provectoribus ætate centum damnantur, octoginta pro peccatis luxuriæ, & viginti pro alijs criminibus æternis cruciatibus addicuntur. De Castitate tandem illud est, Matth: 12. Sunt Eunuchi, qui seiplos castraverunt (id est, castificaverunt per abnegationem carnalis concupiscentiæ) propter regnum cælorum. Et Apoc: 3. Qui (à sua natiuitate, vel renatiuitate) non inquinaverunt vestimenta, (quibus contegunt animas suas) ambulabunt nunc in albis. 4ta. Quod Christus castissimus, specialissimè diligit castos eosq; prosequitur magnis favoribus, secundum illud Ecclesiæ S. dicentis de S. Joanne Evang. in responder: s. ipsum festivit. Dilige-  
bas

bat JESUS Joannem, quoniam specialis praeo-  
gativa castitatis ampliori dilectione fecerat di-  
gnum; quia Virgo electus ab ipso, &c: *sta.* Quod  
toli duntaxat Religiosi, & quicunq; Ecclesiastici ca-  
stè viventes, Sanctum Christi panem dignè ac in-  
culpabiliter manducant, tam sc: Spiritualem Eu-  
charisticum, quàm corporalem, alémosynaliter,  
quotidianim, vel annuatim à fidelibus ob amo-  
rem ejusdem Christi oblatum. Cujus rei habetur  
figura 1. Reg: 21. ubi Abimelech Sacerdos noluit  
concedere panem Sanctum David, antequam spo-  
pondisset mundum se esse, & suos Commilitones,  
maximè à mulieribus suis, videlicet uxoribus.

Dicendum 2dò. Quod Castitas aliquando lar-  
ge, aliquando strictè accipiatur. *Large* sumpta, est  
Virtus generalis, vi sua reprimens omnes motus  
animi inordinatos, seu legi Divinae repugnantes;  
quæ alias dici solet Castitas Spiritualis, seu casti-  
tas mentis aut conscientiae; tunc autem habetur,  
dùm refugit mens conjungi delectabiliter alicui  
rei contra debitum ordinis Divini, dumq; appe-  
tit delectabiliter soli DEO perpetua conjungi ad-  
hæsione. De hujusmodi Castitate illud est 2. Cor:  
11. Despondi enim vos Uni Viro Virginem castam  
exhibere Christo. *Strictè* sumpta est Virtus speci-  
alis, vi sua contra luxuriam pugnans. Hæc autem  
alia dicitur Virtus necessitatis, de lege præcepti,  
ad vitam æternam consequendam necessaria; alia  
superaregationis, alias de lege consilij, majoris  
meriti & præmij celestis habens promissionem;  
juxta jam cit. Apoc: 3. Qui non inquinaverunt ve-  
stimenta



# INSTITUTIO VIII. 359

imenta sua, ambulabunt mecum in albis. Castitas  
*necessitatu*, si est extra Matrimonium, fugit omnem  
 veneream voluptatem, tam externi, quàm interni  
 sensus, nè Dominus DEUS offendatur, ac pæ-  
 na æternæ damnationis incurratur. Si verò est in-  
 tra Matrimonium, admittit quidem venereos ac-  
 ctus inter legitimos conjuges in ordine ad pro-  
 creandam prolem, & concupiscentiam carnis se-  
 dandam; sed perpetuo omnes aversatur adulte-  
 rinos actus, tam externos quàm internos, quod  
 ipsum jure conjugali coram DEO in facie Eccle-  
 siæ firmat. Unde *Matth: 5.* Audistis, quia dictum  
 est aniquis. Non machaberis, Ego autem dico  
 vobis, quia omnis qui viderit mulierem ad con-  
 cupiscendum eam, jam machatus est eam in corde  
 suo. Quod si oculus tuus dexter scandalizat te,  
 erue eum. & projice abs te, expedit enim tibi ut  
 pereat unum membrorum tuorum, quàm totum  
 corpus tuum mittatur in gehennam, &c: *Castitas*  
 Supereogationis, alia est Vidualis, alia Virginalis:  
 Utraq; ad imitationem Christi, & gloriosissi-  
 mæ MATRIS ejus VIRGINIS, omne fugit experi-  
 mentum venereæ voluptatis usq; ad mortem; al-  
 tera quidem à solutione Matrimonij, altera verò  
 ab ipsa nativitate. De Castitate viduali est. *1. Cor: 7.*  
 Quod si dormierit vir ejus, liberata est à lege;  
 cui autem vult nubat tantum in Domino; beati-  
 or autem erit si sic permanferit secundum meum  
 consilium. De Virginali verò *ibidem*, De Virgini-  
 bus præceptum Domini non habeo &c: Porro  
 Castitas vidualis & virginalis propriè sumpta alia  
 est sim-

est simplex, serio proposito, aut etiam simplici voto sive privatim sive publicè emissio confirmata. Alia Solemnis seu ascetica voto nimirum Solemni roborata in quacunq; Religione intra Ecclesiam Catholicam. Castitas quoq; ascetica, illorum Religiosorum qui in statu saeculari incontinentem quidem vixerant, jam autem ab ingressu Religionis vitam ducunt nullo peccato luxuriæ maculatam, ac in Sanctitate & iustitia omnibus diebus suis coram DEO ambulant, merito dici potest Virginalis licet improprie, velut non à nativitate, sed tantum à renativitate servata ac proinde castitas virginalis renata appellatur: quæ alias simplicem castitatem virginalem proprie sumptam crebrò superat merito & præmio, propter sibi annexas ceteras virtutes asceticas, & statum sui firmiorem: Simplex enim castitas virginalis à nativitate servata subjacet instabilitati eo quod possit congruis medijs ad nuptias aspirare. Hæc autem renata, seu à renativitate spirituali servata, nullatenus ordinariè loquendo subjacet alicui dispensationi, melioremq; habet exteriorem & interiorem sui custodiam, exteriorem autem putari esse claustrum, & separationem à conversatione cum personis de incontinentia suspectis: Interiorem verò putari esse usitaram quotidie duplicem conscientiae recollectionem; ac item singulis diebus duplicem mentalem orationem, præter privatas orationes jaculatorias Religiosis communiter usitatas, & Multa alia spiritualia exercitia externa & interna mortificationis.



# INSTITUTIO VIII. 362

Dicendum *3<sup>to</sup>*. Quod Castitas Ascetica tam secundum prosecutionem, & extensionem, quàm secundum intensiorem considerata tres habet gradus. In *primo* quis constituitur, dùm habet castitatem in acquirendo: habet autem, ubi ob amorem illius ac imitationem Christi fugiens omnem quantum potest cum DEI gratia incontinentiæ occasionem, ac mundi incitamenta ad libidinem, ab ipsis etiam imaginationibus immundis, atq; cogitationibus impuris, statim à principio suæ aduertentiæ mentem diligenter avertit, & ad alia honesta & sancta studiosè convertit, instanterq; ac sollicitè, moribus in sensualitate libidinosis nascentibus resistit, divinum contra eos confidenter invocando auxilium & carni suæ urgente tentatione aliquam applicando congruam mortificationem intensam potius, quàm prolixam. In *2<sup>do</sup>*. gradu aliquis constituitur, dùm habet Virtutem Castitatis in esse acquisito: habet autem, quando vehementi amore prosequens castitatem, post multas victorias de tentationibus carnalibus feliciter obtentas, minus jam rariùsq; ac remissius concupiscentiarum stimulis exagitur; atq; motus sensualitatis interdum consurgentes, citius & faciliùs solo quasi suæ voluntatis imperio compescit. In *3<sup>to</sup>*. quis constituitur, dùm habet castitatis virtutem in excessu, seu secundum excessum virtuosum habet autem, ubi tantopere diligit virtutem castitatis, ut præmultitudine amoris illius diros cruciatus sustinere potius malit, ac ipsam crudelissimam subire mortem, simulq; pœnam sensus infernalem, quàm

quàm pati aliquod in tanta virtute Christo amantissima detrimentum.

Dicendum *4to*. Quod castitas sæpè numero datur vitiosa, tam secundum defectum quàm secundum excessum. Castitas secundum defectum multiplex est. *1ma* quidem dicitur fatua, eo quod non habet pro fundamento castitatem spiritualem. Unde est *Matth: 25*. Quinque Virgines erant fatuæ, quinque prudentes. *2da*. dicitur incauta, quæ suæ ruinæ occasiones non fugit ut oportet, cùm alias cauta seu circumspècta fugiat saltim proximas: cautior aurem (ut est Castitas ascetica) etiam remotas. *3tia*. dicitur delicata, quæ nimis indulget proprio corpori, omnem refugiens illius mortificationem de hac illud est *1. Tim: 5*. Vidua quæ in delicijs est, vivens mortua est. *4ta*. dicitur scandalosa; quæ utcunq; servatur mente & corpore, sed nonnullis signis, verbis æquivocis, moribusq; minùs probatis excitat in se, & in alijs cogitationes venereas, & motus libidinosos, aut parit aliqujus incontinentiæ suspicionem. *5ta*. dicitur Materialis; quæ propria est, puerorum, qui nondum sentiunt motus in sua sensualitate libidinosos, quos formalis castitas sentit eosq; compescit quod ad veram spectat virtutem. Castitas secundum excessum illa esset: quæ ab ingressu Religionis omnino velleret carere sensu libidinoso, cùm alias castitati asceticæ, non noceat sensus, nisi consensus. Castitas enim est habitus in anima rationali (natus videlicet ex firmis propositis nunquam experiendi veneream voluptatem ob amorem virtutis, &

Christi



Christi imitationem) ut in subiecto habens materiam in fragili corpore, qui nec per sentum involuntarium, nec per violentiam tollitur. Illa item esset, quæ ob sui conservationem volens tentationis ardorem temperare, præsumeret contra debitum Divini ordinis rescindere instrumenta incontinentiæ; cùm alias ad virtutem castitatis non veniatur, nisi per tempestivam concupiscentiæ, moribus resistentiam, nisi per mortificationem sensualitatis asceticam, nisi per fugam malæ occasionis, & invocationem auxilij cælestis; nisi deniq; per continuam deprecationem divinam juxta *Sap: 8.* Et ut scivi, quoniam aliter non possem esse continens, nisi DEUS det: idcirco adij Dominum, & deprecatus sum; ut videlicet dignaretur mihi donum conferre castitatis. Nisi tandem per ferventem divinam charitatem; nam ait *Glossa in cap: Gen: 32.* Crescente Virtute menis, decreseit fortitudo corporis.

## EXERCITIVM ET ACTVS CASTITATIS.

*Hebdom: 1.* Vel minimum quidem in hac materia defectum sive in mente, sive in sensu, indispensabiliter punire confessione circa & flagellatione.

*Hebdom: 2.* Ex amore hujus virtutis, sæcularium consortia, visitationes etiam sub prætextu pietatis fugere.

*Hebdom: 3.* Ex eodem motivo, morbos, dolores, gaudenter suscipere; quia cùm angustiantur Vasa carnis, dilatantur spatia, nè dum charitatis sed & castitatis.

*Hebdom: 4.* Humilis oratio ad DEUM. Beatissimam VIRGINEM, Angelos &c: pro gratia resistendi tentationibus istis periculosissimis, à quibus nec in sera senectute securi erimus: non possumus autem esse continentes, nisi DEUS det.

## INSTITUTIO IX.

### De Sobrietate.

**D**icendum est *Imò.* Quod Sobrietas ascetica multas habet commendationes. *Ima.* commendatio est, quod Ascetæ sobrietati ut oportet addicti, facile semper de quibuscunq; tentationibus feliciter triumphant, fortiter illis resistendo: non sic autem carni suæ nimis indulgentes, cibis & potibus delicatis passim illam abundè implendo: hos namq; diabolus à sobrietate alienatos, diligenter ad devorandum venatur, compellendo eos ad perpetranda multiplicia peccata, contentionis videlicet, murmurationis, detractionis, libidinis, hisq; similia. Unde est. *1. Petr: 5.* Fratres Sobrietate estote &c: *2da.* quod sobrietas ascetica, uti & paupertas spiritus, seu voluntaria vitat mundanam sollicitudinem: Religiosi enim sobrietati satis addicti, modicis contenti sunt; & consequenter modica sibi provident, absq; molestia benefactorum. *3ia.* quod sobrietas paupertati voluntariæ conjuncta proximos multum ædificat; qui enim vident Religiosorum exteriores observantias benè ordinatas, inde conieciunt, quòd optimè de interioribus eorum sentire debeant. *4ta.* quod sobrietas conducit summoperè ad facilem multarum virtutum



# INSTITUTIO IX. 365

nam acquisitionem; sobrius enim Religiosus agili-  
 or est ad bonum, aptior ad servandam castita-  
 tem, cautior in lingua, promptior ad devotionem;  
 purior in affectu ad acquirendam sapientiam, ex-  
 peditior ad mentaliter orandum, subtilior & acu-  
 tior mente ad contemplandum, memoria tenacior  
 divinorum. *ita.* quod sobrietas satisfactoria est  
 pro peccatis, sicut enim DEUS ut plurimum vo-  
 luptate carnis offenditur; ita etiam ipsius castiga-  
 tione placatur. *ita.* quod sobrietas multum valet  
 ad meritum vitæ æternæ: quo etenim magis hic à  
 voluptate sibi quisquam subtrahit, eo etiam ma-  
 gis in Præsenti sæculo spiritualibus, & in futuro  
 celestibus delicijs superabundabit.

Dicendum *add.* Quod sobrietas hujus loci est  
 Virtus opposita ebrietati & gulositati; quæ quis-  
 quam in sumptione potûs inebriativi & esculen-  
 torum temperans est. Hæc autem sobrietas ali-  
 quando est virtus *necessarij*, de lege sc; præcepti  
 necessaria ad vitam æternam consequendam, re-  
 fugiens ebrietates & commestationes, nè DEUS  
 offendatur, juxta *Rom: 13.* Sicut in die honestè am-  
 bulamus, non incommestationibus & ebrietatibus  
 &c.: Aliquando est virtus *supererogationis*, & con-  
 sequenter ascetica: quæ de lege consilij servat tem-  
 perantiam in usu comestibilium & potabilium.  
 In *qualitate*; dum simplicioribus cibarijs & pocu-  
 lentis est contenta delicatiora & preciosiora refu-  
 giens. In *quantitate* autem, dum superfluos cibos  
 & potus vitat; & extra tempus suo statui usita-  
 tum seu extra communem mensam, recusat bibe-

re & comedere, nè ad instar brutorum corpus oneretur, sed nonnisi honestè reficiatur. In *modo* tandem; dum in comedendo & bibendo disciplinæ ac modestiæ religiøsæ prout decet, semper attendit.

Dicendum *3<sup>id</sup>*. Quod sobrietas ascetica, tam secundum extensionem, quam secundum intensiorem considerata tres gradus habeat. In *primo* quis constituitur, dùm est in acquirendo eandem sobrietatem: est autem, ubi studet in comedendo & bibendo advertere non ad voluptatem, seu sensualem delectationem, sed nonnisi ad naturæ satisfactionem & corporis refectionem. In *secundo* constituitur quis, dùm est in esse acquisito hujusmodi virtutis: est autem, ubi in aliquo defectu alimentorum soli nonnisi refectioni corporali deservientium libenter prout decet Religiosum patientiam servat. In *3<sup>id</sup>*. tandem, dùm est in excessu Sobrietatis virtuoso: est autem, ubi amanter contentus est alimento, quod extremæ sufficit necessitati propter imitationem Christi qui pro nobis egenus factus est, (ut dicitur *2. Cor: 8.*) cùm esset dives. Talis erat sobritas Apostolorum Domini, qui ut est *Luc: 6.* Vellebant spicas & manducabant, confricantes manibus. Unde S. Paulus ait: *1. Cor: 4.* Usque in hanc horam & esurimus, & nudi sumus &c;

Dicendum *4<sup>id</sup>*. Quod etiam Sobrietas habetur aliquando vitiosa tam secundum defectum, quàm secundum excessum. Sobrietas secundum defectum, quæ non propter DEUM principaliter servatur, multi,



# INSTITUTIO IX. 367

multiplex est. *1ma.* dicitur Sobrietas medica, quæ servatur intuitu sanitatis corporalis recuperandæ vel conservandæ: hæc tamen si refertur in DEUM ex charitate meritoria est. *2da.* dicitur sobrietas paupertatis seu penuriæ, quæ necessario servatur ob carentiam alimentorum sufficientium: & hæc uti prior in DEUM referibilis est. *3tia.* dicitur Sobrietas avaritiæ: quæ servatur ad parcendum expensis. *4ta.* dicitur hypocritica, quæ servatur ob respectum humanum, vel ad placere hominibus. *5ta.* dicitur invita, quæ tristatur, indignatur, murmurat, dum non habentur comestibilia & potabilia secundum appetentiam. Sobrietas vittosa secundum excessum illa esset, quæ abdicaret ac abijceret necessarium naturæ alimentum, cum detrimento corporalis sanitatis ac vitæ præsentis: cum alias sic homo pro posse teneatur corpori suo providere; ut neq; de alimento ei strictè necessario aliquid desit, nè ante tempus deficiat; neq; supra debitum aliquid superflui adsit, nè alias ex abundantia lasciviat.

## EXERCITIVM SEU ACTVS SOBRIETATIS.

*Hebdom:* 1. Attende ut retrahas quantum per naturam possibile, nè sensus communis fortiter apprehendat saporès, gustus in cibis, & potibus. Sed quasi cum cinere omnia condita & insipida essent.

*Hebdom:* 2. Hæc Septimana & Mense abstine à Vino, mulso, saltim extra mensam.

*Hebdom:* 3. Portionis melioris medietatem relinque.

*Hebdom: 4.* Sitim voluntariam patiaris, nec gustando quid post mensam.

## INSTITVTIO X.

### De Humilitate.

**D**icendum est *Imò.* Quod humilitas Ascetica multas habet excellentissimas commendationes. *Ima:* commendatio humilitatis hæc est, quod sicut fides est fundamentum Virtutum Theologicarum & Virtus Religionis quæ propinquissima est Virtutibus Theologicis: ita humilitas est fundamentum omnium Virtutum moralium. Unde *S. Aug:* Magnus esse vis, à minimo incipe: cogitas magnam fabricam construere celsitudinis, de fundamento prius cogita humilitatis. Et *S. Bern:* Virtutum stabile fundamentum est humilitas, quæ si omittitur, Virtutum congregatio nonnisi ruina est. *2da* est, quod humilitas sit radix cujuscunque virtutis, perfectionis, & sanctitatis; sicut enim arbor nobilis nisi profundè ac latè fixerit & extenderit suas radices, non poterit crescere, durare, & multum fructum facere: ita Religiosus viam spiritualis vitæ ingrediens, nisi alias in humilitate egerit radices, minimè in studio virtutum ac perfectionis atq; sanctitatis proficiet ac perseverabit: quo autem erit humilior, eo in omni virtute, perfectione, & sanctitate fiet stabilior, atq; firmitior. Unde *D. Aug:* Vis esse Sanctus, sis humilis; Vis esse Sanctior, sis humilior, vis esse Sanctissimus, sis humillimus. *3tia* est, quod sit Mater cunctarum Virtutum, juxta *D. Bonav:* Quatuor dicuntur esse



esse Matres virtutum: Fides origine, quia ex motibus fidei surgunt motus aliarum virtutum. Charitas, educatione: prudentia regimine: humilitas, conservatione. *Idem.* In tantum enim decor virtutum conservatur, in quantum & humilitas Mater earum virescit; sed marcescente humilitate, ceteræ deficiunt virtutes: non enim decora est obedientia, paupertas, castitas, patientia, & quævis alia virtus sine humilitate. Unde *D. Bernardus*: Sine humilitate audeo dicere, quod nec Virginitas **MARIÆ DEO** placuisset. *4ta.* quod sit omnium virtutum ac bonorum operum custos. Unde *Sanctus Bonaventura*: Nisi virtutes ab humilitate in principio & in medio, & in fine fuerint custoditæ, mox afflante spiritu Superbiæ in æerem disperguntur, & ab inani subrepente complacentia, vanaq; insidiante gloria vitiantur, ac depravantur: alia enim vitia, ut potè ira, luxuria, invidia, acedia avaritia in malefactis sunt, & statim de nomine cognoscuntur, ut illa caveamus; Superbia verò etiam in benefactis reperiti solet, ut ea destruat. Et *S. Bern.* Qui sine humilitate virtutes congregat, quasi in ventum pulverem portat. *5ta* est, quod sit virtus Christi specialissima, quam nos unice suo exemplo & verbo docere dignatus est. Unde *S. Aug.* Exinanivit semetipsum, ut prius præstaret exemplo, quod erat docturus Verbo, ut non apponat ultra magnificare se homo super terram. Quod autem Christus humilitatis virtutem tantopere nobis exemplo & verbo commendaverit; ratio est: quia ipsa est via ad veram Sapientiam, si-

cut superbia ad veram stultitiam. Juxta *Matth: 11.* Confiteor tibi Pater Domine cœli & terræ, quia abscondisti hæc (*quæ sunt de ratione vera Sapientia*) à Sapientibus & prudentibus (*id est à Superbis*) & revelasti ea parvulis (*id est, humilibus*) unde *S. Bern:* Humilitas est virtus, quâ homo ex vera sui cognitione ipse sibi vilescit.

Dicendum add. Quod humilitas duplex habeatur. Exterior videlicet ac Interior. Exterior quidem humilitas idem est, quod humiliatio, vel maximè à Religiosis intra suos Conventus communiter observata, in ordine ad acquirendam & conservandam interiorem humilitatem pernecessaria, juxta *D. Bern.* Humiliatio via est ad humilitatem, sicut patientia ad pacem: lectio ad scientiam: Si igitur virtutem humilitatis appetis, viam non refugas humiliationis: nam si non potes humiliari, non poteris ad humilitatem pervenire. Humilitas interior largè & strictè accipitur. *Largè* sumpta, est virtus generalis faciens mentem submissam ad omnia efficaciter implenda, quæ cœlitus homini ordinata sunt propter vitam æternam obtinendam. *Strictè* verò sumpta est virtus specialis, quæ secundum *D. Bonav:* est voluntaria mentis inclinatio ac demissio ex intuitu propriæ conditionis proveniens. Hæc autem demissio mentis, si fiat *DEO*; dicit humilitatem respectu *DEI*; si vero fiat proximo propter *DEUM*, dicit humilitatem respectu proximi: Si deniq; fiat in seipsa, dicit humilitatem respectu nostri. Sanè quidem hoc triplici mundo humilitas præsens considerata alia est Ne.



est Necessitatis, alia Supererogationis. Humilitas *Necessitatis* alias est de lege præcepti ad vitam æternam obtinendam necessaria, & possidetur ab aliquo respectu DEI quando agnoscit ac demissa mente adorat palamq; confitetur DEUM, ut DEUM ac Dominum suum cum S. Thoma Apostolo dicente *Ioann: 20.* Dominus meus, & DEUS meus. Atq; præcepta ejus à modo ex plena charitate tota sui cordis efficacia fervare proponit; detestando peccata supra omnia detestabilia, quibus unquam Majestatem ejus graviter offendit, cum Propheta dicente *Psaln: 118.* Iniquitatem odio habui & abominatus sum; legem autem tuam dilexi. Humilitas *Necessitatis* respectu proximi ab aliquo possidetur, quando subijcit se, vel potius sua, quæ sunt in se cuicumq; homini ratione eorum quæ sunt DEI in ipso; quod videlicet gratia DEI factus sit Rex, vel Dominus, vel Superior, doctrina & virute præditus, sed non requiritur, ut subijciat alicui sua quæ sunt DEI in se, ratione eorum, quæ sunt DEI in ipso: neq; ea quæ sunt sua in se, ratione eorum, quæ sunt ejus in ipso. Nullus enim justorum tenetur de lege præcepti habere alios se. metipso justiores; nec seipsum alijs esse viliorum inutiliorem, &c. Humilitas *Necessitatis* respectu sui ipsius ab illo possidetur, quando revera agnoscit se esse peccatorem miserum, inutilem respectu DEI; vilem factum per sua peccata coram DEO, & stultum, ut pote multa salutaria ignorantem; atq; ut talem seipsum contemnit. Humilitas *Supererogationis* de lege sc. Confij. alias dicitur asce-

tica,

rica, quam habet aliquis respectu DEI in *ind.* gradu extensionis & intensionis, quando profundè demissa mente Christo IEO, Domino ac Salvatore suo ahæret in æternum, viis ejus consiliorum ac virtutum studiosè ipsum insequendo. In *2dò.* autem gradu quando demissa mente flagella DEI cunctaq; adversa, à DEO sibi inflicta aut infligenda pro peccatis suis libenter tolerat vel tolerare paratus est ad Christi Domini imitationem cum summa gratiarum actione, juxta Tob: 11. Gratias tibi ago Domine, quia castigasti me, & sanasti me. In *3tio* tandem quando cuncta sua bona tam corporalia quàm spiritualia demissa mente recognoscit se à DEO absq; suis quibusvis condignis meritis accepisse, eademq; in DEUM à quo illa recepit intinè refert non suam inde, sed ipsius suorum bonorum Auctoris gloriam querendo, juxta Psalm: 113. Non nobis Domine non nobis, sed nomini tuo da gloriam. Humilitas *supererogationis*, alias ascetica respectu proximi habetur in *ind.* gradu, quando quis proximo suo majori, in dignitate, doctrina, virtute, & similibus, mentem suam demittit exterius & interius, & non præfert se æquali. In *2dò.* autem, quando eandem mentem demittit proximo suo æquali, & non præfert se minori. In *3tio.* quando eam demittit minori, & nemini se præfert. Demittimus autem alicui proximo mentem nostrā interius, tunc: quando majora & potiora de illo sentimus, quam de nobis ipsis, juxta Philip: 2. Humilitate Superiores sibi invicem arbitantes. Tūc quando illum ob ali,



ob aliquos defectus minime despiciamus, quoni-  
 am Domino cadit & resurgit: atq; persuademus  
 nobis habere illum aliqua bona, quibus nos  
 caremus, & nos habere aliqua mala, quibus ille  
 caret. *Tùm*, quando mala ab eo nobis illata subie-  
 ctissime toleramus, ac malis quæ inde proveni-  
 unt ipsi, veraciter condolemus. *Tùm*, in præs-  
 tando, quando eis prodesse cupimus, juxta *Eccl:*  
 32. Rectorem te poluerunt noli extolli, esto in  
 illis quasi unus ex ipsis. Demittimus verò men-  
 tem nostram alicui proximo exterius. *Tùm*, in si-  
 gno, quando inclinatione nostra præveniendò eum  
 veneramur, locum ei honorabiliorem concedimus,  
 juxta *Rom: 10.* Honore invicem prævenientes. *Tùm*  
 in ore, quando ejus benefacta coram alijs lauda-  
 mus, commendamus, & prædicamus; male facta  
 verò palliamus aut excusamus, & in quantum li-  
 cet defendimus, dubia facta item bene interpreta-  
 mur, & alios male illa interpretantes corrigimus.  
*Tùm* in opere, quando eis obtemperamus, obse-  
 quia nostra impendimus, bona præstamus, pedes  
 eorum abluimus ad imitationem Christi, juxta  
*Ioann: 13.* Si ego lavi pedes vestros Dominus &  
 Magister, & vos debetis alter alterius lavare.  
 Unde *S. Aug:* Didicimus fratres humilitatem ab  
 excelsò, faciamus invicem humiles, quod humili-  
 ter fecit excelsus: cùm enim ad fratris pedes incli-  
 natur corpus, tunc in corde ipso vel excitatur, vel  
 si jam inerat, confirmatur ipsius humilitatis affectus.  
 Humilitas *Supererogationi* respectu nostri  
 habetur in imò. gradu, quando quis ex con-  
 sidera.

sideratione conditionis propriæ deveniens in sui cognitionem, seipsum vilipendit atq; contemnit, non tantum ut verè peccatorem, miserum, vilem, inutilem; verùm etiam ut pessimum, miserrimum, vilissimum, inutilissimum, & stultissimum. In 2dò gradu habetur, quando quis sic seipsum contemnens, ubi etiam eâ causâ ab alijs contemnitur, atq; contemptibiliter tractatur, hoc ipsum modestè ac pacifice fert. In 3tio. quando quis hujusmodi contemptum desiderat, atq; cum gaudio suscipit, juxta *D. Greg: l. 1. dial: c. 5.* Sicut superbi honoribus, ita plerumq; humiles sui despectione gaudent: quia judicium quod de se intus habent ab alijs sentiunt approbari.

Dicendum 3tò. quod facile est cuilibet homini cognoscere seipsum esse pessimum seu maximum peccatorem, si juxta testimonium propriæ conscientiae consideraverit multitudinem suorum peccatorum: profecto enim inveniet ea multo plura se alijs perpetrasse. Tùm publice & scandalosè. Tùm occulte, sed DEO ac sibi ipsi aperte. Tùm Soli DEO cognite, sibi verò ipsi ignotè, à quibus timuit sibi Propheta cùm diceret. *Psalm: 18.* Delicta quis intelligit? ab occultis meis munda me Domine, & ab alienis parce servo tuo: Si quoque gravitatem peccatorum suorum ponderaverit, & cum peccatis aliorum comparaverit; certè plures illi occurrent circumstantiæ, peccata sua aggravantes quàm minuents, & aliorum excusantes, quàm accusantes; sicut enim qui gravi laborat dentium aut oculorum dolore, dicit suum dolorem esse ma-



ximum omnibus doloribus aliorum, quia suum  
 cognoscit per experientiam, aliorum verò dolores  
 non nisi per considerationem: pari ratione cuius-  
 vis peccatum verè pœnitentis, atq; de ipso dolen-  
 tis, maximum sibi videtur, ac revera experimenta-  
 tive gravissimum est; Si deniq; observaverit sui  
 cordis pronitates ac propensiones ad malum, sic  
 etiam maximum se peccatorem quisq; inveniet:  
 quia extra gratiam DEI videbit se faciliter posse  
 omnium hominum qui sunt, ac aliquandò fuerunt,  
 & erunt perpetrare peccata, licet non opere, cer-  
 tè nihilominus ipsâ approbatione. Ea re *s. Paul:*  
*1. Tim. 1.* dicit se esse peccatorem primum, id est,  
 summum, maximum, gravissimum, ac pessimum.  
 Miserrimum etiam se quisq; conspiciet ubi consi-  
 deraverit quod nesciat utrum sibi peccata præteri-  
 ta dimissa sint nec nò: tùm quo ad culpam, tùm  
 quo ad pœnam; nam dicitur *Ecc. 9.* Nescit homo  
 utrum amore an odio dignus sit, sed omnia, in  
 futuro reservantur incerta; Si equidem non sunt  
 sibi dimissa, certè miserabilior est cane & buf one,  
 quia istorum hic finitur miseria; peccatoris autem  
 & hic & illic perficietur. Si etiam moralem seu  
 probabilem habet certitudinem quod sit in gratia  
 DEI, tamen adhuc miserrimus est: quia quantum  
 est, ex se, minime valet in eadem gratia perma-  
 nere usq; in finem. Vilissimum se quoq; inveniet.  
 Si *Imò.* recogitaverit, quod post veram ad DE-  
 UM conversionem toties in aliqua peccata recide-  
 rit, juxta *1er. 2.* Quam vilis facta es nimis (ô ani-  
 ma) iterans vias tuas. Si *2dò.* suos defectus exami-  
 naverit,

naverit, naturales nimirum morales, ac spirituales; profecto inveniet se in sæculo fuisse vel ignobilem, vel mendiculum, vel expertum eruditionis: in Religione autem vel indevotum ac passionatum; vel præterea ambitiosum, murmurationibus addictum, & carnis commoda suo statui in convenientia insequentem, vel item de fictis atq; hypocriticis Virtutibus gloriantem, humanos favores appetentem: vel deniq; alios temerè judicantem ac despicientem: indeq; nimis vilem seu vilissimum effectum; nam ait *S. Greg:* Tanto quis est viior DEO, quanto pretiosior sibi: tanto pretiosior DEO, quanto propter DEUM vilior sibi. Et *S. Bern:* Appetere de humilitate laudem, humilitatis, non est virtus, sed subversio; verus humilis vult vilis reputari, non humilis prædicari; gaudet contemptu sui, hoc solo planè est magnanimus quod laudes contemnat. Si ætè consideraverit aliorum vel nobilitatem, vel scientiam, vel devotionem, vel profectum in virtutibus continuum & similia, quibus eum superant, facile judicabit se alijs esse viliozem. Unde *S. Anselm:* Alterius Virtutem non vitium; suumq; vitium non virtutem considerare debet, quisquis ad culmen humilitatis attingere studet. Inutilissimum se quisq; conspiciet, si consideraverit verba illa æternæ veritatis ad Apostolos prolata *Luc: 17.* Cùm feceritis omnia, quæ præcepta sunt vobis dicite: Servi inutiles sumus. Nam si Apostoli verè sunt Christo inutiles (puta ex seipsis) certè quivis alius inutilissimus est. Item illa verba *Ioann: 15.* Ego sum vitis,



vitis, vos palmites, qui manet in me & ego in eo,  
 hic fert fructum multum, quia si e me nihil po-  
 testis facere: qui ergo ex se nil potest facere, pro-  
 fecto inutilis est, ac in sensu suo, seu experientia  
 & æstimatione inutilissimus. Stultissimum tandem  
 se quisq; reperiet, quanvis habeat summam do-  
 ctrinam & scientiam; si consideraverit ac exa-  
 minaverit proficne sibi scientia sua ad salutem æ-  
 ternam consequendam, necne: nam si non proficit,  
 jam stultissimus est eorum omnium qui sua scientia  
 atq; doctrina meliorantur. Si etiam proficit, adhuc  
 quantum est ex se, talis est: quia id quod à DEO  
 habet, in DEUM referendo prout expedit, non si  
 stultissimus remanebit: hoc pacto Salomon sapien-  
 tissimus, stultissimum se esse confitetur dicens.  
 Prov: 20. Stultissimus Virorum ego sum. Unde  
 etiam admonemur 1. Cor: 10. Nemo seipsum se-  
 ducat; si quis videatur inter vos sapiens esse in hoc  
 sæculo, stultus fiat (in sua æstimatione) ut sit sapi-  
 ens; & consequenter stultissimus fiat, ut sit secun-  
 dum DEUM Sapientissimus.

Dicendum 4to. Quod Humilitas non raro ha-  
 beatur vitiosa tam secundum defectum, quam se-  
 cundum excessum, summopere sectatoribus Chri-  
 sti vitanda. De anteriori quidem est Eccl: 19. Est  
 qui nequiter humiliat se. & interiora ejus plena  
 sunt dolo. De posteriori verò est. Et est justus,  
 qui se nimium submittit à multa humilitate. Hu-  
 militas secundum defectum quadruplex est. Qua-  
 rum 1ma dicitur violenta, ad quam compellitur  
 quis ab aliquo principio extrinseco. De hac hu-  
 milita-

militate est *Psalm: 104.* Humiliauerunt in compe-  
 dibus pedes ejus. Et 2. *Mach: 9.* Humiliatus ad  
 terram in gestatorio portabatur, manifestam DEI  
 virtutem in semetipso contestans. Verùm illa hu-  
 militas quæ venit à principio tum intrinseco tum  
 extrinseco, *id est* tam à voluntate aliena cogente,  
 quam à propria consentiente, jam habet aliquid  
 virtutis ascetis usitatæ, talis enim communiter est  
 humilitas juvenum noviter Religionem ingredi-  
 entium, qui varijs mortificationibus & vilificati-  
 onibus à suis Magistris spiritualibus humiliati &  
 discunt ex necessitate facere sibi virtutem, DEO  
 pro sua vocatione gratias agentes, juxta *Psalm: 118.*  
 Bonum mihi quia humiliasti me, ut discam justi-  
 ficationes tuas. 2da. dicitur servilis, quæ ortum  
 habens ex timore servili, à pæna quidem liberat  
 possidentem se, at nullum ei meritum adfert. Ta-  
 lis fuit humilitas Achab. de quo est, 3. *Reg: 17.*  
 Nonne vidisti Achab humiliatum coram me. 3ia.  
 dicitur Superficialis, qualem humilitatem puta esse  
 exteriorem, nullam alias habentem cum interiori  
 connexionem. 4ta. humilitas vitiosa secundum de-  
 fectum dicitur superba, ficta, & simulata: quæ  
 in aperto inferius tendit, sed in occulto alta petit,  
 ac ideo propria est hypocritarum de qua *D. Hier:  
 ad Celest:* Humilitatem sequere, non quæ ostendi-  
 tur aut simulatur gestu corporis, aut fracta voce  
 verborum; sed quæ puro cordis affectu exprimi-  
 tur: aliud enim est virtutem habere, aliud virtutis  
 similitudinem. Et *ad Demetr:* Fictam humilitatem  
 fugiens illam sectare, quam Christus docuit, in  
 qua



## I N S T I T U T I O X. 379

non sit superbia inclusa: multi enim hujus virtutis umbram, pauci veritatem sequuntur. Humilitas vitiosa secundum excessum illa est. *Imò.* quæ præ nimia submissione reddit hominem adeo pusillanimè, ut non audeat peccantes corrigere alias facile corrigibiles, ac eo ipso firmat illos in malo proposito, & ab aliorum oculis non amovet scandalii occasionem. Unde *S. Greg:* Admonendi sunt subditi, nè plusquam expedit sint subiecti; nè cum student plusquam necesse est hominibus subijci, compellantur vitia eorum venerari. *Idè.* illa est, quæ homo ex vera cognitione suorum malorum connaturalium, ita dejecto manet animo, ut non extendat se ad cognoscenda bona naturalia & supernaturalia cælitus sibi donata ad aliqua heroica atq; magnifica opera exercenda, tanquam ingratus hujusmodi donorum. Unde *S. Aug:* Qui se dicit scire quod nescit, temerarius est: qui se negat scire quod scit, ingratus est *Idè.* illa est, quæ homo nimium sibi vilescens atq; diffidens, negligit negotiari talento Domini sui (de quo est *Matth: 25.*) illudq; abscondit in terra locordiae suæ, doctrinam sc: veritatis ac justitiæ cum detrimento animarum sanguine Christi redemptarum occultando. Contra illud *Ezech: 13.* Noli esse humilis in sapientia tua.

## E X E R C I T I V M S E V A C T V S H U M I L I T A T I S.

*Hebdom: 1.* Serio exprobra tibi tam modernos quàm præteritos defectus tuos, imperfectiones, &

negligentias, post tot annorum exercitia; item labilitates, errores tot commissos &c: & sic recogita, quod sis vilissimus, stultissimus, miserrimus, præsertim quod cum his omnibus apprehendas aliquando te non esse sicut cæteros cum Phariseo.

*Hebdom: 2.* Desidera ut nemo hominum sciat etiam post tui obitum de tua pietate, scientia &c: Si quæ sunt in te; sed ut-tanquam abortivum perpetua sepeliaris oblivione, satis tibi erit, si forte tam indignissimo miserebitur Dominus.

*Hebdom. 3.* Non nimis occulta defectus tuos, non excusa te etiam in convitiis, excepto scandalo: indignissimum beneficiorum à DEO & ab hominibus acceptorum te reputa: Abominare & dolere, si aliquando honoreris, cogitando quod sis sepulchrum dealbatum.

*Hebdom: 4.* Reputa te coram DEO & hominibus tanquam (imo magis) canem mortuum fetidum, abominabiliorem ipso dæmone, qui semel non nisi mente peccavit, tu milles etiam actu post infinita beneficia.

## INSTITUTIO XI.

### De Patientia.

**D**icendum est *Imò.* Quod Patientia multas habet commendationes. *Ima* est, quod sicut per patientiam præsentis vitæ incommoda cunctaque adversa redduntur tolerabilia, (quæ alias necessario ferre debemus, qualescunq; fuerimus in hoc mundo, sive iusti ac innocentes, sive impii, ac scelerati, sive satis penitentes: quia Christus Do-

minus



minus noster, alias justissimus ac innocentissimus ad nostram informationem pati secum voluit unum latronem impium ac sceleratissimum, & alterum compunctissimum) ita equidem absque patientia adeo sunt intolerabilia, ut quemlibet Religiosum hominem faciant in suo statu religioso irreligiousè ac stulte vivere; donec stultitiam suam per impatientiam exterius manifestam reddat juxta *Prov. 14.* Impatiens operabitur stultitiam Et paulo post. Qui impatiens est exalrat stultitiam suam. Et iudith: 8. Qui tentationes non susceperunt cum timore Domini, impatientiam suam & improprium murmurationis suæ contra Dominum protulerunt. 2da. est, quod per patientiã certissimum habetur indicium Sapientiæ cælestis in viro aliquo religioso permanentis, juxta *Prov. 14.* Qui patiens est, multa gubernatur Sapientiã. 3tia. quod per patientiam venit ad verã Christi pacem: per patientiam enim vel maxime subjugatur, atq; in possessionem traditur spiritui sensualitas; ita ut amplius non possit eum inquietare suis concupiscentiis atq; passionibus: cujus quidem spiritus de sensualitate per patientiam triumphantis illud est *Pst 118.* Anima mea (sensualitatem intelligit) in manibus meis semper. Unde est quod ait Christus *Luc: 21.* In patientia vestra possidebitis animas vestras. 4ta. quod Vir DEI per patientiam redditur securus de cælesti gratia, gratum se DEO faciente, atq; de charitate sibi inhaerente, juxta 1. *Cor: 13.* Charitas patiens est, non est ambitiosa, id est, charitati patientia & humilitas inest, ut eam exornet,

perficiat & manifestet. *sta.* est, quod patientia cuius unq; Viri religiosi plus cæteris virtutibus proximis ædificat quoniam rarius habetur, quam omnes aliæ virtutes plures enim sunt casti, sobrii, paupertatem zelantes, semetipsos humiliantes, orationibus instantes multa bona operantes: pauciores autem in calumnijs, contumelijs, ac despectionibus humiliter patientes: passim enim semetipsos turbulentè excusant, atque contentiosè ac impetuosè defendunt; timentes ne multi creduli scandalizètur, si verbis condignis audacia & malitia calumniatorum atq; detractorum non retundatur: cum alias maiorem dent scandali occasionem, ubi se per impatientiam vindicant mordaces remordendo; nam *S. Greg: hom: 18. ait:* Imitanti DEUM gloriosius est injuriam tacendo sustinere, quam respondendo superare. Et *S. Bern:* Times nē credatur detractori de te, & inde alij scandalizentur, sustine & ræce, patientia tua tollet suspensionem, vel mitigabit præsumptionem in cordibus aliorum, & sic patiaris ut morsus pulicum *sta.* est, quod per patientiam Christo veraciter compati-mur, & id ei quod pro nobis ipse sustinuit rependimus, cū inter nos ejus quas passus est dividimus injurias: cujus rei gratia ipse etiam daturus est nobis gloriæ suæ cælestis æternas delicias. Profecto enim si in præsentī Christo comparimur, eidem in futuro conregnabimus; & si fuerimus socij ejus passionum, erimus & consolationum, ut ait Apost: *1. Tim: 2. Et 2. Cor: 5.* Et eo propius ibi Christo assistemus, quo hic majora propter ejus imitatio-



# INSTITUTIO XI. 383

imitationē æquo animo adversa toleraverim⁹ juxta illud quod ipse ait: *Luc: 6.* Beati eritis cūm vos oderint homines, & cūm separaverint vos, & expronaverint, & ejecerint nomen vestrum tanquam malum propter Filium hominis: gaudete in illa die & exultate, ecce enim merces vestra multa est in cælo. Huc spectat quod ait *S. Greg:* Majoris est meriti adversa patienter tolerare, quam bonis & piis operibus insudare.

Dicendum 2dò. Quod patientia largè & strictè accipiat. *Largè* quidem sumpta est virtus generalis, quā cuncta mala hujus vitæ possibiliter aquaminiter feruntur. Sunt autem hujusmodi mala vel alias incommoda seu adversa alia innata, ut sunt miseriæ tam animæ, quàm corporis. *Alia* illata, ut sunt castigationes ac punitiones à DEO inflictæ, persecutiones hominum, tentationes dæmonum. *Alia* aliena, uti sunt proximorum maxime verò domesticorum, mores incompti, vel aliquando inhonesti, dycoli atq; scandalosi. *Alia* assumpta, uti sunt regulares disciplinæ ac mortificationes voluntariæ & similia. *Strictè* verò sumpta patientia est virtus specialis, qua omnis injuria (*realū puta ac verbalū*) à quocunq; adversario facta in tantum æquaminiter toleratur, ut homo neq; ex tristitia concidat animo per sui alienationem à studio virtutis, neq; ira perturbatus vindictam appetat. Patientia strictè sumpta alia est necessitatis, de lege præcepti, de qua est *Habr: 10.* Patientia vobis necessaria est, ut voluntatem DEI facientes reponetis repromissionem. Hujusmodi autem patientia,

ria, tolerat quidem injurias æquo animo propter DEUM, sed jus reservat sibi causam suam coram Judice deponendi, ac ipsum injuriosum publicâ autoritate puniendi. *Alia* dicitur Supererogationis, de lege consilij, quæ alias nullum jus ejusmodi sibi reservat: sciens illud S. Pauli. 2. Cor: 6. Jam omninò delictum est in vobis, quod judicia habetis inter vos; quare non magis injuriam accipitis, quare non magis fraudem patimini? Talis fuit patientia eorum, in quorum persona dicitur 1. Cor: 4. Maledicimur, & benedicimus, persecutionem patimur, & sustinemus &c.

Dicendum 3<sup>to</sup>. Quod patientia supererogationis, tam secundum intensionem quam extensionem considerata tres habet gradus. In 1<sup>mo</sup>, quis constituitur, quandò propter Christi imitationem, mala sibi ab aliquo adversario injuriose illata, æquanimiter sustinet, omnem doloris ac impatientiæ motum in sensualitate confluentem, & omnem rationis inferioris discursum turbulentum, & omnem immoderatam animi tristitiam internâ mortificatione comprimit, adjutus celesti auxilio piis precibus advocato. Patientia enim secundum D. Greg: est aliena mala æquanimiter perpeti: contra cum quoquè qui mala irrogat, nullo dolore morderi.

In 2<sup>do</sup> gradu constituitur, quando ex longo usu adversa propter imitationem Christi æquanimiter tolerandi, ac impatientiam refrenandi, vix aut raro jam sentit illos motus sensualitatis, ubi injuriâ afficitur, atq; audit remurmurationes suæ inferioris



oris rationis, ac in animo suo experitur aliquas tristitiæ amaritudines: jamq; illa adversitas quam sustinet, levis non autem gravis ei videtur. Unde *D. Bonav.* Vix aliquid in hac vita tam asperum est, quod ex studio patientiæ non fiat levius ad portandum, juxta illud: Quod male fers; assuesce, & feres. In 3<sup>to</sup>. gradu aliquis constituitur: quando propter amorem Christi, atq; illius conformitatem cuncta pati adversa desiderat, ubi desunt: cum autem adsunt, illa gaudenter sustinet juxta *Iob.* 6. Hæc mihi sit consolatio, ut affligens me, non parcat. Et *1. Cor.* 12. Placeo mihi in infirmitatibus meis: in contumelijs & necessitatibus, in angustijs, in persecutionibus pro Christo. *Nota.* quod præsens patientia primi gradus habetur in acquirendo: Secundi in acquisito: Terrij in excessu virtuoso.

Dicendum 4<sup>to</sup>. Quod patientia nonnunquam habetur vitiosa tam secundum defectum, quam secundum excessum. ascetis summopere vitanda. Patientia defectuosa multiplex est. *1<sup>a</sup>* dicitur Naturalis, quæ quis ex impulsu amoris naturalis. absq; debito respectu ad DEUM, libenter tolerat aliqua mala, sanitati corporali conducibilia, uti sunt: abscissio membri alicujus, incisio venæ, portio medicinalis amara &c: *2<sup>a</sup>*. est vanitatis quæ sustinet multos labores, multis exponit se periculis, multa incommoda & adversa tolerat propter privatos ac mundanos respectus; talis patientia est militum, aulicorum, &c: *3<sup>a</sup>*. Simulationis dicitur, quæ in aperto injuriam æquanimiter sufferre videtur,

videtur, at uerò occulta intentione, in aliud tempus opportunum differt vindictæ ultionem. *4ta.* est Coactionis aut violentiæ, quâ homo velit, nolit, vel alias invitus aduersa sustinet sibi illata. Talis est patientia servorum Dominis suis peccantium, atq; latronum de qua est. *1. Petr. 2.* Quæ est enim gratia (*id est, meritum patientiæ*) si peccantes colaphizati suffertis? sed si bene facientes patienter sustinetis, hæc est gratia apud DEUM: in hoc enim vocati estis, quia & Christus passus est pro nobis, vobis relinquens exemplum, ut sequamini vestigia ejus. Item *cap: 4.* Nemo vestrum patiatur quasi homicida, aut fur, aut maledicus, aut alienorum appetitor; Si autem ut Christianus, (*id est innocenter ad imitationem Christi*) non erubescat, glorificet autem DEUM in isto nomine. *5ta.* dicitur patientia impatiens, quæ illorum est, qui in adversitate constituti, exterius quidem in signo verbo & opere, ob sui statûs decentiam patientes sunt; sed interius sovent impatientiam, ac misertimè turbantur: qui quoq; in publico præferunt patientiam, sed in privato carpunt suos adversarios. *6ta.* est conditionata: limitata, ac temporaria: quæ illorum est, qui volunt quidem ferre quamcunq; injuriam propter imitationem Christi, modo non istam; a quocunq; homine, modo non ab isto; ad quodcunq; tempus, modo non sit longum, ac sine spe exitus ac finis. Patientia vitiosa secundum excessum illa est, quâ homo in causa DEI patiens est: patientem enim esse in proprijs injurijs laudabile est: sed in DEI injurijs sum-



summopere impium. Illa *item* est, quâ quis patiens est in sui proximi injurijs: quem alias tueri debet vel ex iustitia, vel ex charitate. Unde *Proverb: 26.* Nè respondeas stulto juxta stultitiam suam (*in tua causa*) nè efficiaris ei similis: responde stulto juxta stultiam suam (*in causa DEI & proximi*) nè sibi sapiens videatur.

## EXERCITIVM ET ACTVS PATIENTIÆ.

*Hebdom: 1.* Resolve te ad quascunq; miseras, morbos, quodcunq; tempus & genus mortis tibi à DEO assignatæ exemplo Christi etiam à lamentationibus abstinendo, totum te in morbo, providentiæ sive bona sive mala fuerit, fratris Infirmarij committendo.

*Hebdom: 2.* In adversis amarulentias, murmur internum excute; linguam nè dùm à convitijs &c: Sed etiam à justis excusationibus cohibe, nec desidera tibi compati alios.

*Hebdom: 3.* Assvesce illi actui: Mea culpa.

*Hebdom: 4.* Dignum te cogita longè majoribus vexis propter occulta tua vitia, & ora pro persecutibus te; fortè enim in panam tui, præcepit eis Dominus, ut maledicerent tibi. Imò ista adversa desidera juxta illud: Improperiū expectavit cor meum, & miseriā. *Alias* exhorresce nè forte reprobis sis, dùm nil pateris à DEO vel hominibus.



## INSTITUTIO. XII.

De virtute Devotionis, seu Cultu Hyperdulia. erga Beatissimam

## VIRGINEM MARIAM.

**D**icendum est *imò*. Quod Cultus Beatæ Virgini-  
nis MARIE (juxta Lochner ex S. Hier.) nil  
aliud sit, quam cultus quidam Superior qui debetur.  
Beatissimæ Virgini propter singularem suam ex-  
cellentiam supra omnem aliam creaturam simpli-  
cem. Unde non immerito dicitur Hyperdulia.  
Hinc Virtus Marianæ cultûs bene potest definiri,  
Est quædam inclinatio, seu habitudo animi ad ho-  
norandam, amandam, invocandam, imitandam.  
Beatissimam VIRGINEM MARIAM, idquæ supra  
omnem puram creaturam. *Motiva* hujus Cultûs  
sunt. *Imò* est honoranda, quia habet hoc, quod  
non habet ulla pura creatura: est enim vera MA-  
TER DEI; propter quod SS. Patres aliqui, quan-  
dam infinitatem ei adscribunt. *Item* est Mater no-  
stra; juxta illud (ad Joannem directè, ad nos au-  
tem indirectè prolatum) Ecce Mater tua. *Item*  
honor exhibitus Matri Sanctissimæ, totus refun-  
ditur in Christum; si enim dixit: Quod uni ex  
minimis meis fecistis mihi facistis; quanto magis  
si faciamus id, ejus Sanctissimæ Matri. Et S. Ber-  
nard: *supra* Missus. Non est dubium, quidquid in  
laudibus Virginis profertimus, ad Filium pertine-  
re. *Item* est Domina & Regina nostra quod Ru-  
pert. & Arnold. ex ipso etiam nomine MARIA  
dedu-



## I N S T I T U T I O XII. 391

ritatem conscientiae, & imitationem virtutum ejus. *zdo Per excessum.* Si quis cultum Patriae, sicut DEO, redderet Beatissimæ V. MARIÆ. Vel honorem ejus aliquibus extraordinarijs, superstitionis, falsis, vel scandalum ingredientibus ignaræ plebi actibus, & ceremonijs promoveret.

## E X E R C I T I V M E T A C T V S E R G A S S. V. M A R I A M

*Hebdom: 1.* Æstimatio ipsius dignitatis, excellentiæ, pulchritudinis super omnem creaturam ex eo, quod sit vera Mater DEI.

*Hebdom: 2.* Gaudium, quod inter fideles nullus penè sit, qui aliquam devotiunculam non habeat ad Beatam V. MARIAM: & compati, quod à tot Ethnicis ignoretur; à tot Iudæis, Hæreticis &c: blasphemetur tanta dignitas.

*Hebdom: 3.* Meditatio Sabbativa de doloribus ejus: & pro Præsencia die Sabbati, & feria quarta gerere in memoria Beatissimam V. MARIAM, & actiones vitæ ejus.

*Hebdom: 4.* Agnoscere, & voto se ei consignare in mancipium exaltandæ & defendendæ (pro viribus) dignitatis ejus contra impugnatores. Renovatio voti tuendi etiam ad martyrium cultum Immacul: Conceptionis Beatissimæ V. MARIÆ, Plures Actus poterit capere ex Scal. ultima Pastorum. Tempus autem istius exercitij videtur commodum saltem per Solemniores Octavas Festorum Beatissimæ V. MARIÆ.

T R A.

## TRACTATUS VI.

*De vitijs oppositis virtutibus, ut proprie vitia sunt.*

**D**icendum est *ind.* Quod hactenus egerimus de virtutibus asceticis, ac de vitijs earum lateralibus quæ sunt secundum defectū & secundum excessum: Nunc verò consequenter de vitijs eisdem virtutibus oppositis agendum est. Vicia igitur opposita Virtutibus quædam sunt innata, quædam acquisita. Vicia quidem *Innata* sunt habitus pravi & motus inordinati, superbix, luxuriæ, avaritiæ invidiæ, gulæ, iræ, & accidiæ: quorum *quidam* habentur communes, quos anima rationalis contrahit à primis parentibus simul cum peccato originali in ipsa vñione naturali: ac inde naturaliter habetur propensa ad malum, & immobilis ad spirituale bonum; uti privata originali iusticia; per quam habuisset fideliter subiectam suam sensualitatem suo spiritui, & spiritum ipsumet Omnipotenti DEO. *Quidam* habentur speciales, quos unicuique nostrum complexio naturæ corporalis conferre solet. Unde homines complexionis Sangvineæ (ut pote calidi & humidi: quos videmus facie rubra, serena, splendente atq; hilari) ceteris propensiores solent esse ad vitia carnis atq; luxuriæ, ad iocos, risus saltus, & similia. *Cholerici* autem calidi nimirum & sicci, propensiores alijs habentur ad vitia superbix & Iræ, atq; ad alia quæ inde sequuntur.

*Melan.*



*Melancholici* vero, frigidi nimirum & sicci propensiores sunt ad vitia invidiæ: Unde solent esse tristes, suspiciosi, scrupulosi, perplexi, ac pertinaces in suo sensu. *Phlegmatici* tandem frigidi nempe & humidi, propensiores evadunt ad vitia acediæ prout somnolenti,, tardi, ad otium proni, & ingenio obtusi. Deinde varia horum humorum permixtio, varios etiam in varijs complexionibus producit vitiorum effectus. Vitia acquisita, sunt etiam habitus pravi intensiores, & motus inordinati ferventiores ejusdem, puta superbiæ, avaritiæ, luxuriæ, iræ, gulæ, invidiæ, & acediæ, quos unusquisq; sibi per actus peccaminosos frequenter iteratos comparare & augere solet. De utraque hujusmodi specie vitiorum D. Aug: ait: Cupiditates quasdam naturaliter contraximus, quasdam consuetudine nobis fecimus. Item. Motus illi mali avaritiæ, iræ, libidinis, partim de origine, partim de consuetudine veniunt: & priores quidem minui possunt, finire non possunt; relinquuntur autem baptizatis, ut fortius certando, majorem etiam sibi gloriam parent. Minuuntur autem à proficientibus & resistentibus: posteriores verò etiam tolli possunt repugnando, & contrariâ bonâ consuetudine.

Dicendum add. Quod vitia inde hujusmodi accipiant nomen, quod inprimis motibus omnino vitari debeant, nè in actum exeant peccaminosum: & quod ab originali peccato veniunt animæ rationali, per quod vitiantur omnes ejus affectiones ac vires; præsertim verò amor sui, qui est caput

cunctarum affectionum malarum; amando enim homo seipsum ut non oportet, mox immoderate ac inordinate appetit bona hujus mundi, utpotè honores, possessiones, & voluptates, quo ipso incidit in superbiam, luxuriam gulam, & avaritiam. Quod si quis impedimento sit illi ad ea obtinenda, citò inflammatur iracundia; si etiam aliquis alius habeat ea quibus ipse caret, illico succenditur invidia: deniq; dùm cujusq; animus affectu suo jucundatur & quiescit ultimare in possessione bonorum temporalium, protinus incurrit in acediam. Hæc autem vitia, ut propriè vitia sunt (*id est*) quatenus dicunt solam propensionem ad peccandum, hic singula definiri debent; ut autem in peccata actualia & habitualia exeunt in sequentibus Institutionibus explanabuntur.

Dicendum 3<sup>ti</sup>o. Quod *Superbia* ut vitium, est pronitas innata homini, in hoc statu naturæ corruptæ, ad appetendam inordinate excellentiam: atq; in ea adepta ad vane sibi complacendum, immoderateq; gloriandum. *Avaritia* item ut vitium, est conaturalis habitus pravus inclinans animum ad appetendum immoderate pecuniam, possessiones, divitias, proprium. *Luxuria* item ut vitium, est propensio improbata corruptæ sensualitati innata, sollicitans animum ad appetendum veneream seu libidinofam voluptatem, ac inde est, quod Ecclesia orat: A spiritu fornicationis, libera nos Domine. *Ira* item ut vitium, est habitus pravus, stimulans animum ad vindictam de injuriante inordinate sumendam. *Gula* item ut vitium, est habi-



# INSTITUTIO I. 395

tus pravus sensualitati innatus, inclinans animum ad cibum & potum immoderatè appetendum. Potest autem quis appetere cibos & potus immoderatè quintupliciter: Si appetat eos pretiosos, accuratos, superfluos, extra tempus debitum, & non ob necessitatem naturalem, sed ob delectationem. *Invidia* autem ut vitium, est habitus pravus homini connaturalis, pulsans animum ad pœnitentiam seu tristiciam de prosperitate alterius per quam minoratum se esse non libenter videt. *Acedia* deniq; ut vitium, est habitus pravus innatus homini inspirans animo tœdium in spiritualibus, ad quæ excitat charitas.

## INSTITUTIO I.

### *De Vitio Superbia.*

**D**icendum est Imò. Quod Superbia ut peccatum alias spiritus extollentiæ mentem super se (*id est*) super mensuram sui statûs & conditionis ire propellens, largè, & strictè accipitur. Superbia largè sumpta, est voluntas nolens simpliciter subdere se legi æternæ, paratusq; animus aliquod præceptum ejus violandi. *Strictè* verò sumpta est immoderatus excellentiæ appetitus: atq; de propria excellentia immoderata gloriatio: Est autem propria excellentia triplex: Altera, cui debetur honoratio seu reverentia, cujus appetitus inordinatus est superbia, ut superbia. Altera cui debetur aliorum subjectio: cujus appetitus immoderatus, est superbia ut ambitio. Altera deniq; cui debetur laudatio

datio humana, cujus appetitus inordinatus est superbia, ut vana gloria.

Dicendum *2<sup>do</sup>*. Quod appetitus hujusmodi triplicis excellentiæ non semper est peccaminosus: nam si est ordinatus seu moderatus, vel alias recte rationi consentaneus est licitus & honestus, tanquam referibilis ad virtutem justitiæ. Talis autem esse censetur, dum quis de re bona, & vera appetit excellentiam suis alias meritis adæquatam, & qualitatibus commensuratum ac proportionatum, ob finem aliquem bonum, ut potè ad malum propriæ infamiæ vitandum, atq; ad promovendam **DEI** majorem gloriam, & proximi spiritualem profectum atq; ædificationem: uti appetiit Samuel excellens haberi, dum seipsum laudaret *1. Reg: 14.* Et Sanctus Paulus, dum se Corinthiis *2. c. 11.* commendaret. At verò peccaminosus est hujusmodi excellentiæ appetitus, si habetur immoderatus, seu inordinatus, vel alias rectæ rationi contraveniens. Talis autem censetur esse *Imò* ratione finis, ut dum quis appetit excellentiam, quatenus videlicet majorem habeat libertatem, pravis moribus suæ sensualitatis indulgendi, aut proximos ac fratres suos vilipendendi &c: *2<sup>do</sup>*. ratione mediorum, ut dum quærit quis & appetit excellentiam consequi per conspirationes, per simoniam, per detractiones, per minas, promissiones & similia. *3<sup>io</sup>*. ratione causæ, ut dum quis appetit excellens haberi de re mala, ut potè **DEUM** aut proximum offensiva, vel de re falsa, quod hypocritis contingit, qui suas improbitates, externarum Virtutum tolijs contegere solent. Dicen-



# I N S T I T U T I O I. 397

Dicendum *2<sup>id</sup>*. Quod Superbia haberi solet si-  
cut interius, ita etiam exterius. Habet autem  
aliquis superbiam *interius*, ut pote in *memoria*, quan-  
do passim de se magna cogitat contra rei verita-  
tem. In *intellectu* verò, dùm excæcatus nimio ap-  
petitu excellentiæ, omninò existimat se dignum  
quolibet officio sui Ordinis, & habilem esse ad  
illud obeundum quod ubi non consequitur uti spe-  
rabat, nimis turbatur, conqueritur &c. Dùm quo-  
que in suo sensu præfert se alijs, ita ut illorum  
dicta, facta, & quæq; optima contemnat, sua ve-  
rò exaltet. Dùm etiam spretis aliorum probabi-  
libus sententijs, sanis consilijs, & pijs admonitio-  
nibus, pertinaciter inhæret errabundo proprio suo  
iudicio. In *voluntate* tandem dùm indignè fert ac  
turbulenter verba viruperationis, admonitionis,  
& correctionis. Dùm item illa immoderatè ap-  
petit quæ ad promovendam propriam excellenti-  
am spectant, quasi merito sibi debeantur. Dùm  
item voluntatem suam sequitur in omnibus, ac  
ab eo quod placet sibi vix avertitur. Dùm deni-  
q; lætatur ex aliorum defectibus, sperans inde  
excellentiore haberi. Habet verò aliquis superbi-  
am *exterius*, utpote in *Signo*, quando severitate  
vultus, asperitate visûs, singularitate vestirûs, gra-  
vitate incessûs, fastuositate sermonis, erectione  
cervicis, & inhumanitate morum à cæteris discre-  
pat. In *Verbo*, quando libenter narrat se nobili  
genere natum, cum non sit verum; vel quando de  
paupertate parentum suorum erubescit. *Item*.  
quando narrat ea, quæ fecit, audivit, vidit, scit, ut

excellens habeatur. *Item.* quando obfirmatè aliquem exagitat, dicta, facta, scripta aliorum temerè exhibitat, contumaciter ad aliquem scribit, insolenter atq; arroganter alios corrumpit, jure aliqujus potestatis intumescit, ingratus beneficiorum existit, debitum honorem fratribus & Superioribus reddere negligit.

## INSTITUTIO II.

### *De Vitio Avaritia.*

**D**icendum est *1mo.* Quod Avaritia ut peccatum idem est, quòd cupiditas immoderata pecuniæ, divitiarum, possessionum, ac proprij. Videtur enim venisse avaritia ab avaro & are, ut sit quasi aviditas æris, id est pecuniæ.

Dicendum *2do.* Quod avaritia mortalis fiat: quadrupliciter. *1mo.* Si quis res proximi retineat cum ejus injuria, vel eas habere cupiat medijs illicitis, ut potè furto, rapina, contractibus usurarijs, & similibus alijs modis. *2do.* Si quis res suas ita avide diligat cum injuria proximi, ut in extrema aut gravi necessitate constituto, non subveniat illi eas impertiendo. *3tio.* Si quis res suas eatenus diligat contra charitatem sui ipsius, ut malit potius æternis bonis carere aut privari, quàm hisce præsentibus. *4to.* Si quis res hujusmodi terrenas contra charitatem DEI adeo diligat ut eligibilius sibi sit legem æternam prævaricari, quàm earundem rerum jacturam pati.

Dicendum *3tio* Quod Avaritia sicut interius haberi solet, ita etiam exterius, habet autem aliquis



## INSTITUTIO II. 399

quis *Frater Minor* avaritiam interius, ut pote in *Memoria*, quando volubiliter cogitat de pecunijs, possessionibus, & similibus habendis, seu ac si habitis, ita ut *Divina Officia* distractè peragat, & orationi mentali non satis attendat. In *Intellectu* verò, quando concepit de rebus huiusmodi terrenis magnam opinionem, ac si valde essent expendendæ. *Item*, quando vias modos excogitat, quibus eadem res acquirendæ essent. *Item* quando fingit se aut suos multas habere divitias; atq; pro suo libitu eas imaginariè dispensat. In *voluntate* tandem, quando appetit habere curiosa pretiosa, & superflua. *Item* Si haberet ea quæ appetit cito veller statum deferere suæ vocationis. Habet quoque idem *Frater Minor* avaritiam exterius, ut potè in *Signo*, quando utitur rebus communivatis tanquam proprijs, vel quando alijs fratribus distribuendæ sunt, difficile ac perparcè eas impertitur. In *Verbo* quoq; dùm res acquirendo vel retinendo mentitur; ut proximum fallat. In *Opere* tandem, quando pro suo libitu res accipit, donat, commutat, coram Superiore abscondit: Vel quando per Superiorem sibi aufeuntur, dolet, turbatur, irascitur.

## INSTITUTIO III.

### De Vitio Luxuriæ.

**D**icendum est. *Imò*. Quod *Luxuria* largè sumpta, dicit omnem excessum seu insolentiam, ac immoderantiam in vestitu, epulis, unctionibus, ædificijs, & quibuscunq; delicijs carnalibus. Un-

de luxuriosus est quasi relaxatus, profusus ac solutus in quasvis voluptates. *Stricte* verò accepta dicit rei venereæ seu libidinose inordinatum appetitum, atq; ipsum immoderatum usum, legi Divinæ contrarium.

Dicendum 2dò. Quod habere dicitur aliquis luxuriam in *Memoria* materialiter, scilicet quando sive otiano, sive quidpiam agendo volubiliter cogitat de venereis actibus præteritis aut possibili-  
bilibus, absq; tamen plena reflexione ad offensam DEI. In *intellectu* verò, quando cogitat de vijs ac medijs, quibus venire possit ad exercendos huiusmodi venereos actus, adhuc tamen absq; plena malitiæ illorum aduertentia. In *Voluntate* tandem, quando post primam intellectûs aduertentiam, tales venereas cogitationes statim non repellit, aut seipsum ab eis quoquo pacto non alienat: moruiq; concupiscentiæ seu delectationi venereæ in sua sensualitate nascenti minimè dissentit; quod est ipsum tacitè seu interpretativè consentire. Vel *item*, quando huiusmodi cogitationes practicas, carnalibus desiderijs puta, vel oblectationibus venereis instructas formali seu expresso ac elicto consensu approbat. vel deniq; quando ipso actu exteriori appetit ac proponit experiri veneream voluptatem.

Dicendum 3tio. Quod aliquis habet luxuriam in *Signo*, quando impudica ac obscena libenter legere aut audire solet. *Item*, quando avertit animum ab omni corporis proprii duriori tractatione, & ad quasvis illius oblectationes, aut ni-  
mias



### INSTITUTIO III. 401

mias commoditates convertit. *Item*, quando nimia familiaritate coniungitur aliquibus personis cuiuscunq; Sexus, alias de incontinentia suspectæ ætatis, faciens cum eis frequentiora & occultiora colloquia; læpius offerens eis aliqua munuscula in contestationem sui intimi amoris nec non, quando huiusmodi personarum apprehensas constringit manus, easq; aut faciem ipsam osculatur; vel quoq; caput, aut mentum blandè attritendo demulcet. In *Verbo* quando inhonesta, turpia, impudica, atq; carnalia effusè loquitur. In *Opere* luxuria dicitur, fornicatio videlicet, stuprum, adulterium, incestus, Sacrilegium, ac item vitium contra naturam, cujus tres habentur species: ut potè mollities voluntaria, seu pollutio procurata proprii corporis, sodomia, & bestialitas. Gravitas autem huiusmodi peccatorum eo excrescit ordine quo recensentur.

### INSTITUTIO IV.

#### *De Vitio iræ.*

**D**icendum est *imò*. Quod ira venit, à verbo *Dire*, ut aliqui putant, eo quod irati, quamdiu irascuntur, non apud se sint, sed extra se iuerint, & pacati ad se redierint. Et quidem ira, ut est affectio nudè considerata, non reputatur ex se bona aut mala, sed indifferens: quia non est animæ actio aliqua moralis, sed passio naturalis; quâ benè & malè uti possumus, velut etiam cæteris affectionibus: idemq; est quod sanguinis feruor in corde, ac circa illud ex perturbatione & evapo.

evaporatione fellis veniens. Ut autem ira est vitium corruptæ naturæ, dicitur esse habitus animæ pravus inclinans animum ad vindictæ appetitum, ut verò est peccatum seu actus peccaminosus, dicitur inordinatus appetitus vindictæ, veniens ex apprehensione iniuriæ, & excandescencia animi contra eum, à quo offensi sumus. huiusmodi autem appetitus inordinatus quadrupliciter contingere potest. *1mo.* ex parte appetentis, ut si quis puniri appetat eum qui iniuriam sibi infert privata auctoritate. *2do.* ex parte eiusdem, ut si innocens sit, quem puniri appetit, vel tantam non meruit penam. *3to.* ex parte modi. Ut si Iudex puniat reum contra ordinem iuris, vel non servatâ formâ iustitiæ; Vel cum gravi excandescencia exterius apparente, & consequenter cum scandalo. *4to.* ex parte finis: ut si Iudex puniat, vel accusator punitionem appetat, non ex zelo iustitiæ, non propter correctionem delinquentis, sed propter satietatem affectus irascentis. Talis autem ira formâ is esse dicitur, quæ alias ex genere suo mortalis est culpa; quanquam aliquando potest esse tantummodo venialis. *Tum* ob parvitatem mali, quod appetitur vel irrogatur. *Tum* ob defectum plenæ advertentiæ aut deliberationis. *Tum* ob imperfectionem actus. Ut si ira sit nonnisi materialis; uti est actualis impatientia ex apprehensione iniuriæ, & animi excandescencia proveniens, absq; appetitu vindictæ.

Discendum *2do.* Quod aliquis dicitur habere iram



iram interius, ut pote in *Memoria*, quando cogitationes fovet recordatione iniuriarum ab aliquo acceptarum, quibus igniculi iræ ac odij accendantur. In *intellectu* autem, quando excogitat vias & modos quibus adversario suo noceat, & malum pro malo reddat. *Item* quando levissima habens indicia aut fere nulla, suspicatur atq; iudicat aliquem suum esse inimicum. *Item*, quando adversarij sui diligenter inspicit mores, verba, opera, & intentiones, ac in deteriorem partem interpretatur. In *Voluntate* tandem, quando aliorum dictis aut factis facillimè pungitur ac perturbatur, nolens quidquam adversi patienter ferre. *Item*. quando bono simul ac malo sine operat alicui pœnam, ignominiam, aut quodcunq; malum, ut sic correptus corrigatur. & suus appetitus immoderatus vindicta existat satiat. *Item*, quando bonam opinionem de aliquo conceptam, atq; amorem in se erga eum diminui sentit, & huic malo non dissentit.

Dicendum *3tio*. Quod aliquis habere dicitur iram exterius, ut potè in *signo*, quando alicui denegat exhibere signa civilis seu communis amicitia; Uti sunt exhibitio reverentiæ, affabilitatis, benignæ aspectionis: in necessitate præstatione auxilij, obsequij, aut; beneficij &c. *Item*, quando fugit de suo adversario audire bona, vel fraternè non corripit indignè de illo narrantes mala. In *Verbo*. quando conqueritur coram alijs de injuria sibi facta, concitando eos ad murmurandum contra injuriam sibi facientem; Vel  
quando

quando verbis jocosis alios pungit, aut mordacibus, contumeliosis, ac similibus exacerbat; Vel quando clanculum eis detrahit, eosq; calumniatur; Vel quando in disputationibus controversæ & contentiosæ & contumeliosæ cum alijs agit. In opere tandem, quando cedit aliquem verberibus.

## INSTITUTIO V.

### De vitio Gula.

**D**icendum est *Imò.* Quod gula utpote largius accepta, dicit appetitum cibi & potûs immoderatum, talem esse puta, si cibaria & poculenta haberi curantur ardentè, *id est.* non tam ob necessitatem naturalem, quàm ob sensualem voluptatem. *Item.* præpropere, *id est* extra & præter tempus debitum. *Item.* Sumptuosa, exquisita immodica.

Dicendum *add.* Quod gulam habere dicitur aliquis Frater Minor interius, ut pote in *Memoria*, quando passim ac sollicitè cogitat de cibis ac potibus delicatis ad facietatem sumendis; ita ut divinum Officium distractè absolvat, & orationi mentali minus attendat. In *intellectu* autem, quando ingurgitationem cibo & potu delicato judicat summam esse felicitatem. *Vel* quando ad mensam sic effusum in cibos & potus habet animum, ut lectionem piam nullatenus concipiat. In *Voluntate* verò, quando paratum habet animum cibos & potus sibi placitos procurandi modis alias statui suis illicitis. *Vel* quando indignatur ac perturbatur si rardius cibi & potus apponuntur; aut non quales, quantosque appetit.

Dicen-



## INSTITUTIO V. 405

Dicendum *3tio*. Quod gulam habet aliquis ex-  
 terius, ut pote in *signo*, quando festinanter absque  
 modestia religiosa comedit, ac veluti vorat; ac po-  
 cula quasi uno ductu evacuat. *Item*. quando co-  
 medendo & bibendo immoderatè lætatur, ac in-  
 risus & jocos nimios effunditur. In *verbo* autem,  
 quando passim ac pleno affectu quorundam bene-  
 factorum laudat liberalitatem in tractando; quo-  
 rundam verò mediocritatem vituperat. *Item* quan-  
 do de cibis & potibus delicatis frequenter ac li-  
 benter loquitur. *Item*. quando facile conqueritur  
 ac murmurat de Superiore & Coquinario, quod  
 alter negligat procurare cibos, & potus sibi pla-  
 citos, alter non præparet procuratam comesturam  
 ad suum gustum. In *Opere* tandem quando se ci-  
 bis aut potibus ita ingurgitat, ut postea vomat,  
 cremato aut medicamento indigeat.

## INSTITUTIO VI.

### *De vitio Invidie.*

Dicendum est *Imò*. Quod peccatum invidiæ non  
 invenitur communiter nisi inter sibi aliquâ  
 ratione æquales: Ubi enim alter conspicit magis  
 alteri quàm sibi favere fortunam, ac inde suscipit  
 dolorem; quod eo ipso videat se inferiorem illo  
 factum, tunc invidere (*id est* acerbè tristiusq; pro-  
 speritatem alterius videre) dicitur. Unde invi-  
 dia ut peccatum; est inepta tristitia, seu immode-  
 ratus animi dolor, de alterius prosperitate; per  
 quam putat quis obscurari ac diminui suam fortu-  
 nam; quæ alias ut reparata existeret, libenter al-  
 terum

rerum carere illâ veller, si possibilitas adesset. Verum huiusmodi inepta tristitia, seu immoderatus animi dolor, non semper ad invidiam spectat, nisi improprie: Ut quando quis dolet de bono illius, cui malum optat ut suo inimico. Talis enim dolor propriè ad odium pertinet. *Vel.* quando quis dolet de bono alterius, non ac si velit eum carere illo, sed quod ipse careat; cum alias æque sibi aut magis proportionatum sit; talis enim dolor ad æmulationem spectat. *Vel.* quando quis dolet de bono alterius, eo quod ejus meritis, aut qualitatibus non sit proportionatum, ac inde conqueritur intra semetipsum de justitia in distributione beneficiorum per homines facta. Talis autem dolor ad zelum pertinet. Ad indignationem autem pertineret, si quis murmurationibus suis concitaret alios fratres ad murmurandum contra collatores huiusmodi: maxime verò illorum appetitione ipsemet commotus. *Vel.* quoq; si impatenter ac irreverenter conqueretur de DEO, quasi malè distribuât, cum alias justè ac irreprehensibiliter vult dare DEUS ex occulto suo consilio temporalia bona dignis & indignis fidelibus & infidelibus, justis & injustis, quod tamen ipsum homini non congruit velle, nisi DEUM inde in æternum benedicere.

Dicendum 2dò. Quod tristitia de bono alterius si alias ordinata ac moderata est, non vitiosa sed virtuosa reputari debet; ut quando quis tristatur de bono alterius ex charitate: in quantum, sc; illud bonum præbet illi occasionem ad peccandum,



dum, & bona spiritualia negligendum. *Vel.* quando quis tristatur de bono alterius ex compassione aliorum: quos probabiliter habens huiusmodi bonum, opprimeret, vel corrumpet, atq; scandalizabit. *Vel.* quando quis tristatur de bono alterius, ex ratione alterius, ut potè de divitijs, potestate, & similibus; quia inde probabiliter sperat sibi aliquid mali injustè proventurum.

Dicendum 3<sup>to</sup>. Quod invidiam aliquis habet interius, ut potè in *Memoria*, quando sæpius cogitat de alterius prosperitate: quam non libenter videt habere illum, uti deprimentem suam excellentiam. In *intellectu*, quando quis indebè parvi alterius æstimat merita & bona adepta; quæ alias habentur sibi proportiona. In *Voluntate* quando non solum tristatur de bono alterius, per quod sua excellentia minoratur; Verùm etiam quando gaudet de illius malo, quod alias dicit huiusmodi privationem boni. *Vel.* quando non commovetur rebus aliorum adversis ad condolendum, & prosperis ad congaudendum. *Vel.* quando de alterius prosperitate gaudet fecte, iridemq; tristatur de adversitate. In *Signo*, quando non libenter audit res aliorum bene gestas; & viceversa promptus est, ad prebendas aures rumoribus de infelici successu. *Vel.* quando reticet aliorum bona, ubi ea laudandi occasio adest. In *Verbo*, quando alter alterius famæ, sive explicite sive implicite detrahit. In *Opere* tandem quando aliter alterum in electione ad Officia Ordinis injuste supplantat.

INSTITVTIO VII.

*De vitio Acediæ.*

**D**icendum est *Imò*. Quod acedia *large* sumpta significat vitium generale omnium vitiorum generibus sese communicans; ac idem est, quod tristitia de bono spirituali, seu aversio mentis à bono spirituali; omne enim peccatum inhærens menti refugit bonum spirituale, ut pote virtutem sibi contrariam, ut superbia humilitatem, avaritia Evangelicam paupertatem, luxuria castitatem, ira patientiam, gula temperantiam ac jejunium, invidia charitatem proximi. *Stricte* verò acedia sumpta est vitium speciale unum ex septem capitalibus: ac idem est, ac tristitia de bono divino, de quo gaudet charitas. Istud autem bonum triplicis est differentię. *Imò*. Ut est ipsi DEO bonum, tam intrinsecum, quàm extrinsecum. Si enim tristatur aliquis inde, quod DEUS sit Omnipotens, infinitè bonus, summè Sapiens, justus misericors &c: *Vel*. quod per totum orbem terrarum sic celebretur ac Sanctificetur orthodoxè nomen ipsius Majestatis, quasi ista nolit DEO æternum benedictio; peccaret contra DEUM ejusq; charitatem gravissimo peccato acedia. *add*. Ut est nobis bonum; Si enim tristaretur aliquis, quod cognoverit Christum, quod ingressus fuerit Religionem, quod provisa sunt ei hujusmodi media ad vitam æternam obtinendam, uti sunt Observantia mandatorum DEI, imitatio Christi, usus Sacramentorum ac præsertim Sacramenti penitentię, jejunii.



jejunium, orationes, austeritas vitæ, regularis disciplina &c; *Vel*, si nimio affectu ad res temporales incensus, omnino veller perpetuus esse in mundo, & contentus ipsiusmet honoribus, possessionibus & voluptatibus minus æstimans patriam cælestem ac beatitudinem æternam, peccaret contra seipsum, sui que charitatem gravissimo peccato acedia. *2<sup>to</sup>*. Ut est proximis nostris bonum; si enim tristaretur aliquis de bono spirituali proximi sui, quod sc; ingressus sit Religionum benè ordinatam; quod sit in gratia DEI, quod proficiat in Virtutibus Sanctis, quod mentali orationi & Asceticæ mortificationi diligenter attendat &c; peccaret gravissimè contra charitatem proximi peccato acedia, quod reducitur ad invidentiam fraternæ charitatis. Ad eandem quoq; acediam spectat diffidentia concepta, de obtinendo precibus auxilio DEI opportuno ad vincendas tentationes, atq; implenda præcepta ejus divina, cum votis cæterisq; obligationibus cujuscunq; Religionis. Unde emanat desperatio de consecutione æternæ beatitudinis.

Dicendum *2<sup>do</sup>*. Quod acedia datur aliquando venialis. *Imò* quidem ubi actus ejus habetur imperfectus, *id est*. non plenè deliberatus, sistens nimirum non nisi in sensualitate ac inferiori ratione. *2<sup>do</sup>*. Ubi acedia non ipsi charitati opponitur, sed tantummodo ejus fervori; ut quando quis tristatur de bono spirituali, in quantum est sibi radosum, laboriosum, onerosum, & quietis corporalis impeditivum; ut potè de jejunio incidente tali die,


de Officio Divino media nocte persolvendo, de oratione flexis genibus facienda. *2tio.* Ubi aliquid bonum spirituale omittitur ex acedia non obligans ad mortale peccatum: Uti est omissio parvi Officij, aut disciplinae communitati fratrum utilitæ, fractio silentij, absq; iusta ratione.

Dicendum *3tio.* Quod Frater Minor habet acediam in Memoria, quando ita occupatur cogitationibus Vanis, inutilibus, & Vagabundis, ut satis non attendat ad conservandam præsentiam Divinam, Officiaq; Spiritualia sine debita reflexione & advertentia absolvat. In *intellectu* verò, quando non attendit lectioni librorum spiritualium, & consequenter non curat percipere Divinas inspirationes. In *Voluntate* tandem, quando contemnit & fugit media profectus spiritualis: uti sunt Oratio mentalis, exercitia Virtutum; mortificatio vitiorum, grata acceptatio correptionis Superiorum. Deinde in *Signo*, habet quis acediam, quando Cellam velut carcerem fugit, & evagationem tam intra quam extra claustrum diligit. *Vel.* quando libentius cum dissolutis ac vanitati debitis conversatur, quam cum benè addictis vitæ spirituali. In *Verbo* autem, quando citius loquitur, tum de profanis ac vanis, quàm de spiritualibus, tum de vitiis aliorum, quàm de virtutibus, tum de suis injurijs, quàm de Christi passionibus. *Vel* quando Majorum ordinationes reprehendit contra Superiorum correptiones murmurat & conqueritur contra eorum indiscretionem in præcipiendo & admonendo &c: In *Opere* tandem, quando ita exterioribus nego-



# INSTITUTIO VII. 411

negotiiis deditus est, ut prorsus exercitia spiritualis profectus negligat, & sanctæ orationis ac devotionis spiritum extinguat, cui debent cætera temporalia deservire,



## TRACTATUS VII.

*De Tentationibus, ac remedijs earum.*

### INTRODUCTIO.

Quamvis DEUS Optimus plurima sua dona homini adulto absque aliquibus ejus meritis præcedentibus conferre soleat; nulla tamen ratione vult ei largiri ipsum donum vitæ æternæ, ac præmium cælestis gloriæ, nisi benè meritò, ac Victori omnium tentationum, quibus in hoc præsentis certaminis campo ejus propositorum fidelitas, & in observantia mandatorum DEI & consiliorum Christi stabilitas, constantia, ac perseverantia exploratur. Unde *S. Iacobi c. 1.* Beatus Vir qui suffert tentationem, quoniam cùm probatus fuerit accipiet coronam vitæ. Et *S. Paul: c. Tim: 2.* Non coronabitur, nisi qui legitime certaverit. Ille autem legitime certare probatur, qui tentationes suas, quæ suum conantur impedire profectum, ac frangere propositum, perseveranter expugnat, plenè debellat, & finaliter superat. Non est enim megnum (ut ait Auctor apud *S. August. Ser: 8. ad fratres in cremo*) inchoare quod bonum est, sed consummare, hoc solum perfectum est. Et

412 *De tentatione à DEO & ab homine.*  
S. Hier: l. 1. contra Iovin: Capisse multorum est,  
ad culmen pervenisse paucorum. Ut igitur natura  
tentationum, cum quibus bellum nobis est in præ-  
senti vita, perspecta habeatur, necesse est prius ge-  
nera, modos, & species earum prodere, deinde ve-  
ro, remedia tentatis adhibenda, ex dictis Patrum  
spiritualium recensere.

*De quinque generibus tentationum &  
viginti speciebus suggestionum  
diabolicarum.*

## ARTICVLVS I.

*De tentatione à DEO, & ab homine.*

**U**Bi homo ille simplex, & rectus, ac timens  
DEUM S. Job, ipse per suam experientiam  
didicit, statim etiam nos commonere voluit, vitam  
nimirum nostram, militiam (seu juxta *Sapientia*  
*interpretis*: tentatiogem) esse super terram; & me-  
ritò, quia uni tentationi succedit alia & alia, al-  
terius sæpè generis ac materiæ, sicut fluctus suc-  
cedit fluctui, ventus vento, & annulus annulo in  
catena; imò etiam sæpè numero simul plures nos  
invadunt, provenientes nimirum tum à DEO, tum  
ab homine, tum à carne, tum à mundo, tum à  
diabolo. *Imum*. itaq; genus tentationis à DEO  
venit. Sed nota, quod nulla tentatione à DEO pro-  
cedente, in malum tentamur. Unde S. Jacob.  
*Cap: 1.* Nemo cum tentatur dicat, quoniam à DEO  
tentatur: DEUS enim intentator malorum est,  
ipse



# ARTICULUS I. 413

ipse enim neminem tentat. Quod explicans D. Augusti lib: 2. de consensu Evangel: cap: 30. sic ait. Alia significatione intelligitur tentatio, de qua dictum est: DEUS neminem tentat: & alia de qua dictum est. Deut. 13. Tentat vos Dominus DEUS vester, ut palam fiat utrum diligatis eum, an non: illa seductionis est; hæc probationis. Hinc est, quod DEUS non alio fine suos electos tentat, quàm pater suum filium, herus servum, Vir Uxorem, Magister discipulum; ut videlicet ingenium ejus studium, fidelitatem & affectum partim exploret; partim acuat, accendat, & promoveat. Tentat autem DEUS homines aliquando *exterius*, aliquando *interius*. Exterius quidem tentare dicitur; *vel* dùm illis bona præsentia confert, ut videlicet appareat, num bene aut malè illis utantur; quod patet *Matth: 25.* ex illa parabola. Accedens qui quinque talenta acceperat &c: *Vel* dùm illis eadem bona deinde subtrahit, ac præterea nonnunquam multis eos malis afficit, sicut Job & Tobias facere voluit, quos semper tam in prosperitate, quàm in adversitate fideles ac justos invenit. *Vel* dum eis mandata sua servare præcipit, arduaqs; virtutum exercitia prosequi jubet: quo pacto tantavit Abraham, præcipiens ei immolare Isaac, hæredem videlicet suæ divinæ repositionis: ut ostenderetur magna devotio obedientiæ Abraham, & fidei ad DEUM: quia nec in hoc casu hæsitavit de ejus promissione, quin impleret etiam de occiso, sicut ei erat pollicitus. Interius quoq; tentat suos DEUS, *vel* affluentia

414 *De tentatione à DEO & ab homine,*  
suavitatis cælestis; id est, infusione devotionis sensibilibis, ut eo ipso ad omnem permoveantur mortificationem, palamque fiat utrum velint & conentur cõoperari gratiæ ac invitationi suæ divinæ. *Vel deinde,* dùm easdem consolationes cælestes subtrahit eis, ad probandum nimirum eorum patientiam, & in oratione perseverantiam, ac in bonis propositis constantiam: *Vel insuper,* dùm eos in tribulatione, ac aliquâ urgente necessitate instanter & affectuosè clamantes ad se non exaudit, puta ad eorum votum seu voluntatem, ut videlicet exaudiat eos ad majorem illorum profectum. Hoc modo tentati vox illa est, *Habacuc. 1.* Usquequo Domine clamabo, & non exaudiet: Vociferabor ad te vim patiens, & non salvabis. Et *Psalms. 123.* Usquequo oblivisceris me in finem; usquequo avertis faciem tuam à me. Et *Psalms. 43.* Exurge quare obdormis Domine, exurge, & nè repellas in finem. *Vnde S. Paulus,* dùm tertia vice DEUM oraret pro amovendo stimulo carnis, cælitus talem vocem audivit *2. Cor. 12.* Sufficit tibi gratia mea, nam Virtus in infirmitatè perficitur. *2dum* genus tentationis venit ab homine; unde etiam hæc tentatio humana dicitur, de qua est illud *1. Cor. 11.* Tentatio vos non apprehendit nisi humana. Illa autem *Imò:* dicitur tentatio humana quæ spiritus noster (qui alias dicitur homo interior) à sensualitate (quæ alias dicitur homo exterior) primis motibus ad consentiendum malo, stimulat: hæc tentatio, omnibus hominibus quantumvis justis ac sanctis communis est, & facile per auxilium



xilium DEI vincibilis, modo tantum primis impulsibus, quibus nonnisi infima portio animæ rationalis apprehenditur, statim ab initio resistatur. Unde S. Anselm: in hunc sensum ait: Angelicum est tentationem malignam non sentire: humanum, sentire, & non consentire: seu sentire, & vincere: diabolicum, à maligna tentatione vinci, & ex certa scientia peccare: 2dò. humana tentatio illa dicitur, quâ homo præsertim vitæ religiosæ noviter addictus, seipsum tentare & probare solet ac debet; in sui videlicet introversione seu recollectione; velint ac possit vivere & perseverare in religione quam ingreditur usq; ad mortem in vera Christi obedientia, paupertate, & castitate: sitq; paratus sequi Christum, tam tempore prosperitatis in humilitate, quàm tempore adversitatis in patientia, alias sine hac tentatione ac probatione sui, non potest se absq; periculo damnationis suæ adstringere votis religiosorum. *Vel item*, quâ bonus ac strenuus Religiosus semper se tentat, probat & examinat, utrum proficiat aut deficiat in via spirituali. Hanc tentationem sui S. Apostolus suis discipulis intimare voluit, dicens 2. Cor: 13. Vosmetipsos tentate, si estis in fide, (ut pote stabiles, & in cæteris virtutibus firmi) ipsi vos probate. 3dò. humana tentatio illa est, quâ Superiores religiosorum, suos subditos, ac imprimis Novitios tentare & probare solent ac tenentur; subinde illis ardua, ac naturæ & sensualitati repugnantia proprioq; eorum in genio ac iudicio, & rationi inferiori contraria præcipiendo; & diversis eos mor-

416 *De tentatione a DEO & ab homine*  
 tificationibus vexando, ac fictis aliquando imp  
 peris afficiendo: ut inde conijciatur, utrum sci  
 ant, velint, ac possint seipsos propter Christi imi  
 tationem abnegare; ne forte aliquis illorum, ho  
 mo videlicet passionatus, immortificatus, sui amo  
 re victus, & pluribus vitijs irretitus, per sole  
 mnem professionem, ex eorum incuria, aut dete  
 ctabili aliqua conniuentia Sacrae Religioni adscri  
 beretur, utpotè, contra intentionē Ecclesiæ, ac San  
 ctorum Patrum instituta in magnum dedecus ipsi  
 us Religionis, & immensum ipsius profitentis spi  
 rituale detrimentum. *Vel item* quā iidem Superi  
 ores suos subditos non solum Novitios, verum  
 etiam & professos tentant ac vexant; aut nimirum  
 negando illis nonnulla, alias dari solita; aut sub  
 trahendo concessa, aut præcipiendo insveta; ut hoc  
 ipso juxta morem antiquorum Sanctorum Patrum  
 Virtutem eorum probent, excitent, acuant, & pro  
 moveant. *418.* tentatio humana illa est, quā ho  
 mo ab alio homine ex proposito ad peccandum  
 inducitur. De hac tentatione illud est, quod ait  
 V. Beda *hom: in cap. 12. Luca.* Duo sunt genera  
 persecutorum: unum palam savientium, alterum  
 fecte fraudulenterq; blandientium.

## ARTICVLVS II.

*De tentatione à carne & mundo.*

**T**ertium genus tentationis provenit à carne, id  
 est à concupiscentia. Carnem enim non ut  
 mortuam, sed ut animatam (anima videlicet ori  
 ginali peccato infecta) sapissime Sacri Scriptores  
 pro



pro ipsa concupiscentia accipiunt: quia caro est velut Officina animæ vitiatæ, quæ in carne quasi figulus in sua figulina & luto suarum concupiscentiarum ac turpitudinum varias ideas & imagines imprimit ac efformat, per illamq; easdem peragit & consumat. Est autem præsens concupiscentia nihil aliud, quàm ægritudo, febris, ac vulneratio animæ, & iustitiæ illius originalis corruptio: hæc autem erat natura iustitiæ originalis (ut ait D. Bonav:) quod quamdiu fuit spiritus DEO subiectus ac præceptis eius obediens, tamdiu etiam illius imperio subiciebantur omnes vires inferiores cum suis motibus: sed rebellante spiritu DEO, rebellavit etiam Spiritui Corpus, ut dicat S. Paulus *Rom: 5.* Video aliam legem in membris meis, repugnantem legi mentis meæ. *Vel deinde*, præsens concupiscentia idem est, quod fomes peccati post ipsam etiam regenerationem baptismalem, in partem originalis peccati in sensitivo appetitu nostro remanens, ac inde in omnes alias vires animæ, virus suum diffundens, Cujus quidem *fomitū* natura est, quendam videlicet recipere ardorem ad peccandum, *tum* ab objectis à mundo representatis, *tum* à suggestionibus & impulsibus diabolicis: ac *dein*, de sollicitare spiritum suis blanditijs quasi meretricijs; & pulsare incitamentis irreverentibus ad consentiendum peccato: quâ etiam de causa, stimulus carnis dicitur.

Hinc imprimis est, quod tentamur in inferiori portione animæ nostræ à carne seu concupiscentia tribus modis, juxta numerum trium virium inferiorum

418 *De tentatione à carne & mundo.*

riorum animæ rationalis. *Imò.* dùm in sensitivo appetitu nostro concupiscibili, excitantur desideria turpium delectationum, *ut potè* luxuriæ, gulæ &c: *zdd.* dùm in irascibili appetitu sensitivo, conflungunt motus iræ, impatientiæ, odij, invidiæ, & aliorum hujusmodi vitiorum. *3tid.* dùm in vi rationali, quæ nimirum bona inferiora, terrena, & ca. duca considerat; suscitantur motus elationis, superbiæ ac præsumptionis, & aviditas inutilis scientiæ &c. Deinde tentamur à concupiscentia alijs tribus modis in ipso spiritu. *Imò.* dùm sentimus & advertimus esse in superiori nostro appetitu concupiscibili, seu in voluntate, *ut est,* concupiscibilis, acediam, torporem, & negligentiam ad bonum peragendum, ad orandum, virtutibus insistendum &c. *zdd.* dùm noster spiritualis appetitus irascibilis, seu voluntas rationalis, *ut est* irascibilis, horret media ad bonum ob laborem difficilem eis annexum; dumq; propter sui debilitatem fragilitatem ac infirmitatem desperat, quod jam non possint vincere ac transcurrere impedimenta studiorum spiritualium. *3tid.* dùm ratio superior sic tenebris ignorantiae obvolvitur, ut in via spirituali quid agendum, aut quomodo sibi procedendum sit, nesciat. *Vnde est,* quod nisi hæ vires spiritus nostri gratia leptiformi cælitus formarentur, omnes hæc tentatione vinceremur; nec aliquando malignos ejus impulsus cohibere possemus. *Quartum* genus tentationis venit à mundo, Tentat autem nos mundus dupliciter. *imò.* objectis honorum suorum (*ut sunt* honores, adulationes,

curio-



## ARTICULUS II. 419

curiositates, possessiones, voluptates, & hominum familiaritates) dùm illis ab amore bonorum spiritualium ac æternorum nos abducere, & ad sui amationem trahere nititur. Experientia enim docemur, quod objecta bonorum hujus mundi sensitiva ac præsentia, magis permovent ac alliciunt ad se appetitum nostrum sensitivum, quàm objecta spiritualia ac æterna appetitum rationalem. Unde est, quod homo immoderatè appetens præsentia, aut nimis sibi in eis complacens, facile ab æternis mente alienatur, ac varijs per proprium consensum sese implicat peccatis. 2dò. tentat nos mundus, ac præsertim contemnentes bona sua præsentia, & voluntati divinæ serio obedire cupientes; dùm suis malorum objectis (ut sunt odia falsorum, fratrum, scandala, irrisiones, subsannationes, contemptus, detractiones, & quævis aliæ persecutiones) nunquam nos terrere & affligere cessat: ut sic aliquando animo fractos, a vera justitia timoreq; DEI devios reddat.

## ARTICULUS III.

### *De tentatione diabolica.*

**Q**uintum genus tentationis provenit à diabolo. In hac autem diabolica tentatione quatuor advertenda sunt: *1mum* est, ipsa videlicet causa seu origo tentationis in ipso dæmone; quæ non alia est, quàm odium DEI, & invidia nostri: odit enim diabolus DEUM, odio æterno; & nobis invidet æterna invidia vitam sempiternam: ratio est *primi*, quia divino ejus judicio ad penas æternas se esse

se esse detraſum cognoscit: ratio alterius, quia in locum suum nos ſufficere animadvertit: & quoniam non poteſt de DEO ulciſci hanc ſuam (ut judicat) injuriam; ideo de nobis, tanquam de ipſius DEI viva Imagine, eam ulciſci conatur, per callidam videlicet noſtri tentationem, & dolofam ac tyrannicam perſecutionem. *adum* quod advertendum venit, eſt finis ſeu intentio diaboli tentantis: unum enim eſt duobus tentatione ſua ac importuna ſollicitatione noſtri, diabolus efficere intendit: *vel* deſertionem noſtram, inchoata nimirum ſpiritualis viæ ac juſtitia DEI, per conſenſum in mortale peccatum; & conſequenter condemnationem ad pœnas infernales: *vel* ſaltem, ipſam refrigerationem ac remiſſionem affectus noſtri in cultu virtutum & ſtudio ſpiritualis proſectus: & conſequenter minutionem meritorum ac præmiorum. *zuum* eſt, materia & ſubjectum ejus tentationis. *Materia* quidem tentationis diabolica ſunt objecta bonorum & malorum hujus mundi: *ſubjectum* verò, eſt noſtra ſenſualitas, *id eſt* ſenſus corporales interni ac externi, & infimus appetitus concupiſcibilis ac irascibilis. Alias iſta objecta & ſenſualitas dicuntur arma diaboli, quibus ille contra nos pugnat; objecta quidem nobis repræſentando, ſenſualitatem verò commovendo. *atum* eſt, ipſe modus tentationis diabolicæ, quem quidem modum S. Paulus ſub nomine colluctationis his verbis prodidit *Eph: 6.* Non eſt nobis colluctatio (*id eſt*, lucta, pugna, certamen, duellum) adverſus carnem & ſanguinem (*id eſt*, ralis ac tam facilis,



facilis, quam est aduersus homines, qui ex carne & sanguine constant) sed aduersus principes & potestates tenebrarum harum, *id est*, aduersus dæmones, qui sunt spiritus invisibiles, magnæ fortitudinis & potentia, magnæ iræ & inuidiæ, magnæ calliditatis & astutiæ. Vnde sicut moris est luctatoribus secum decertantibus invicem sese manibus complecti, non quidem ex amore amicitia, sed ex cupiditate victoriæ, unius videlicet de altero, in terram antrorsum aut retrorsum, dextrorsum aut sinistrorsum ex prostraturo reportandæ. Ita nequissimi nostri hostis diaboli mos est, amplecti nos quodammodo ad instar amici (*videlicet* grata nobis & quasi rationi consentanea offerendo) ac vicissim à nobis mutuum consensûs nostri requirere amplexum, dùm nimirum nos lucta suæ temptationis uno quopiam è quatuor modis astute inclinare, prosternere, ac superare nititur. *imo* itaq; modo antrorsum videlicet aliquem deijcere cupit, quando illum expresse & aperte retrahere à bono, & inducere ad malum contendit, sollicitatione nimirum suâ & allectione per delectabilia carni, oculis, & cordi, *id est*, per voluptates, possessiones, & honores mundanos. *Vel deinde* antrorsum aliquem prosternere conatur, dùm eum similiter à bono retrahit, ac inducit ad malum, terrendo illum difficultate resistendi vitijs, & insistendi virtutibus ac perseveranter, rigorem, asperitatem, labores, correptiones, & mortificationes religionis sustinendi. *add. modo*, id est retrorsum operatur aliquem diabolus prosternere, dum eum occultè

ac fraudulenter, ut *poisè* sub specie boni ad malum pulsat, aut à bono revocare curat; quod facit quando priori modo contra illum prævalere nequit, eo quod jam plenè abominetur peccatum, & virtutem amplectatur. Unde S. Bernar: Bonus nunquam nisi boni simulatione deceptus est. *Quatuor autem* actibus (sicuti benè advertit D. Bon, lib: 7. d. prof: relig: cap: 5.) sub specie boni diabolus tentando gradatim procedit, ut enim facilius ejus recipiatur persuasio, *primo* loco sola bona proponit, *secundo*, bona malis mixta; *tertio*, ficta ac falsa bona, sed vera mala; *quarto*, cùm jam in cautum aliquem sic irretierit ac illaqueaverit; in aperta eum peccata deicit. Ex, gr. Aliquem devotum fratrem Novitium volens seducere, ac è Religione ad mundum revocate. Imò, illi proponit ac persuadet, quod nimirum potuisset vitam æternam ita in sæculo; sicut & in religione consequi mandata DEI servando eldémofynas faciendo, & alios verbo & exemplo ad bonum incitando, præsertim cùm jam modum mentaliter orandi, & praxim spiritualiter vivendi acceperit. Ecce imò, loco, sola bona proponit, *ut est*, observandi mandata DEI propositum. *Postea*, suggerit & commendat illi libertatem in sæculo, quod videlicet librum sibi esset ibi orare, jejunare, recreationem honestam capere, comedere, bibere, dormire, ac omne opus bonum ac indeferens implere, aut etiam in causa rationali omittere quodocunque veller. Ecce bona permixta malis, *id est*, propria voluntate, quæ occasionem præbet omnium malorum, Tandem affectum



### ARTICVLVS III. 423

affectum illius excitat ad amorem sociorum, paren-  
 rum, amicorum, & bonorum temporalium. Ecce  
 jam falsa bona; quia incautum fallunt hominem;  
 & occasionaliter vera mala. *Postremo* sic jam illa-  
 queatum, ac è Religione educatum, in aperta pec-  
 cata deicit; ita ut pejora illius fiant novissima.  
 pluraquam prima. Ecce scorpius, qui blandam ha-  
 bet faciem; sed caudam quâ occidit venenosam.  
 Eodem quoque modo hic noster occultus hostis  
 sese in Angelum lucis transformans contra quem-  
 libet bonum religiosum in aciem procedere solet:  
 cum enim nequam cognoscit illum omne apertum  
 detestari peccatum, tunc suggerit illi vitia ac pec-  
 cata sub specie virtutum; ut putans veras virtu-  
 tes, quarum est amore captus, illa non abhorreat,  
 sed appetat; quo ipso tanquam piscis hamo, aut  
 avis laqueo, ab illo comprehensus prosternatur:  
 ut qui erat humilis, mansuetus, obediens, castus,  
 devotus &c. mox sub specie zeli, pietatis ac di-  
 scretionis, inveniat verè superbus, rixosus, im-  
 patiens, protervus, acediosus &c: *Sic* aliquando  
 nonnullos sub prætextu boni regiminis, & sulci-  
 endæ regularis observantiæ ad ambiendam & a-  
 lijs invidendam prælationem se induxisse gloriatur.  
 Sic quibusdam incautis sub specie devotionis, ac  
 spiritualis dilectionis, frequentem cum aliquibus de-  
 voris tæminis conversationem & colloquutionem  
 persuadet; ut paulatim affectionem eorum erga  
 illas spirituales, degenerare faciat in amorem  
 carnalem. *Sic* multos sub pallio purioris consci-  
 entia, non in paucos deducere solet scrupulos,  
errores,

errores, & perplexiones; sic deniq; in similibus casibus, simili pelle ovina indutus, quemvis bonum religiosum, minus videlicet cautum & circumspectum, capere ac decipere conatur. *Vel quod* retrorsum diabolus prosterne re vult, quando alicui sollicitè coram DEO ambulanti cenvitiatur, quod jam consenserit peccato, quod malè orationi & virtutibus institerit; quod proposita sua rarò aut nunquam ad effectum deduxerit &c. ut nequam de ipsius desperatione aliquando gloriari possit. 3<sup>to</sup>. & 4<sup>to</sup>. modo, servos DEI infernalis luctator deicere studet dextrorsum videlicet ac sinistrorsum, quando in quacunq; prosperitate aut adversitate, sive nimirum spirituali sive mundana à DEO constitutos, tam per seipsum, quam per addictos sibi homines, *vel* adulationibus malè succendit, *vel* irrisionibus malè humiliat; ita ut quandoque cogantur, quamvis non sufficienter, tamen efficienter, aut in vanis inaniter gloriari *aut* à bonis vititer desistere, *aut* etiam male nequiter operari. Porro dextrorsum diabolus tentare dicitur, quando aliquem ad peccandum sollicitans facit illi spem perversam de misericordia DEI ac facilem promittit veniam, & citam à peccato pollicetur resurrectionem, verbum illud iniquum constituens adversus eam. *Psalm. 40.* Numquid qui dormit, non adiciet ut resurgat? Sinistrorsum verò, quando labentem criminaliter in abyssum desperationis præcipitare querit. *Vnde S. Chry.* Utrumq; periculosum est, & confidentia perversa, & desperatio; nam confidentia nimia, stantem evertit; & desperatio



### ARTICULUS III. 423

ratio post lapsum non permittit resurgere. Deniq; diabolus nos tentat dextrorsum & sinistrorsum, quando devios nos facere conatur à rectitudine justitiæ ac virtutis, sive per excessum, sive per defectum. Verùm ut adhuc magis perspecta habeatur calliditas inimici nostri diaboli, magisq; ac magis laquei ejus cognoscantur, conculcentur, & conterantur; non abs re erit in sequentibus articulis prodere ejus aliquas tentationum ac astutiarum species, quibus vel maximè novellos ascetas infestare decipere, ac irretire consuevit.

### ARTICULUS IV.

*De septem Speciebus tentationum: vel alias de septem diabolis, quorum nomina sunt: Cur, Nequaquam, Plus, Minus, Melius, Medicus, Scrutator.*

**P**rima Species tentationis, seu *Imus* diabolus dicitur *Cur*. Hæc specie primi parentes nostri decepti sunt in paradiso, cum dixisset eis serpens infernalis, *Gen. 3*, Cur præcepit vobis **DEUS**, ut non comederetis ex omni ligno paradisi? Hæc etiam specie fratres nostri præsertim juniores tentari solent, quando ex impulsu diaboli curiosè rationes inquirunt piarum suæ religionis traditionum constitutionum, consuetudinum, ac ordinationum, sensualitati videlicet ipsorum contrariarum; non quidem ut illas fideliter approbent, ac melius custodiant; sed potius ut aliquam occasionem accipiant eas cauillandi, reprehendendi & contem-

Cc

nendi:

nendi: ac inde suos Superiores, tanquam superfluarum & inutilium ceremoniarum ac observationum inventores vel promotores, temere iudicandi, carpendi, & odiendi.

*2dus* diabolus dicitur Nequaquam. Ab hoc tentatore primi Parentes nostri sic dementati fuerunt, ut potius credere maluerint diabolo mendaciter pollicenti & dicenti: Nequaquam morte moriemini, quam DEO suo veraciter sententianti. *Gen: 2.* De ligno scientiæ boni & mali nè comedas: in quacunq; enim die comederis ex eo, morte morieris. Eadem tentatione pulsari solent novi religiosi, ut nimirum non credant Magistris suis, & alijs Patribus Senioribus: dùm eis prædicunt, quod ex certa diutinaq; experientia exploratum habent, eos videlicet facile peiores effici in religione, quam fuissent in sæculo: Si nimirum ab initio suæ conversionis, ingrati beneficiorum DEI, præsertim vero vocationis ejus ad Sanctam Religionem extiterint: si exercitium orationis mentalis neglexerint: si mortificationi tam externæ quàm internæ studiosè non vacaverint: si principia politica & habitus pravos ante professionem non vicerint: si à quolibet peccato mortali diligenter ac perseveranter sese non custodierint: si quascunq; correptiones humiliter ac patienter acceptare non studuerint &c.

*3tius* diabolus dicitur Plus, & *4tus* Minus, quorum *alter* suadet incipientibus, vel maximè animo promptioribus ac devotioribus plus orare, quam pia suadet discretio, & sancta religionis consuetudo



# ARTICULUS IV. 425

do postulat; plus laborare, quam exigit obedientia; plus affligere corpus mortificationibus, vigilijs, ac jejunijs, quam rationabiliter Superiores concedere volunt: ut hinc apud se in multam veniant, de sua perfectione & sanctitate existimationem caputq; suam & pectus nimis debilitent, & vires corporis naturales enervent; ac tandem ad onera religionis sustinenda inhabiles omnino reddantur. *Alter* verò è contra inducere vult incipientes, præsertim animo segniores, ac ad bonum tardiores, ad Minus (videlicet, alijs fratribus) orandum, legendum, meditandum, vigilandum, laborandum, & mortificationibus vacandum, quàm pia religionis consuetudo, & rationabilis Superiorum præceptio requirit; ut sic sensim otio assuefacti, multiplicibus tandem vitiorum laqueis implicentur.

114. Species diabolicæ tentationis vocatur *Melioris*. Hostis enim noster diabolus dum etiam sub specie boni servos DEI decipere nequit, tunc querit illos capere sub specie majoris boni, seu melioris. Undè sicut ille dicitur 2. Cor. 11. Sathanas transfiguratus in Angelum lucis: ita hic appellatur *Psalm: 90.* Dæmonium meridianum: quasi speciem majoris claritatis, seu imaginem majoris boni præferens ad decipiendum quos tentat. Præfens itaq; diabolus, ruinam suas ignorantibus astutias molitur, dùm eos pulsat potius ad vacandum studijs in se melioribus, *utpotè* internis ac spiritualibus (qualia sunt: cultus silentij ac solitudinis, lectio, meditatio, oratio &c;) quam exercitijs externis seu corporalibus, quæ à Superiore commit-

runtur ac demandantur; ut sic fratrem, obedientiæ virtutem ignorantem, contra suum Superiorem, tanquam indigna & vitæ spirituali contraria præcipientem, malè permoveat; & ut sic proprio iudicio innitentem reddat, inobedientemq; efficiat, contra illud quod dicitur 1. Reg: 15. Melior est obedientia quàm victima, & auscultare magis quàm offerre adipem arietum: quoniam quali peccatum ariolandi est repugnare; & quasi scelus idololatriæ, nolle acquiescere. Vnde S. Bern. inquit. Grande malum propria voluntas, quâ fit, ut bona tua, bona non sint. Etenim si in die jejuniij mei inveniatur voluntas mea, non tale jejunium elegit Dominus, nec sapit illi jejunium meum, quod non obedientiam, sed vitium propriæ voluntatis sapit. *Et subdit.* Ego autem non solum de jejunio sed de silentio, de vigilijs, de oratione, de lectione, de opere manuum, postremo de omni observantia Monachi, ubi invenitur voluntas sua in eo, & non obedientia Magistri sui, idipsum sentio: minimè prorsus observantias illas, et si bonas intè, inter virtutes censuerim deputandas.

*6tu.* diabolus appellatur Medicus. Hujus diaboli talis est suggestio. Non insistas inquit lectioni continuato studio, nè oculorum caliginem incurras. Vacando orationi non indulgeas lachrymis, nè ipsos etiam oculos amittas. Noli qualibet nocte ad matutinum surgere, nè debilitatem capitis acquiras: quandocunq; aurem te contigerit non surrexisse, dicito te fuisse infirmum, male dispositum &c: Noli multum quotidiano labore

te fa-



te fatigare & conficere, nè citam incurras mortem: aut quoq; nè fractis viribus corporalibus, debilis ac valetudinarius longo tempore vivas. Has, aut his similes, tentator aliquando suggerit fratribus propositiones; ut illos. desides, tepidos, molles, otiosos, delicatos vitæq; longioris cupidos efficiat contra quod Dominus ait *Matth: 11.* Regnum cælorum vim patitur, & violenti rapiunt illud. Et *cap: 7.* Intrate per angustam portam, quia lata porta & spatiosa via est quæ ducit ad perditionem. Et *cap: 24.* Vigilare, quia nescitis diem neq; horam. Et *Iob. 5.* Homo nascitur ad laborem. Et Apostolus *1. Cor: 3.* Unusquisq; propriam mercedem accipiet, secundum suum laborem. Idem quoq; Medicus tentator, sæpè suggerit fratribus dum infirmantur Superiorem de illis minorem curam habere, quam ex præscripto regulæ tenetur; & alios fratres minus sibi servire, quam vellent sibi servire: ut sic ad impatientiam & murmurationem eos provocare possit contra aliud Regulæ præscriptum *cap: 10.* Fratres habeant humilitatem & patientiam in persecutione & infirmitate, & diligant eos, &c.

*7mus:* diabolus vocatur Scrutator. Hujus tentatoris natura est, stimulare fratres ad scrutandum opera, intentiones & merita aliorum fratrum; ut inde occasionem eos vilipendendi & seiplos magnificiendi accipiant: *vel quoque*, ut suos defectus illorum imperfectionibus, coram propria conscientia contegant. Deinde muneris ipsius est, exaltare fratres ad examinandum & scrutandum præ-

ceptiones, decreta, & qualvis sententias ac ordinationes Superiorum; an videlicet justè rectè, piè, discretè, ac prudenter per eos factæ sint: ut inde aliquod scandalum accipiant. Deniq; hujus tentatoris studium est, permovere fratres ad examinandum & scrutandum judicia DEI investigabilia, circa nimirum prædestinationem ac vocationem electorum, & præscientiam & reprobationem iniquorum; ut stultè patrocinando, seu inique compatiendo, damnandis, aut jam damnatis in DEO aliquam considerent injusticiam, propter quod cum eis damnentur ac reprobentur, juxta illud Prov: 26 Qui scrutator est Majestatis, opprimitur à gloria.

## A R T I C U L U S V.

*De Octava specie tentationis, seu de Octavo diabolo, qui dicitur Discretus.*

**O**ctavus diabolus solet vocari per ironiam Discretus, eo quod tanquam impostor scelestissimus, Superiores religiosorum, quos videt profectui spiritali, fratrum sibi in Domino commissorum studiosè insistere ac invigilare, suggerit bonis subditis esse indifferetos, inhumanos ac intolerabiles, ut eos tam perversissimo studio conturbatos reddat, & in charitate erga suos Superiores refrigerare faciat, ac monita illorum & correptiones spernere odioq; habere efficiat: & ut versâ vice, ipsi etiam à Christo spernantur & contemnantur scit enim diabolus, fratrem divisum animo à suo Superiore, fieri quasi hominem capite truncatum:



*id est*, à Christo (cujus hic vices gerit Superior) ejusq; influentia illuminationis cælestis, & quorum. vis donorum gratuitorum esse disjunctum ac separatum: quia dicit Dominus *Luc: 10.* Qui vos audit, me audit: & qui vos spernit, me spernit: qui autem me spernit, spernit eum qui misit me. Et per Spiritum S. *Prov: 1.* Convertimini ad correptionem meam: en proferam vobis spiritum meum, & ostendam vobis verba mea. Quia vocavi & renuistis, extendi manum meam, & non fuit qui aspiceret. Despexistis omne consilium meum, & increpationes meas neglexistis. Ego quoq; in interitu vestro ridebo. *Quapropter* dum quid ejusmodi subditis diabolus suggerit, cogitent potius (sicut Sancti Patres censuerunt, quod in vitis eorum legere est) illos Superiores, qui suos subditos non exercent in mortificatione passionum, & abnegatione propriæ voluntatis, quiq; non offerunt eis occasionem exercendi obedientiam, humilitatem, & patientiam cæterasq; virtutes, indiscretos & inhumanos esse: perinde ac indiscretus & inhumanus est pater qui filium famelicum non cibatur: pari enim modo mortificatio & virtus (quam sancta ac prudens Superiorum vexatio in subditis promovet) cibus & pabulum est animæ, eam videlicet instar panis roborans & confortans.

*Hinc instat* callidissimus tentator ejusmodi iniquiens vexationem, ac tam crebram correptionem potius esse occasionem turbationis ac impatientiæ fratrum, & concitamentum passionum eorum in malum, quam instigationem ad virtutis exerci-

tium. Vnde S. Paulus dicit *ad Eph: 6.* Patres nolite provocare ad iracundiam filios vestros *ad quod responderetur:* quod illi patres tam videlicet carnales quam spirituales, hoc loco filios suos ad indignationem provocare dicuntur, qui aut nimia subita passione commoti, aut ex duritia & asperitate cordis contra omne jus & fas pluribus eos contumelijs aut maledictionibus afficiunt; aut etiam nimijs verberibus seu laboribus illos onerant ac irritant. Verum Superiores, qui ex impulsu charitatis, varijs moderatè vexant mortificationib<sup>9</sup> suos subditos (sicut *ibidem* admonet S. Paulus dicens: Sed educate illos in disciplina & correptione Domini. *Per disciplinam autem* hanc intelligere vult secundum S. Hieron & S. Chrysost: tam instructionem & doctrinam salutarem, quam castigationem paternam) illi non ad impatientiam eos provocant sed ad patientiam: nulla enim alia est via ad patientiam, quam resistentia indignationi consurgenti contra correptionem aut corripientem, seu, mortificatio motuum impatientiæ; sicut etiam via ad humilitatem & castitatem ac cæteras virtutes, est ipsa cohibitio impulsuum Superbiæ, & luxuriæ, ac reliquorum refrenatio vitiorum. Deinde malignus instat spiritus subditis suggerens, quod saltem ille Superior indiscretus & inhumanus, imò quoq; persecutor, oppressor, ac turbator fratrum dicendus est, qui subditum in aliquo deficientem, non jam ex charitate & affectu mansuetudinis; sed ex passione aut odio, acri increpatione & crebra mortificatione vexat & irritat, contra illud  
quod



quod ait S. Paulus *ad Galat: 6.* Fratres, etsi præoccupatus fuerit homo in aliquo delicto (*id est*, si deliquerit aut peccaverit) Vos qui spirituales estis (*id est*, vos qui spiritualem habetis jurisdictionem) huiusmodi instruite in spiritu lenitatis (*id est*, subjectos vobis in Domino instauratione sanæ, doctrinæ, & mansuetudinis, leni, paternæ, ac blandæ correptione) considerans teipsum, ne & tu tentaris. *Ad hoc respondetur 1mo.* Istam propositionem diaboli esse meram exaggerationem, imposturam, iudicium temerarium, ac mendacium, nam & pater mendacior est, qui licet veritatem quandoque dicere videatur, mentitur tamen; *Vel* veritas ejus non est veritas formalis, nisi materialis. *Putæ* ex intentione mala ac perversa proveniens, ut nimirum hæc arte incautos ad aliquod peccatum promoveri queat: *vel* quia ut unius veritatis revelatione fidem adstruat omnibus mendacijs, quibus nimis curiosi; credulos callidissime supplantet. *2do respondetur* quod non ille Superior dici debet turbator, quamvis subditi per eum ad bonum stimulari turbentur; sed ille qui professionis aut obligationis suæ immemor existens, à Domino sibi commissis connivet peccantibus *Vnde Elias* Regi Achabo (dicendi sibi *2. Reg: 18.* Tu es qui conturbas Israël) ait: Non ego turbavi Israel sed tu, & domus patris tui, qui dereliquistis mandata Domini. *3tio respondetur.* Potest eo modo dici bonus Superior esse turbator fratrum immortificatorum, quo & Christus Herodis & Jerosolimæ turbator extitit, qui non dedit alicui occasionemurbationis, sed unusquisque;

quisq; malæ voluntatis. ex ipsius adventu illam sibi sumpsit. Quamvis etiam bonorum fratrum bonus superior, in bono sensu dici potest turbator: quia & bonus Angelus, bonam MARIAM turbasse perhibetur. *id.* Potest bonus Superior in bono sensu dici persecutor bonorum fratrum, duplex enim est persecutio. *Alia* odij, qualis fuit tyrannorum in Christianos, & qualis hucusq; est hypocritarum in fideles, in iustos, & in veros Christi servos, juxta quod dicit Dominus *Matthæi 12.* Cum autem persequantur vos &c: *Alia* est persecutio charitatis, quâ sicut persequuntur parentes suos filios, & magistri discipulos, rationabiliter eos castigando; ita etiam Superiores in Domino sibi subditos persequuntur. *Vel* ut hoc ipso præteritis eorum corrigant defectus. *Vel*, ut à futuris eos præservent, & in timore Domini, ac in reverentia ejus antistitum conservent. De hac persecutione S. Chrysost in illud *Prov: 12.* Qui parcit virgæ &c: sic ait: sicut justa ira, non est ira sed diligentia, sic justa percussio, non est persecutio, sed correctio. Et *Clemens Alex.* Qui ad gratiam loquuntur, parum diligunt; qui autem ad utilitatem acerbisunt, in futurum sæculum beneficio afficiunt. Et S. August. Molestus est medicus furienti phrenetico, & pater indisciplinato filio; ille ligando, iste cædendo, sed ambo diligendo: si autem illos negligant, & perire permittant, ista potius falsa mansuetudo, crudelitas est. *Vnde* quoq; subditis Spiritus S. sic loquitur. *Prov: 4.* Tene disciplinam, nè dimittas eam, custodi istam, quia illa est



est vita tua. Et Sap: 2. Sapientiam enim & disciplinam qui abiicit infelix est; & vana spes illorum. & labores sine fructu, & inutilia opera eorum. *scd respondetur*, duplicem esse charitatem superiorum, lenitatis & severitatis. Vnde in spiritu lenitatis, in charitate mansuetudinis superiores boni corripunt illos fratres; quos experiuntur esse animi promptioris ad bonum, & tractabilioris: illos autem in charitate & spiritu severitatis, quos etiam cognoscunt voluntatis esse tardioris & durioris, ac proprii iudicii pertinacioris. Hanc utramq; charitatem S. Paulus se habere profitetur 2. Corint: 5. Quid vultis, in virga veniam ad vos, an in charitate & spiritu mansuetudinis? ubi non contra distinguit virgam à charitate: quia repugnat virgam, seu correptionis severitatem tanti Apostoli, carere spiritu charitatis. Unde S. August: lib: 3, contra Parmen: tom: 7. hæc verba declarans, sic ait: Numquid tamen & virga sine charitate est, quia ita contexit. In Virga veniam ad vos, an in charitate? sed quod sequitur. Et spiritu mansuetudinis. Admonet intelligi, quia & virga charitatem habet: sed aliud est charitas severitatis, aliud mansuetudinis: una quidem charitas est, sed diversa in diversis operatur. *scd respondetur*. Odium esse duplex, bonum & malum. Bonum odium illud est, quo boni superiores odio habent fratres delinquentes eum S. David, dicente Psalm: 138. Perfecto (id est, bono ac Sancto) odio oderam illos. Hoc autem est perfecto odio odisse, inquit S. August: ut vitia non homines oderis, nec vitia pro-

propter homines diligas. *Malum odium illud est, quod mali fovant contra bonos, juxta illud quod ait Dominus Matth: 10. Eritis odio omnibus hominibus propter nomen meum. Eodem quoque odio, bonos subditos præfens diabolus curat odisse suos superiores, propter sibi molestas eorum admonitiones & correptiones, quemadmodum curavit regium odisse Prophetam. Unde cum dixisset: Perfecto odio oderam illos. Subjunxit: Et inimici facti sunt mihi. 7<sup>mo</sup> respondetur. Sit ita quod malo odio; ac ferali passione superior concitatus, suum subditum hostiliter tractet ac contra leges & ordinationes Patrum sibi præscriptas injustè persequatur: Non audeat tamen subditus apud seipsum ejusmodi Superiorem judicare: quia dicit S. Paulus. 1. Cor: 2. Spiritualis (*id est*, Superior qui habet jurisdictionem ac potestatem spirituales sibi desuper à Domino datam in subditos) judicat omnia (*id est*, judicat omnia subiecta sibi, utpote subditos ac incipientes) & ipse à nemine judicatur, *id est*, à nemine subditorum judicari potest. Nec præsumat subditus in suo superiore peccatum & injustitiam considerare, aut inquirere, quoniam modo respectu subditorum illum se habere necesse sit: sed potius convertatur ad Christum, & ad ejus injurias ac passiones recogitandas, propter cujus imitationem in humilitate & patientia quævis mala illata facile erit sibi sustinere; nec non inspicat regulas subditis à Sanctis Patribus traditas, juxta quorum præscriptum ad amissum curet se habere cum suo Superiore, credens fideliter ac devotè,*



## ARTICVLVS VI. 435

votè, datam esse de cœlo illi hanc persequendi se potestatem, & quodammodo malecendi sibi præceptionem, juxta illud Domini oraculum *Ioan: 19.* Non haberes potestatem adversum me ullam, nisi tibi datum esset desuper, & juxta illud Regij Prophetæ, *2. Reg: 10.* Dominus præcepit ei ut malediceret David, si fortè aspiciat Dominus afflictionem meam, & reddat mihi Dominus bonum pro maledictione hac.

## ARTICVLVS VI.

*De nona specie tentationis: seu de nono diabolo, qui vocatur Zelosus.*

**N**onus tentator dicitur Zelosus, qui excitat in fratribus quemdam Zelum DEI atq; religionis propriæ, utpotè imprudentiâ, perturbatione, & amaritudine animi plenum; ac desinens in multas contentiones, detractiones, murmurationes, aliaq; peccata hinc venientia, sub specie boni, ac discreti Zeli (præsertim in illis, quos cognoscit concepissee quidem bonum affectum erga DEUM, & propriam Religionem, sed nondum plenam possedissee experientiam vicissitudinum multarum, quæ in qualibet religione quantumvis reformatissima evenire solent, nec adhuc acquisivisse perfectam, noticiam legum, ac omnium excusabilium, & inexcusabilium, licitorum & illicitorum) irritans corda eorum adversus Superiores, & alios fratres in religione antiquiores; quos nimirum putant, judicant, ac existimant, regulam secundum declarationem-

rationes Summorum Pontificum præscriptas, decreta Sedis Apostolicæ pro reformatione religionum edita, statuta generalia & provincialia à Majoribus Superioribus tradita, imò & ipsa DEI præcepta ad amissum non servare; nec pro ejusmodi prævaricationibus (proh dolor) aliquam pœnam subire; in summum videlicet scandalum aliorum, fratrum præsertim juniorum, qui pro minoribus, (utpotè quotidianis) defectibus, continuè acriter corripuntur. *Obviatur imò.* huic dolosæ tentationi; Zelus DEI duplex est, laudabilis nimirum & damnabilis. *Zelus laudabilis* alius est incipientium seu subditorum; alius perfectorum ac Superiorum. Zelus incipientis ac subditi est (quilibet enim subditus, præsertim paucorum in religione annorum, respectu Superioris, incipiens censetur esse) continuum videlicet ardensq; studium fugiendi, detestandi, ac mortificandi in se vitium, quod sibi in alijs displicet: & imitandi virtutem, quæ in alijs rationabiliter probatur & laudatur: necnon corripiendi defectuosos, & confirmandi virtuosos, ipso videlicet suorum bonorum operum exemplo. *Zelus perfecti seu antiquiorum religiosi, & Superioris* (quilibet enim Superior, & in religione antiquior, tam virtute quàm experientia putatur esse perfectus) est indignatio animi astuosa, rationabiliter adversus eos insurgens, qui indigna agunt contra DEUM, aut sancta religionis instituta, ac definens in peccantium castigationem & correctionem. Hunc autem zelum D. Bonav: de sex alijs Seraph: temperatum habere vult pietate seu compassione proximi,



mi, devotione & discretione, seu prudentia, exemplaritate, & patientia Superioris. Zelus damna-  
bilis *alius est* iniquus, *alius* absque scientia. Zelus  
iniquus, seu etiam hypocriticus, *Imò.* est livor ac  
furor palliatus justitiæ regimento, concitati ani-  
mi contra peccata, sive vera, sive nimis exagge-  
rata, sive imaginaria, *id est*, ficta & eumentita, in  
eorum videlicet, qui sibi sunt odio ultionem, dif-  
famationem, despectionem, & condemnationem  
directus; ad suæ autem justitiæ more pharisaico  
ostentationem, ac deniq; pro sua parte ad aliorum  
animorum captationem, ordinatus. *add.* Zelus  
hypocriticæ mentis ille est, quo zelat aliquis con-  
tra aliorum vitia pro DEO aut religione, cum  
ipse vel iisdem, vel alijs adhuc pejoribus vitijs ir-  
retitus sit, ut merito ei illud dici possit. Hypocrita  
eijce trabem primo de oculo tuo, & sic valebis ei-  
jcere festucam de oculo fratris tui. *zid.* quando  
quis zelat contra vitia aliorum, cum suo fastu, &  
aliorum contemptu: ut condignè possit sibi dici,  
quod dictum esse narratur, Diogeni aienti: Calco  
fastum Platonis, dùm videlicet in contemptum Pla-  
tonis fastus & ambitionis, illius calcaret culcitram.  
Calcas *inquit* Plato sed alio fastu. O miseram hu-  
jusmodi sortem, calcare seu corrigere aliorum de-  
fectus ac peccata, alijs peccatis ac defectibus! Ze-  
lare ac pugnare pro justitia, DEO ac religione, ar-  
mis videlicet elationis, præsumptionis contentio-  
nis, detractionis, susurationis, murmurationis,  
& odij (proh dolor) contra justitiam DEI, pa-  
cem religionis, ac præcepta charitatis. Zelus Dei  
absq;

absq; prudentia, vel alias non secundum scientiam, aut etiam immortificatus, immoderatus, indiscretus ac præsumptuosus, multipliciter potest esse. *imo.* quando medijs discursibus perturbatae rationis concitatur ac inflammatur animus ad ultionem sumendam, de fratribus indigna agentibus adversus honorem DEI aut profectum religionis, absq; aliquo respectu correctionis peccantium. Hujusmodi zelum habuit Jonas, quando doluit quod civitas magna Ninive, juxta id quod prædixerat, non ruebat. Similiter Jacobus & Joannes Apostoli eodem zelo succensi fuerunt, quando contra Samaritanos non recipientes nuntios Domini, dixerunt, *Luc: 9.* Domine vis, dicimus, ut ignis descendat de caelis & consumat illos. *2do.* Zelus præter scientiam, dicitur, quando consurgit contra facta aliorum, quæ vel nonnisi occulta sunt peccata, vel peccatorum suspensiones meræ, vel facile possunt excusari à peccato. *ut potè* ignorantia invincibili, inadvertentia; intentione recta, fide bona, legis interpretatione dispensatione Superioris; *vel etiam,* quia ejusmodi factis peccatur nonnisi contra jus aliquod nunquam observatum, nec plenè receptum, aut usu contrario præscriptum, aut benè non intellectum, nec sufficienter explicatum ac distinctum: rarò enim jus, seu lex per se, aut per suos legislatores distinguitur ac explicatur; sed per juris ac legis Doctores. *vel deniq;* contra jus, cujus cessavit obligatio propter cessationem illius finis; quodq; impedivum est alterius legis seu juris, præceptiq; nobilioris ac dignio-



dignioris. *310.* Zelus sine prudentia illorum est, qui præcipitanter ac violentè vitia aliorum extirpari cupiunt, minimè providentes ac præcaventes, quòd dùm colligi zizania volunt, nè riticum quoquè ipsum simul eradicetur. *Vnde* est, quod hujusmodi zelus pugnat contra judicia DEI altissima, quæ sapientissime permittunt mala semina cum bonis crescere usq; ad messem: & hoc, *vel* ut incipientes, sicut ex proborum exemplis, doctrinam & modum in religione, sanctè ac laudabiliter vivendi accipiunt: ita vice versa, ex pravorum defectibus occasionem ac instructionem habeant, quomodo vivere non debeant: *vel quoq;* ut ipsi mali, exemplis bonorum tandem corrigantur aliquando: *vel saltem*, ut malorum mala voluntas bonorum passivæ purgationi ac illuminationi proficiat, juxta illud D. Aug: Nè puteris gratis esse malos in hoc mundo, & nihil boni de illis agere DEUM: omnis malus, aut ideo vivit ut corrigatur, aut ideo vivit, ut per eum bonus exerceatur. Utinam ergo qui nos modo exercent, convertantur & nobiscum exerceantur; tamen quamdiu ita sunt ut exercent nos, non eos oderimus; quia in eo, quod malus est quis eorum, utrum usq; in finem perseveraturus sit, ignoramus; & plerumq; cùm tibi videris odisse inimicum, fratrem odisti, & nescis.

*410.* Zelus absq; scientia & consilio est, quando quis palam contra peccantes pro honore DEI, aut observantia religionis pia quadam permovetur

indigna-

indignatione, qui nondum per studium propriæ mortificationis plenam de tentationibus ac passionibus suis obtinuit victoriam nec adhuc pro suo zelo ad imitationem Christi ac Sanctorum ejus, quasvis persecutiones patienter sustinere paratum habet animum. Nam hujusmodi zelotes DEI persvadeat sibi necesse est, quod etiam peccans adversus infu gentem contra suos defectus, alio zelo? aut nimirum malo, aut bono insurrecturus sit; *male quidem*. quia qui audet ex certa scientia peccare in DEUM, aut religionis institutum, facilius peccare audebit in observatorem suorum defectuum, utraq; *scilicet* manu (*id est*, per fas & nefas) se se ab eo defendens, ac in eum tela suæ indignationis jaciens; *bono autem zelo*, quia etiam ipse zelotes DEI, forsitan habet alios suos, defectus, acri mortificatione & correptione dignos: aut quia errat in modo zelandi, *nempe* peccantem diffamando, seu contra eum strepitum murmurationis aliorum excitando: aut in aliorum officium ad quos nimirum zelare spectat; importunè, intempestivè, ac præsumptuosè sese ingerendo.

*Verùm hinc* queri potest, unde nam proveniat ille zeli impulsus, quo imperfectus seu incipiens ac subditus pro DEO aut observantia regulari contra indigna facientes agitur: an videlicet à spiritu divino, an verò à spiritu diaboli? Nam si provenire dicitur à DEO, nefas erit non cooperari divinæ actioni: ideo enim agitur quis à spiritu divino, ut illud agat, ad quod agendum pulsatur. Si autem dicatur provenire a diabolo, con-  
cedi



cedi necesse esset diabolum sibi ipsi contradicere  
 cujus unicum studium est pulsare hominem suis  
 tentamentis ad male agendum, non verò ad bene  
 operandum. *Ad hoc respondetur*, quod ejusmodi pul-  
 sio imperfectorum potest provenire tam à DEO  
 quam à diabolo: Agi autem ac impelli solet im-  
 perfectus aliquis, utpotè novellus religiosus a spiri-  
 tu divino, non ut præcipitanter, intempestivè ac  
 inordinatè; sed præmeditatè, opportunè rationa-  
 biliter, ac debito modo zelum animi sui exterius  
 prodat; vel saltem, ut solo ipso interno desiderio  
 bonum seu honorem DEI zelozè promovendi  
 peruratur; multa enim desideria sancta sapè suis  
 DEUS inspirare solet, quibus illos ardere vult (*ut est*  
*desiderium convertendi peccatores ad pæniten-*  
*am, & infideles ad veritatem fidei cognoscendam,*  
*patiendi persecutionem pro justitia, aut sustinendi*  
*martyrium propter Christi imitationem, hanc vel*  
*illam ingrediendi religionem reformatam, &c.:*)  
 ad quæ tamen implenda non dat illis modum,  
 tempus, facultatem, & occasionem: solo nimirum  
 volens illos esse Apostolos, martyres, ac religio-  
 sos affectu. Dùm etiam pulsat imperfectos seu  
 novellos religiosos diabolus ad zelandum pro DEO  
 ac institutis Patrum, tamen sibi ipsi non contra-  
 dicit: quia hoc ipso transformat se in Angelum  
 lucis seu veritatis, ut inde occasionem habeat su-  
 scitandi alium contra eos, aliorum persecutionis  
 zelum; ac postea sumat ansam, ipsos in ipsorum  
 nimia comprehendendi perturbatione animi ac odio  
 consurgente ipsis contra hujusmodi defectuosos.

ac alio zelo sese impugantes; & consequenter contra propriam religionem, ac sui ad eam vocationem. Hujusmodi autem odium aut gravem animi indignationem ex immisione diaboli religiosus concipiens, in majori versatur periculo æternæ damnationis, quàm alius homo mundanus, ut potè pluribus peccatis implicatus, sed tamen amore religioni addictus: quia talis amor, sicut initium est aliquod conversionis, & signum saltem remotum salvationis ejus: ita viceversa, tale odium, est exordium alicujus recidivationis, seu retroversionis, ac indicium aliquod reprobationis: quorum utrumq; privilegijs Christi Domini S. P. Francisco datis facile comprobatur.

*Hinc deinde* obijci potest; quod nimirum si incipientes ac imperfecti pro religione non zelassent, ac sese aliquâ murmuratione non opposuissent, jam pridem observantiam illius ruere necesse esset: quia fortè, vel non inveniuntur perfecti, ut pro bono communi agant; vel si inveniuntur, non nisi sibi ipsis attendunt. *Respond: Imò.* Verùm quidem est, quod zelus incipientium indiscretus aliquando prodest bono communi (nam vulgò dicitur, quod observantia literalis regulæ Minoritanæ, stat fratrum murmuratione) quomodo etiam nonnunquam profunt aliquibus ad profectum spiritualem propria peccata, ut potè occasionaliter non autem causaliter; verùm nulla ratione facienda sunt, mala, ut eveniant bona. *Respond: add.* Falsum esse, quod regulæ Minoritanæ rueret literalis observantia, nisi fulciretur zelo fratrum indiscreto: quia  
alias



alias (quod est cogitare indignum) indigeret Christus Dominus noster aliqua fratrum inordinatione ac imprudentia (ex qua tamen, dum aliquando evenit, scit ac solet elicere bonum) ad promovendam, conservandam, & gubernandam, religionem sanctam, qui nec aliquam sapientiam humanam, ad hoc munus requirit: sicut coram B. P. S. Francisco protestatus est (dum ille pro spiritali profectu suæ religionis nimio zelo cruciaretur) dicens: quid tantoperè sollicitus & anxius es miselle homuncio pro hac religione, aut putas non magis illam esse meam, quàm tuam? nonnè ego ideo per te simplicem ac indoctum fundare illam volui, ut videlicet gubernatio & promotio ejus, mea omnino, non autem humanæ adscriberetur Sapientiæ.

*Respond: 310.* Non ruit statim observantia regularis, nec disciplina vitæ spiritalis collabitur, quamvis ruere & collabi minùs expertis videatur, dum videlicet aliquando nonnulli defectus aliquorum Superiorum aut fratrum, sive etiam totius Communitatis dissimulantur ac tolerantur, ob aliquam rationabilem causam, solis notam Superioribus: imò quoq; etiamsi per negligentiam Superiorum id ipsum eveniat: quia hujusmodi defectus mox corrigentur, *vel* exemplis bonis aliorum fratrum, *vel* admonitione majorum Superiorum, *ut potè* visitatorum, *vel* cita mutatione prælatorum; *vel* separatione ab invicem fratrum ac translatione illorum, *vel* amotione occasionis malæ &c: *Respond: 420.* Multi sunt viri perfecti ac sancti in religione, quamvis curiosis inquisitoribus & indiscretè

zelozis, ac apud se ipsos iustis & prudentibus non videantur esse, ob aliquos nempe illorum defectus, aliqua reprehensione dignos, quos etiam ipsi perfecti detestantur summopere. *Vnde est*, quod alias huiusmodi nec S. Petrum Summum Christi Antistitem vellent dicere perfectum, qui apud S. Paulum reprehensibilis erat: nec S. Joannem quem diligebat JESUS, qui tamen sua persona, quam ceterorum Apostolorum ac Sanctorum aiebat: Si dixerimus quod peccatum non habemus, mendaces sumus, & veritas in nobis non est. *Resp: sdd.* Multum agunt perfecti pro bono religionis sibi ipsis attendendo, prius quam bono communi juxta ordinem charitatis, quamvis inquietis & temerarijs agere non videantur: nam docent eos suo exemplo pacem Christi cum omnibus habere, charitate aliorum defectus cooperire: legem Domini nostri, aliorum onera portando adimplere: suos Superiores revereri & amare, non considerando eorum imperfectiones; sed potius ipsum filium DEI, cujus antistites sunt, in illis discernendo, *necnon* docent eos fugere omnem impatientiam ac animi perturbationem: quæ in se, & in alijs impediunt charitatem, suntq; semina pestiferæ ac maledictæ murmurationis: tandemque docent eos, cum tempus visitationis advenerit, omnia pro bono communi, quæ illis recta svadet ratio Superiori aperire & relinquere, solum DEUM semper præ oculis habendo. *Obviatur zdd.* præsentī tentationi huiusmodi responsione ad ultimum punctum suggestionis ejus. Apud omnes religiosos fratres Novelli



# ARTICULUS VI. 445

velli usq; ad præfinitum tempus à Summis Pontificibus, sunt sub cura, correptione, ac instructione suorum Patrum spiritualium, quodammodo tanquam filij sub educatione parentum; tanquam pupilli sub actione Tutorum; tanquam discipuli, sub custodia & disciplina Magistrorum, & pædagogorum; tanquam pueri pro addiscenda arte aliqua mechanica destinati, sub institutione professoris illius artis; tanquam servi sub potestate & jurisdictione suorum dominorum. Hac itaq; ratione fratres juvenes cujuslibet religionis, quamvis mali non sint, facile à suis Superioribus corripiuntur ac reprehenduntur: nam sicut caro recens, quamvis etiam sit bona ad comedendum, tamen sale mortificatur; ut nimirum eo ipso à corruptione præservetur, & diu in sua integritate conservetur: ita fratres Novelli, sæpè sale mortificationis exercentur, ut videlicet hoc ipso à corruptione passionum, sui amoris, inordinatæ voluntatis, proprii judicii, ac inferioris rationis discursuum purgentur ac præserventur; assuetiq; ab adolescentia jugo Christi portando ac malis tolerandis, in virtutibus bonum odorem spirantibus promoveantur, ac in perpetuum firmentur; quâ enim via adolescentes ambulant etiam cùm senuerint non recedent ab ea; & quo semel imbuti fuerint virtutum unguento, illius diu servabunt odorem. *Verum* alia est ratio Seniorum qui jam sunt exempti à cura Magistrorum spiritualium, & à disciplina juvenili: hi etenim communiter pro quotidianis defectibus parvis acriter non corripiuntur, nisi admonentur ac rogantur, ut se-

iplos corrigant, quia dicit S. Paulus 1. Tim: 5. Seniore[m] n[on] increpaveris, sed obsecra ut patrem; juvenes (ut potè exemptos à cura Vicariorum) ut fratres. Pro majoribus autem defectibus & gravioribus peccatis, puta notorijs ac publicis plus etiam gravius publicè puniatur, juxta delicti exigentiam. Verùm pro illis peccatis, quæ occulta sunt & nonnisi solis Superioribus aliquo modo probata, occultè etiam corripuntur: si verò notatenus probari possunt; tamen pro solis indicijs aliqua leviori p[œ]na, sive nimirum positiva, sive negativa plectuntur. Hinc jam pater, quod scandalum illud juvenum, non est datum sed acceptum, quale illud fuit Pharisaorum, invidorum & hypocritarum, quod de Christi, ac discipulorum ejus vita & doctrina accipiebant.

## A R T I C V L V S VII.

*De diabolo, qui dicitur Perfectus, Curiosus, Laudipeta, Lascivus, Tetricus, Blasphemus, Amor placendi, Timor displicendi, Linguax, Si, Accusator fratrum.*

**D**ecimus tentator dicitur Perfectus, ex eo videlicet, quod suggerere soleat nonnullis incipientibus, illos jam esse perfectos ac Sanctos: ut hoc ipso, sic facile ac imprudenter credulos (incipientes enim facile credunt se esse perfectos, dum statum peccatorum, quem per gratiam DEI deseruerunt considerant; status verò perfectionis, cu-



jus nondum limina attigerunt conditiones ignorant) nimis altè sapere, ac multum de seipsis præsumere; alios autem tanquam minùs perfectos aut etiam tanquam peccatores temerè judicare, condemnare, ac despicerè, faciat. Hâc tentatione superatus Phariseus, stans apud se orabat, (sicut legere est *Luc: 18.*) DEUS gratias ago tibi, quia non sum sicut cæteri hominum, raptores, injusti, adulteri, velut etiam hic publicanus. *Vel ex eo* Perfectus vocatur: quia è contra nonnullis incipientibus quandoq; persuadet, quasi nunquam in religione perfecti possent fieri, eo quod nullatenùs vitare possint, quamvis velint ac studeant, omnes imperfectiones, & omnia peccata venialia, sicut ipsa experientia docet; quâ etiam de causa, iisdem suggerit, nullum alium in sua religione posse inveniri perfectum, licet contrarium narretur, & credatur; ut hâc suâ calliditate faciat illos temerè judicare & contemnere suam imprimis religionem, ac postea quosvis alios viros perfectos; minùsq; ab hinc curare asceticam disciplinam, & omne studium virtutum. Verùm sic tentati, seridè admonentur à sapiente illis verbis *Ecclesi: 7.* Noli esse nimium justus. Nimium autem quis justus ac perfectus esse cupit, quando ab omnibus imperfectionibus & peccatis venialibus purus omninò evadere conatur? quod nunquam alicui perfectorum in hoc statu corruptionis ullo modo concedi solet: non enim per viam innocentia ac originalis justitia, vult suos DEUS redire ad Paradisum vitæ æternæ: sed per viam humilitatis, cujus nobis materia

materia seu occasio inest, ipsa videlicet nostra corrupta naturæ ad malum propensio, quotidianos defectus nobis parturiens. *Vnde est*, quod imperfectiones & venialia peccata virorum profectui spiritali fideliter insistentium, potius illorum promouent & conservant (puta occasionaliter, divina sese interponente sapientiâ) quam impediunt ac extinguunt perfectionem, nam quemadmodum carbones ignis, facillimè in cinere per noctem usq; in crastinum diem conservantur; ita charitatis ac cujuslibet virtutis perfectio, cinere venialium peccatorum ac nonnullarum aliarum imperfectionum respersa per noctem præsentis miserrimæ vitæ usq; in crastinum æternitatis diem satis bellè custoditur.

*Vndecimus* tentator dicitur Curiosus. Hic persæpè religiosis suggerit, illam potius inquirendam eis esse scientiam, quàm gloriosi redderentur mundo, quàm quàm spiritualis eorum promoveatur vita. *idem quoq;* persuadet illis occulta ac secreta aliorum investigare, & coram alijs propalare; audire nova, videre pulchra, habere chara, & quæcunq; grata sunt sensibus experiri: ut hoc ipso fiant ex eis homines vani, mundani, indevoti, & vocationis suæ immemores.

*Duotenus* vocatur Laudipeta. Hæc tentatione deiiciuntur, qui bona faciunt, non ut soli DEO placeant, verum ut ab hominibus videantur, laudentur & promoveantur.

*Tredecimus* dici solet Lascivius. Hujus tentatoris studium est, nimis commovere appetitum infirmum



## ARTICULUS VII. 449

num ad concupiscendum pastum & potum saporosum, delicatum & immoderatum, non tam corporali necessitati, quam gulæ & luxuriæ deservientem: ad aspiciendam oculis immortificato, & amandam affectu sensuali speciem alterius sexûs, aut quasi alterius; ad sæpè conversandum & jocandum cum ejusmodi personis, ad palpandum seu demulcendum eas, ad adulandum & blandiendum eis, &c.

*Quartus decimus & Quindecimus* diabolus Tetricus & blasphemus dicitur. Hujusmodi tentatores, nonnullis suggerere solent cogitationes tristes, turbulentas, superbas, frivolas, invidas, severas, querulosas, suspitiosas, amaras, inhonestas, irreverentes & malignas; multifariam stimulando eos contra fratres, contra Superiores, contra religionem, seu religionis institutionem ac disciplinam; contra fidem, contra fidei ministros, contra Sanctos seu illorum imagines, contra DEUM ac ejus judiciorum vias investigabiles. *Verum* hujusmodi cogitationes, si nonnisi passivæ sunt, non est cur timeantur; quia non solum non nocent viro spiritali, verumetiam purgationi ejus passivæ deserviunt.

*Sextdecimus, & decimus septimus*, tentator, vocatur Amor placendi, & Timor displicendi. Horum uterq; suadet ascetis favorem, amicitiam, benevolentiam & gratiam hominum magnificare, ac nimio studio captare; ut his inescatos, paratos efficiat DEUM potius offendere, ac legem ejus violare, quam aliquando hominibus displicere velic.

le. Ejusmodi favorem S. Paulus fugiebat, eum diceret *ad Galat: 1.* Si adhuc hominibus placerem, Christi servus non essem. Uade & S. David *Psal: 52.* Quoniam DEUS dissipavit ossa eorum, qui hominibus placent: confusi sunt, quoniam DEUS sprexit eos. Verumtamen Sanctum ac laudabile est, velle placere hominibus, non quidem propter suum commodum transitorium, sed propter illorum utilitatem spiritualement; in quo sensu S. Paulus voluit placere suos discipulos eorum proximis dicens: *Rom: 15.* Unusquisq; proximo suo placeat in bonum ad ædificationem. Quare & de seipso idem Apostolus ait *1. Cor: 10.* Per omnia omnibus placeo non quærens quod mihi utile est; sed quod multis, ut salvi fiant.

*Decimus octavus* tentator appellatur Linguax: cuius studium est incitare fratres ad immodicam & incircumspectam loquacitatem, vel alias ad vaniloquium ac multiloquium; quod aliquo peccato carere nequit, sicut patet *Proverb: 10.* In multiloquio non deerit peccatum. *Vt potè* aut mendacij, aut jactantiæ aut adulationis, aut irrisionis, aut contentionis, aut murmurationis, susurationis, detractionis, &c: *Vnde* S. Ambros. Quam plures vidi loquendo in peccatum incidisse, viz quempiam tacendo: ideo tacere posse, quàm loqui, difficilius est. *Idem.* Ingreditur mors per ostium tuum, si falsum loquaris, si turpiter, si procaciter; potest etiam si ubi non oportet loquaris. Et S. Bernard. Levis quidem sermo, quia leviter volat, sed graviter vulnerat: leviter transit, sed graviter urit.

leviter



ARTICVLVS VII. 451

leviter penetrat animum, sed non leviter exit: leviter fertur, sed non leviter revocatur: facile volat, ideo facile charitatem violat.

*Decimus nonus* diabolus vocatur Si. Hic tentare consuevit, per suppositionem circa possibilia. *Ex gr.* Quando bonum novitium cernit (minùs ad huc cautum, & nondum suas astutias expertum) orationi diligenter insistere mortificationi & virtutibus studiosè incumbere, ac in amore suæ religionis & vocationis proficere; mox ei ad meditandum proponit. Quid faceres, si te ex ista religionē eijcerent? Et postmodum fraudulenter ei suadet, ut omninò resignatam habeat voluntatem, ad divinam circa se hujusmodi ordinationem: affirmans, quod facile, jam possit servire DEO in sæculo, quandoquidem tantopere profecerit in vita spiritali, quod si in peccata recideret, non sua esset culpa, sed eorum qui se eijecerunt: *vel* suggerens ei, quod possit aliam intrare religionem, si sibi postea placuerit. *Vel quoq̃.* Quando advertit aliquem bonum religiosum in proposito æterno se se exerecere ac roborare, DEUM videlicet amplius non offendendi, ac in timore & amore ejus cæterisq̃ virtutibus jugiter proficiendi; protinùs objicit illi ejusmodi propositionem? Quid faceres, si certo scires, te non esse prædestinatum, ac DEI electum? *vel* si in hanc, aut in illam occasionem peccandi incideres? *vel* si hanc, seu aliam haberes persecutionem? *Vel deniq̃:* Quid faceres; si comprehenderetis ob fidei confessionem, & conijceretis in carcerem teterrimum ac fœtidum; tor-

turaq̃;

turæq; tibi acerbissima; crudelissima, & prolixissima adhiberentur? His ac alijs similibus modis sceleratissimus & calidissimus hostis Servorum DEI, in sua contra eos tentatione procedere solet; ut conturbatos reddens, pristinum affectum devotionis eorum erga religionem conceptum refrigerare queat, studium Virtutum eos negligere faciat, fervorem orationis in illis extinguat, charitatem DEI nascentem in odium suo studio convertat, proposita æterna eorum frangat; & quod impium est, illis eligere persuadeat. *Verum* non conturbetur nec animo concidat bonus religiosus ad auditionem hujusmodi sibi illi serpentini; sed potius agnita prius sua infirmitate, DEO se auxiliatori ac Salvatori suo fideliter & humiliter commendet, omnem in eo suam collocans fiduciam; quia ipse aut non permittet se tentari supra suas vires, aut in hujusmodi tentatione auxilium sibi efficax præstabit.

*Vigésimus*, diabolus dicitur Accusator fratrum; cujus natura est stimulare fratres, ut se defendant & excusent in suis defectibus, aliorum accusatione; quod nimirum hos defectus contraxerint per indiscretionem Superiorum, per scandala fratrum, per occupationes religiois, &c.

## A R T I C V L V S VIII.

*De remedijs, & fructibus, seu utilitatibus probativa tentationis.*

**O**Mnis quippe tentatio nostra, aut est probativa aut inductiva. Probativa seu probationis



## ARTICULUS VIII. 453

illa dicitur; quâ nimirum exploratur, probatur, & perficitur fides, patientia, perseverantia, & quâlibet virtus nostra. *Inductiva* verò seu inductionis illa est, quâ ad peccandum inducimur & sollicitamur. Harum utraq; à sola pendet voluntate DEI, verùm cum hoc discrimine: quòd probativa tentatio procedit à divina positiva voluntate, *ut potè* immediata & mediata; illa, quæ est à positiva DEI voluntate immediata, propriè dicitur tentatio à DEO, & quæ venit à voluntate mediata, propriè vocatur tentatio ab homine, ut Antistite DEI. *Tentatio* verò inductionis, veniens ab homine, ut instrumento satanæ; necnon à mundo, carne, & diabolo, dependet à voluntate DEI permissiva. Est autem voluntas DEI permissiva, *alia* antecedens, *alia* consequens. Permissiva consequens illa est, quâ nimirum dicitur DEUS (*Matth: 6. in orat. Dominica*) inducere nos in tentationem, *id est* permittere, ut propter incuriam & negligentiam nostram, in cooperando vocationi & gratiæ illius divinæ, à diabolo inducamur in consensum tentationis. Unde est quod dicitur *Apoc: 3.* Quia tepidus es; & nec frigidus nec calidus, incipiam te evomere ex ore meo. *Vel* quâ multos DEUS permittit tentari & cadere in gravia peccatâ, in penam aliorum peccatorum, juxta illud *Apoc: 23.* Qui nocet, noceat adhuc, & qui in sordibus est, sordescat adhuc. *Verùm* tentatio dependens à voluntate divinâ permissivâ antecedente, non est inductiva ad malum, sed probativa ad bonum: ad hoc enim DEUS permittit à malis hominibus, à mundo,

mundo, carne, diabolo, tentari suos electos; ut nimirum probentur, ut exerceantur, ut excitentur, ut meliorentur.

*Hinc nota*, quod DEUS nunquam permittit malum, ut aliud malum inde sequatur: quare dùm voluntate antecedente permittit tentationis malum; hoc facit, ut inde nobis proveniat profectus nostri spiritualis bonum: dùm autem consequente voluntate permittit malum; hoc facit, ut inde iustitiæ ejus punitivæ bonum, exterius nobis innoscescat. *Inde est*, quod sicut tentatio inductiva statim à principio fugienda, reprobanda, ac superanda est; ita quoq; probativa in magna humilitate ac patientia, & cum gaudio spirituali sustineri debet.

*Imum* itaq; remedium probativæ tentationis est, ipsum videlicet tolerare illam humiliter ac patienter, juxta illud quod dicitur *Ecclesiæ 2*: Sustine sustentationis DEI, conjungere DEO & sustine, ut crescat in novissimo vita tua. Omne quod tibi applicitum fuerit accipe; & in dolore sustine, & in humilitate tua patientiam habe; quoniam in igne probatur aurum & argentum, homines verò receptibiles in camino humiliationis. Id ipsum patet ex verbis Christi Domini prolatis *Apocalip: 3*. Quoniam servasti verbum (*id est*, præceptum) patientiæ meæ, & ego servabo te ab hora tentationis, quæ ventura est in orbem Universum tentare habitantes in terra. Idem comprobatur ex D. Bonnav: *lib: 2. de prof: relig: cap: 6.* in hunc modum dicente: Patienter & humiliter Virgam Domini sustine,



sustine, & dignum te iudica afflictione & labore  
 pugnae, patienter toleta, confidens quod tibi pro-  
 veniet in bonum: quia sic citius placabilis erit ti-  
 bi Dominus, & purgaberis à peccatis, & emun-  
 daberis vitijs, & ditaberis virtutibus, scientia, me-  
 ritis, & gloria. Unde & *S. Greg.* Quis appetit  
 plenè vitia vincere, studeat humiliter purgationis  
 suae flagella tolerare: cum DEO non possumus  
 contendere, nec per iustitiam, quia peccatores su-  
 mus; nec per potentiam, quia infirmi & servi ejus  
 sumus; nec aufugere ab eo per astutiam, quia  
 nusquam eum latere possumus, & domini ejus  
 terminos exire, juxta illud quod dicitur *Psal: 138.*  
 Quo ibo à spiritu tuo, & quo à facie tua fugiam?  
 Et *Iob. 9.* Sapiens corde est, & fortis robore; quis  
 restitit ei, & pacem habuit? Humiliemus ergo nos  
 coram ipso, & sic misericordiam consequemur.  
*hac ille.* Quis igitur tentationem patienter ac hu-  
 militer non tolerabit? ut nimirum in die novissi-  
 mo illam dulcissimam Christi cantilenam (jux-  
 ta D. Bonav. in *Dieta salutis Tit: 10. cap: 6.*) pro-  
 mereatur audire cum alijs Viris Apostolicis, quae  
 scripta est *Luc: 22.* Vos estis, qui permansistis me  
 cum in tentationibus meis. Ego dispono vobis  
 sicut disposuit mihi Pater meus, regnum; ut eda-  
 tis & bibatis super mensam meam in regno meo  
 & sedeatís super thronos, judicantes duodecim tri-  
 bus Israel. Quod praevidens David in spiritu, cla-  
 mabat in caelum. *Psal: 138.* Proba me DEUS,  
 & scito cor meum: interroga me, & cognosce se-  
 mitas meas. Et deinde post victoriam tentationis

eoram DEO gloriando agebat; *Psal: 16.* Probasti cor meum, & visitasti nocte; igne me examinasti, & non est inventa in me iniquitas. *Vipote* iniquitas consensus in peccatum: aut iniquitas impatientiæ seu desperationis. Unde etiam Sancti, qui jam pertransierunt & superaverunt tentationes suas, semper glorificant DEUM in cælo dulciter canentes illud *Psal: 65.* Quoniam probasti nos DEUS: igne nos examinasti, sicut examinatur argentum: induxisti nos in laqueum, posuisti tribulationes in dorso nostro, imposuisti homines super capita nostra: transivimus per ignem & aquam, & eduxisti nos in refrigerium,

*z dum*, remedium est probatiæ tentationis, gaudium videlicet spirituale, juxta illud *Iacob: cap: 1.* Omne gaudium existimate fratres mei, cum in tentationes varias incideritis, *id est* nolite fratres mei contristari in vestris tentationibus; nam eo ipso exultabitis tentatorem vestrum, & audaciorum cum facietis contra vos, ac spem ei majorem addetis vestri casus futuri; sed è contra enitramini omni gaudio gaudere (puta, pleno & perfecto) ut inde vester inimicus magis capiat tristitiam, & timidus reddatur, ac de sua ex vobis reportandâ desperet victoriâ. Hujus autem gaudij rationes sunt septem, ipsi videlicet septem fructus, quos tentatio viris adfert spiritualibus. *Immo* igitur fructus est, quod videlicet intervenientibus tentationibus, electi à reprobis per sua placita, seu per suas electiones dignoscuntur ac secernuntur: tempore enim tentationis quid aliud electi & reprobi



## ARTICULVS VIII. 457

operantur, nisi quod alteri eorum eligunt bonum et vitam & alteri malum ac mortem, juxta illud *Ecccl: 5.* Ante hominem vita & mors, bonum & malum, quod placuerit ei dabitur illi. *Et consequenter*, alteros illorum facit DEUS suos electos, & reprobos alteros. Quamobrem verum est illud, quòd tentatio non improbat, sed qualis est quisque probat ac manifestat; in tentatione enim, sicut cuiuslibet mali hominis panditur iniquitas, ac immortificati innotescit vitium? ita boni ac probi viri, palam fit amor erga DEUM, & patientia illius clarescit, juxta illud *Deut: 13.* Tentat vos Dominus DEUS vester, ut palam fiat utrum diligatis eum, an non. Et *Tob: 12.* Quia acceptus eras DEO, necesse erat ut tentatio probaret te. Et *Sap 3.* Quoniam DEUS tentavit eos, & invenit eos dignos se; tanquam aurum in fornace probavit illos. Ex quibus verbis dicendum est, quod quo modo aurum purum ab impuro probatur & secer-nitur; illo etiam modo Vir probus ab improbo dignoscitur; nam sicut impurum ac mixtum aurum percussum sonat, & in igne positum fumat, eva-poratur & minoratur; è contra verò aurum purum non sonat, & per ignem transiens, à justo pondere non deviat; ita quoq; improbus ac irreligiosus ho-mo, dum tentationis maleo percutitur, ac adver-sitatis igne examinatur, statim edit sonitum im-patientiæ & murmurationis, & mox per injustitiam ac desperationem minoratur; sed Vir justus versà vice, in quavis tentatione positus, idem semper manet ac perseverat, imò per patientiam meliora-

tur, quæ proprius, effectus probativæ tentationis est. *Vnde S. Jacobus cum dixisset cap. 1. Omne gaudium existimate fratres mei, cum intentationes varias incideritis. Subiunxit: Scientes quod probatio fidei vestræ patientiam operatur. 2dus. fructus tentationis est, ipsa videlicet purgatio justorum, de qua illud extrat Iohannē 15. Ego sum vitis vera, & Pater meus agricola est: omnem palmitem in me non ferentem fructum, tollet eum; & omnem qui fert fructum purgabit eum (utpotè per multas tentationes) ut fructum plus afferat. Et illud Luc: 3. Cujus ventilabrum in manu ejus, & purgabit aream, & congregabit triticum in horreum suum, paleas autem comburet igni inextinguibili. Ad quem quæso finem Christus Dominus in manu sua ventilabrum habere dicitur, quo nimirum coloni frumenta post trituram sursum ejaculantur, ut ea ventorum flatu à paleis repurgata accipiant & servant; nisi in signum, quod ad instar Coloni electos suos, tanquam grana frumenti contra venti impetum, sc: tentationum variarum, jactitare decreverit, ut hoc modo expurgatos à paleis plurium vitiatorum ac imperfectionum, tempore suo congreget ac reportet in cæleste horreum. Hujusmodi frumentum purgatum fuit S. Ignatius Episcopus Antiochenus, qui cum jam damnatus esset ad bestias, & rugientes audiret leones, ardore patiendi dixit: Frumentum Christi sum, dentibus bestiarum molar, ut panis mundus inveniar; similiter & S. P. Franciscus, de quo Ecclesia sic in ejus Officio: Granum purum,*



# ARTICULUS VIII. 460

purum, excussa palea, summi regis intrat in horrea. Vnde & S. Chrysost. Nè existemus esse signum, quod nos dereliquerit & despiciat Dominus, si tentationes nobis inferantur; sed hoc maximum sit nobis indicium, quod nostri curam gerit, quia peccata expurgat, & luctam ac exercendi materiam nobis proponit.

*2<sup>us</sup>*. fructus est, quia in tentatione mens nostra sic sensim illuminatur ac cruditur, ut tandem perfecta sui gaudeat cognitione. Unde Ecclesi: 34. Qui non est tentatus, quid scit? Vir in multis expertus cogitabit multa; & qui multa didicit enarrabit intellectum. Et S. Aug: in Psalm: 61. Tantum admittitur diabolus tentare, quantum tibi prodest ut exercearis, ut proberis; ut qui te nesciebas, à te ipso inveniaris. *3<sup>us</sup>* est, quia per tentationem præseveramus ab omni superbia, & conservamur in omni humilitate; quod patet ex dictis D. Pauli 2. Cor: 12. Nè magnitudo revelationum extollat me, datus est mihi stimulus carnis meæ Angelus satanæ qui me colaphizet. *4<sup>us</sup>* est quia per tentationes (occasionaliter puta) promovemur in virtutibus, ut patet 1. Cor: 10. Fidelis DEUS est, qui non patietur vos tentari, supra id quod potestis, sed faciet etiam cum tentatione proventum. Unde in vitis Patrum legitur de quodam discipulo, qui dum à spiritu fornicationis tentaretur, adiit Patrem suum spiritualem, ut revelaret ei hanc suam gravem tentationem; quâ cognitâ senex admonuit juvenem; dicens: vis rogo Dominum, ut hanc à te alienet molestiam? respondit; video Ab-

461 *De remedijs contra tentationes.*

ba, quia si laboro tamen ex pondere laboris hujus  
 confidero fructificare me: sed hoc roga **DEUM**  
 ut det mihi tolerantiam, per quam sustineam, ac  
 semper vincam tentationem. Cui Pater: Nunc  
 cognovi, quia in magno profectu es fili, & super-  
 gredereris me. *6tus* fructus est, erectio spei &  
 affectionis nostræ in **DEUM**: nam dùm stimu-  
 lamur varijs tentationibus, vult nos Dominus cle-  
 mentissimus totaliter de proprijs diffidere Viribus,  
 ac per vivam fidem, & spem sursum erectam, &  
 humilem ferventemq; orationem ad suum consu-  
 gere auxilium. Sic faciebat David cùm diceret  
*Psal: 24.* Oculi mei semper ad Dominum, quo-  
 niam ipse evellet de laqueo pedes meos. *Vnde D.*  
*Bonav. Stimul. par. 3. cap. 17.* Permittis nos bone  
**JESU** tentationibus stimulari, ut ad te recurra-  
 mus: Omnem viam & modum quo possis nos ad  
 te trahere exerces, quia tecum nos cupis habere.  
*7mus* est, quia tentatio superata, magna præmia  
 victoribus operatur. Unde Jacob *cap. 1.* Beatus vir,  
 qui suffert tentationem: quoniam cùm probatus  
 fuerit, accipiet coronam vitæ, quam repromisit  
**DEUS** diligentibus se. Et *Apoc: 2.* Qui vicerit  
 (suas videlicet tentationes) faciam illum colu-  
 mnam in templo **DEI** mei. Et *2. Tim: 2.* Non  
 coronabitur, nisi qui legitime certaverit Et *S. Aug:*  
*sup: Psalm: 60.* Vita nostra in hac peregrinatione  
 non potest esse sine tentatione: quia profectus no-  
 ster per tentationem nostram fit: nec sibi quisquam  
 innotescit, nisi tentatus: nec potest coronari, nisi  
 vicerit, nec potest vincere nisi certaverit: nec po-  
 test



## ARTICVLVS IX. 46<sup>2</sup>

est certare, nisi inimicum & tentationes habuerit. Et *S. Bern.* Molesta est lucta, sed fructuosa, quia si habet p̄nam, habebit & coronam: non nocet sensus, ubi non est consensus: imò quod resistentem fatigat, vincentem coronat.

## ARTICVLVS IX.

### *De remedijs inductivæ tentationis.*

**P**rimum remedium inductivæ tentationis est fuga ipsius tentationis occasionum. Est autem affectus duplex occasio talis, proxima nimirum & remota. *Proxima* item occasio tentationis, aut est exterior aut interior. *Exterior* est quodlibet bonum transitorium, seu quodvis objectum hujus mundi animabus incautis gratum. Unde *Sap: 4.* Quoniam creaturæ DEI, in odium factæ sunt, & in tentationem animæ hominum. (factæ scilicet, per propriam illorum concupiscentiam, & per suggestionem ac deceptionem diabolicam) & in musculam pedibus insipientium. *Interior* est ipse sui amor immoderatus, proprium iudicium, & propria voluntas; harum occasionum altera fugitur per contemptum mundi, & omnium quæ in eo sunt; altera per abnegationem sui. *Remota* etiam occasio tentationis, est itidem alia Interior, alia Exterior. *Exterior*, est quodlibet officium religionis, & quævis fraterna familiaritas singularis, peregrinationes quoq; & cum sæcularibus conversationes, ac tandem infirmitates corporales. *Interior* est; consideratio alienorum defectuum in ordine ad correctionem proximi ex zelo aliquo proveniens.

2dum remedium contra inductivas tentationes est, ipsum videlicet illas prævenire nostrum, utpote, præparatione ac præmunitione nostri, antequam ab eis præveniamur & oppugnemur, juxta illud *Ecclesiæ* 2. Fili accedens ad servitutem DEI, sta in justitia & timore, & præpara animam tuam ad tentationem. Multiplici autem modo nos præparari oportet ad tentationem. Imò per præscientiam ac præcognitionem necessitatis & plurium ejus utilitatum, ac per prævisionem illius jaculorum. Minus enim (ait *S. Greg.*) jacula feriunt, quæ prævidentur. Et *Chrysost.* Magna inquit Virtus boni est cognoscere malos, & firma tutela salutis, scire quod fugias. 2dò, per quotidianas Dominicæ passionis & quatuor novissimorum meditationes: & per exercitium cujuscunque bonæ actionis, quo tolluntur studia vana ac inutilia, & ipsum superatur otium, quod est ostium quarumvis seductionum. Hæc enim omnia illa DEI armatura sunt, quam assumere nos vult Apostolus contra hostes nostros spirituales *Philip.* 6. dicens: Accipite armaturam DEI, ut possitis resistere in die malo, & in omnibus perfecti stare. 3iò. Optime nos præparamus antecederet contra tentationem, dum vigilamus & oramus, ut non inducamur, aut intremus in tentationem, juxta quod commonemur *Matth.* 26. Vigilate, & orate, ut non intretis in tentationem. Nota autem, quod sicut aliud est intrare in fornacem igne succensam, & aliud accedere ad illam, nam intrans comburitur ibi, & nonnisi appropinquans calefit; ita aliud est intrare in tentationem, & aliud



& aliud tentari: ille autem in tentationem intrare dicitur, qui per assensum peccato igne concupiscentiæ suæ uritur & comburitur; & ille non nisi simpliciter tentatur, qui suggestioni ad hoc exponitur, ut per detestationem iniquitatis, ac mentis in DEUM elevationem, affectu amoris divini magis ac magis incaleat. *Nota deinde*, quod tunc vigilare dicimur, quando persæpe coram DEO renovamus nostrum æternum, serium, ac resolutum propositum studiosissime videlicet, efficacissime, ac fortissime resistendi cum auxilio ejus cælesti quibusvis inimici nostri suggestionibus. Hujusmodi propositum fuit David, cum diceret *Psal: 17.* Et ero immaculatus cum eo, & observabo me ab iniquitate mea. *Et infra.* Quoniam in te eripiar à tentatione, & in DEO meo transgrediar murum. *Et infra.* Et præcinxisti me virtute (*id est* forti ac insuperabili proposito) ad bellum; & supplantasti insurgentes in me subtus me. *410.* Perbellè præparamus nos ad tentationem per humilitatem, quæ provenit ex cognitione nostri, per quam fit, quod diffidentes de sufficientiâ virium nostrarum, præmuniti confidentiâ in sola protectione diuina, intrepide expectamus hostem nostrum. Sic præmunitus fuit *S. Macarius*, cui aliquando diabolus dixit: Machari; omnia quæ tu facis, ego melius facio: tu jejunas, & ego nunquam comedo neq; bibo: tu vigilas, ego nunquam dormio: tu castitatem colis, ego nullum actum novi venereum: tu huic sæculo ac bonis ejus abrenuisti, & ego nihil possideo in hoc mundo, neq; aliquid possidere

465 *De remediis inductiva tentationis.*

dere cupio. Unum est quod me superas, nempe huius  
 militas tua, propter quam contra te prævalere ne-  
 queo. *sic.* Præparamus nos benè contra tenta-  
 tionem inductionis: si membra nostra, tam vide-  
 licet exteriorum quàm interiorum virium, per stu-  
 dium asceticæ mortificationis facimus arma iusti-  
 tiæ: quæ alias diabolus, inermis noster hostis in-  
 strumenta iniquitatis, seu arma sua contra nos ver-  
 tens, à nobis habere cupit, ac fraudulenter sibi  
 impetrare pollicetur; ut nos illis vulneret & oc-  
 cidat. Hanc diaboli astutiam & indigentiam ad-  
 vertens D. Bonav. præmonere nos voluit, dicens  
*libr: 1. de prof: reg: cap: 2.* Cum immittit nobis dia-  
 bolus cogitationes perversas & suadet ut malum  
 faciamus vel loquamur; nonnè quasi apertè vide-  
 tur homini dicere: inermis sum ego contra te,  
 non habeo unde te lædere possim, nisi tu præstes  
 mihi arma tua, ut te vulnerem & occidam. Præ-  
 sta ergo mihi cor tuum ad pravas affectio-  
 nes, vel cogitationes malas; linguam ad loquen-  
 dum iniqua; & manus & alia membra ad actio-  
 nes & opera prava, quibus letale vulnus in anima  
 accipias, & gratiam Domini DEI tui perdas, &  
 gloriæ cælestis merito spolieris. Unde S. Aposto-  
 lus *Rom: 6.* Non exhibeatis membra vestra arma  
 iniquitatis peccato, sed exhibere vos DEO, tan-  
 quam ex mortuis viventes, & membra vestra ar-  
 ma iustitiæ.

*Primum* remedium tentationum inductivarum, est  
 resistentia ipsi ab initio suggestionis, juxta illud *Pet: 5.*  
*Cui resistite fortes in fide. Et Iacob, 4. Resi-*  
 stite



stite autem diabolo, & fugiet à vobis. Est verò hoc loco initium suggestionis, illud instans temporis, in quo à ratione superiori hujusmodi suggestio seu impulsus diaboli internus, legi Divinæ contrarius esse plenè dignoscitur & apprehenditur. *Præsens autem* resistentia tentationi, vel est naturalis, vel supernaturalis. Naturalis illa est, quâ quis resistit peccato, nè incurrat per illius actum aliquod malum temporale, aut nè privetur abquo bono commutabili. Supernaturalis resistentia illa est, quâ quis ex motu charitatis Dei dissentit supra omnia diabolicæ ad peccandum persuasioni ac inductioni propter DEUM. *Sed hæc* resistentia iustorem, alias diaboli victoria dici solet; nam diabolus ipso actu stimulando aliquem ad peccandum, nihil aliud intendit, nisi ut illum, vel ex inimico DEI majorem inimicum, vel ex amico & iusto, injustum ac peccatorem efformet; quidum contrarium per tentati resistentiam, aut per quemcumq; ejus alium charitatis elicitum actum fieri videt, eo ipso victum se esse reputat ac recognoscit: conversio enim hominis, est diaboli confusio; & iusti major profectus in charitate, est ipsius casus ac letale vulnus. *Præsens autem victoria*, vel est defensiva vel fugativa. *Defensivam* victoriam de diabolo reportamus, quando incitamentorum ejus impetum ac vim reprimimus, quâ ab eo obsidemur, circumcingimur ac oppugnamur, *suprà* actibus charitatis DEI contra eum jaculando, quamvis hoc ipso ab ejus obsessione statim non solvamur. *Fugativa* verò de diabolo victoria

ctoria tunc habetur, quando virtute divina medi-  
 antibus nostris actibus charitatis adversus eum  
 jaculatis, vim ejus non solum reprimimus sed ip-  
 sum etiam fugamus; ab obsidione nimirum eju-  
 s tentationis statim nos feliciter eliberando. Porro  
 in hujusmodi resistentia supernaturali. aliquando so-  
 let se habere voluntas nostra positivè, aliquando  
 negativè. Positivè se habet voluntas, quando per  
 actus virtutum aut charitatis ipsius in DEUM  
 elevatos, impulsus diabolicos siue solummodo re-  
 primit, siue etiam & simul fugat, ut jam dictum  
 est. Nota autem majorem illam esse victoriam,  
 quæ feliciter per actus charitatis elicitos habetur,  
 quàm illam, quæ per alios actus, aliarum virtut-  
 um reportatur: similiter etiam majorem illam  
 esse exiltima victoriam, quæ per actus intensiores,  
 quam quæ per remissiores obtinetur. Negativè ve-  
 rò habet se voluntas, quando tentationi se im-  
 pugnant, actualiter nec consentit, nec dissentit,  
 sed solummodo durante illa, convertit se ad ali-  
 as occupationes, donec impulsus ejus cessent, ac  
 suggestionis memoria de mente excidat. Differt au-  
 tem voluntas negativa in hoc à permissiva: quia  
 voluntas permissiva vel alias tacita & interpretativa,  
 advertenter connivet ac favet suggestioni aut dele-  
 ctationi suo affectu, cui alias actu ipso resistere  
 debet & potest, modo velit. Voluntas verd negativa,  
 detestatur desiderium pravam seu voluptatem in-  
 ordinatam in affectu, licet non in actu. Vel quia  
 voluntas permissiva tacito consensu habet se contra  
 peccatum. Hujus tamen voluntatis negativæ usum  
 habere



habere non licet, tentatione durante præsertim intensâ, propter aliquod periculum ruendi in consensum tacitum, nisi adsit iusta aliqua causa: qualis est *prima* major videlicet commoditas reprimendi, ac fugandi tentationem: nam sicut equus hærens in palude seu loco cænofo, & violenter ac impetuosè illinc se eliberare contendens; magis ac magis ibi infigitur: ita studiosus vitæ spiritualis, dum aliquando apprehensam tentationem violentè, turbulenter, impetuosè & indiscretè ex imaginatione aut sensualitate eijcere conatur non raro, magis ac magis illam se sibi imprimi experitur: & sicut viator, canes contra se à londè latrantes minimè vereri solet, attamen appropinquantes sibi ac se mordere enitentes, diligenter Virga abigit; sic homo disciplinæ spirituali addictus, tentationem præsertim leviter adversum se insurgentem, sufficit si negativa voluntate eludat, solo affectu spernens, & quasi non advertere eam se simulans, nisi adsit periculum consensus, ob ingravescentē ejus impulsus, tunc enim ipso actu positivo illam detestari necesse est. *2da*. causa, ob quam licet se habere negative respectu tentationis, est necessitas ac pietas. *Pr.* si cui ex officio incumbat disputare, aut in confessione audire de rebus venercis, & commodè non potest propter attentionem quam tunc illi adhibere necesse est, aliquando actu positivo insurgere contra motus carnales.

*4um.* remedium tentationis præsertim importunæ & continuæ, ac nimis molestæ est imploratio divini

divini auxilij, per ferventes orationes jaculatorias: quia (sicut ait D. Bonav. *lib. 2. de prof. relig. cap. 6.*) nec nostris meritis, nec viribus, nec prudentia possumus de tot hostibus triumphare, vel sine letali vulnere transire, nisi protecti manu DEI, & ejus adjutorio confortati. Quod quidem adjutorium suum, promisit se nobis DEUS daturum: modo illud imploremus, sicut patet *Psal: 90.* Quoniam in me speravit, liberabo eum: protegam eum, quoniam cognovit nomen meum. Clamabit ad me, & ego exaudiam eum; cum ipso sum in tribulatione, eripiam eum, & glorificabo eum. Et *Psal: 49.* Invoca me in die tribulationis; eruiam te. & honorificabis me. Unde quoq; ait S. Ephrem: Christianus inter diversas tribulationes & tentationes stet sicut incus, quæ licet semper verberatur, non tamen dat tergum, neq; concavitate for nam in se recipit, sed eadem manet. Pro munitione & castro semper Christum Dominum habeat, ad eumq; belli tempore confugiat, dicatq; Esto mihi in DEUM protectorem, & in locum refugij ut saluum me facias.

Primum remedium contra hujusmodi molestissimas tentationes, actualiter nos suis sollicitationibus infestantes ac obsidentes, est recursus ad rationes defensivas nostri, & fugativas diabolicæ calliditatis, sive nimirum per propriam, sive per alienam excogitatas industriam: quibus quidem rationibus non diabolo respondendum est, aut cum illo disputandum; sed nonnisi propriæ rationi, ac nostris dubijs & perplexitatibus, satisfaciendum; talis

enim



enim disputatio aut responsio, summopere nobis à Sanctis Patribus prohibetur, tanquam propinquissima occasio confutationis ac deceptionis nostræ, per hostis nostri astuta, dolosa, ac fraudulenta argumenta; quæ alias inexpertis & incautis nobis; potius ab Angelo lucis, quàm ab Angelo Satanae provenire viderentur. *Vel quoq;* recursus ad præsentiam divinam contuendam, ad considerationes passionis Dominicæ, mortis nostræ imminentis, iudicij divini, pænarum inferni, gloriæ cælestis, &c: *necnon* ad aliquam mortificationem intensam; modo illa non exerceatur in partibus corporis secretioribus, propter probatissimas rationes silentio involvendas. *Vel etiam* recursus ad aliqua verba Sacra Scripturæ tempore tentationis pronuntianda & meditanda; ut est illud apud D. Iacob: cap: 1. Beatus Vir qui suffert tentationem, quoniam cum probatus fuerit, accipiet coronam vitæ &c. *Vel deinde* recursus ad spirituales Magistrum, pro capi-endo ab eo consilio contra diaboli astutias, seu ad deregendum ei suggestionem diabolicam fraudulentam: propter quod probatissimum est mox diabolum fugam arrepturum, ubi suum dolum virulentum propalatum esse conspexerit. Verum ipsæ tentationes, nemini præterea, alteri revelandæ sunt nisi alias urgente gravi necessitate, viro alicui virtute probato, & experienciâ occurrendi diabolicis machinationibus insignito: nè videlicet inter utrumq; inexpertum mutui scandali ac erroris aliqua satis luctuosa consurgat occasio. *Vel tandem* recursus ad increpationem diaboli actualiter ten-  
tantis

471 *De remediis inductivæ tentationis.*

tantis exemplo Christi Domini dicentis *Matth: 4.*  
Vade satana. Idipsum faciebat David cum tenta-  
retur dicens: *Psal: 118.* Declinate à me maligni; &  
scrutabor mandata DEI mei. Et *Thomas à Kempis*  
suadet sic increpare illum *lib: 3. de imit: Christi cap.*  
*6.* vade immunde spiritus, erubescere miser: Valde  
immundus es tu, qui talia infers auribus meis &c.  
*Vel insuper* recursus ad capiendam aliquam honestam  
animi recreationem, ac spiritus exhilarationem,  
ex mutua nimirum cum fratribus colloquutione reli-  
giola. Verùm recursus, præsertim verò incipienti-  
um tempore tentationis, *utpote* humanæ à Superi-  
ore provenientis ad jocum seu risum indiscretum;  
ut sic per eum effugiatur pulsus internæ turbatio-  
nis, non placet spiritualibus Magistris: quia hoc  
modo tentatio non superatur, sed solum subterfu-  
gitur; & risus ille ac jocus in principio conversio-  
nis præpediens mortificationem internam, tandem  
aliquando vertetur in impatientiam, & furiam  
apertam.

In finem admonendi sunt incipientes, quod dum pugnant  
contra tentationes; sic hilariter ac generosè pugnent, quasi  
innox perpetuam pacem habituri quia sæpe hoc ipsum gene-  
rosius animis DEUS largiri solet. Verùm post obtentam vi-  
ctoriam. gerant se deinde cautè, quasi mox pugnatu-  
ri cogitantes dulcius sibi esse vincere tentationem, quàm sedari  
delectatione peccati: comparatione enim majoris ac infini-  
bilis dulcedinis victoriam subsequens, cum minori ac mo-  
mentanea dulcedine peccati; non autem difficultatis pugne  
cum incertitudine victoriæ, animus ad fortiter ac perseve-  
rans contra hostes spirituales pugnandum, optime  
præparatur, roboratur, & concitatur







Ut magis accendatur fervor,  
DEVOTIONIS

*Ad*

SANCTISSIMUM  
SACRAMENTVM,

Adduntur hic aliqua pro temporis  
opportunitate Vsurpanda.

Ex Revelatione S. GERTRVDIS  
ORATIONES

*Ante Communionem utiliter deservire  
possunt ad Missam.*

**M**itissime, suavissimequè JESU, ego omnium  
creaturarum indignissimus: sacratissimum cor-  
poris & Sangvinis tui SACRAMENTUM, ceu prastan-  
tissimum contra omnes corporis & animæ meæ  
miserias remedium suscipere & sumere statui, cer-  
tò confidens, firmitissimequè credens, me per hoc  
non solum meis provisorum necessitatibus; sed  
etiam tuæ supremæ Majestati, omnibusquè celo-  
rum incolis summum prastiturum beneplacitum.  
Verùm ô summa ineffabilisquè Majestas coram  
qua cæli immundi sunt, universæq; cælorum colu-

Ff

mnæ

mnæ contremiscunt, quemodò ego vilissimus terræ vermiculus, ego omnium fæditatû miseriarumquæ sentina, te totius puritatis fontem in tam immundum cor meum suscipere audebo? Quomodò præsumam te in tale cor introducere, quod undiquæ spinis & tribulis peccatorum consitum, tamquæ tetro carnalium & mundanorum desideriorum fatore refertum est? Quare ô pijsime amator meus, erubescō nimis coram te, vereorquæ nimis; ne magna te afficiam contumeliâ, si te in tam sordidum majestatiq; tuæ tam indignum introducām cœnaculum, At ô JESU benignissime, qui ore tuo dixisti, non est opus valentibus medicus, sed malè habentibus, quiq; cæcos & claudos, pauperes ac debiles ad cœnam tuam invitasti, ecce ego quasi unus ex illis, imò pauperrimus & miserrimus inter omnes illos, non ex præsumptione, sed ex humili piaq; confidentia ad sacratissimam corporis & sanguinis tui cœnam accedam.

De omnibus ergo & singulis peccatis & negligentijs meis quibus dulcissimam benignitatem tuam unquàm offendi & contristavi, atquæ animam meam tam fætentibus sordibus inquinavi, amore tui vehementissimè doleo. O utinam & millicies utinam totum mare versum in sanguinem ducere possem per caput meum, ut vel sic mundaretur sentina extremæ vilitatis meæ quâ tu finis meus inexcogitabilis dignitatis inhabitare elegisti. O utinam & milles utinam cor meum extractum à corpore daretur mihi candentibus carbonibus frustratim adeò examinandum, ut decocta ad purum scoria ejus, etsi non dignam, non tamen tam nimis



mis indignam tibi præbere possem mansionem.

Sed quid valet me multùm anxiasi, cum etiamsi mille anni studio meo relinquerentur, nequaquam tamen me decenter præpararem, cùm ex me nihil omnino habere queam, quod aliquò modò valeat ad tam sumptuosam præparationem. Unde amantissime JESU, in humilitate cordis mei procidens ad terram exoro clementiam tuam, ut me præparare digneris, quo ad laudem tuam, & profectum universitatis cælestibus epulis dignè possim participari. Piissimæ pietati tuæ offerro & præbeo totam substantiam meam, desiderans & orans, ut ipse tibimet in me præpares quidquid tuam divinam in me summè delectare possit benignitatem, Offerro & præbeo tibi, amator prædulcissime, integra voluntate totum cor meum, orans, ut abluas illud in virtuosa aqua sanctissimi Lateris tui, & decentissimè illud exornes in pretioso sanguine dulcissimi cordis tui, ac tibi convenientissimè coaptas in aromatico vapore divini amoris tui, Amen,

### *Ad Omnes Sanctos.*

**O** Vos omnes Sancti DEI, maximè verò vos dilectissimi Patroni mei, ex intimo cordis affectu saluto & veneror vos. Adoro & benedico immensam bonitatem & dignationem semper venerandæ TRINITATIS pro omni gratia, quæ ex ipsius supereffluentia abyssali unquam defluxit in salutem vestram; supplicans omnibus communiter & singulis singulariter, ut quilibet vestrum ad sacrificium fulgidæ semperq; tranquillæ TRINITATIS

in supplementum negligentiarum, & indignitatis  
meæ offerre dignetur omne studium & præparati-  
onem, quâ die Assumptionis vestræ præfectissimè  
consummati, conspectui gloriæ Domini assistitis  
æternis præmiis remunerandi, Amen.

*Ad Beatam Virginem.*

**C**ASSIMA VIRGO MARIA, rogo te per illam  
innocentissimam puritatem, quâ Filio DEI  
in utero tuo virginali placitam mansionem præpa-  
rasti, ut tuis precibus ab omni macula merear  
emundari.

Humillima VIRGO MARIA, rogo te per pro-  
fundissimam illam humilitatem, quâ super omnes  
choros Angelorum & Sanctorum meruisti exalta-  
ri, ut tuis precibus suppleantur omnes negligen-  
tiæ meæ.

Amabilissima VIRGO MARIA, deprecor te per  
amorem illum inæstimabilem, qui te inseparabili-  
ter DEO conglutinavit, ut tuis precibus præstetur  
mihi copia diversorum meritorum. Amen.

*Ad CHRISTUM.*

**A**MANEISSIME Domine JESU, per amorem dul-  
cissimi cordis tui deprecor, ut tu ipse pro me  
offerre digneris perfectionem illam, quâ in horâ  
Ascensionis tuæ paratus assististi DEO Patri ad su-  
scipiendam glorificationem: sordidamq; animam  
meam per tuam innocentissimam humanitatem  
reddere puram & ab omni peccato immaculatam:  
& per excellentissimam divinitatem tuam omni-

gena



gena virtute ditatam & ornatam : nec non per  
virtutem amoris illius , qui summam Divinitatem  
conjunxit cum immaculata tua humanitate , eam  
omnibus donis tuis convenientissimè adaptate di-  
gneris ; Amen.

## O R A T I O

*Ante Communionem vel Missam.*

**O** JESU millies desideratissime ecce nunc ap-  
propinquat hora, hora inquam illa felicissima,  
quâ te DEUM meum in animam meam susce-  
pturus sum : Ecce JESU amabilissime cum sum-  
ma quâ possum devotione & reverentia venio ad  
te, & vado in occursum tui. Extende igitur sa-  
cratissimas manus tuas ad amplexandam animam  
meam, sicut easdem perforatas manus inter maxi-  
mos mortis dolores ad amplexandos omnes pec-  
catores extendisti. Ego, ô mi JESU crucifixe,  
non solum manus meas, verum & cor & animam  
meam ad te amplexandum, & in cordis mei pene-  
trale introducendum extendo. **O** utinam talem  
ac tantam devotionem, talem ac tantum amorem,  
talem ac tantam munditiem, quâ ullum unquam  
humanum cor ornatum fuit, in me haberem. **O**  
utinam & millies utinam omni virtute, omni de-  
siderio, omniq; devotione repletus essem. **O** uti-  
nam & millies utinam omnium Angelorum puri-  
tatem, omnium Apostolorum charitatem, omnium  
Martyrum merita, omnium Confessorum sancti-  
tatem, omnium Virginum haberem puritatem &  
munditiem. **O** utinam & millies utinam tali de-

votione, reverentia & amore te possem suscipere, sicut Beatissima V.M. tua te in tua incarnatione, & postmodum in SACRAMENTO suscepit. O utinam & millies utinam tuum sacratissimum ac divinissimum cor haberem, ut teipsum in illud ipsum tali, quo dignus es, modo suscipere possem.

Offero tibi, JESU dulcissime in condignam præparationem animæ meæ, & in suppletionem omnis indignitatis omniumq; negligentiarum mearum. universas præparationes, devotiones, affectus & amores, quos omnes Sancti tui, maxime verò Beatissima V. Mater tua te in hoc SACRAMENTO susceperunt. Offero tibi, JESU Sacratissime, tuum superdignissimum cor, omnesque supercælestes virtutes & gratias, quas beatissima TRINITAS in idipsum superabundantissime contulit, ut ipsdem, abyssalis illa vilitas & indignitas mea contegatur, tibiq; in anima mea dignissimū, placidissimumque habitaculum præparetur.

### INVITATIO JESU.

**O**JESU superdulcissime, qui ipsemet dixisti, delicias tuas esse cum filiis hominum, te desiderat anima mea, te affectat cor meum. Invito te igitur tali devotione & amore, quali ulla unquam amantissima anima Te, ad se invitavit Veni ergo dilectissime Sponse animæ meæ, veni dilectissime amor animæ meæ, & diverte in pauperculum diversorium cordis mei. Veni cœlestis Medice, veni & sana infirmam animam meam: veni amice millies dilectissime, & dita extremam paupertatem meam.

Veni



Veni Sol amabilissime, & illumina densissimas tenebras animæ meæ. Veni Manna suavissimum, & satura nimiam esuriem meam. Veni JESU delectabilissime, veni dilecte votorum meorum, veni & cœna mecum in exili canaculo cordis mei. Et licet nihil, quod divinam tuam possit concedere magnificentiam, præparaverim; invenies tamen integram parvam bonâ voluntatē, summoque in te affectu refertissimam.

O unice amor meus, summô tui teneor desiderio; summoque te præstolor amore. O speciosissime inter filios hominum; o fons superfluentis dulcedinis; o suavissima suavitas omnis delectationis, veni ad me, & spernas pauperculum servum tuum.

*Hic cum Sancta Gertrude libro 4. capite 23. osculans terram vel Imaginem Christi dic:*

O JESU amantissime, ex intimo cordis affectu te deosculans, rogo cum affectu omnium orationum, quæ unquam de corde tuo dulcissimo profluxerunt, ut ad hospitium cordis mei digneris declinare.

*Iam accessurus dic quod Christus Sanctam Gertrudem libro 3. cap: 28. docuit.*

Ecce Domine, ego vilis peccator, pauper, malus & indignus venio ad te superfluentem abyssum pietatis, ut laver ab omni macula, & replear omni gratia.

*Sequentia verba dic cum magno affectu, quod Christus docuit S. Gertrudem libro 2. capite 19. quod qui tali intentione ad Communionem accederet, nunquam indignè accedere posset.*

Et licet sciam me extremè indignissimum, limò

execrandum & abominandum peccatorem, de ineffabili tamen pietate tua confusus, eo modo & intentione ad hanc sacratissimam corporis & sanguinis tui participationem accedo ut amore, amoris & gloriæ tuæ parui perdam (etiamsi possibile esset) quod magnam damnationem mihi in SACRAMENTO sumerem, ut tantummodo divina pietas tua magis clarescat per hoc, quòd te tam indigno non dedigeris communicare

*Dum flectu in scamno communicantium, indefinenter suspira ad dilectum tuum dicens:*

Veni bone JESU, veni Sponse animæ meæ: & in illo amore, quò intrasti in uterum VIRGINIS, intra in pauperculum cor meum, &c.

*Post Missam vel post Communionem.*

**O** Bone JESU, ô dulcis JESU, ô amabilissime JESU, ô JESU unica salus & consolatio mea. Et unde mihi hoc, quòd venias ad me, atquè in immundissimum cor meum nimis sordibus & peccatis iniquitarum intrare non refugas. Benedictus sit adventus tuus, & benedicta sit dulcedo amoris tui, quæ te induxit me pauperculum visitare. Cum summa humilitate profundissimaq; reverentia proci-dens, sacratissimosquè pedes tuos exosculans adoro te, humillime rogans, ut ignoscas mihi, quòd cum tanta negligentia, distractione & indevotione (*Sacerdos addat: sacro altari tuo astiti, tam irreverenter te tractavi*) tamq; indignè te dominum meum suscepi. Ignosce mihi JESU benignissime, & per saluberrimam mortem tuam dele iniquitatem hanc maximam, & quidquid per me neglexi,

tu



tu per te supplere dignare. Obsecro igitur, digneris hanc meam Communionem (hoc meum sacrum) in cor tuum suscipere, atque in illo amore & virtute, quâ Teipsum in cruce obtulisti, DEO Patri offerre.

Et nunc, ô bone JESU, offero & præbeo tibi indignissimum cor meum, orans, ut abluas illud pretiosissimâ illâ aquâ, quam divinus amor ex nobilissima rosa dulcissimi cordis tui in fornace amoris eduxit: illudquè aspergas & confortes suavissimô illô vinô sacratissimi sanguinis tui, quod torcular Crucis è botro divini pectoris tui expressit. A.

## O B L A T I O

### *Ad DEUM PATREM*

*Cujus efficaciam verbis vix exprimes.*

SANCTissime Pater, ecce ego indignissimus famulus tuus, confidens de tua ineffabili pietate, suscepi dilectum Filium tuum Dominum nostrum JESUM Christum eumquè in pectore meo tanquàm rem meam mihiquè conjunctam adhucdum contineo. Illum ergo Filiû tuum in modû Sanctissimæ V. M. in ulnas meas suscipiens, offero tibi tali affectu & intentione, quali semetipsum ad laudem tuam obtulit jacens in præsepio, & pendens in cruce. Respice pie Pater ad hanc oblationem, quam ego indignus famulus tuus offero tibi Deo meo vivo & vero ad æternam laudem & gloriam, infinitumq; beneplacitum tuum.

Offe-

Offero tibi eundem pro me, & pro omnibus ijs.  
pro quibus soleo & teneor orare: in gratiarum ac-  
tionem omnium beneficiorum nobis collatorum,  
in suppletionem omnium virtutum bonorumque  
operum, in quibus ex mera negligentia nos exerce-  
re negleximus. Ad impetrandam gratiam & mise-  
ricordiam tuam, quæ nos à malis & peccatis præ-  
seruet ac eruat; in omni corporis & animæ neces-  
sitate assistat, & per felicem obitum ad gaudia  
perducatur æterna. Demum offero tibi illum ipsum  
pro remissione peccatorum meorum, quorum mul-  
tudo ultra decem milia talenta excrevit, &  
satisfactione pœnarum, pro quibus exsolvendis  
cum longè sim impar, ideo humiliter tibi proci-  
dens, confiteor tibi Pater benignissime, in amari-  
tudine passionis innocentissimi Filij tui (in quo  
tibi summè complacere testatus es) & per ipsum  
exhibeo tibi emendationem & satisfactionem  
pro peccatis meis offerens tibi pœnas & lachry-  
mas ejusdem, omnemq; satisfactionem quæ ipse in  
cruce universa mundi peccata expiavit.

**M**Emento etiam Domine famulorum famularum  
quætuarum, qui nos præcesserunt cum cum signo  
fidei, & dormierunt in somno pacis, pro quibus o-  
mnibus & singulis (*maximè pro NN.*) offero tibi  
salutarem hostiam corporis & sanguinis Filij tui  
quam modò suscepi: rogans, ut per ejusdem infi-  
nitum valorem, perq; merita omnium Sanctorum  
peccata eorum condones, & à pœnis eos clemen-  
ter absolvas, Amen.

Obla-



Daniel Nowicinski  
32 October 1923. Legation  
Tadoushiki  
w  
8  
1  
8  
tr  
r  
n

Daniel Nowiclus

Daniel Nowiclus

6412

**C**or meum & anima mea: cum totâ substantiâ  
carnis meæ, omnibusq; sensibus & viribus cor-  
poris & spiritus mei, cum universitate totius crea-  
turæ laudes & gratiarum actiones dicant tibi, dul-  
cissime JESU, fidelissime amator humanæ salutis  
pro dignantissima misericordia tua, quam mihi  
servorum tuorum indignissimo in hoc SSS. corpo-  
ris & sanguinis tui convivio exhibuisti, O dul-  
cissime DEUS, licet omnia & singula momenta  
vitæ meæ nonnisi continuæ gratiarum actiones,  
essent, non tamen responderem tibi unum pro mil-  
le. Idedò insufficientiam meam agnoscens offero  
tibi ô Beatissima TRINITAS omnes illas laudes &  
gratiarum actiones, quas sacratissima humanitas  
Domini nostri JESU Christi toto tempore vitæ  
suz, maximè cum hoc SACRAMENTUM instituit, ti-  
bi persolvit. Suscipe, ô pie Pater, & illas, tibi  
offerò gratiarum actiones, quas B. V. MARIA,  
omnesq; Sancti & Sanctæ DEI tibi unquam, ma-  
ximè cum hoc SACRAMENTUM susceperunt, toto  
cordis ac mentis affectu persolverunt: & concede  
propitius, ut omnis mea insufficientia & negligen-  
tia, eorum abundantia, & perfectione suppleatur,  
Amen.

*Conclusio longè efficacissima. Ex S. Gera-  
rud: libro 5. capite ultimo.*


**H**oc igitur SS. SACRAMENTUM ô Christe JESU,  
quod ex intimis tui amorosi cordis produxit  
efficax dulcor tuæ investigabilis divinitatis, quod-  
que mihi tam benignè modò communicasti, offero  
tibi



tibi ex affectu totius universitatis, in unione illius  
excellentiſſimæ charitatis, quâ Tu altissimi Patris  
Unigenitus omnem influxum divinitatis, qui in  
tuam deificatam humanitatem descendit, cum ple-  
na gratitudine offerens, refudiſti in abyſſum origi-  
nis tuæ, Orans cum deſiderio & affectu omnium  
creaturarum, ut ipſum tibi intrahas per affectum  
ſuaviſſimi ſpiritus tui in laudem æternam, immen-  
ſam & incommutabilem, quam inſcrutabilis ſa-  
pientia tua altiffimè cognoscit ſuperexcellentem.  
DEI Patris Omnipotentiam concedere, ac inæ-  
ſtimabiliter ſuaviſſuam ſpiritus Sancti benevolen-  
tiam oblectare. Nec non & in plenè ſufficientem  
gratiarum actionem omnis boni & gratiæ, quam  
per idipſum operatus es, & in æternum operaberis  
in corde & anima ipſum recipientis. Item & ad  
dignam emendationem omnium in quibus negli-  
gentius ſtudium, præparatio & devotio mea omiſit  
idipſum dignè ſuſcipere. Et demum in ſummam  
gratiarum actionem, quod incomprehenſibilis bo-  
nitas tua, me extremæ vilicitatis vermiculum ad-  
mittere dignata eſt ad regale convivium cæleſtium  
deliciarum tuarum. Pro quo cum in nullo parvi-  
tas mea tibi reſpondere poſſit, offero tibi cor tu-  
um dilectiſſimum ac unicè digniſſimum in ea di-  
gnitate, quâ plenum eſt divina gratitudine, ac o-  
mnimodæ beatitudinis perfectione ſuperexcellens  
in perpetuum, Amen.

## DISPOSITIO Ad MISSAM,

*U Communionem Ex Patre Druzbiccio.*

I.  Sanctiſſima TRINITAS DEUS meus,  
ego

ego quantum ex gratia tua possum, volo & conor me disponere tam sequentibus, quam totius vitæ meæ actionibus & passionibus ad Sanctissimum Filij tui Sacrificium offerendum, Sacramentumque sumendum quam dignissime, tamen diffido prorsus omni meæ dispositioni, & à te solo disponi, meæque dispositioni benedici peto, desidero, & spero, non propter bonum meum, sed purè propter Dignitatem, Voluntatem, & Voluptatem tuam majorem ac majorem. Tu ergo dispone me, propter Te, digne Te, ad hoc, & ad omne Sacrificium Sacramentumq; tam mea quam tua dispositione, sicut potes, scis, & vis, ego tamen volo, cupio, & propono tuum ô DEUS explere gustum, hoc præsentis Sacrificio, tam ex opere operato, quam ex opere operantis, tam in Persona Christi, quam in mea persona propter Te, ideo toto meo conatu, desiderio, fervore, volo evincere omnem præteritam devotionem meam & alienam, totoq; omnium Electorum, & Sanctissimæ V. Matris ac tuo JESU mi Theandrico fervore inardesco, tam ad hoc quam ad omne Sacrum, ejusq; fructus obtinendos, augendosq; propter Te.

2. O Domine DEUS meus Unus in Sanctissima TRINITATE Pater Fili & Spiritus Sancte, coram tua Divina Majestate, doleo pro peccatis meis omnibus & singulis; & doleo quia tu vis, & dignus es ut doleam, & quia displicent, repugnantq; Bonitati tuæ, quam amare super omnia, æstimareq; debui, & nunc æstimo, æstimareq; semper deinceps volo sicut etiam volo pro iisdem peccatis meis satisfacere juxta mentem & gratiam tuam,



tuam, ab illisq; semper diligenter cavere, quem contritionis atq; amoris tui actum offero Majestati tuæ ad beneplacitum tuum, ad fructum animæ meæ, ad disponendum me digne immolando Sacrificio, & sumendo SACRAMENTO tuo Sanctissimo ad quod accedere propono.

3. Domine DEUS volo & statuo tibi offerre omnia Sacrificia, quæ vis & scis à me tibi offerenda, & quantum est ex me, etiam ab alijs tibi unquam oblata & offerenda, præcipuè istud hodiernum Sacrificium tibi offerre intendo, omni ea ratione, modo, gradu, intellectione, applicatione, sublimitate, intensione, extensione, excellentia, motivo, puritate, ac dispositione, qua tu scis, vis, das, juxta gustum voluntatis tuæ posse tibi offerri & applicari. Offero tibi Domine DEUS tam hoc, quam omne aliud Sanctissimum Sacrificium, quod tibi ritè offertur & offeretur unquam à me vel ab alijs, ad omnimodam laudem tuam, ad gloriam Christi, & ad memoriam Passionis & mortis ejus, ad cultum & invocationem Sanctissimæ Virginis Mariæ, & Sancti JOSEPHI Sponsi ejus, & Sanctorum Patronorum meorum, ac illorum qui gratia devotionis & reverentiæ ad Sanctissimum Sacrificium Sacramentumq; excelluerunt, & omnium Sanctorum. Ad auxilium Ecclesiæ tuæ, ad ejus defensionem, instructionem & profectum, ad multiplicationem & augmentum in ea bonorum ac justorum, ad aversionem calamitatum publicarum diminutionemq; peccatorum & peccantium, ad sublevationem necessitatum nostrarum spiritualium.

um & coporalium, omnibus in genere & in specie  
benedic Domine juxta cujusq; indigentiam.

4. Memento Clementissime DEUS fidelium  
vivorum & mortuorum præsertim eorum pro quo-  
bus orare soleo, debeo, intendo, qui pro me orant,  
quibus specialiter obligatus sum, Ut sunt Amici,  
Benefactores mei omnes privati & communes, &  
illis qui mihi sunt infensi, inimici, adversarij, &  
quos ego læsi vel injuravi, & pro quibus tu à me ora-  
ri vis, omnibus his valorem Sacrificij hujus dispen-  
sa juxta gustum voluntatis tuæ, ac debitum Volun-  
tatis meæ. Da Domine DEUS Sanctificationem  
Nominis tui, Sanctorum laudem, Ecclesiæ vivorum  
exaltationem, per omnes gradus & status gratiam  
& auxilium, animabus purgatorij solatium & refri-  
gerium, & mihi omne cujus capax sum (sine ali-  
orum damno) meritum gratiæ actualis efficacis &  
congruæ, ac in Sanctitate profectum & finalem per-  
severantiam juxta proportionem operis operati, &  
operis operantis, & juxta impetratoriæ ac satisfac-  
toriæ efficacitatis latitudinem, secundum magnam  
misericordiam tuam.

5. Hoc sine advoco DEUS meus tuam Unitatem  
in Substantia, & Trinitatem in Personis, advoco  
tuam dignitatem omnipotentiam, Sapientiam, Bo-  
nitatem, justitiam, charitatem providentiam vo-  
luntatem ac omnitudinem tuam, advoco JESUM  
Christum tuum & Sanctissimæ Virginis Filium,  
cum omnibus ejus Substantijs gratijs, meritis do-  
nis, passionibus, Virtutibus, prærogativis & Per-  
sona, in specie verò advoco illum ut est Sacrifici-  
um nostrum pro nobis in honorem tuum Domine

Dens



DEUS noster, & quatenus est Sacerdos Altare, & Hostia vera, te digna. Advoco Beatissimam VIRGINEM MARIAM. Omnium Sanctorum Regiam cum tota prerogativarum ejus mensura quam apud te habet. Advoco Angelos & Sanctos omnes, eorumq; gratias, merita, virtutes & glorias ac intercessionem apud te. Advoco Sanctos Sacrificio Sanctissimo specialius ac insignius devotos. Advoco Sanctos omnes hujus loci & templi quacunq; ratione Patronos, omnes Sanctos quos Ecclesia in Sacrificio Missae ordinarie ac nominatim invocatur. Advoco Sanctos omnes die hodierna in Martyrologio, relatos & quos Ecclesia hodie recolit. Advoco Sanctos quorum Reliquiae sunt in Altari & apud me. Advoco Sanctos meos Patronos electos vel quavis ratione mihi congruos ex speciali devotione mea erga illos, illorumq; affectione erga me, praecipue istos NN. hos omnes & alios, quos tuo divino beneplacito mihi auxiliares esse placet invito & invoco tota devotione mentis, tota prostratione cordis, tota fidei, spei, & amoris latitudine, ad gustum tuae Voluntatis ad solam tuam gloriam, ad solam tuam dignitatis exaltationem & Sanctificationem. Hoc volo spero & rogo, ut sic disponar dignissime ad sacrificandum & consecrandum, ac sumendum Corpus & Sanguinem Domini nostri JESU Christi in hac efficacia proportionem, intentionem, extensionem, in eo gradu, sicut tu DEUS scis, vis, & dignus es.

*Post Missam Vel post Communionem.*

**D**ulcissime Hospes animae meae Domine JESU Christe, pro eo affectu & charitate, qua hoc

Sacrificium & SACRAMENTUM instituisti, & me ad illud peragendum sumendumq; admisisti, immensas gratias tibi ago, & deprecor, quod non cum debita præparatione, puritate, humilitate, devotione ac amore, ad tantum Mysterium accesserim, omnem porro defectum in ejus oblatione ac sumptione commissum dele ac remitte supplendo hos defectus commissionis ac omissionis, actibus tuæ profundissimæ reuerentiæ, ac intensissimæ charitatis, quos tu ipse circa hoc Mysterium exercuisti, & quos unquam ex dono tuo servi tui omnes huic misterio addictissimi exercuerunt, exercent, exercebuntq; ad finem sæculi; hos omnes ego jam nunc in sua latitudine, & omni circumstantia tibi placita, tuis Theandricis actibus unitos offero tibi pro me, per Te, Sanctissimæ TRINITATI, in supplementum omnium quæ mihi defuerunt, simul peto removeri à me omnia impedimenta fructuum & gratiarum sacrificij sacramentiq;. Introtrahe mi JESU totam hanc meam hujus Sacrificij actionem in cor tuum amabile, illamque meritis tuis dignificatam offer in gratiarum actionem satisfactionem, & impetrationem aliosq; fines tibi placitos præcipuè ad gustum Patri æterno, tibi & Spiritui Sancto, & ad incrementum specialis gloriæ Sanctissimæ V. Matris tuæ, ac Beatissimi JOSEPHI Nutrij tui, & omnium Sanctorum Patronorum hujus Misterij regnantium in Cælo, augmentum vero in terris adhuc degentium. Uni me tecum JESU mi, amore indissolubili, Transforma me totum in Te. Accende me dulcis JESU, Charitate tuâ Seraphicâ, peto id per Cor & Animam



mam Dilectricis Tuæ Sanctissimæ VIRGINIS MA-  
 TRIS tuæ MARIÆ quæ te incarnatum prima.  
 & principaliter & maxime dilexit, & in SACRA-  
 MENTO dignissime amavit, honoravit, & suscepit,  
 peto id per te ipsum, & intercessionē Omnium San-  
 ctorum tuorum. Dulcissime JESU Te in me re-  
 aliter concomitante Sanctissima TRINITATE,  
 præsentem credo, amo, æstimo, adoro, & veneror  
 toto me, tota anima, totis Viribus internis &  
 externis, toto corde, tota memoria, toto intelle-  
 ctu tota Voluntate, industria, ingenio, capacita-  
 te mea. Credo, amo, adoro, Te mi JESU cum  
 Sanctissima TRINITATE in me realiter  
 præsentem toto Universo, & omnibus atomis U-  
 niversalizatis. Amo, æstimo, & adoro Te toto  
 Cœlo, igne, ære, aquâ, terra, & omnibus quæ in his  
 continentur. Amo, æstimo, adoro Te, tota San-  
 ctissima VIRGINE MARIA MATRE tua, totaq;  
 curia cœlesti, Sanctis, Angelis, Archangelis, Vir-  
 tutibus, Principatibus, Potestatibus, Dominati-  
 onibus, Thronis, Cherubinis, Seraphinis, Apo-  
 stolis, Patriarchis, Prophetis, Martyribus, Do-  
 ctoribus, Confessoribus, Virginibus, Viduis, Om-  
 nibusque Sanctis, tota æternitate: Humilio me  
 JESU mi coram Te, & coram Sanctissima  
 TRINITATE in me præsentem toto me, usq;  
 ad Inferos, infra bruta, & infra nihili centrum.  
 Benedico Te JESU mi cum Sanctissima TRI-  
 NITATE in me præsentem laudibus & be-  
 nedictionibus omnium Sanctorum, VIRGINIS  
 MARIÆ, tuæ pretiosissimæ Humanitatis ac  
 Divinitatis, & Dignissimæ TRINITATIS

Tibi mi JESU omnes actiones & passiones  
totius Vitæ & Substantiæ meæ, ac omnium cre-  
aturarum Unitas toti Vitæ Tuæ, in realem, ver-  
balem, cordialem, præteritam, præsentem, futu-  
ram, incessabilem, omnimodam, possibilem, in-  
finitam gratiarum actionem, laudem, amorem,  
adorationem, exaltationem, tibi offero, dono, tra-  
do. Mi JESU confiteor & commendo tibi, om-  
nēs meas necessitates naturales & spirituales,  
præsentēs & futuras, præcipue extremam in mor-  
te mea, item commendo tibi necessitates totius  
Ecclesiæ, Regni hujus, Religionis nostræ, Superio-  
rum, Personarum locorum laborum, officiorum,  
tribulationum, tentationum, & quas tu optime  
nosti, item cognatorum & amicorum privatorum  
& communium, Benefactorum omnium privato-  
rum & communium, omnium quos læsi & inju-  
ravi aliquando, & qui me læserunt aliquo modo,  
Omnium in agone mortis existentium, omnium  
Animarum in Purgatorio, item Omnium Vivo-  
rum & mortuorum quos Tu JESU mi, scis,  
potes, & velis adjuvare. Deprecor te Dulcissime  
JESU, quod negligenter & frigide Te tra-  
ctaverim, & per tuam ineffabilem pieta-  
tem, supple meos defectus, sicut scis & po-  
tes ad majorem tuum gustum &  
honorem, Amen.

*Reliqua Vide in Missica*





Manus Religiosa seu  
Manuale Religiosorum  
Grieco S. Bonaventura  
ex sacra scriptura collegit, ac no-  
vis Religiosis proposuit observandum.

Sicut Scientiae ac doctrinae com-  
plures, quo facilius inducantur, ha-  
bent suas Isagogas, velut prima rudi-  
menta, quae suis candidatis ad  
altiora viam monstrant, ita noster  
Ordo Seraphicus quinque periodos, seu  
quoddam elementa suis Novitiis ab  
initio tradit: quae dum ipsi mente  
quasi manu tenuerint, paratiores  
fient sublimiora pietatis et virtu-  
tum studia capessenda.

Digitus Im. Ad quid venisti?

1. Non velle meum facere.
3. Panotamque crucem tollere.
4. Et in dies proficere.
2. Sed passiones vincere.

Dign. Quid ad te?

Defectus vides? quid ad te?

Qui stas, cura non cadere.  
Atten e tibi, nosce te.  
Mitumque Regem sequere.

III. Est mea culpa.

Si cupis esse amabilis?  
Patere culpam jugiter.  
Seuator es. Humiliter  
Dio feruus sum inutilis.

IV. Libenter.

Omne quodcumque facitis  
Fideliter ex animo  
Hominiбус et Domino;  
Non forvientes oculis.

V. Deo gratias.

In omni, quod obvenierit,  
Laudate semper Dominum  
Bonum malumve fuerit  
Hunc solum spectata terminus

I. Monet ut meminerimus illius di  
in qua egressi sumus de Aegypto etc



alacriter ad terram promissam cunctos  
de transitu nos faciamus reditam.  
Sed affectibus, quasi Regibus Chanaan ac  
eorum superatis in victoribus proci-  
piamus, quod Religio forum omnium  
vocatio origo.

¶ Insinuat nobis, ut si quis humani  
in statum grege contingat, non mo-  
veamur: Nam in quocunque angulo  
cum se quis abiderit in hoc mundo  
inveniet homines eam variis defecti-  
bus. Duo igitur nos sunt observan-  
da. Primum nos ipsos ut penitus in-  
spiciamus, alterum ut Christum, in-  
tatis dulcem aspiciamus, quem secula  
re imitari possumus.

¶ Praeparat nos ad humilitatem,  
omnium Virtutum Matrem. Quoties  
in multis deficiamus omnes, saepe humi-  
laci-mus, et tam enixos virtutem  
sequimur, ut sufficientes non finis, boni  
aliquid cogitare a nobis quasi o nobis.  
Atque etiam bona, si quae videmus querari  
ut plurimum coram Deo bona non  
sunt. Quod cum studiose consideramus





sideremus, non facile extollemur, indignitatem propriam agnoscentes.

4. Reddit nos DEO & hominibus longe gratissimos, quando id quod præcipitur faciendum non tergiversando vel dissimulando lubenti animo facimus, cogitantes oculum Divinæ Majestatis nunquam dormire, sed intueri omnia, in cujus gloriam universa agenda docente Apostolo didicimus.

5. Deducit ad omnium actionum metam DEUM, in quo tranquille quiescimus, ab eo ducimus Originem, ad eum properamus omnes. Etenim ipse est Alpha & Omega principiū & finis, ad quem in omnibus velut unicum scopum collimare debemus. Faxit Dominus JESUS ut hunc ipsum attingamus & æterna præmia consequamur Amen.

### *S. Bonaventura Oratio quotidiana.*

**O** Domine JESU Christe, cor meum tuis Vulneribus Saucia, & tuo Sangvine inebriam mentem meam, ut quocunq; me vertam, Te semper videam Crucifixum; & quidquid aspexero, tuo Sangvine mihi appareat rubricatum. Ut Sic totus tendens in te, nihil inveniam & amen præter te, nil valeam intueri, nisi te Vulneratum; hæc sit mihi consolatio tecum pati & mori, hæc sit mihi afflictio extra te in aliquo delectari, non quiescat cor meum Bone JESU, nisi in Vulneribus tuis, hic suum terminet appetitum, donet amore tui finiat vitam suam. Ducissime JESU, da mihi gratiam digne serviendi Sanctissimæ Virgini Mariæ Matri tuæ Amen.

Eius.

## Ejusdem S. Bonaventuræ

### Salutatio Vulnerum Christi.

**A**ve Vulnus lævæ plantæ, Quæ virtutum crescunt plantæ.

Nos ab hoste supplantante, Tu defende post & ante,  
Pater & Ave Maria &c.

Ave Vulnus dextri pedis, Sedem mentis piæ lædis.  
Dum ad eam sæpè redis, Esto nobis spes mercedis.  
Pater & Ave Maria.

Ave Manus Christi læva, sic confixa manu sæva,  
Nos ab omni malo leva, Quod causavit Mater Eva.  
Pater & Ave Maria &c.

Ave Manus dextra Christi, Perforata plagâ tristi,  
Nos ad dextram iube sisti, Quos per Crucem redemisti.  
Pater & Ave Maria &c.

Ave Latus perforatum, Unde fluxit flumen gratum.  
Præbe nobis conducatum, Ad æternæ Vitæ statum.  
Pater & Ave Maria &c.

℣. Vulneratus es propter iniquitates nostras.  
℟. Attritus es propter scelera nostra.

**D**omine JESU Christe, qui pro salute huius  
generis quinq; Vulnera in Cruce pati  
voluisti, tribue quæsumus, ut ob reverentiam  
vulnorum Vulnerum absolvi merear ab omnibus  
peccatis meis, & præsentem vitam bono fine  
terminare in ferventi amore tui, ut sic tuam  
suavissimam Visionem assequar, Intercedente  
Beatissima V. Maria Matre tua cum  
omnibus Sanctis, Amen.





quid est homo



785801 Bibliotheca 400,-  
P.P. Camaldulensium in Bielany

Depozyt w Bibliotece Jagiellońskiej



06500

J. I. 30

## Ejusdem S. Bonaver

### Salutatio Vulnerum Ch

**A**ve Vulnus lavæ plantæ, Quæ v  
cunt plantæ,

Nos ab hoste / pplantante, Tu defend

Pater & Ave I

Ave: Vulnus dextri pedis, Sedem me

Dum ad eam sapè redis, Esto nobis sp

Pater & A

Ave Manus Christi lava, sic confixa

Nos ab omni malo leva, Quod causavi

Pater & Ave I

Ave Manus dextra Christi, Perforata

Nos ad dextram iube sisti, Quos per C

missi. Pater & Ave M

Ave Latus perforatum, Unde fluxit flur

Præbe nobis conducatum, Ad æternæ V

Pater & Ave M

✠. Vulneratus est propter iniquita

✠. Attritus est propter scelera ne

**D**omine JESU Christe, qui pre

mani generis quinq; Vulnera in Cruce pati

Voluisti, tribue quæsumus, ut ob reverentiar

tuorum Vulnerum absolvi merear ab omnibus

peccatis meis, & præsentem Vitam bono fine

terminare in ferventi amore tui, ut sic tuam

suavissimam Visionem assequar, Intercedente

Beatissima V. Maria Matre tua cum

omnibus Sanctis, Amen.





*quid est homo*



785801 Bibliotheca 400,-  
P.P. Camaldulensium in Bielany

Depozyt w Bibliotece Jagiellońskiej



06500

7.1.30

# Ejusdem S. Bonaver

## Salutatio Vulnerum Ch

**A**ve Vulnus lāvæ plantæ, Quā v  
cunt plantæ.

Nos ab hoste supplantante, Tu defend  
Pater & Ave I

Ave: Vulnus dextri pedis, Sedem me

Dum ad eam sæpè redis, Esto nobis. C  
Pater &

Ave Manus Christi lāvæ, sic con

Nos ab omni malo levæ, Quod ca  
Pater &

Ave Manus dextra Christi, P

Nos ad dextram iube sisti, Qu  
misti. Pater

Ave Latus perforatum, Und

Præbe nobis conducatum,  
Pa

✠. Vulneratus est p

✠. Attritus est p

**D**omine JESU

mani generis o

Voluisti, tribue

tuorum Vulneru

peccatis meis,

eminare in

suavissimam

Beatissima V.

omnibus Sa





qui est homo  
quia Magni  
ficatus  
aut

et Rayllie  
1 leve et reve

Rogus Regis

Frater And: Sancti Petri

Francisci

